

﴿تاریخ امنیه﴾

ملا موسی بن ملا عیسی سیرامی ننگ تالیفی

—
قصه

آدم ثانی نوح نبی الله دین بو دمغچه بو مغواستان یورقی ویته
شهر احوالاتی و واقعات لاری و قیس طایفه حکمرانی و مغولیه تسمیه
قیلماق غه سبب و باعث نه ایرکانی و مسلمان خان لار نسبی و خاقان
چین بو یته شهر اهلی غه اسمیلا تافقانی ملا شمه واندکی واقعه
بیانی مشتمل بولوب بر مقدمه وایکی داستان و بر خاتمه برله
اتمامغه بتکورولوب (نیکولای فانتوسوف نینگ) سعی و اهتمامی
برله باسولوب چیتقان کتاب دور.



قزان

طبخانه مدرسه علوم ۱۹۰۵ = ۱۳۲۳ بیلده

ئەۋلاد گۈرۈپپىسى

www.ewlat.org

www.uyghurkitap.com

ئۇيغۇرچە ماقالە، قەدىمىي ئەسەر ۋە قوليازىمىلار ئامبىرى

14499. n. 24.

تاریخ امنیه

ملا موسی بن ملا حبیبی سیرامی نینک تألیفی

—
قصه

آدم ثانی نوح نبی الله دین بو دمغچه بو مغولستان یورقی ویته
شهر احوالاتی و واقعات لاری و قبسی طایفه حکمرانی و مغولیه تسمیه
قیلماقغه سبب و باعث نه ایرکانی و مسلمان خان لار نسبی و خاقان
چین بو یته شهر اهلیغه استیلا تافقانی مجملاً شمه و اندکی واقعه
بیانی نی مشتمل بولوب بر مقدمه و ایکی داستان و بر خاتمه برله
انمامغه یتکورولوب (نیکولای فانتوسوف نینک) سعی و اهتمامی
برله باسولوب چیققان کتاب دور.

Mūsā ibn Muḥammad Ḥabībī



طببخانه مدرسه علوم ۱۹۰۴ = ۱۳۲۲ ییلده

HARVARD
COLLEGE
LIBRARY

بِسْمِ اللَّهِ الرَّحْمَنِ الرَّحِيمِ

حمد بىچىم اول واجب الوجودىغە كىم حكمت غامۇس بىرلە كل موجودات نى
 عدم خلوتخانه سىدىن وجود شهرستانىغە كلتوردى وثنابى بىعد اول مالك الملكىغە كىم
 قدرت كاملەسى بىرلە تاج خلافت و افسر سلطنت نى هر كىم نىنك باشىغە خواھلاسه
 قويدى و هر كىم دىن خواھلاسه آلدى و هر كىمكە خواھلاسه بردى (توتى
 الملك من تشاء وتنزع الملك ممن تشاء وتعز من تشاء وتذل من تشاء بيدك
 الخير) و سپاس بىقياس اول حكىمىغە كىم محض حكمتى بىرلە انسان كروھى
 انتظامى نى سلطان ذوى الاقتدار لار لطفى و سياستىغە منوط و مربوط قىلدى .

رباعى

ذانىكە صفاتى انىنك قل هو الله احد حى كه بلا طعام دور الله الصمد
 فردىكە انكا يوق والد نه ولد و ترىكە دور لم يكن له كفوا احد
 صلوات ذاكبات اول پادشاه رسالت و هسند جلايت غە نثار اولغا بىكم (كنت كنزا
 مخفيا و آدم بين الماء والطين) دىد بهء اصالتىدىن تخت غە لايق و سزاوار اولدور
 و تحفه تىمات و درود بىغايات اول سلطان رسالت غە كىم (وما ارسلناك الا رحمة
 للعالمين) كوكبه رسالت دىن قربت غە دم اورماق انىنك شانىغە لايق دور .

نظم

نظم

شاه عربی قبله^۱ حاجات آینه ذات اولدی مرآت صفات
 کیم پیروانسه انکا علو درجات لازال علیه ذاکبات صلوات
 واول رسالت درگاهیه بارچه دین سابق وبار غاری صدیق اعنی ابوبکر
 صدیق رضی الله عنه واول عدالت مآب وصاحب الدر والاحتساب اعنی حضرت
 عمر ابن الخطاب رضی الله عنه واول معدن جود سخا والاحسان ومعدن حلم
 حیا وجامع القران اعنی حضرت عثمان ابن عفان رضی الله عنه واول رضای
 الهیغه جان دلیدین راغب اسد الله الغالب اعنی علی ابن ابی طالب رضی
 الله عنه واول امیر المؤمنین والمسلمین وجميع الناس اعنی عم شریف لاری
 حمزة وعباس رضی الله عنهما وعلی آلہ واصحابه وازواجه واولاده وذریاته تسلیماً
 دائماً ابداً حمداً کثیراً کثیراً اما بعد جهان عاقل وفاضل لاری نینک طبعی سلیم
 بیضا نظیر لاریغه و دوران عالم وکامل لاری نینک ذهن مستقیم خورشید تنویر لاریغه
 بو فقیر الحقیر وکثیر التقصیر آدم اولاد لاری نینک کمتری وانسان کروهی نینک
 احقری کم نام لقی کنجیده مخفی ایق برله مخمول وبی نشانه لیق کوجه سیده
 مستور لیق برله مهمول اعنی ملا موس بن ملا عیسی سیرامی آنداغ عرض
 قبلادورلار کیم اول محب العلماء وفضلا ومربی المساکین والفقراء عدالت پیشه
 وفقرا اندیشه وایکی اقلیم آرا لارینده دولتخواه وخیرخواه فقرا ورعایا لاریغه
 پشت پناه اعنی اسم لاری محمد امین بای آقسقال دادخواه بن محمد عالمبای
 مرغینانی خار الله دولته وابقاه وبو کمینه نامراد واحقر العبادغه خطاب قلیب
 دیدیلار کیم ای سخن ارا معرکس نینک نادان نما پردانی وای فراست

مجلسى نىنك پايان نشىن كاردانى ظاهرده عجز وقصور ناتوان سىز وليكن
 سلاطين ماضيه اخلاق حميده واوصاف ذميهه كاستانى شرفى ايچره داخل زوره
 بلبلان سىز ديب بيوردىلار كيم بو مغولستان يورنى يعنى يتنه شهر احوالى
 وواقعات لارىدىن كيم على الخصوص بيزلار حبانلىق لباس اوزره متلبس
 بولغاندىن بو يوزىده كوچالىق خواجهلار كافرلار اوستىكا استعلا تافىب غزات
 قىلغانى ونچە زمان حكمرانلىق قىلىپ دولت آفتابى طلوع ايلاب مغرب سارى
 اولتورغانى ومغولستان يورنى محمد يعقوب بىك اتالىق غازى غه انتقال تافغانى
 وبعضه غريب وعجيب واقعات لار ظهورغه كلكانى ونچە مدت دىن كىن يتنه
 بىچىن اهلى قدم كلتوروب اسلام آفتابى شعاعى بو يتنه شهر اهالى لارى اوستىدىن
 كونار يلىپ ظلمت بولونى اورلاكانى وقالغان حادثه وواقعه لارىدىن بردا بر
 آدم تارىخ فتوب نشانە ويادكار قويغانى معلوم ايماس بو غازى خواجهلار غزاتى
 واتالىق غازى دولت وحكمرانى ابتدا سىدىن آخر يىغچە سىن ورق اوزره
 يايب تارىخ نما بر كتابى قىياسانك غزات قىلىپ اوتكان سىد خواجهلار غزاتى
 واقعه لارى وكشور كشاليفى واتالىق غازى غزاتى ولشكر كىش ليك واقعاتى
 وتسخر وحكمرانى خلايق آراسىده محو وفراموش بولوب اوچوب ويوقالپ
 كىماسه ويىزلار آتمىز هم ايل آرالارىده باقى ويادگار قالسه واوقوب ايشىتكانلار
 مذكور غازى لار وشهدالار وسىز بىزلار حقمىزغه شايد دعا قىلسه لار (الدال
 على الخير كفاعله) مضمونىچە كىن كى لارنىنك دعاسى اجابت مقرونلارى شرفى
 وبركاتىدىن ويىز وسىز عاصى تبه روزگارنى اول رحيم كارساز مغفرت و آمرزش
 قىلسه لار اول قادر بچون درگاه لارىده هيچ غريب وعجيب ايماسدور ديب * اما
 بو كىمىنه مفلس روزگار بى اعتبار وزره دىن كم وخار اول سيادت پناهى سىد

غازىلار

غازیلار احوالاتی و غزاتی کشور کشایی دستکاهینی و اول آنالیق غازی عالی
 مقدار کردونمدار و پادشاهی ذی شوکت و ذوالافتخار و افعاتی و حکمرانی
 لایق لاریده کتاب جمع قیلماق و بو صاحب دولت لار حقیده اغیز اچیب
 تیل لار سورماک کا منده نه حد بار و جرأت ونه یورک و مقالت بولغایکم اول ذات
 فلک آشیان و ذاتی عالی مکان لار قصه و داستان لاریغه مندیگ بی نام و بی نشان نینک
 نیمه رابطه و مناسبتی بار کیم جمع قیلا آلفایمن و بو امر عظیم غه لایق قلم
 سورالکایمن اول اسلام دین تا بودمغچه قرق بیل کامل اوتوب دور اوتکانلار
 واقعات و حوادث لاری خاطر لار دین کوتار یلیب دور معاینه کورکان و اوستیده
 تورغانلار اکثری عالم باقی غه رحلت ایتیب دور بلکه بولار نینک قصه و حکایات لاری
 ایل ارام و فراموش بولوب دور لار قصه پراکنده تطبیقی متعذر و روایات مختلفه
 توفیقی متعسر دیب (العذر عند کرام الناس مقبول) مضمون یغه عامل بولوب
 عذر و معذرت غه تیلیمنی آچقانمدا بر نچه یار جانی قدیمی و دوست آشنایی
 صمیمی لار آرامیز غه در میان بولوب ایتی لار کیم وقت نی غنیمت تافیب (اقتلوا
 المشرکین حیث وجدتموهم) امر شریف لاریغه فرمان بردار بولوب کافر لار
 اوستیکا تیغ تارتیب غازی لایق مرتبه و دولتین حاصل ایلاکان غازی لار و خداوند
 کریم رضالیق نی ایزداب باش و جان لارینی نثار و فدا ایلاب شهید بولغان
 شهد الار ذکر و مذاکره لاری بیلان کین کی لار رطب اللسان اولوب دعا و فاتحه غه
 اجابت قولین کونار سه لار (عند الله اجر عظیم و عند الناس ذکر جمیل لار)
 حاصل اولغوسید و ردیب التماس قیلغانین بالمشافحه کوروب بیلیب سخن لؤلؤ
 آثار و جواهر لعل آب دار لارینی خاک مذلت غباری اوستیکا بی اعتبار قیلیب
 ناشلاماقنی مناسب و روا کورولمای چارنا چار بو امر عظیم تالیفی غه دوچار

بولوب اوزومنى ملامت اوقىغە نشانە ايتىم (المأمول عند كرام الناس مقبول)
 مضمونى شريفچە ياران موافق لاردىن اميد و اتق اولكىم هر سهو و خطايكه خواه
 سهواً و خواه قصداً واقع اوغان بولاسە عفو زىلى برلە يافىب و قلم تراش كرمى
 بىلە تراش ايتىب صلاح كوركوزسەلار (عند الله ما جور وعند الناس مشكور)
 بولغايلار دىب اولىنى معتبر تارىخ كىتاب لارىدىن مضمون اليب و آخرىنى
 كوركىن و بلكان لاردىن سوراغلاب مجملًا و نقلًا تفرقه حكايه و قصه لارنى ربط
 و ارتباط ايلاب مختصر ليك بيلان تحرير رشته سيفه و تقرير صفحه سيكه مقرر ايلادىم
 بو تاليف غە باعث و سبب بولغان داد خواه محمد امين باي آقسقال دورلار بىنە
 برى بو كىم بولوقت دە اطراف جوانب لار مخصوصه و اعدا تفرقه لارىدىن بو
 مغولستان اولكوسى تېچلىق و امنيت ليك برلە بر قرار دورلار بو ايكى مناسبت دىن
 بو تارىخقە تارىخ امنيه دىب اتادىم بر مقدمه و ايكى داستان و بر خاتمه برلە
 انمامىغە يتكوردوم ياران منصف ديانت آثارلار بو مجموعه غە نظرلارى توشوب
 كوركىن بىدە و اوقوغانىدە بو كىمىنە ذليل خار و بى اعتبارنى دعای اجابت لارىدىن
 هو و فراموش قىلماغايلار دىب دعا و التماس اميد قىلىپ شروع غە قدم قويدوم
 (اللهم سهل علينا بجدك و بسر علينا بكرمك يا اكرم الاكرمين و يا ارحم
 الراحمين انه مجيب الداعين) .



قصه آدم ثانی نوح نبی الله دین تا بود مغچه بو مغولستان
یورتی و یتته شهر احوالاتی و واقعات لاری و قیسی طایفه
حکمرانی و مغولیه تسمیه قیلماق غه سبب و باعث نه ایرکانی
و مسلمان خان لار نسبی و خاقان چین بو یتته شهر اهلی غه
استیلا تافقانی مجملاً شمه و اندکی واقعه و بیانی و مقدمه
ابتدائی تقریری

باران ذوی الاحترام و برادران ذوی الاحتشام لار سمع معلالاریغه روشن و هویدا
اولغابکم بو یتته شهرنی قدیم الایام ده تاریخ کتابلاریده مغولستان دیب آتاب دور
و بو شهرلارده هم قدیم کهنه و ثبته لارده مغولیه حسابیده دیب فتولوب دورلار
مغولیه دیماکدا معنی نیمه بولادور و بو شهرلار قیسی زماندین تارتیب مسلمانچیلیق
دولتیه مشرف بولوب کیلکان و پادشاه لاری قیسی مذهب ده و قیسی ملت ده
اونکان و خاقان چین تصرف قیلغالی نچه ییل بولغان بو جمله دین شمه بلکه
نمونه بو اوراق صفحه سیکا تاریخ دان ما تقدم وما تأخر کتاب مفید لاریدین
بر نیمه چیزی مندرج ایتمای مدعا تفصیلی و تطبیقی روشن و مبرهن بولما بدور-
غاندیک کورولدی و هر سوز قیلغوچی سوزنینک اولینی آچمای آخریغه زور
برکان بیله سامع لار آباغی بار باشی یوق سوز دیب اعتباردین براق قبلور
ایکانلار بولوجه دین بر نچه کلمه فی کتاب روضة الصفا و تاریخ رشیدی و شهرخیه
و بولاردین باشقه تاریخ کتاب لاریدین انتخاب ایلاب درج اینلدی القصه
تبرکاً و تبییناً نوح پیغمبر علیه الصلوة والسلام اسم شریف لاری بیلان ابتدا

قىلىندى آدم ئانى نوح نىبى الله عليه الصلوة والسلام آب عذاب دەامر فرور-
 دكار بيلان كىمە قىلىپ ھىرجىس مخاوق دىن بىر جفت سالىب آخرى كۈە جود
 اوستىكا كىمە نى تارتى آدم اوروغى دىن سكسن تن سلامت چىقتى درياوسەنىنىك
 عىونتى دىن ھەمە ھلاكت غە يتىلار نوح عليه السلام اوچ اوغلان لارى واوچ
 ضعفايتە تن كىشى قالدى زمين يوزىداكى ھەمە انسان كروھى وآدم اوروغى
 نوح عليه السلام نىنىك اشبو اوچ اوغلانلارى اولادىدىن دور آدم ئانى دىماككا
 سبب بودور چراكە زمين يوزىدا حضرت آدم عليه السلام اولادىدىن موندىن
 باشقە ذى جان يوق ايدى دىب دورلار اما اوغلانلارى نىنىك اسم شريف لارى
 سام وھام و يافت دور بولارنى پىغمبر ايدى دىب دورلار كلاً عربستان آدم لارى
 وھمە پىغمبر عليه الصلوة والسلام لار سام اولادىدىن دور و كلاً زىكبار و حبشى
 سودان زمين لار ھام اولادىدىن دور كلاً پادشاھ عظيم الشان لار يافت اولادىدىن دور
 دىب دورلار اما يافت دىن اون بىر اوغول وجودغە كىلدى چونكە اوغلى نىنىك
 اسم لارى تۇرك ايدى كلاً تۇرك مغول و قىچاق و خپاننىك نىسى شونكا منتھى
 بولادور اما تۇرك نى يافت اوغلان دىب اتادىلار بعض تواریخ لار دە يافت
 اوغلان نى كىومرت بيلان ھمعصر ايدىلار دىب دور اىگىچى اوغلى چىن
 ايدى وانىنىك اوغلى ماچىن ايدى كلاً چىن ماچىن نىنىك نىسى مونكا عابد
 بولادور اوچونچى اوغلى روس ايدى كلاً روس يعنى اوروس نصارى نىسى
 مونكا تعيين تفادور قالغان فرزندلارنى بىر بىر بيان قىلساق سوز اوزونغە
 تارتادور حاصل الكلام سام عليه السلام نى مغرب طرفىكا عازم قىلدىلار ھام نى
 جانب طرفىكا بويوردىلار حضرت يافت نى مشرق حدبغە روانە ايلادى
 اولادى تولا بولدى سوباز ىردە اوت يوق واوت بار ىردە سو يوق تنكلىك

تارتى

تاریخی احوالینی دادالاری نوح علیه السلام غه عربضه قیلدی نوح علیه السلام
 درگاه الهی غه النجا قیلدی اجابت بولوب جبرائیل علیه السلام اسم بزرگ
 یعنی اسم اعظم نی کلتوردیلار اول اسم اعظم نی تاشقه نقش قیلیب یافت غه
 بردیلار هر وقت خواهلار یامغور یغار ایدی عرب زبانیدا حجر المطر
 دبدورلار اما ترک زبانیدا جدا تاشی ویدا تاشی بیلان مغروف و مشهور دور
 بولوجه دین یافت غه تعلق بولغان زمین دا کارغه کیلادور و سام علیه السلام غه
 تعیین بولغان عربستان مضافانیدا عملی وقوعه کیلماس ایکانلار خداوند
 کریم حکمت غامضه سی بیله یورت لارینی آباد و معمور قیلماقنی اراده قیلیب
 اولوم آفتینی نوح نبی الله اولادلاری دین اوزون مدت کوتاردیلار اولادلاری
 قولاً بولدی طایفه طایفه گروه گروه بولدی هر بری بر زبان ده سوزلادی
 اما بر بری بیلان سوزلاما ککا حاجت بولسه لار نیلماج بیلان سوزلادی یافت
 حیات لبق لاریده اولادلاری اوتوز یتنه زبان ده سوزلاشتی همه لاری نیلماج
 وتونکچی بیلان سوزلاشتی دیب دور اما نوح علیه السلام نینک اوغلانلاری
 یافت وانینک اوغلی ترک وانینک اوغلی ایلغه خان وانینک اوغلی زیب
 باتوی خان وانینک اوغلی کیوکخان وانینک اوغلی النجه خان بو النجه خان
 نهایتی اولوغ صاحب دولت پر نعمت کبشی ایدی دولتی زیاده لیک دین
 طغیان قیلیب آبا و اجدادلاری دین لارینی تاشلاب ضلالت بولینی باشلاب کفر
 و شرک لیک غه قدم قویغان خانلار اولی النجه خان دورلار و بو النجه خان دین ایکی
 اوغول وجود غه گلدی توامان یعنی ایکی کزک بری نینک اتی نی مغول
 و بری نینک اتی نی تاتار دیب اتادی نهایتی زوربا شوکت پادشاه ایدی آخر
 عمریدا یورتی نی ایکی اوغلی غه تقسیم قیلیب بریب حدود فاصله توختایب

بردیلار مغول خان غە تەیین بولغان زەمین نى مغولستان و تانار خان غە تەیین
 بولغان زەمین نى تانارستان دىب انادى هر برلارى اوز يورت لارىغە متصدى
 بولدىلار النجە خان نىنك اوغلى مغول خان انىنك اوغلى قرا خان انىنك
 اوغلى اغوز خان انىنك اوغلى كون خان انىنك اوغلى آى خان انىنك
 اوغلى يولدوز خان انىنك اوغلى تىنك كىز خان انىنك اوغلى منكى خان
 انىنك اوغلى ايلخان دورلار پادشاه فرىدون اوغلى تور خان بىلان ايلخان
 ارالازىندا مراسلات و مكاتبات واقع بولغان ايلخانلار موندىن معلوم بولادورلار كىم
 ايلخان تور زمانه لارىدا ايلخانلار مغول خان اولادىدىن سىز خان نھايتى زور
 پادشاه بولدى اما توقوزنجى غە نوبت يتكاندا مغول خان و تانار خان اراسىندە
 عداوت لار توشوب كارى بارى مجادله و مخاصمە كا تبدل تافىب مھاربات
 و مقانلات لار بولوب تانارى لار غالب كلىب ھمە مغولى لارنى قتل عام قىلىپ
 اوروغ و اولاد لارنى زەمین يوزىدىن كوناردى بر روايت دە ايلخان اوزى
 و بر روايت دە اوغلى قىنان خان بھر كىف ايكى اير و ايكى مظلوم بر آط و بر
 موزولوق اينك ارچ قوى بر اوچكو بىلان جان قوتقارىب قاچىپ بر پنهان
 تاغ دھنەسى ايچرە كىرىب عمر اوتكاردىلار و تاغ دھنەسى نى محكم اينىپ
 آيتىلار نچە قرن بلكە نچە مېنك يل و نچە پشت لار اول تاغ ايچىدا عمرىنى
 اوتكاردىلار اولاد لارى تولا بولدى چارپاي لارى كىنكرودى بو تاغ ايچىكا
 سىغمادى زعم لارىدا آسمان تىكى داكى زەمین نىنك ھمەسى اشبودور دىب
 يوركان ابدى و اول جاي نى اطىنى اركنە قون اتايدورلار بناكاه مذکور محكم
 قىلغان برنى كوروب اچىپ چىقتىلار مغول خانلارى دىن سىز خان پادشا
 و حكومت دارلىق بىلان توغولوب عمرىنى مو شول سطرىقەدا اوتكاردى

توقوزنجى غە

توقوزنجی غه یتى نیست نابود بولدی بو خانلارنینک زمانه لارین مبارکبادلیق
 و خوشلوق بیلپ اولوغلاری اراسیدا تارتیق و پیشه کش قیاسه لار توقوز
 توقوزدین قیلپ تارتیق قیلدیلا اما سکزی بر توقوز دیب انادی پادشاه
 ذی شوکت لار حضوریدا بلکه همه عامه فقرا و زنان و ضعفالار نزدیدا هریرکا
 بارسه و کاسه لار اقلی سکز نان کوتاریب بارادورلار بر توقوز نان اعتبار قیلا
 دورلار تا بودمغچه بو رسم جاری و باقی دورلار اول وقت دا ایلمخان اولادیدین
 الانقوا نام بر ضعفا متصدی ایدی و کبو قیلماغان ایدی بر کیچه آق اوی
 تونکوگیدین آفتاب مثللیک بر روشنالیق ظاهر بولدی الانقواغ خوشلوق
 یوز کلتوردی حامله بولوب قالدی خداوند کریم نینک قدرت کامله سیدور
 چنانچه حضرت پی بی ربمغه بولدی حضرت عیسی علیه السلام وجودغه کلدی
 خداوند کریم قدرتی آلدیدا اسهل دور (یفعل الله ما یشاء ویحکم ما یرید)
 خاص اوز صفتی دور اما ارکان و اعیان لار طعنه و تعرض غه اغیز اچتی آخر
 بو اواقعه نی بولاردیده ظاهرلاری بیلان کوردی همه انقیادینی یئکی باشدین
 زیاده ایلادی و بو الانقوادین نچه اوغول وجودغه کلدی چونکه اوغلی غه
 بوزنجیر خان دیب آط قویدی نهایتی زور پادشاه بولدی امیر ابا مسلم بیلان
 اشناچیلق قیلدی موندین معلوم بولدیکم ابا مسلم بیلان همعصر ایکانلار
 انینک اوغلی بو قا خان انینک اوغلی دومین خان انینک اوغلی قیدو خان
 انینک اوغلی بای سنقر خان انینک اوغلی دومنه خان انینک اوغلی قبل
 خان دورلار اما دومنه خان دین ایکی زاک ایکی اوغول وجودغه کلدی کچیک
 اوغلی توش کوردی و کورکان توشنی دادا سیغه عرض قیلدی مضمونی بو کیچ
 اگام قبل خان ایتا کیدین بر آفتاب چیقیب آسمان اوزره توروب همه عالمغه

روشنالیق بردی اندین اوانتوروب كتى ینه نچه آفتاب پیدا بولوب چىقتى بولار هم بربر اولتوردى ینه نچه مرتبه چىقیب اولتوردیلار آخر روشن بولدوز مثللیك روشنالیق پیدا بولوب تورغانید امنینك ایتا کیمدین بر آفتاب ماه تاب طلوع ایتى همه جهان یارودی آخر بول هم فروكتى ینه نچه آفتاب لار چىقتى بولار هم روشنالیق لار سالدی وهر برلاری بر طرفیکا روشنالیق بردی اشبو حالدا اوزون مدت لار اوتى اویغانسام توشوم ایکان دیدى دادالاریغه هم اشبو صورت لیک واقعه روبرکان ایدی ملاحظه لار قیلغاندین سونك همه ارکان دولت لارنى جمع قیلیب اوغلى نینك بو قسمی توش کورکانى نى بر بر بیان قیلدیلار ارکان دولت لار فکر تفکر دین کین قبل خان اولادی دین بر پادشاه باشوكت چىقیب همه عالم انینك اطاعتى غه کیریپ دولتیدا آسایش لار آلور ایکان اندین کین چىقانتلاری فرزندلاری بولغایلار بربر آرقه بو عالم غه کلیب هر برلاری بر طرف کا حکومت یوروتوب اوتکای لار اندین بو توشنى کورکان قاجولى نسلى دین بر پادشاه عظیم الشان وجودغه کلکای لار بولار اولاد احفادلاری برکاتیدین عالم یوزى آباد ومعمور بولوب اوتکایلار دیب تعبیر بردیلار همه تحسین وآفرین ایلادیلار خان یارلیغ قیلدیلار اوشبو معنی غه بر خط فتوکایلار مضمونى بو کیم قبل خان مندین کین پشت وپشت خان بولغایلار اندین قاجولى نینك اولادلاری وزیرلیق مقامید توروب امور مملکت دین باخبر بولغایلار دیب تولا سوزلارنى مندرج ایلاب خان باشلیغ ارکان واعیان لار مهورینى باسیب راسلاب خزینهدا قویدیلار مذکور وثیقه خانلار خزینهلاریدا نا سلطان سعید میرزا زمانهلاریغچه اوشبو دستور العمل خط نینك حکمى جاری ایکانلار قلماق زبانیدا بو خطنى فرامین دیر

ایکانلار

ایکانلار قبل خان نینک اوغلی بزنان خان انینک اوغلی یسو بهادر خان انینک
 اوغلی پادشاه چنکیز قاآن ایدی تاریخ بیش یوز توقسان سکزدا پادشاه لبق
 تختی دا اولتوردی پای تخت لاری قرا قوروم کلوران دیکان موضع ایدی
 اول وقت دا خطای خانى التان خان دیکان ایدی و پای تختی خانبالیق ایدی
 خطای زبانیدا خانبالیقنى چونکدو دیدورلار هر صاحب دولت پادشاهیکه
 خانبالیق تختی غه اولتورسه لار انى التان خان دیب انار ایدیلار التان اوستیکا
 چریک تارتیب باریب تولا شهرلارینى الدی بالاخیر التان خان اشناچیلیق
 قیلدی بلکه فرمانیغه بویون سوندی وقزینی چنکیز خانغه بردی چنکیز خان
 شومچه لیک کا راضی بولوب التان خان قیزینى ازدواج لاری قتاریغه ایب
 یاندیلار اما مشرق حدی خانبالیق شمال حدی شهر قزاننى تانار دیماک لاریغه
 باعث چنکیز قاآن شهر قزاننى تصرف قیلاغانیدا تانار آدم لاریدین ایب
 بارغان عسکرلار توروب قالیب غالب بولغاچ تغلیبا تانار نامی بیلان مشهور
 بولغان بولغایلار و کین کی زماندا امیر کبیر تیمور کوراکان تصرف قیلاغانیدا
 مذکور تانار لارنى کچوروب اوز یورت لاریغه ایب کیلدی دیب دور مغرب
 حدی روم موصل بغداد جانوب حدی اوز یایچان دریاسی سند و کابل بدخشان
 و تاتارستان تصرفیکا کیردی یتمیش اوج بیل عمر کوردی بکر مه بیش بیل پادشاه
 بولدی فرامین حکمی لاریچه قراچا نویان وزیر بولدی و قراچا نویان امیر
 کبیر تیمور کوراکان نینک بشنچی اناس ایدی بولطریقه بیلانکیم امیر
 تیمور بن امیر طراغای بن امیر توکل بن امیر ایلنکیز بن امیر ایجل بهادر
 بن امیر قراچار نویان بهادر بن امیر سوغتیچین بن امیر بردق بهادر بن
 امیر ابرمچین برلاس بن قاجولی بهادر بن دومنه خان دورلار امیر کبیر

تیمورنینڭ سكرنجى اتاسى بىلان چنكىز قاآن نىنڭ تورتىچى داداسى بردورلار خانلىق قىل خان اولادىغە وزىرلىق قاجولى اولادىغە تەيىن بولوب فرامىن بولغان اوچون امير كىبرىتيمور كوراكان هر نچە چونڭ پادشاه بولغان بىلان خذمتكار وفرمان بردار مقامى دا ايدى فرامىن حكىمىغە تەغير بىرالمادىلار بلكە نچە اولادلار بولطرىقە بىلان اوتى ميرزا اولوغ بىك زمانه لارىدا اويس خان نىنڭ اوغلى يونس خان اولجە طرىقەدە قولىغە توشتى شىرازغە اليب بارىپ مسافرت لىك كا تاشلادى كىسب قىلىپ اوستە يونس دىب مشهور بولدى اوتوز نچە يىل اوتى سلطان سعيد ميرزا حكمرانلىغ دا كىشى بوىروب شىرازدىن اليب كىم بىر مو نچە مغول لارنى همراه قىلىپ مغولستانغە خان قىلىپ بىر تخت دا اولتوروب تولا سوزلار اراغە سالدى بىرى بو كىم موندىن كىن منى دوست بىلكايلار نوكر وخذمتكار قتارىدا كورمكايلار من هم اوز باشقە پادشاه دورمن دىب معقول توتى اندىن ميرزا سلطان سعيدنى خان دىب انادىلار قا بو دمغچە آخرى خدايار خان غچە امير تيمور اولادلار ينىمۇ خان دىب تسميه قىلدىلار اما چنكىز خان نىنڭ تورت اوغلى بار ايدى جوجى خان چغتاي خان اوكتاي قاآن تولوى خان دىب اما مملكتى نى تورت اوغلى غە تقسيم قىلىپ بردىلار چغتاي خانغە درىاي عمودىن قارتىب فرغانه ولايتى ومغوليه بورقى تعلق تافتى بو لوجه دىن بولطرىلار آدم لارىنى چغتاي دىب نسبت بىرادورلار اوكتاي قاآن نى اوز اورىنلارىدا قايم مقام قىلدى قالغان بله لارىنى انىنڭ اطاعت وفرمانىغە حكم و بىرلىغ قىلدى اما هلاكو خان مشهور تولوى خان نىنڭ اوغلى چنكىز قاآن نىنڭ نىبىرە سىدور واقعه لارى هم زياده دور بول بردا مغولستان خانلارى ذكر لارىنى قىلماق مدعا اوچون هلاكو خان واقعه لارىغە التفات

ايتىلمادى

تیمورنینک سکزنجی اتاسی بیلان چنکیز قا آن نینک تورتنچی داداسی بردورلار خانلیق قبل خان اولادیغه وزیرلیق قاجولی اولادیغه تعیین بولوب فرامین بولغان اوچون امیر کبیر تیمور کوراکان هر نچه چونک پادشاه بولغان بیلان خدمتکار وفرمان بر دار مقامی دا ایدی فرامین حکمی غه تغیر بیرالمادیلار بلکه نچه اولادلاری بولطریقه بیلان اوتی میرزا اولوغ بیک زمانه لاریدا اویس خان نینک اوغلی یونس خان اولجه طریقه ده قولیغه توشتی شیرازغه الیب باریب مسافرت لیک کا تاشلادی کسب قیلیب اوسته یونس دیب مشهور بولدی اوتوز نچه بیلاوتی سلطان سعید میرزا حکمرانلیغ دا کیشی بو یروب شیرازدین الیب کلیب بر مونچه مغول لارنی همراه قیلیب مغولستانغه خان قیلیب بر تخت دا اولتوروب تولا سوزلار اراغه سالدی بری بو کیم موندین کین منی دوست بیلکایلار نوکر و خدمتکار قناریدا کورمکایلار من هم اوز باشقه پادشاه دورمن دیب معقول توتی اندین میرزا سلطان سعیدنی خان دیب انادیلار تا بو دمغچه آخری خدایار خان غچه امیر تیمور اولادلارینمو خان دیب تسمیه قیلدیلار اما چنکیز خان نینک تورتنچی اوغلی بار ایدی جوجی خان چغتای خان اوکتای قان تولوی خان دیب اما مملکتی نی تورتنچی اوغلی غه تقسیم قیلیب بردیلار چغتای خانغه دریای عمودین ترتیب فرغانه ولایتی ومغولیه بورتی تعلق تافتی بو لوجه دین بولطرفلار آدم لارینی چغتای دیب نسبت بیرادورلار اوکتای قان نی اوز اورینلاریدا قایم مقام قیلدی قالغان بله لارینی انینک اطاعت وفرمانیغه حکم و برلیغ قیلدی اما هلاکو خان مشهور تولوی خان نینک اوغلی چنکیز قان نینک نبیره سیدور واقعه لاری هم زیاده دور بول بردا مغولستان خانلاری ذکرلارینی قیلماق مدعا اوچون هلاکو خان واقعه لاریغه التفات

ابتىلامادى ^ب اما چىغناي خان نىنىك اوغلى ماھوكاي انىنىك اوغلى سوقرا بهادر
انىنىك اوغلى براق خان ايدى اسلام دولتىغە مشرف بولدى سلطان غياث الدين
لقب قىلىپ نشاندا فتودى پاي تىختى تاشكىند ايدى باش عالم دين كتى يىنە
اسلام پادشاهلار اراسىدە بى رونق بولدى براق خان نىنىك اوغلى دوا خان
انىنىك اوغلى ايسان بوغا خان انىنىك اوغلى توغلوغ تيمور خان اما بو
^ب توغلوغ تيمور خان يكرمه تورت ياشلاريدا مولانا عرش الدين ولى الله سەي
بىلان مسلمان بولدىلار اوتوز تورت ياشدا عالمدين كتىلار تارىخ يىنە يوز
التميش آلتە ايدى پاي تىختى ايله ايدى اولپىردە دفن تافتى خان مغفور
خانلىق دا اولتورغانلاريدا هر قيسى يورت باشقە بولوب كىتكان ايدى
بولوجه دين ما وراء النهر شەرلارى كە اتا مېرائى ايدى تصرف قىلماق نىتى دا
سمرقند بارغانىدا امير كىبير تيمور كوراكان شەر سبىزدا حاكم ايدى
استقبال لارىغە كېلىدىلار فرامىن حكىمى چە وزىرلىق منصبى بىرلە سرافراز ايلاب
سمرقند دا اوغلى الياس خواجه خاننى قويوب امير كىبير تيمورنى وزير قىلىپ
تا قوندوزغچە الپب اوز تىختكاه غە نزول اجلال قىلىدىلار اولگوندىن تارتىپ
خلايق ارالارىدا خصوصاً ايله شەرىدا اسلام آشكارا بولدى اما بو يىنە شەر
خصوصاً كاشغر تارىخ اوج يوز اوتوز ايكى دا جناب آنحضرت صلى الله عليه وسلم
بشارتلىرى بىرلە ابو نصر سامانى كاشغر ولايتى غە كلىدىلار اول وقت دا كاشغر دا
بغرا خانلاردىن سلطان ستوق بغرا خان نىنىك دادالارى حكومت سوروب
تورغان وقتى ايكانلار سلطان ستوق اون اوچ ياشلاريدا ايدى توفىق الهى
يار بولوب ابو نصر سامانى دلالتى بىرلە مسلمانچىلىق زمرە سىكا داخل بولدى
وبورت لار نىنىك حكومتى هم تعلق تافتى همه خلايق سلطان ستوق خان دلالتى

وسعی کوششی برله بو شهرلار ایچره اسلام آشکارا بولوب دور اما ختن اولوغی بویون سونمای قرق بیلدین کین مسلمانچیلیق دا یره سیکا کیریب دور (اول من اسلم من الترك الستوق) دیکان حدیث معجز بیان لاری اشبو ذات شانیکا دور سلطان ستوق بغرا خان افراسیاب اولادیدین دیب دورلار آتوش دا مدفون بولدی زیارتگاه عالی دور توغلو ق تیمور خان نینک اوغلی خضر خواجه خان دور آنا اورنیدا پای تخت دا اولتوردی قول و طرفان دین دین بیکانه ایدی خضر خواجه خان قولیدا اسلام دولتی غه مشرف بولدی لار بچین طرفیکا غزات غه باریب خطای نینک تولا شهرلارینی فتح قیلیب الیب آخیر شهید لیک درجه سیکا اولاندی طرفاندا مدفون بولدی مغواستان نینک پای تختی بارکند بیلان طرفان دورلار خضر خواجه خان نینک اوغلی محمد خان انینک اوغلی شیر علی خان انینک اوغلی اویس خان انینک اوغلی یونس خان دور اما بویونس خان نهایتی عالم مسلمان و متدین کش ایدی پای تختی تاشکند ایدی خواجه عبید الله احراری قدس سره غه مرید و مخلص ایدی سلطان سعید میرزا انینک اوغلی میرزا محمود و میرزا احمدلار خواجه احرار ولی الله بیلان بر واقعه دین تاشکند مضافاتیغه باریب قالدیلار استقبال لاریغه چیقیب ایدی بی وقت بناگاه یولدا ملاقات حاصل اولدی شولیردا آطلاریدین توشوب کوروشتیلار و اولتورغان برلاریدا بر هول لیک اثری بار ایکان خواجه احراری دل لاریغه اندک کورولدی خان مذکور یوکوروب باریب ایتاک لارید ا قوروق توفه الیب کلیب فاکیزه لب بردیلار بول طریقه اخلاص لاریغه تمسین و آفرین لار قیلیب دعا قیلدیلار اول وقت دا مغولیه آدم لارینی بعضه اوباش بی باش لار الیب قاچیب باریب یورت لارده ساتور ایکانلار جناب خواجه احرار ولی اوشبو

صورتداكى مسلمان متدىن پادشاھ فقرا لارىنى ساتماق قىداق درست بولادور
 ساتماسونلار و آلماسونلار و قاتىغلىق بىرلە زجر منع قىلسونلار دىب ھىمە يورت
 اولوغ و حاكم لارىغە امر شرعىنى جارى قىلدىلار شول كوندىن تارتىپ مغولىيە
 آدم لارىنى ساتما دىلار تاشكنددا مدفون بولدى بو خان نىنك اوغلى احمد خان
 ايدى اقسودا مدفون بولدى آلتون دىب آتادى مغوللار خان جسدى بار
 ىرنى آلتون دىب آتار ايكانلار نھائىتى اعزاز و اكرام قىلغان سبب دىن
 آند اغ كىم خانلار و بىك لار فرمايش خطا لارىنىمۇ اعزازلاب آلتون دستك و آلتون نشان
 دىدورلار احمد خان نىنك طغاسى ايسن بوغا خان نىنك آلتون جسد لارىمۇ بول
 ىردە ايكى خان جسدى بر جاي دا ايكان انىنك اوغلى سلطان سعيد خان دور
 كابل دا تىمورىيە اولادى بابر پادشاھ قاشلارىدا ايدى بر نچە آدم لار بىلان
 اندىجان ولايتى غە كلىب اوچ بىل حكومت سوردى اندىن كىن آلتە شەرغە
 بارساق بىخشى بولورمىكەن دىب مصاحت قىلاشىپ دوغلات دوختوى برلاس
 حرايس قنارلىق توقوز طبقە اوروغ دىن تورت مىنك ىتە يوز نام دار مردانە
 وار بىلان كاشغرغە توشتى اولوقت دا بو ىتە شەرغە امىرخداى داد اولادلارىدىن
 مىرزا ابا بكر پادشاھ ايدى قرق سىكز بىل پادشاھلىق قىلىپ ايدى مجادله
 و مقاتله واقع اولدى مىرزا ابا بكر قاشتى سلطان سعيد خان بو ىتە شەر تىختا
 پىدا بر قرار اولدىلار اما مىرزا ابا بكر نىنك خزىنە و دىنە چھارپاي و باغ
 راغ لارى حد دىن زىادە ايدى يورت غە نھائىتى جبر و ظلمى اوتكان ايدى بر
 آدم دىن سھل كناه اوتسە اول آدم نى اولتورور ايدى اما اوروغ قىاشلارنى
 الىب كلىب سىنك اوروغ لارىنىك دىن بو آدم ىمان ايشنى قىلدى دىب بھانە
 قويوب اوروغ قىاشلارىدىن مو بار بوقىنى سويوب آلور ايدى اقسو خلقىنى

احمد خان غه بار بولدی ديب اولتوروب وقالغانی نی کوچوروب کاشغر
 وبارکند ختن کا تارقانیب آتیلار اوشمو طریقہ بیلا اقسو اون آلتہ بیل وبران
 ویکار و معطل توروب قالدیلار هیچ توارینخدا کورولما دیکم میرزا ابا بکر
 دیک طالم پادشاه اوتماکان بولغای هر کش نینک آرزو و هوس بولسه کم
 میرزا ابا بکر احوالاتی نی بیلا دیسه لار تاریخ رشیدی غه نظر قیلاقیلار اما بو
 حالدا سلطان سعید خان غه یورت تعلق تافتی هر شهردا اقسولوق وخواه باشقه
 شهرلیک آرزومند بولسه لار کچوروب کلیب اقسودا اولتورغوزوب ینه آباد
 قیلدیلار بولوجه دین اقسونینک آدم لاری بر برلاری بیلان متفق ایماس دورلار
 چرا که تفرقه آدم لار بولغان اوچون میرزا ابا بکر خزینہ دفینہ لارینی
 عسکرلار غه تقسیم قیلیب بیردیلار همه لار دنیا دین بی حاجت بولدیلار تاریخ
 رشیدی مؤلفی میرزا حیدر کوراکان کتابیدا فتوب دورلار کیم من اول
 وقتدا اون آلتہ واون یتہ یاشدا ایدیم دنیا غه آنچه رغبتیم یوق ایدی
 شونینک لیق بیلان منکا اون یتہ مینک قوی تقسیمدا تیکدی فل مالغه میلی
 بار آدم لار نه مقدار آغاندورلار مال غنیمت واولجه نینک تولالیغی نی منونکدین
 قیاس قیلماق لازیم دور ديب دور اما سلطان سعید خان مغفور مسلمان لار نینک
 عاجز وضعیف خراب بولغانی نی قیلیب عسکرلاری بی حاجت بولغانین فهم اینیب
 بویتہ شهر نینک اون بیل لیق باج خراجینی فقرا غه انعام قیلیب کوتاریب اون
 بیل غچه فقرا دین بر نرسه آلماسونلار و سالماسونلار و برماسونلار ديب بارلیغ
 سوردی بیش بیل عسکرلار حالی اوبدان اونی اخر الامر احوالی خراب لیق غه
 یوز قویدی امرالار اتفاق لاشیب اوتنی هم آلدیلار بولما دیلار حاصل آلتہ
 بیلنی اوشبو طریقہ بیلان اوتکار دیلار ایدی یورت غه بر نیمه دیکالی یول

تافمادىلار خان يارلىغ لارىدىن يانمايدور همه ارگان دولت لار اتفاق قىلىپ خانىغە معلوم قىلدىلار كىم مرحمت پناھا بىزلار بويىتە شەرغە گلگالى اون يىل بولوب دور دىب تورت يىلنى تاغلاب مثلاً بو يىل بقر يىلى كلىب دور دىب عربىضە قىلدى خانىغە مەقبول توشنى تورت يىلنى ايلكرى حساب غە آلدى فقرا دىن موافقت شريعت باج خراج آلماق غە يارلىغ سوردى باج خراجنى آلدىلار يارلىغ دىنك لارغە مو فلان يىلى دىب فتودى فقرا لار مو شول حسابنى حساب قىلدىلار باشقە شەردىن بو شەرنىنك يىل حسابى دا تورت يىل مقدم بولماقغە باعث بودور اما تارىخلارى بر اوخشاش دور بكرمه يىل پادشاه لىق قىلدى قرق يىتە ياشدا عالم دىن كنى تارىخ توقوز يوز اوتوز توقوز ايدى ياركىندا مدفون بولدى اندىن فرزند رشيدى عبد الرشيد خان خان بولدى اما عبد الرشيد خان پادشاه شجاعت دا بى نظر و سخاوت دا بى بدىل ايردى ملا وفاضل و شاعر ايردى فارسى و تركى نظمى بىخىشى ايتور ايدى علم موسيقى دا كوربا حكيمى فېشاغورث ئاى ايدىلار عشرت انگيز دىب بر مقام اختراع قىلدى اوز وقت لارىدا ولايت طرفى دىن خواجه محمد شريف پير قىس سره كىلدىلار ارادت قىلدىلار ميرزا حيدر بن ميرزا محمد حسين كوراكان خان مذكور نام لارىغە تارىخ تاليف قىلىپ تارىخ رشيدى دىب انادى قرق توقوز يىل عمر كوردى بكرمه يىتى يىل پادشاه لىق قىلدى تارىخ توقوز يوز النىمىش يىتە دا وفات بولدى ياركىندا مدفون تافتى اورنىغە اوغلى عبد الكرىم خاننى خان كوتاردىلار داد عدل يىلان اوتى بورتنى آباد قىلدى و ظلمنى برباد ايتى اولوقت دا اقسوغە اينى لارى محمد خان حاكيم ايدى يىتە بر اينى لارى صوفى سلطان نام كاشغرغە حاكيم ايدى اوتوز اوچ يىل پادشاه بولدى ياركىندا مدفون تافتى تارىخ

بر مینک ایدی افسودین اینی لاری محمد خان نی یار کند غه الیب باریب خان
 کوتاردیلار هم پادشاه وهم درویش ایدی پادشاه بولوب سکزنجی بیلی ولایت طرفیدین
 اول مرشد بالارث والاستحقاق یعنی خواجه محمد اسحاق بن مخدوم الاعظم کیلدیلار
 انابت قیلدیلار تولا یخشیش ایشلار وقوعه کیلدی بیان قیلساق سوز اوزاقغه
 تارتادور یتیمیش بیل عمر کوردی اون سکز بیل حکمرانلیق قیلدی اندین
 اوغلی شجاع الدین احمدنی خان کوتاردیلار بولارنی اوز آدم لاری شهید قیلدیلار
 اندین اوغلی عبداللطیف سلطاننی خان کوتاردیلار اون ایکی بیل خان بولدی
 یکره آله یاشلاریدا وفات تافتی تاریخ بر مینک اوتوز یتیمه ایدی اندین
 کین برنجه بیل خان زاده لار هربری اوز احوالی چه خان بولوب تفرقه بولدیلار
 اندین کین عبدالرشید خان نینک اون ایکیچ اوغلی عبدالرحیم خان قمولدین
 تارتیب تابکورغچه عبدالرحیم خانغه تعلق ایدی بو خان نینک توقوزنجی اوغلی
 عبدالله خانغه خانلیق مسلم اولوب تخت سلطنت ده بز قرار اولدیلار سلطان
 سعید خان دین تارتیب مشرق حدی قاملدین تارتیب بدخشان شمال حدی
 اسبغ کول جانوبی چرچن لوف غچه لیک بو خانلار تصرفیدا کلکان ایدیلار
 الان مذکور یورت لار عبدالله خانغه برقرار اولدیلار بولوقت دا تاریخ بر
 مینک قرق سکز ایدی اوتوز ایکی بیل آبا واجد ایلاری پای تخنی دا برقرار
 اولدیلار اما بی رحم ظالم بطلال قتال بد کینه وبد اندیشه وبد کمان ایدی
 قدیم خانلاردین قالغان اعتماد لیک دوانخواه بیک زاده ومیرزا زاده نیکخواه لاردین
 بد کمان بولوب یورت دین اخراج قیلدیلار واکثرلارینی قتل قیلدی بلکه اوز
 اینی لاری ابراهیم سلطان واسماعیل سلطانتی هم اخراج قیلدی یتیمه بر اینیلارینی
 قتل قیلدی کیشیکا ایشنمادی بلکه ایز فرزندلاری دینمو بد کمان بولدیلار
 فرزندلاریمو دادالاریدین امین بولمادیلار حاصل الکلام یورت لارغه قیرغیزلارنی
 حاکم قیلدیلار قوی ساری بی نی کاشغرغه حاکم قیلدی اولجاناتی بی نی آقسوغه

حاكم قىلدىلار آلتە قوروتقە بىنى اوشطرفانغە ھاكم قىلدى منصب نىنىك تولا سىنى
قىرغىزلارغە بردى اما يورت دىن وقىرغىزلار دىن بد كىمان بولوب وخون ناحق
ترکاج آرام آلاالمای چار ناچار مکه معظمه زىارتىكا بارامز دىب وداع ايلاب
يولغە روانە بولدىلار يورتنى اوغلى يولباس خانغە تفويض قىلدى تارىخ
بر مىنىك سىكىن ايدى مغولبە پاى تىختى يولباس خانغە تعلق تافتى نچە يىل
ھكىومت قىلدى بر طرف بولدى اندىن كىن عمىكلارى اسماعىل خان بن
عبد الرحيم خان ھكىمرانلىك قىلدى داد عدلنى فقرالار اوستىكا يايىدى ھمە
فارغ البال ومرفە الحال اوتىلار وبولار دورىدا يورت دىن مخدوم الاعظم فرزند
رشيدى خواجه يوسف خواجه واوغلى خواجه ھدايت الله خواجه مشهور اسملارى
حضرت آفاق ايكىلارى داخل بولدىلار بر نچە زماندىن كىن خواجه يوسف
خواجه عالم فانىدىن عالم باقىغە رحلت قىلدى كاشغردا مدفون تافتى اسماعىل
خان اون ايكى يىل ھكىومت قىلدى آندىن ايلەغە سفر قىلدى موندىن كىن
يورت محمد امين خانغە قرار تافتى اولوقت خواجه اسحاق خواجه اولادلار بىدىن
خواجه دانيال خواجه سجاده نشين لىق مقامى دا ايدى ھكىومت ايشلارىغە آراشتىلار
خانلار اوزلارىنى قىلماق تورەلارىغە تاشلادىلار بو خانلار دولتى چراغى اوچتى
اما قىلماق لارنىنىك طمع زياده ايدى بىنكى لاتىب بورغون چرىك مانكىوردى
غالب كلىب آلدى اما ضبط قىلالما دىلار وىتە شەر مسلمانلارى قىلماق اطاعت لارىنى
ابا قىلدى چرا كە فقرالارنىنىك خواجهلارغە جقىدە اخلاص لارى زياده ايدى
ناچار قىلماقلار خواجهلار بىلان اتفاقلاشىب شرىك لىك برلە يورتنى سور ايدورغان
بولوب قالماقدىن بر تورە نچە قىلماقلار بر شھر دا تورادورغان بولدى باج خراج
اورنىدا ھرىيلدا ايلەغە خام چىقارىب توردى بىنە برى اولوقت دا بو مغولستان
يورتىدا قل يوق ايدى دانيال خواجه دىن كىن عبىد الله خواجه متصدى بولدى
اوشبو دستور جارى ايدى اندىن كىن اوغلانلارى خواجه يعقوب خواجه

وخواجه يوسف وخواجه خاموش خواجم لار اتفاق لاشيب يورت دارليقدين
 با خبر بولدىلار خواجه يعقوب خواجم يار كنددا پای تخت ده ايدىلار خواجه
 يوسف خواجم كاشغردا ايدىلار خواجه خاموش خواجم اقسودا ايدىلار اولوقندا
 ايله دا قلماقلار اولوغى توره قونكتاجى دىكان پادشاه اورنىدا اىكانلار بولطرف
 قبول كلا قزاق و قلماق قيرغيز و تركستان چمكت سىرام و مغولستان يورتىغه
 حكران اىكانلار خواجم لار مو قونكتاجى فرما و اطاعتى غه بويون سنوب هر بيلدا
 بر ويا ايكى نوبت تارتىق پيشه كس بيلان چىقىب كورونوش قىلىب جواب
 بولغانىدا يانيب كلىب هر قيسى لارى اوز جايلارىده بر قرار بولور اىكانلار
 بلكه هر قيسى خواجم لار نىنگ بر رته اوغلانلار ينى بار بىمتاي قىلىب ايله ده توختا تىب
 ساقلار اىكانلار اشبو منوال ده نچه بيل لار اوتوب دورلار من كور خواجه يوسف خواجم
 دور بين كنگاشليك و تدبيرليك كيشى ايدىلار تولا تارتىق و پيشه كس لار بيله ايله غه
 چىقىب قونكتاجى نظرلارىدىن اوتوب بر نچه زمان ايله ده توروب حيله و تدبير
 بيلان خواجه زاده لارنى آجراتىب اليب بارلىغ بيلان اقسو غه قراب تىزتىند
 يوروب موزدا بان غه يتىب كلكانىدا توره فشيمان بولوب بارلىغ لارىدىن يانيب
 خواجه لارنى ياندروب كىلسون دىب آدم چافتورغان اىكانلار كلكان آدم لارىغه
 جواب ايتماي داباننى محكم قىلىب اقسو غه داخل بولوب صورت واقعه نى شهر
 شهرلار غه بيان قىلىب خط برىب دور كىم هر بر لارى اوز شهرلارىدا كى قلماق
 نجس بى پاكى بو پاك زمين دىن براف قىلىب باشلارىغه تىغى بى پاك اورسونلار
 دىب خط برىب دور يتىب بارا چه همه قرا خانلارنى بوق ايتىب دور اما اولوقت دا
 خواجم لارنى آق خان و قلماق لارنى قرا خان دىب آثار اىكانلار خواجه يوسف
 خواجم بويته شهردا كى قلماق لارنى نيست نابود قىلىب كافر اطاعتىدىن خارج
 بولوب اسلام ينى باشدىن اشكارا بولدى نقلى دور كىم قلماق لار اوزلار ينى
 راسلاب بولطرفكا لشكر مانكدروب انتقام آلفو چه ليك فرصت بولماي قونكتاجى

عدم خلوتخانه سیدا مکان توتی اوغلی داباچی تورە بولدی کچیک خاتونیدین
 بر اوغلی بار ایدی بوخانون نینک جماعلاری تولا وایل اولرسی کوب ایدیلار
 کچیک اوغلی نی تورە قیلماقچى بولوب مصاحت قیلاشیب اراده مجادلە لار فیدا
 بولدی ارکان دولت لاریم و ایکی درقە بولدی مفارمت لیک قیلا المای کچیک
 اوغلی طرفیدین عدرسنا نام بر قلماق بچین غە باریب خاقان چین غە عرض
 تیکوردیکم مغولستان تورە لیکى منینک اولادیغە بتار ایدی باشقە کیشی تارتیب
 کتى منکا چریک یاری برسابکیز مغولستان یورتینی خاقان چین حکومتی غە تعلق
 برسام دیب اول وقتدا کانکشی خان دیکان خان ایکان مغولستان تصرفی طمعى
 کونکایدا بار ایدی خوشبولوب بوزغون چریک قوشتی ایله سرحدیغە الیب
 کلدی داباچی برادرلیک قیلا المای خزینە ودفینە لارینی امکابلاری بار بیچه
 الیب بر مونچە نەمک خورده آدم لاری بیلان ایله دین قاچیب چیقتی نە برکا بار -
 یشبینی بیلمادی اما بولوقت دا اوشطرفانکا خواجە سی بیک دیب بر آدم نام دار
 قونکاجی فرمایشی بیلان حکومت قیلایب تورغان ایدی خواجە سی بیک دین وفا
 امید توتوب اوشطرفانغە کلدی خواجە سی بیک آلدیغە کیشی چیقاریب عزت
 واکرامنی بجا کلتوروب اورداسیغە توشوردی اما هیله تدبیری زیاده کیشی
 ایدی تورە نی اوز اورداسیغە توشوردی آدم لارنى هر جایغە تعین لب توشوردی
 بخشى ضیافت لار قیلدی اوچ بوزچە آدمی بیله ایکانلار همەنى اوی اویده
 توتوب بایلادی داباچی نی اورداسیدا باغلاب آلدی ایله غە خطای لشکری
 کیلکانی اشکارا بولوب ایدی مصاحتی شونکا قرار تافتی کیم بو کافر نی کیلا
 دورغان کافرغە سوغە قیلیب الیب بارسام مونینکدیک بخشى مصاحت بولماس
 دیب بولغە روانە بولدی نکس غە بتیب بارغانیدا خطای چریکی غە ملاقات
 بولدی واقعه نی بر بر عرض بیان قیلدی چریک لار اولوغی امر قیلدی کیم ای
 خواجە سی بورتورە لار اولوغ خان نینک چونک دشمنی ایدی اوبدان قیلیب بخشى

وقتا الیب کلیب سیز ایمدی اوزینکیز الیب باریب اولوغ خان خذمتلاریغه
 باریب خذمتکار چیلکینکیزنی معلوم قیلیب یانینک دیب بویروب ینه علیحده خط
 قیلیب کیشی قوشتی بچین غه الیب باردی بو خذمتی مقبول بولوب وانک لیق
 منصب جلدو قیلیب بردی * انداغ ایش قیلغانغه موندین کیم کرکدور جلدوسی
 تا الوقت نبیره لاریدین قادر بیک وانک لیقدا بر قرار دورلار اما خطای چریکی
 ایله غه کر برب تصرفیغه کیرکوزوب بویته شهر تصرفی حرکت وترددی غه توشتی لار
 بویته شهردا خواجه اسحاق ولی الله اولادلاری بار ایدی خواجه افاق اولادلاری
 برله نقار ورنجش قیدا بولوب خواجه افاق اولادلاری ایله غه اسماعیل خان
 یلان چیقیب کتکان ایدی اما آدم لاریمو ایکی فرقه بولوب بعضه لار خواجه
 اسحاق خواجه اولادلاریغه انابت قیلیب بعضه لار خواجه افاق خواجه اولادلاریغه
 انابت قیلیب مرید مخلص بولوب کلکان ایدیلار ایله نینک بعضه کتله لاری معلوم
 قیلدی لار کیم بولیرده خواجه افاق خواجه اولادلاریدین بار شولارنی بیله خواجه
 یساب الیب بارساق ینه شهرنی آسان قولغه کیرکوزکالی بولادور بولماسا خواجه یوسف
 نهایتی تدبیر لیک کیشی آسان قولغه کیرماس اولوغ خان چریکی ضایع بولوب
 کیتور میکن دیکانیدا همه کا معقول بولوب برهان الدین خواجه نام خواجه افاق
 اولادیدین بر کیشی بار ایدی بیله الیب کلیب اقسو غه داخل بولدی اقسودین
 اوشطرفانغه باریب تصرف قیلدی بو آوان ده کاشفردین خواجه یوسف خواجه
 اوغلی صدیق خواجهنی باش قیلیب بوزغون لشکر برلان کافرلار اوستیکا
 ایباردی اوشطرفانغه یتیب کلیب محاربه ومقائله لار بولدی آخر الامر اسلام
 لشکری شکست تافتی کاشغر طرفیکا روانه بولدی خواجه یوسف خواجه بی تاب
 ایدی لشکر بانیم بارغوچه عالم فانی برله خوبلاشتی کافرلار ارقه لاری بچه باریب
 کاشغرنی آلدی واندین اوتوب باریب یارکند وختننی آلدی خواجه یعقوب
 خواجه باشلیق خواجه اسحاق خواجه اولادلارینی تمام شهید لیک درجه لاریغه

• یتکوردیلار بویته شهر خطای خاقان چین غه تابع ومنتقاد بولدیلار اسلام رونقی کئی تا اولوقتدین تاریخ برمینک ایکی یوز سکسن برییل بولغوچه لیک خاقان چین اطاعتی ده بولدی لار بو آران سعادت انتظام ده کوچاده خواجه راشدین خان خواجه باش کوتاریب کافرلار باشیغه تیغ تارتیب تا قبول غچه لیک اسلام آشکارا قیلدی حاصل الکلام بوکیم عبدالله خان تاریخ برمینک سکسن بولغانیدا حرمین شریفین زیارتیکا سفر قیلیم اوغلی بولباس خان غه یورت نی تفویض قیلغان ایکانلار نچه ییل سوراغانلاری معلوم بولمادی اندین اسماعیل خان اون ایکی ییل سوراب دور اندین کین محمد امین خان سوراب دور اندین کین خواجه لار غه اوتوب دور نچه ییل سوراغانلاری ییلنمادی و خاقان اهلی تاریخ نینک نچه سیده بویته شهر غه داخل بولدی ونچه ییل حکم سوردی بولم روشن ایماس اما بول اوترادا ایکی یوز ییل ایچندا اوتکانلار نینک تاریخ یوق عبدالله خان دین کین خان مذکور جماعه لاری سوراب دور و آندین کین خواجه لار سوراغانلاری بولوب تخمینا قرق ییل نهایتی الیک ییل سوراغان بولغایلار بو حساب ده بویته شهر نی خطای لار بر یوز الیک ییل ویا بر یوز التمیش ییل سوراغان بولغای لار اما بو قسم حوادث عظیمه لار احوالاتی و بلیات قضیه لار واقعاتی دین خبرلاری بار ییلا دورغان جهان کشته و سرکندشته تاریخ کتابلارینی مساس قیلغان یردا بردانی زمان و افاضل دوران البته تاریخ فتوکان بولغایلار حاکم ولایت لار خزینه و کتابخانه لاریده توروب قالیب قترات وقتی دا یوقالیم کینکان بولغایلار یا که ایل ارا شایع و اشکارا بولمای فتولکان جای مکانلار یردا کم نام لیق نی اوزلاریکا لازیم توتوب یاشونغان بولغایلار القصه بویته شهر مغولیه یورتیغه خواجه لار استیلا نافعاندین کین خواجه ذکر فکر درویش لیک ییله بولوب یورت فقرا احوالبدین خبر آلمای غماز نام سخن چین آدم لار خواجه غه مقرب بولوب عقید اتینی زیاده کورسانیب و ناشقاری چقیب هر برلاری بر بوری بولوب

بوری قوی غه چافغان دیک فقرالار مال فلی بلکه جان ایمانی غه ظلم تعدی قیلدی
 و بولار غه عشاق دیب آت قویدی یلار آبا واجد ادلار بدین تارنیب سجاده نشین لبق
 بیلان عمر اوتکار کان خواجه لار یورت دار لبق ایشیدین و سیاست رویشیدین بی
 خبر ایدیلار بولو جه دین فقرالار احوالی زبون و خراب بولدی یلار دیب برنجه دور بین
 و دولت قرین فقرالیق کوجه سیده خار ورعیه لار قنار بیدا ذلیل و نکونسار بولغانلار
 مصاحت قیلا شیب دیدیلار کیم قدم یورت یورت توتوب کلکان خانلار کوشه
 نشین لبق اختیار قیلدی و کوشه نشین لبقن اوزلاریکا لازیم توتقانلار خان بولدی
 یورت فقرالاری سر و سامان و حیران بولدی مصاحت نینک اوبدانی موکیم بیز
 برنجه آدم خاقان چین خدمتی سه باریب عرضیمزنی ایتساق و چریک طلب
 قیاساق مبادا چریک برسه لار اقلیم غه تابع و منقاد بولساق یراق یقین دشمن لار دین
 قتل ساق تا بر اقلیم غه تابع بولمای یورتیمز آباد بولالاریمز تهج بولماس ایکان دیب
 مصاحتنی توختانیب آلتنه جان کیشی و یایته جان کیشی کفشلارینی نه تور کیم روانه
 بولوب خاقان چین قروچی لاریغه اوچراب بالاخر خاقان غه ملاقات حاصل بولوب دور
 بولار عرضی خاقان غه معقول بولوب بوزغون چریک قوشوب بریب دور کلکانیچه
 بویتنه شهر غه بی جنک وجدل مالک و صاحب بولوب دورلار و بویتنه کیشی نینک هر
 بریغه وانگ گونک بیلی بیسه قنار لبق چونک منصب بریب ینه یر سوونچه
 اوبلویک دین آدم تعیین لب بریب و خنیه دین هر ییلدا کموش وظیفه تعیین لب
 هر برینی بر شهرکا حاکم قیلب دورلار اما اوشاق تالدا کته بتخانه قیلب مذکور
 بیکلار نینک صورت لارینی قیلب توختانیب یارلیغ قیلب ایتیب دورلار کیم
 آغزیغه سنک سفال بولسون بو بیکلارنی یتنه شهر نینک ایکاس و تربیت کرده
 سی قیلب منصب بر دیم موندین کین یتنه شهر غه اونکن منصب دارلار بو بیکلارنی
 یوخلاب اوتسون دیب یارلیغ قیلغان ایکانلار تا اسلام بولغونچه مذکور بتلار
 بار ایدی هر زبیلیک منصب دارلار و خواه فقرامیدی چی لار کیلسه لار اول بتخانه

بار منزلکا کلکاندە توشوب بلکہ قونوب اوز رسمی چە کاغذ کویدروب نچە باش اوروب مورگوب بت دین مدد استعانت تیلاب آندین اوتار ایکانلار اکر انداغ قیلماسه کناه غە لایق بولور ایکل اما اول بتخانە بار اوینی اولوغ اوی دیب اتار ایدیلار و مذکور بیگلار اولادلاری اوزلارینی بیزلار اولوغ اوی آدم لاری اولادلاریدین بولامیز دیب فخر مباحات قیلور ایدیلار انداغکە اسلام بولدی اول بتخانە لار بوزولدی و بیگلار فقرالیق کوچە سیغە کریم قالدیلار اون تورت یادین کین ینە خطای اهلای انا بورت لاریغە مالک بولدی اما خاقان چین دین یتە شەردامنینک انا بیامغە خدمت قیلغان بو قسم آدم لار بار ایدی اوزی بارمو ویا اولادلاری بارمو سوراغلاب تاقیب منکا بیلندورسون دیب یارلیغ کیلدی و بولار هم قدیم حانلار برکان یارلیغ خطلارینی ساقلاغان ایکانلار اوزلارینی معلوم قیلیب انا بیالاری منصرفی تاقیب آلدیلار نچە پشت لار اونوب دور و نچە بیللار اوتوب دور خانغە بولار خدمت قیلغانی اصلا معلوم ایماس لیکن خاندین قدیمی توختالغان وظیفەلارینی الیب تورادورلار اوج بیلدا بر نوبت باریب خاقان چین نینک تعظیم تواضع سینی بجا کلتوروب تەج کونکل و فراغ خاطر دولت و عزت بیلە ینادورلار خاقان چین نینک چونک و اولوغ لیغینی موندین بیلماک کراک بر مرتبە خدمت قیلماق لایق برلە بلالاری نچە پشت وظیفە یب یاتور ایکانلار ای مالک الملک پادشاه حقیقی دور سین بندە و مخلوق لار نینک نینک اللیک التمیش بیل ایچندە برار مرتبە قیلغان بندە چیلیک و عبادتینی مقبول ایلاب بهشت عزت سرشت اوزرە ملاقات حاصل قیلیب کناه اولین و آخربین لاریغە عنو قلمابین سورسانک درکاهنکدا هیچ عجیب و غریب ایماس یا ارحم الراحمین ویا اکرم الاکرمین انه مجیب الداعین آمین .

واقعه خواجه جهانگیر خواجه بویته شهر غه استعلا تافقانی
 و محمد علی خان کاشغر غه کلکانی و کاشغر شهری فتح بولغانی
 و بوزغون قرا چریک کلیب ینه بویته شهرنی تصرف قیلغانی
 و جهانگیر خواجه نی بچین غه الیب مانکنغانی و تولا مسلمانلارنی
 اولجه اسیر قیلیب خطای لار الیب کتکانی محمد علی خان
 ایچی ایباریب اسیر مسلمانلارنی خاقان چین دین تیلاب
 آلفانی بیانی

اما راویان اخبار و ناقلان آثارلاردین نواتری بیلان بول قسمی معلوم و مفهوم
 بولادورکیم تاریخ هجری بر مینک ایکی یوز اوتوز توقوزنجی ییلی محمد علی
 خان بن عمر خان بن شیر علی خان علیهم الرحمة والرضوان خوقند ولایتی
 و فرغانه اهالی لاریغه خانلیق و حکمرانلیق قیلیب تورغان حالتی ده بر مینک ایکی
 یوز قرق سک زنجی بیلی خواجه جهانگیر خان تورم خوقند و کاشغری عقیدت
 مند لاریدین نچه مینک آدم جمع قیلیب فرغانه ولایتی دین قاچیب مغولستان
 شهرلاریدین کاشغر غه داخل بولدیلار کاشغر مضافات لارینی جناب تورم اوزلاریغه
 تابع قیلیب خطای شهریکا جد بلیغ لار کورکوزوب محاصره قیلیب تورغان حین ده
 محمد علی خان نینک غیرت تیموری جوش غه کلیب لشکر جمع قیلیب ارکان
 دولت لارغه بطریق مصلحت دیدیلار کم خداوند عالمیان پادشاهلیقنی بیزکا
 عطا قیلیب دور سست لوق و تغافلنی اوزیمزغه لازم کورساک حکومت دارلیق
 دایره سیدین و پادشاهلیق زمره سیدین یراق کوراندور بر خواجه بی تعمل بر
 نچه آدم اوباش و بی باش لار بیلان کاشغر کفار شهرینی محاصره قیلیب ولایت
 الماق دهواسینی توزوب خانلیق کوسیفه صدا بریب کشور کشایلیقنی
 اوزلاریغه نسبت بریب دور بول ایشی ممکن لا وقوع دور ینه بری بوکیم اکر

بولار قولیدا شهر فتح بولسه كافرلار نجه يىللاردىن جمع قىلغان خزىنه و دفينه اوباشلار قوليفه توشوب ضايغ بولوب كتكوسيدور حاقان چىن بولسه زور پادشاه وقتىكه بچىن طرفىدىن يىنه كىنارلار اعاده قىلىپ استىلا تافىسهلار اولوقتدا خزىنه صرف ايتماي علاجى يوق بىشك كافرلار زور كلتوروب پراكندە لشكرنى مبادا پراكندە قىلسەلار ولايت اسلام نىنىڭ خزىنەلارى يوق بولوب كىنار احتمالى بار يىنه بىرى جهانكبير توره يورتنى ضبط قىلماق غە عاجز كىلىپ خىطاي چرىكى مستولى بولغان حىن دا نا علاج قاچىپ كىلورلار و خىطاي نىنىڭ معاملە كىب و سوزلارى البته بىزلار غە منسوب بولسه كراك مصلحت نىنىڭ اوبدانى بو كىم كاشغىر نىنىڭ اوستىكا بارغايىمىز اكر تصرفىمىز غە كىرسە نە اوبدان والا انداغ بولماسە هم غزات ئوابى بىزلار غە حاصل بولغوسيدور دىب اوج مىنىڭ قوشون بىلان كاشغىر قابىسىكا توشىتىلار جهانكبير تورم نجه مىنىڭ آدم لارى بىلان استىقبال قىلىپ ملاقات بولدىلار بىر بىرلارىكا آط اوستىدە پادشەلىك طرىقەدا تعظيم و اكرامىنى بجا كلتوردىلار محمد على خان نى بىر چونىڭ باغقە توشوردى اول وقتدا كاشغىر نىنىڭ خىطاي شەرى بىرلىك شەرى نىنىڭ اىچىدا ايدى ايرتەسى جهانكبير خان تورم تعظيم و اداب يوزىدىن محاصره ايشىنى خان مذكور غە حوالە قىلىپ محاصره قىلىپ تورغان كاشغىرلىك لارنى ياندروب آلدىلار همه محاصرهدا تورغان كاشغىرلىك لار اوزلارىنى كىنار غە آلدىلار خان يارلىغ لارى بىلان خوقند و اندىجان لشكرلارى محاصره كا جد جهد كور كوزدىلار خىطاي شەرى نىنىڭ توبىكا دارو قوبوب اوت بردىلار شەرى نىنىڭ بىر طرفىنى هواغە كوتارىپ عالم يوزىكا ساچىپ آفتاب روشن كوياشب دىجور مانند بولدىلار بو حىن دا عساكر دلاورلار پروانە اوزىنى شمع غە اورغاندىك اوزلارىنى شەرى نىنىڭ صفىلى غە اوردىلار كافرلار بىلدىكم مسلمان لار قلاعە نىنىڭ بوزولغان طرفىكا زور پىرا دورغان اوخشە دىب توشوك نىنىڭ يولىنى توسوب چىنك و مقاتلە كا توردىلار شەرى اىچىدىن

توف جزايل غه اوت بردى واسلام لشكرى تاشيدىن توف زمبرك كا اوت
 برديلار كافر ومسلمانلار بربرلار يكا ارالاشيب وقوچاقلاشيب اول مقدار جنگ
 و قتال بولد يبار كيم مسلمان لار شانولار قبايب شهر نينك هر طرفيدىن كوبا دار باز
 مثليك صفيل اوستيكا چيقتيلار اما كافرلار زور برىب شهر نينك ايجيدىن ملطيق
 وتاش وكسك تاشلاب وخودن غه اوت برىب تاشلاب صفيل اوستيدىن اوچ
 مرتبه مسلمان لارى هايداب توشورديلار اما تورتنچى كوني خان غازى كورديلار
 كيم شهيدلار قولايغى دين وزخمدار كثر تيدىن صفيل غه بارادورغان بول لار
 ايتليب كتيب دورموني كوروب خان نينك دل لار يغه رقتى فيدا بيغلاب
 زخمدار واولوك لارنى الب چيقيب فوشون ايجيكا البب كليب شهيدلارنى حضرت
 آفاق دا دفن قىلديلار نا علاج محاصره دين قوللارنى بيغدىلار بر هفته آرام
 البب جهانكير تورم غه فاتحه برىب دار الاماره خوقند تختكاهيغه رجوع ايلاديلار
 بر آي دين كين مفتاح الابواب فضل عنائتى برله خطاي شهرى فتح بولدى وفتح
 نامه خبرينى هر يرضه يازيب ملازم معتمد برله خان والجاه خدمت لار يغه تارتيق
 وپيشه كش لار بيلان خوقند غه مانكورديلار كاشغر بنكحصار بار كند مرالباشنى
 تصرف لار يغه كركوزديلار اما ختن اوزره محاصره دا ابديلار ليكن عسكرلارى
 افسر شهر يغه ايكي تاش مقدارى دريا لى غه كليب برنجهسى دريادىن اوتوب
 ايرنه بيلان افسر شهرينى فتح قيلساق كرك ديب فارغ البال يانقانيدا خطاي
 لشكرى افسو غه داخل بولغان ايدى چيقيب بر زور برماك بيلان آرقه برىب
 قاشتيلار بوزغون خطاي چرىكى آرقه دين قوغلاق بارىب كاشغر بار كند
 بنكحصارنى ثانيا تصرفيكا كركوزديلار اما خطاي لشكرى نينك بوزغون ليغىنى
 بعضه لار بكرمه تمن وبعضه لار اون تمن اعتبار ايتادور اولوقت دا خاقان چين
 وفا آن ماچين تخت كاهيدا دوانك خان ديكان خانليغ دا دولت لارى زور
 واقبال لارى عروج دا هيچ طرفى دا دشمن نينك اثرى يوق ايكانلار چرىك

• براغ اسلمه اوق داری قنارلیق آلات اسباب جنك دین باشقه ایکی یوز بکر مه
 ەر ابادا قوی نینک میاقینی یاغدا قوروب مانکدورغان ایکانکیم چریک لار قار
 یغوردا قالیب غذا فیلیب بھاك کا اوتون تفالماغانیدا مذکور میاق غه اوت
 یاقیب غذا فیلیب بسونلار دیب بویروق بولغاندا بو میاق نینک آلدی قرا
 شهرکا وکینی طرفاغه کلکانیدا یورت قولغه کرکانی نی انکلاب یاندروب کنکان
 ایکانلار چریک نینک تولالبعی نی و خان نینک کوچی بارلیغی نی موندیرن قیاس
 قیلماق لازیم حاصل الکلام خطای چریکی نینک سرداری ای جانکجونک دیکان
 ایکان کوچالیق عثمان بیسه بیک نینک ایکیجی اوغلی اذاق بیک یول باشلاب
 کاشغرغه باریب دور و جهانکیر تورم آرقه لاریدین فویلاب آلائی دیکان منزله
 بارغاندا خواجه ناعلاج بولوب ای اذاق سین نا امید قالماغین منی بایلاب
 خطای لار اولوغ غه ایب بارغین دیکانیدا حدیم ایماس دیب ییغلاب عذر
 معذرت غه تیل اچیب تقصیر دیب تورغان لاریده مارك رومیال لاری بیلان اوز
 قول لارینی اوزلاری باغلاب ایمدی یاغلیق اوچیدین توتوب منی ایب
 بارغین دیکانلاریده امر عالی لاریغه بویون سنوب تورم نی خطای اولوغ قاشیغه
 ایب کلکان اوچون اولوغ خان نینک دشمنی نی اذاق توتی دب ایلاتقاب
 عربسه بریب دور و بو خواجه نی اذاق سین بچین غه ایب باریب اولوغ خانغه
 خدمتکنی معلوم قیلیب اوزونکنی بیلندروب یناسن دیب بویروب نچه آدم لار
 قوشوب بچین غه ایباریب دور خان سوراب شهید قیلدیلار دیدور و بعضه لار
 خان کورمادی بر یردا مخفی قویغان ایدی اوز اجل طبیعی بیلان
 کتبلار دیدور العهده علی الراوی اوشبو سبب بیلان اذاق بیک کا جونک
 وانک لبق منصب بردی واغچه سیغه فوجین لبق منصب بردی هر ییلدا یکر مه
 نورت یامبو وظیفه توختاتیلار واغچه لاریغه اون ایکی یامبو تعیین قیلدیلار بنه
 بر سرزمین و آدم لار شانکلاغان ایکانلار اندین اوغلانلاری احمد وانک بولدی

آندین حامد وازك بولدی الان محمود وازك مذکور وظیفه‌نی جلدو طریقهدا
 الیب حاجت‌لاریغه صرف قیلادور اما بودولت بطنا بعد بطن قرنا بعد قرن
 تا خاقان چین دولت‌لاری بر قراردور بو مذکور وظیفه‌لار هم بی کم وکاس
 کلیب تورار ایکانلار اما اولوقت‌دا اذاق وازك بیك کاشغرغه حاکم واولغلی
 احمد بیك اقسوغه حاکم بولغان ایکانلار اما خاقان لشکری بو شهرلاردین تورم‌کا
 قشولوب خدمت قیلغان و منصب توتقان آدم‌لارنی تاقیب اولتوروب یر سو
 چهار پای قنارلیق کلی اشیا‌لارینی اولجه وخنیه‌قیلیب اون مینک‌دین زیاده‌راک
 خاتون اوغول وقیز نارسیده بله‌لارینی اولجه واسیر قیلیب هایداب بولطرف
 ایله سرحدیغه واولطرف لئجوسنک غچه الیب باریب خطایلا رغه تافشوروب
 بریب خدمت‌کا توتوب برکانلارینی پادشاه ابوالمظفر محمد علی خان نورالله
 مرقده انکلاب ییلیب بیزلار سبب و باعث بولوب دور میزدیب خوقنددارا لسلطنه
 سیدین خاقان چین‌غه بوزغون تارتیق پیشه‌کش‌لار قیلیب عالمبای پاچه‌منکباشنی
 باش قیلیب برنچه آدم قوشوب خاقان چین‌غه الچی قیلیب عربضه بازیب ونچه
 مدعالارنی مندرج ایلاب دور بری بوکیم اولوغ خانغه تیغ تارتقانلار همه یوق
 بولدی‌لار نارسیده بله‌لار و عاجز مظلوم‌لار قولیدین هیچ یمانلیق اوتماکان
 بولغایلار اولوغ خاندین اشبولار کناهیینی تیلا یمن ینه بری بو آلته شهرغه نام
 اند یجانلیق اوستیده من بر اقسقال توختانسام خبردار بولوب یمان آدم‌لار
 کر بپ قالسه توتوب منکا چیقاریب برسه من جزاسینی برسام اولوغ خان نینک
 کونکلی جو بایدورغان ایشلار بولماسه دیب اوشبو منوالده نچه ایشلارنی مندرج
 ایلاکان ایکانلار مذکور ایلچی نهایتی عزت و آبرو بیلان پای تخت‌کا داخل
 اولوب دور خاقان چین عربضه‌نی کوروب کمال انصاف‌دین معقول
 توتوب چونله قیلیب کلا اولجه بولغان خواه قری وخواه باش قیز جوان رسیده
 نارسیده بله‌لارنی یاندوردوم دیب بارلیغ توشوب همه شهرداکی اولجه‌لارغه

قرا دېن قراغە آت اولاق وآش طماق لار بربىب جاى وطن لارىغە ياندرىب دور
 اما بول ارادە تورت يىل مقدارى اوتوب دور نچە لارىنى خطايلار تصرف قىلىپ
 بلا تافغان ايكانلار بلالارى بيلان ياندرغانىدا بولار غريب مسافرلىق دېن
 قوتولوب اوز وطن لارىغە يانغانلارىغە نهايتى خوش بولوب چونك كچىك ھە
 ھزىن ونمكىن آواز لار بيلان صوت صداسىنى بلند كوتارىپ نازوكوم وآى
 وآى نازوكوم دىب غزل ومقام اختراع ايلاب چونك يول بيلان اوتكابلارىدىم
 خلايق لار اوزون يرلاردىن انكلاب كوركالى كلىپ ھەلار طاقت كىلتورالماي
 نوح وزارى قىلىشقان ايكانلار تا الوقت نازوكوم غزلى وصوت صداسى ابلارا
 شابع دور ينە برى بوكيم بو آلتە شەرداكى نام اندجانلىق مسافرلار اوستىكا
 افسقال تورماق لىقغە يارلىغ بولغان ايكانلار بول ھم تا الوقت جارى دور عافىة
 الامر محمد على خان بو عالم بى بقا بيلان خوبلاشتى خدايار خان خانلىق تخت كا
 اولاشتى بر نچە مدت دىن سونك فقرا والامانى لار خدايار خان دىن يوز اويروب
 اكالارى ملە خاننى خان كوتاردىلار خدايار خان اوزىنى بخاراغە آلدىلار ملا
 عالم قل قىرغىز اغواسى بيلان ملە خاننى شەيد قىلدىلار تورت يىل ھكىمرانلىق
 قىلدى تاشكند ھاكىمى قناعت شاھ ناچىك مشورت ومصاحتى برلە خدايار خاننى
 بخارى دىن اليب كلىپ ثانيا خانلىق تختىدا اولتورغوزدىلار اما عالم قل قىرغىز
 بر نچە قىچاق قىرغىز بى تمىزنى اوزلارىغە رام قىلىپ اوباش بى باشلارنى جمع
 ايلاب ھكىومت دارلىق آرزوسى باشىغە اورلاب كوس منازعت ومخالفت نى
 چالدىلار كوندىن كونكا فرغانە ولايتى دولتى تنزل وتزللغە ھايد بولدى تارىخ
 بر مېنىك ايكى يوز يتمىش سكر ايدى خدايار خان ايكنچى مرتبە تخت دا بر
 قرار اولدىلار جھانكېر خانتورم زمانە لارىدىن تا بودمغچە كاشغر بلکہ يتە شەر
 بچىن اھلى قوليدە ايدى اما بولوقت دا ولى خان تورم كلىپ كاشغر شەرىنى
 محاصره قىلىپ صحراوقىشلاق لارنى تابع قىلىپ تولا فاسق فاجر وجابر ظالم لارنى

اولتوروب تىنىنى تاشلاب كافر و فاسق مسلمانلار باشلارى آزالاش قىلىپ
 آلتە كلە منارە قىلدىلار منارە نىنىك بىلەن بىكىنى اون كز اعتبار قىلادورلار بىنە
 كىن بوزغون خطاى و قلىماق چرىك لارى كلىب اليب كىتلار و تولادىن تولا
 آدم لار نابود بولدى و بىنە كىن كنه خان تورم و كچىك خان تورم لار كلىب اوچ
 آى محاصره قىلىپ آلا الماى بى نىل مقصود وطن اصلى لارىغە رجوع قىلدىلار
 و بولار نىنىك قصە و حكايات لارىنى تفصىلا بيان قىلسام سوز اوزاق غە كىتىب مقصد
 طرفى براق غە كىتىب قالورمىكەن دىب عنان خوشخرام جلاوینى مطلب بولمىغە
 تارتىم و بولار قصە و حكايە لارىدىن قايتىم .

حكايە خاقان چىن اول زماندا مسلمان بولغانى و تونكانى
 طايفەسى چىن مملكتى دا وطن توتقانى و خطاى تونكانى
 جدل ماجراسى و خاقان چىن دولتى غە قصور و فتورلار
 يوز كلتوركانى واقعاتى و مقدمە اختتامى بيانى

تارىخ بر مىنىك ايكى يوز سكسن بر بىلان بىلى ماه محرم الحرام نىنىك برى
 شنبە كىچەسى و ثور اخرى فصلى ابدى كوچادا متوطن تونكانى ماشور اخوند
 مالونىك شمس الدين خلفه لار باشلىغ بر نچە تونكانى لار كوچاوى شانىك لارىغە
 اوت قويوب منصب دار و چرىك لارنى اولتوروب خاقان چىن اطاعتى دىن
 چىقتى اما بو تونكانى لار اطاعت دىن چىقماقغە بر سبب و بر علت دىن بيان
 قىلماق لازىم كورولدى نقلا و مملا نقلى قىلغوچى لار لفظى دىن بوورق
 صفحه سىغە ثبت ايتماك لازىم ولايدى كوروندى اما هر آدم بر قسىمى حكايە
 و قصە لار قىلادورلار بر برلار بىكا مختلف دور اما عاقل لار عقل لارىغە معقول لار
 بولادورغان درست راق حكايە غە عمل قىلماقنى معقول و مناسب كوروب شمهء
 نقلا بيان قىلندى واقعه سى بودور كىم زمان اولده خاقان چىن ده بر عدالت پىشه

پوقرا اندیشه تانك وانك خان ديب بر خان بار ايكانلار كېچەلاردىن بر كېچە
توشىدە بر ارژدا خان نىنك اورداسىغە فېدا بولوب بر توبروككا يوركاشىپ
دم نارتقالى تورغان حىن دا بر ياشىل چقان كىكان وباشىغە آق نرسە يورككان
بر هېتلىك بر آدم كلىپ قولىداكى عصاسى برلە ارژدرنى اورغان ايكانلار
ايكى پاره بولوب اولوب دور قورقوب اويغانىپ ابرتەسى وزرا وامرالارىنى
حاضر قىلىپ كوركان توشلارىنى بر بر معلوم قىلىپ تەبىرىنى سوراغاندا
وزىر دانا ايتىپ دوركىم اوشبو زمانەدا قبلە طرفدا اوشبو صورتلىك بر آدم
فېدا بولوب پىغمبرلىك دعواسى قىلغان ايمش شايد شول كىشى بولغاي
دېدىلار خان بارلىغ قىلدى مذكور آدمنى تكليف قىلىپ اليب كىلسون دىدىلار
اما وزير دىدىلار كىم اول كىشىنى تكليف قىلىپ اليب كىلما كىشى بو يروساق
وتارتىق پىشەلار اىبارساك دىكانىدا معقول توتوب طوارچاي چنى ھدىە قىلىپ
ملازم لارىدىن بر معتمد قابىلىتى بار آدمنى باش قىلىپ بوزغون آلتون كوش
برلە يولغە سالدى شەر بىشەر يوروب بالاخر مذكور صفتداكى آدمغە يعنى
پىغمبر اخر الزمانغە ملاقات حاصل قىلدىلار عرض مالنى بر برىن بيان قىلدى بر
نچە كوندىن كىن خط قىلىپ قولىغە برىپ ايمدى سىزغە رخصت دىپ يولغە
سالدى بو الچى دىدىلار كە من اوزلارىنى تكليف قىلىپ كلىپ ايدىم دىپ
تورغانىدا جواب بر دىلار كە اوشبو خطنى اليب بارىنك بولدا اچمانك اولوغىنكز
قولى برلە آچسون من ھم اولوقتدا حاضر بولورمن دىدىلار بر مو نچە مدت
يوروب برىكا كلكانىدا شيطان وسوسە قىلدى خطنى آچماقغە اوضرادى
بالاخر اچتى مذكور اولوغ خطدىن چىقىپ كىكاننى معاینە كوردى فشىمان
قىلدى فايدە برمادى خطنى ايلكركى دىك يىلاب خان نىنك آلدىغە باردى ماھو
الواقىنى بر بر عرض قىلدى خان خطنى اچىپ اوقودى اما بو خط خاقانچە
ختولكان ايكانلار خان تعجب قىلىپ دىدىلار كىم بو خطنى كىم فتودى دىدىلار

من بیلما دیم دیب جواب بردی در واقعه کورمکان ایدی و کیم آچتی دیب
 سورادی وایتی کیم راستی نی دیسانک کناهی نکی دین اوتتوم مبادا یالغاننی ایتسانک
 تریک قویما یمن دیکانیدا راستینی اینمای علاج بولمادی راستی نی بربر عرض
 معلوم قیلدی خان عدالت پیشه کناهلارینی عفو قیلیب یارلیغ قیلدی بکم بو قیلغان
 کناهی نکیغه ینه باریب یا اوزلارینی الیب کیلکیل یا خط الیب کلکین دیب
 روانه ایلادی برنجه مدت دا ینه هزار مشقت لار بیلان یتیب باردیلار کورکان
 همانا دیدیلار کیم شیطان نینک کینی غه کریب خطنی اچیب کوروب اوزونک کا
 هم قیلدینک اولوغینکغه هم قیلدینک دیب وقاص قاص عاص دیب اوج
 اولوغ کیشی نی قوشوب یته آدم نی همراه ایلاب اون کیشی برله کلکان الی کا
 قشوب بولغه سالدیلار منزل بمنزل یوروب جای ون غه یتیب بارغاندا برلاری
 وفات بولدی اولیردا دفن قیلدی مزارات عالی دور جای ون دین اوتکاندین
 کیم ینه برلاری وفات بولدی مزاراتی معروف و مشهور دور وقاص بیام بیله جمع
 سکز کیشی نی الیب خان نینک شهر یغه یقین یتیب بارغانیدا استقبالیغه آدم لار
 چیقاریب عزت واکرام لار برله شهرغه داخل قیلدیلار خان ایتی که من توشوم دا
 کورکان کیشی کیلماب دور دیب کونکلی اندیک بولدی ایمان شریف اینماق دا
 وزیرلار برله مصاحبت قیلدیلار بعضه لاری معقول کوردی و بعضه لار معقول
 کورمادی اون ایکی چونک وزیر ی بار ایدی اما خان وزیرلاریدین مخمس
 ایمان دولتی غه مشرف بولدی اما بوسکر کیشی بولار نینک سوزینی بیلمایدور
 و خاقان اهل بو سکز کیشی نیک سوزینی بیلمایدورلار کوب تنک بولدی بو
 آز آدم لار بولیردا غریب بولوب قالدی ینه اوشبولار بیله سوزلا شیب انس
 الفت آلا دورغان آدم تافیب کلسون دیب یارلیغ قیلدی سکسن اوبلوك خطای
 فقراسنی الیب بر معتمد کنه آدمی برکا الیب کلیب سمرقند مملکتی غه یتدی
 سمرقند مملکتی دین مذکور سکسن اوبلوك آدم کا قرق قن مسلمان نی تیکاشیب

خاقان چين غە باردى جمعى قرق سگز تن بولدى اما سمرقند پادشاھى مذکور
سكسن اويلوك آدم غە كنگرو يايلاق كورسانىب بردى اول بردا وطن توتى
اولادى كنگرو بولدى خطاي قېچاقى اشبو طايغە لار اولادىدىن دىب نقل قىلادور
وبنە اولكېم پېغمبەر آخر الزمان محمد مصطفى صلى الله عليه وسلم زمانە لارىدا
سمرقند اسلام دولتى غە مشرف بولماغان ايدىلار اما شريعت مصطفىه عليه
الصلوة والسلام غە تبعيت ليكنى اكمال درجە لارىغە ينگرگان بر صاحب كرامت
بولغايلار تونگان طايغە لارى پېغمبەر آخر الزمان وقت لارىدا ايدى دىب نسبت
برگان بولغايلار والله اعلم بحقيقة الحال كلا تونگانى لار اشبو قرق سگز تن اولادى
دين دور اما هر شهر شهر لارده خطاي اهلى دين مخفى تونگانى دين لارىنى اختيار
قىلىپ مسلمان بولادور لار اما تونگانى طايغە سى مرتد بولوب خطايغە دين ملت لارىغە
انتقال قىلمايدور ديدور بولوجه دين تونگانى كروهى تولادور دىب اينادور لار
اما خان نجت بيدار اسلام دولتى غە مشرف بولوب يورت يورت غە يارلىغ
مانكدور وب دور كيم هر كيشى مسلمان بولسه يورت دارلىق مەونتى دين دارخان
والا ابا واجداد لارىمىز رسم رسومي دين چىقمايمىز ديسە لار مو اختيار اوز لارىدا
دور دىب يارلىغ يوروتى لار اما خاقان چين نينك قديم الايام دين قاعده دستورى
فقرا رعيه لارى قيسى ديندا بولسه لار دين لارى بيلان ايشلارى يوق اوز دينيه
ويا باشقە دين ملت غە تكليف قىلمايدور هر آدم اوز دين ملت لارىدا محكم
و مستقيم بولسه لار اوبدان بيلادور لار اما بو خاقان چين غە مسافر بولوب كلگان
مسافر لارنى رام قىلىپ بچين دا توختا تماقغه سعى سبب لار قىلىپ اوز رسى لارىچە
چونك جونكشى لى يعنى اويون تماشاغە يارلىغ قىلدى ايروخاتون ياش وقرى
همه جمع بولسون دېدىلار ليكن مسلمانلار غە يارلىغ قىلدىلار كيم اوشبو اويون
تماشاغە كلگان خواه ياش وخواه چونك وخواه قىز ضعفالار مسلمانلار طبع غە
موافق كېلسە خواهش قىلغاننى بوپروب پيرامز اكر چندينكه ايرى وخواه بلە

فرزندى بولسه مورعايه قىيامىمىز دىب يارلىغ قىلغاج مذكور مسلمانلار
 كونكى وطبع خواهلاغاننى توتىلار خان يارلىغ قىلدى شريعت
 مصطفى برله امرلار يكا آلدى واوى تعلق توتوب توروب قالدىلار تونكانى
 نام كوتاردى اما ابرى بار خانونلارنى وكچيك قىز بله لارنى رعايه قىلماي بوزغون
 مجمع دايكالا نىب آلفانى فقر الارغه پسند بولماي سوخوى خوى ايكان ديدىلار يعنى بوزى
 يوق دىكان بولور ايميش تونكانى بيله خطاى لار جدل ماجرا قىلغانىدا سوخوى خوى
 دىب دشنام قىلادور اللىك خطاى ففراسىنى بر تونكانى برله برابر قىلدىلار
 واللىك قسمى كنه قىلماغو نچه تونكانى لارنى سياست غه اولتورغوزمادىلار اوشبو
 قسمى نچه خاطر ورعايه لار تونكانى لار حقيدا صادر بولوب تونكانى لار كوتار بىلىب
 خطايلارنى اصلا كوزىكا ايلمغان سبب لارى بودور اما خان شريعت يار نچه
 بىلدىن كىن عالم باقىغه رحلت قىلدى واوغلى قايم مقام بولدى بر نچه پشت
 اسلام شريف رواج لىقى بىلان اوتى آخر طغيان اىلاب قديمى ملت لارىغه
 انتقال قىلىب كتىلار مذكور وقاص هم عالم دىن اوتى مزارتلارى مشهور ديدور
 عاقبت الامر نچه قرن ونچه يوز بىل لار اوتى تونكانى طايغه سى اير كىن اوتىلار
 آخر الامر شىنى فودىكان شهر مضافانىدا بر كچيك راك شهردا تونكانى لار
 بر مدرسه نما خانقاه بنا قىلىپ بر مو نچه بنام زمين نى خاندىن تىلاب اىب
 سو چقارىپ آباد قىلىپ مذكور خانقاه غه وقف قىلنپ حصولىنى مدرسه دا اوقوغان
 طالب لار غه تعيين قىلىپ كلكان ايكانلار بالاخر وقف اشلىقنى خطاى لار نىنك
 تونكوزلارى كرىب دور نچه دفعه هايداب چىقارىپ دور وجدل ماجرالار بولوب
 آخرى بغدادى نى خرمن قىلىپ حاج قىلغانىدا ينه تونكوزلار كىرىب حاج نى
 بىب دور تونكوز ايكاسى خطاى بىلان ماجرا قىلىپ بر برىنى اوروب بىقتىب
 فويوب دور بر نچه خطايلار خطاى غه حامى بولوب دور ومدرسه دا ياتقان طالب لار
 قونكانى لار غه حامى بولوب دور جدل چونك بولوب شهر نىنك اولوغى آنكلاپ
 تسلا تىب قويوب اما اولوغلار يغه خط قىلىپ معقول قىلىپ دور لاركىم بو وقف زمين نى
 نچه بىلدىن بوليوز يده تارتىپ تىكىب حصولىنى آلدى ايمدى برنى خنيه كا اىب

ساقساق فلنى خزىنه كا آلساق دىب كته لارىغە مەقول قىلىپ ستادورغانغە جزم بولوب اوستىكا كىشى چىقارىپ ىرنى چىزالاب نرخ تەيىن لاغاندا مەدرسە داكى ملالار وتونكانى لار غا قىلاشىپ قوپوب ىر ساتقالى چىقان منصب دار ملازم لارنى قويلاب شەرغە كرىپ دور بولار شەرغە ىتىپ كەلكەن ھمانا شەرنىنك دروازە سىنى مەكم قىلىپ مەادلە ومقاتلەغە انجام تاقىپ دور وتونكانى لار كروھى كىنكرو بولوب تونكانى اىچىدا مافالونك دىب بر نامدار علماسى بار اىكان انى خان كوتارىپ دور چىنك جو فر دىب بر كته شەرنى تونكانى بنا قىلىپ خانىنى اول شەر اىچرە تىخت ساطنت دا اولتور غوزوب ھر طرفكا حكەر انلىق قىلىپ دور اما بولسوقت دا خاقان چىن يورت لارىغە انكلىس نصارى لار غالب بولوب برمە ولايتىنى ىتمىش اىكى شەرلارنى مسخر قىلدىلار ونچە شەرلارنى الىب وىران قىلغان ھالى اىكان وبر طرف اوسون كوى چن موزا خانلىق تلاشتى وبر طرف تونكانى جدل بولوب اخر الامر تونكانى لار چىنك جو فرودا تورالمى اوزلارنى بىرىقە يورتغە الماقغە مصلحت قىلاشىپ مغرب ھدىغە يوز كىتوركانى خانغە مەلوم بولوب مغرب طرفىدا كى ولايت لار چونك لارىغە يارلىغ مانكىدروب دورلار كىم بر نچە تونكانى لار اطاعت دىن چىقىپ اىدى پند نصىحت ووعده ووعىدلار قىلساق مو اوزى نىنك عىب لارىدىن وبى ادب لىكىدىن قورقوب تورالمى مغرب طرفىكا قىم قىدى اكر اول طرفت لارغە بارسەلار اول ولايت دا كى تونكانى لار مو بولارغە يار بولوب فقرا لارنى بىضا بىطە قىلىپ آتور اىتمالى بار بو يارلىغنى كوراچە شەر شەرلاردا كى تونكانى لارنى يوق قىلىپ اولتوروب مىنكا اوچورىنى برىنكلار دىب ابلە جانكجونكىغە يارلىغ توشوروب دور جانكجونك ھم حىران بولوب مصلحت لار قىلىپ اىتىپ دورلار كىم بوتونكانى لار تولاخاق خوى فعلى مو اوزكاچە بولوب قالدى اندكى بوى آاسەلار بىزلار اخشام لىق قىلغونچە بو طابىغەلار نهارلىق قىلىشغە اىتمالى بار اىچكىرىدىن كىلادورغان تونكانى لار مىنكى اوزون انكاغچە

بو تونگانى لارنى اليب كرىب ملايم سوزلار بيلان قند نصيحت قىلىپ عهدە فيمان
 قىلىپ قوبساق بولار هم خاطر جمع وتسكين دل بولوب اوز فقراچىلىكىنى
 قىلسەلار ديب بر نچه تونگانى چونك لار ينى اليب كرىب ضيافت لار قىلىپ پند
 نصيحت پوعهد فيمانلار قىلدىلار اما تونگانى لار خاطر جمع بولمادىلار كىچەلارده
 اويقوغە بارمادىلار مزارلارده قوناب نذر نذورات لار قىلىپ بر آيدە بر نوبت
 غسل قىلماي دورغانلار هر كونده نچه غسل طهارت قىلىپ كوندىن كونا غم
 اندىشەلارى زياده بولدىلار اما جانكجوزنك بو تونگانى لار اطوارلار ينى بىلىپ
 خان يارلىغ لار ينى اجرا قىلىپ شهر شهرلار امبانيغە حكم يوروتىلار فلان كونى
 فلان ساعتدا تونگانى طايغەلار ينى قتل عام قىلىنكلار ديب اما اورومچىدا
 تونگانى سودالويە دىكان خطايلار اىچىدە منصب دار ايدى اوغلى اورتنك غە
 سيە ايكانلار مذكور سيە بو قتل عام يارلىغ مضمونيغە واقف بولوب دادالار يغە
 ايتىپ دور دادالارى شهر شهر تونگانى لارى چونك لار يغە صورت واقعهنى خط
 بربىب جانكجوزنك يارلىغ لار ينى بالاب قىوب دور سودالويە نينك خط لارى كلاماك
 همانا كوجا تونگانى لارى بر كىچەدا بوزولوب دى شانكفە اوت قوبوب اوچراغان
 خطاى لارنى اولتوروب دور القصه بو خاقان چين دولتى غە فتور وقصور يوز
 كلتورما ككايىنە بر باعث بو دور كيم نقل قىلادورلار كيم دو انك خان زمانيد ا خاقان چين
 مملكتى نهايتى تيج ليق ومعمور چىلىق بولغان ايدى آندىن كين شنكفونك خان پاي
 تختكا اولتوردى خاقان دولتى ارتقاعى تنزل غە يوز قويدى فرنكى لار تولا
 شهرلار ينى اليب تاراج تاراج قىلىپ مالك وصاحب بولدىلار وبر طرفدىن
 قراخطايلار خان ليق تلاشيب خاقان دىن يوز او برودى جدال قتال غە انجام تافتى
 وبر طرفدىن تونگانى لار اوز اىچىدىن خان كوتارىب اطاعت دىن چىقتىلار
 ينى اطراف اكناف لاردا كى كته پادشاهلار موهر برلارى بر سوز فين ا قىلىپ خاقان

چېننى اوزارامىدە قويما دىلار تىجلىق وارآملىق خان مملكىتى دىن و فقرا و رعىيە باشلارىدىن كوتارىلدى خاقان چېن بولطرف دا كسى شەرلارنى كويى دىب اتار ايكانلار كويى دىن خبر الالمادى بلكه كويى غە تعلق بورت لاردا كى منصب دار و چرىك قنارلىق غە كولانك يعنى وظيفه ايبار الماغىن نچە يىل لارنىنك بويوزىدە خزىنە دىن وظيفه ايبارىب كويى تاشدا كى منصب دار و چرىك لارنى باقتىم تولا خزىنەلار صرف ايتىم كويى دىن بر نرسە خزىنە غە دخل منفعت بولمادى كويىنى تاشلاب يانىب كلسون دىب يارلىغ لار توشكان ايدى اما بولطرفدا كى خطايلار چونكى جانكجونك و مسلمانلار چونكى قمول وانك و احمد وانك بىك قنارلىق كنه منصب دارلار مصاحت قىلاشيب خان غە عريضة بىردىلار كىم بو شەرلار غە اولوغ خان خزىنەلار دىن كولانك كىلما سە لار مو بىزلار بو شەرلار دىن كان تافىب اوز كوچمىز برله! آلتون كىموش مس كورلاب چىقارىب چرىك لارنى بقامىز و بىزلار بولساق ابا واجدادلار بىمىزدىن تارتىب اولوغ خان خذمتى دا بولوب دولت لارنىنى كوركان يارلىغ ايراشيب تاشلاب يانىب كىنساك اولوغ خان شانىلارنىكا اوبدان بولماسمىن دىكان بسونلوق بر نچە معقول سوزلارنى مندرج ايلاب عريضة بىر كان ايكانلار عريضةنى خاقان چېن كوروب چونله قىلدىم دىب يارلىغ قىلىپ دورلار كىم انداغ بولاسە اوزونكلار كان تافىب چرىك لارنى باقىنكلار او شاق فقرا رعىيەلار غە ظلم جبر بولا دورغان ايشنى اصلا قىلما نكلار دىب يارلىغ بىرىب دور يارلىغ يتىب كىلماك لارى بىلان شەر شەردا كى منصب دارلارنى تاغ موتاغ دشت بدشت كان ايستاب فقرا و رعىيەلارنى حشر قىلىپ اىب بارىب تاغ دامنه مىنى كويا سچقان توشوكى مثلىك قىلدىلار كان هم تغالما دىلار اكر چىننكه تافىسە لار مو فقرا لار غە جبر ستم تولا بولدى منصب دارلار قوللارىدىن فل برما دىلار آخر چىقان كان مو يوقالدى كى نچە قسم باجلار فىدا بولدى وتوزفلى دىب رعىيە و فقرا لار دىن فل آلدى و آى اى دە آدم باشىغە فل قويوب آلدى چوقا باش دىب انادى حاصل البكلام رعىيەلار

اوستیکا البان یساق تولا بولدی آرام ایق یوق بولدی فلی بار آدم لار ناچار
 خطای لارغه وکته بیک لارغه آدم بو اوب حمایتی غه کیردی کلاً البان یساق فلی
 یوق بیچاره غریب لار اوستیکا قالدی کونار المای و آرام آلا المای برسوا سباب
 روزگار و چهار پای لاری خطای لارغه کرو غه کتیلار درگاه الهی غه کوز یاشینی تحفه
 قیلیب بغلاغالی باشلادی ونجه کونلار بیریده هر شهر دا کی چریک لار داق
 دو مباق لارینی کوتاریب منصب دارلار ایشیلدی کا کلیب بیزلار نینک بین سی لاریمیزنی
 برسون بولماسه یور تیمیز غه ینامیز یا که منصب دارلار اوی لارینی بولاب تلاب آلامیز
 دیب غلو قیلدی لار منصب دارلار اوز و همیدین قورقوب هر قیداق فلی بار آدم کهوش
 چنله قیاسه منصب برامیز دیب بازار کدر لارغه کوسی چافلادیلار مونی کوروب بعضه
 خسیس ار اذل لار منصب طمعی دافل بریب عمل تافتی فقر اور عیبه لارغه ظلم و ستم نی زیاده
 قیلدی نه یردیی نام و بی نشان اوغری قیمار باز و سر کردانلار بواسه لار موفل برسه لار
 منصب بر دیلار و بال بولادورغان خاطر لاریغه کاتورمادی ظلم جبری کوندین
 کونکا زیاده بولدی منصب دارلارغه عرض بواسه چنتو ایشینی حاکم بیک بیلا دور
 دیب سورامای چیقاریب بردی اندین اوز مدعالاریدیک کونکلی خواهلاغاننی
 قیلدی قورقوب هیچ آدم عرض غه مو بارمادی تونکچی تیلماج لار دلال طریقه دا
 بولوب منصب نی بیع و شرا طرزیدا کهوش غه اشکارا ستادورغان بولدی لار
 قدیم خاقان خدمتی نی قیلیب ابا واجد ادلاریدین تارتیب یورت سوراب اصالت
 فید اقیلغان بیک و بیک زاده لارنی خاروبی اعتبار قیلدی لار انداغ نقل قیلادورلار کیم
 یار کندغه افریدون وانک بیک حاکم ایدی بیلی محمد امین وانک بیک ایشکاغه
 ایدی بر جریمه برله افریدون وانک نی یار کند حاکم لیغیدین بیکار قیلیب ختن لبیک
 رستم بیک دین ایکی مینک یامبوالیب یار کندغه حاکم قیلدی ورستم بیک دیکان
 محمد امین وانک نینک آلدید او جلاویدا یوکوروب یوروب خدمت قیلغان ونوکر
 مقامی دا قول قاوشتوروب عزت واکرامینی قیلیب کلکان آدم نی فل بردی
 دیب وانک نینک اوستیکا حاکم قیلیب وانک نی ایشکاغه لبیک منصبی دا نصب

• ايتكانكا محمد امين وانك ناموس وعار قىلىپ موند اغ يوروب تريك بولغانىمىدىن
 اولكانىم منىنك هزار بهراق ويخشى راق دىب اوزىنى هلاكت غە يتكوردى كوچالىق
 اذاق وانك واحمد وانك بىك لار خدمتى دانوكر بولوب كالكان كوچالىق قنلوق
 بىك كاشغر غە حاكم بولدى وايىنىسى سايد بىك بىر مېنىك بش بوز يامبو
 بريب اقسوغە حاكم بولدى قديم بىك لار بىكار بولدى ويىكار فقرالار بىك
 بولوب يورت سورا دىلار يورت بخشى فاضل لار بىنى كوزىكا ايلما دىلار و فقرار عىبه لار
 كوز ياشىدىن پرھىز و احتياط قىلمادىلار وبال دىكاننى خاطر لار يغە كلتور مادىلار
 منصب آرزو وھوسى و بركان فل كوش لار غە مېدىن اوز كاغم دل لار يغە خطور
 قىلمادى ظاهراً اولوغ خانغە خدمت قىلىپ چرىك لار بىنى باقىب يورت لار يغە
 ايكادارلىق قىلدوق دىدىلار اما معنى اولوغ خان دولتى تىج بنىادىنى كىسىب
 قوروتىشلار يغە سعى سىب قىلدىلار و فاضل بخشى لار و بىك زاده اصىل لار
 كوشە نشىن لىق اختيار قىلدى و عاجز فقرار عىبه لارنى اتانى بلاغە و بلانى اتاغە
 اولاشتورماي و قوشماي البان يساق غە هايد ادىلار طاقت لارى طاق بولوب اول خالق
 خلاق دركاهىغە بوز كلتور و ب كوز لار بىدىن قطران قطران بلكە درياد رىياش لار جان
 آچىغى و فل آچىغى دىن روانە ايلادى و بو آچىغ ياش اثرانى دولت درختى
 يلدىزى غە نائىب قىلدى قور و ماغغە سىب و باعث بولدى كنه خطاي منصب دارلارى
 و بورت حاكم لارى آزمىدندە ھمە نىست نابود بلكە ير برلە يكسان بولدىلار مولانا
 جلال الدين رومى قدس سرە مقولى بو معنى غە شاھد و دال دور .

مثنوى

نادلى مرد خدا نايد ببرد هچ مردىرا خدا رسوانكرد

مفھوم بچە بردا برددل لارى آكاه و سحر خىزىنىك نالە و آھ لارى قادر بى نىاز جل
 و علا دركاهىدا اجابت لىك دولتىن تافقان بولغاي خداوند عالميان قدرت

کامبله سی برله (تعز من تشاء و تذلل من تشاء) صفتی کامله سینی ظهورغه کیلتوردی
 بولغای و بو مغواستان شهرلاری مسلمان و تونکانی بی نام نشانلارغه انتقال اینی
 بولغایلار بوفلک نیلکون و چرخ بوقلمون شعبده بازلغین اویناتیب هر زماندا
 بر طایفه نی پست و زبونینه بر طایفه نی بلند وارجمند اینادور عاقل و خردمندلارغه
 کرکسیم بوایشلار تعجیبی دین تجربه لار حاصل ایلاب تعمق نظرلاری برلان
 قراب عبرت لار ایب ستم رسیده لار کوز یاشیدین پرهیز قیایب مظلوم لارداد
 فریادیغه یتیب و بودولت عظمی شکرانه سیکا عدل ایشیکین اچیب عدل قیلسه لار
 (عند الله اجر عظیم وعند الناس اجر جمیل) حاصل اولغوسیدور (العدل ساعة
 خیر من عبادة الثقلین) مضمون بیچه بر ساعت عدل قیلغانی انس جین عبادتیدین
 افضل دور بوقسمی دولت و عبادت پادشاه و حاکم داد خواه عادل لاردین باشقه
 طایفه لارغه میسر اولماقی ممکن و متعذر دور الهی اوز کمال قدرتینک برله همه
 حاکم و دادخواه و متصدی لارغه توفیق هدایت عطا ایلاب یوزلاریغه عدالت
 ایشیکین مفتوح ایلاب ظلم و سیاست بابی نی مسود ایتکای سن آمین مجرمة
 سید المرسلین .

داستان اول خدای عالمیان عنایتی برله اسلام آفتاب
 شعاعی کوجا شهری اوزره طلوع ایتکانی و راشدین خواجه
 خانلیق مسندیده اولتورغانی و مغرب مشرق حدی غه
 لشکرمانک و رغانی و بول آرالارده بولغان واقعه لار بیانی
 داستان ایشتهک کرک کیم اول خالق هرده هزار عالم و مکیم غفور غفار جل شأنه فضل
 کرمی وارواح مطهرات لار مدد و استعانتی برله بو آلتنه شهر قدیم مسلمان خانلاریدین
 کیم بچین خانلاریغه تابع و منقاد بولوب بر یوز قرق ویا بر یوز اللیک بیل

مەدنى خىتايى ھۆكۈمىتى تەختى تەرىقىدە دابولوب يۈرت دارلىق البان بىساق توغرا لارىدىن
 ذىل خا روظالم خىتايى ويىك لار ظلم جبرى دىن نكۈنسا راولوب ھەم فقراور عىبەلار
 دركاه الھىفە اصلاى دل زارتضرع برلە يىغى وزارى ايلاب مسلمان لار نجانى
 وكافرلار ذلتى اوچون دعا والتجا طلب ومدعا بىلان تورغان حىن دابناكاه بلای
 آسمانى وقضای سېمانى بىنكلىغ تونكانى لار بر كىچە دە كوچا شھرىغە اوت قويوب
 توتولغان خىتايلارنى اولتوروب وبوحىن دا علىاربىك بر نچە درەند مسلمان لار مو
 تونكانىغە يار بولوب مسلمان وتونكانى يكدل ويكجھت اتفاق بولاشىب منصب دار
 امبان وچرىك لار يامونىغە يوكوروب يامونلارغە ھم اوت ياقىب تانك اتقونچە
 تولا كافرلارنى نابود قىلدى وكون چىقماق ھمازا خىتايى منصب دارلارى بر نچە
 چرىك لارنى الىب چىقىپ روبرو بولوشىب سقوشوب بربرا بىك قىلالماى ھزىمت
 ايلادى تونكانى ومسلمانلار منصور ومظفر بولوب خىتايى منصب دارلارى مغلوب
 ومقهور اولدى اما تارىخ نبوى صلى الله عليه وسلم غە بر مىنك ابكى يوز
 سكسن بر ماھ محرم الحرام نىنك برى شنبە كىچە سى بىلان بىلى ابردى وبو وقتدا
 احمد وانك بىك ياركند حاكم لىغىدىن بر جنائت بىلان منصبى دىن آجرا ب
 خان يارلىقى بىلان اوز وطن اصلى كوچادا متوطن بولوب تورغان وقتى ابدى
 تونكان ومسلمانلار احمد وانك غە التجالىق قىلىپ عرض قىلدىلار كىم آبا
 واجداد لارىدىن تارتىپ يۈرت سوراب كلكان ھكۈمەت دارلىق
 روشىنى وسياست دارلىق اساسىنى اوبدان بىلادورلار چونك بولوب اتادارلىق
 قىلىپ ھكم يوروتوب برسەلار بىزلار جان تىمزداكى بار خذمتكار وفرمان
 بردارلىق طرىقەلارنى بجا كلتوروب ھەمە امور مملكت داپىشو اومقدم بىلىپ خانلىق
 مقامى دا كورساك دىب التجا قىلغانىدا احمد وانك ايتىكىم سىزلار آز آدم خىتايى
 كروھى نھايت سز تولا بربرا بىك قىلغالى بولماس من بولسام نچە انا بىلار بىدىن
 تارتىپ اولوغ خانلار نىنك خذمتىنى قىلىپ چونك منصب تاقىپ بلکہ برسو آدم لار

التفات بولوب بطنابعد بطن پشت به پشت جلد ولوق بارلیغ برکان نینک تاشید آنچه دفعه
 خان نی من کوزوم بیلان کورکان قیداغ قیلیب یمانلیق نی خواهلایمن اکر چندینکه
 کافر بی دین دور لیکن آباواجدادلار بیدین تارتیب دولتی نی کوروب نمک خورده سی
 بواوب کلکان دور میز هر نچوړك بولغاندا موتوز برکان اولوغیهمزدین بوز اویرومایمز
 توز حق نی ساقلاماق همه انسان خیلی غه فرض واجب مقامی دادور من سبزلار نینک
 سوزونکلار بیلان اولوغ بولمایمن کیمنی اختیار قیلسانکلار قیلنکلار یاشم
 یتیمیش غه یتی کورادورغان دولت حکومت نی قیلیب اوتکار دیم آرزو هوس
 منده قالمادی دیکانیدا همه بالاتفاق یوز اویروب حلی هم خطایلارینکزدین
 امیدینکز بارمو دیب یکبار غلوز قیلاشیب باغلاب اورداسیدین الیب چیقنی
 و کوچا خواه لاریدین راش الدین خواجم دیب مولانا عرش الدین ولی الله مزار
 لاریدا دعا و طلب بیله یاتقان واختلاط انسان دین آیریلغان درویش لبق
 طریقه ده عمر کچورکان مسلمان کروهی وتونکان خیلی مرید ومخلص جرکه
 سیده انقیاد وارتباط یولین توتقان ایدی مذکور خواجم نی عبادتخانه سیدین بی
 اختیار الیب چیقیب ایلکرتین پیشوا ومقتدا ایلدیلار ایدی هم بیزلار غه پیشوا
 ومقتدا بولوب خانلیق مقامی ده اولتوروب بیزلار غه حکومت نی
 جاری قیلیب برسه لار دیب الیب خواه ناخواه آق کبکز اوزره اولتورغوزوب
 کوتاریب سلاطین ماضیه لار قاعده اسلوبی بیلان خانلیق مسندیدا بر قرار
 قیلدیلار وتوخته ایشکاغه بیکنی وزیر لیک مقامی دا اولتورغوزدی همه بالاتفاق
 مذکور احمد وانک بیکنی و کوچا حاکم محمد قربان بیکن بولوب سکرتن
 کرچا بیکن لارینی قتل قیلیب تعلقاتلارینی تلان قیلاشیب کتکاندین سونک
 همه لار غه قورقونج وحشت توشوب خان مذکور حکمی غه تابع ومنقاد بولدیلار
 و بو واقعه بولوب ایکنچی کونی برهان الدین خواجم نی مشهور اسمی خطیب
 خواجه دور امیر لشکر طریقه دا باش قیلیب وبای لبق ملا عثمان اخونومنی قاضی
 عسکر قیلیب و خطیب خواجم غه کچیک اوغلی محمودین خواجم نی همراه

قېلىپ بىر يوزاللىك عسكر قرق تونكانى سكر زمبرك بىرىب مغرب طرفىكا عازم
 قىلدورتوب دىدىلار كە نچە ونچە قرن لار بولوب دور مسلمانلار كافر بى دىن لار
 وظام جابرلار تحت تصرفىدا عاجزوزبون بولوب ايرلارى خانونىدىن آيرىلىپ
 وبله لارى اتاسىدىن جد ابولوب كافرلار وظام لار ايشىكىد اخاروبى اعتبار وخذ متكارچلىق
 مقامىدا بولوب نه يمك لىك ده لذت ونه كىمك لىك ده راحت كورماي البان
 كىش لىك بىلان عمر اوتكاركان ايدى اول خداوند رحيم لطفى عنايتى بىز
 مسلمانلارغە يار بولوب دست قدرت بردى كافرلار باشىغە بىر علانىيە تيغنى
بى درىغ سوردوك و كوچادا كى كافرلارنى جهنم سارى يولغە سالدوق (من اعان
 بالكفر كفر) مضمونى شريفچە بر نچە ظالم لارنى انكاسحق قىلدوق ايمىدى مونىنك
 شكرانه سىكا سىز و بىزلاردىن رمق جانكە باقى ەمرىمىزدا باردور غزات بولىدا
 صرف اتمك اهم ضرورىيات دىن دور غزات اعظم فرايض دورلار و پىغمبر صلى
 الله عليه وسلم سنت لارى بلكە كسب و هنر لارى دور خداوند كرىم حكمت غامضه سى
 برله مسلمانلارنى كافر بى دىن لار قول استىدە قىلىپ ىنە اوز كمال قدرتى برله
 مسلمانلارنى عزىز و اعتبار و كافرلارنى ذليل و نكونسار قىلدى (تعز من نشاء
 و تذلل من تشاء) صفتىنى ظهورغە كلتوردى بولغاي حاصل الكلام بو كىم باى
 سىرامنى اليب بر مونچە عسكر جمع قىلىپ آقسوغە بارسونلار بىر لطفىدا
 مسلمانلار تولا و كافرلار آزدور اوزلارى بارغونچە مسلمانلار و تونكانى لار بر
 بولوب كافرلارنى نىست نابود قىلىپ آلدىلار يغە چىقسە كراك مبادا كافرلار غلبە
 قىلىپ مقالە و محاربه واقع اولسە آبت كرىمە (اقنلوا المشركين حيث وجدتموهم)
 مضمونى شريفچە بى تانى و بلاقصورتىغ سورسونلار (الجنة تحت ظلال السيوف)
 مضمونىغە واقف بولسونلار اقسو كاشغر ياركند ختن كارو بارىدىن فارغ بولغانلاردىن
 كىن خوقند و بخارى اولوغ لارى اشنالىق رسمىن بجا كلتوروب انابت و انقيادنى
 اوزلارىغە لازىم توتسەلار فبها والا يعنى اكرابا و تانى قىلسەلار اول وقتىدا ىنە

كومك ايبار ييب اعانت قیلورمز طاقت لاری يتکو نچه مغرب طرفیدا کی یورت لارنی
 تصرف قیلسونلار کلی جزو امور مملکت و حکومت دارلیق ایشیده قایم مقام قیلیب
 عنان اختیارنی بردیم دیب یارلیغ لارینی هتدین زیاده آشوروب کلی و جزوی
 اختیار اوزلار بید دیب و داع ایلادی وینه خواجه اسحاق خواجه صدیق دادخواه مأمور
 هادر توخته محمد یوز باشی لارنی باش قیلیب بر یوز سکسن مسلمان عسکر اللیک
 تونکانی اون ایکی زمبرک بر یب مشرق طرفیکا عازم قیلیب خطیب خواجه دیگان
 یارلیغ جهان مطاعنی تکرار بتکرار عیان و بیان قیلیب آیت فتح او قوب بولغه سالدیلار .
 پوشیده قالماغایکیم شمهء راش الدین خان نینک نسبی نی

بیان قیلماق لازم و لابد کورولدی

راش الدین شیخ نظام الدین خواجه نینک اوچونچی اوغلی دور نظام الدین خواجه
 مولانا عرش الدین ولی الله نینک نبیره لاری دین دور مولانا عرش الدین ولی الله مولانا
 جلال الدین کتکی نینک اوغلی دور مولانا جلال الدین کتکی خواجه ابو حفص کبیر
 بخاری اولادی دین دور چنکزقا آن خروج قیلیب بخاری شریفنی آلفانیدا خواجه
 ابو حفص کبیر بخاری نی شهادت درجه سیغه يتکوزوب اهل اولاد لارینی آق او یلوک
 قیلیب اوز یورت کی قراقوروم کلوران ایدی شوندا الیب کلیب قویدیلار یتنه پشت
 بلکه سکز پشت اوتکاندین کین مولانا جلال الدین وقت لاریده
 شهر کتکغه غضب الهی نازل بولوب بلا اورتیدا قوم یاغیب
 الهام ربانی بیلان کیچه اویومای بر نچه مرید و مخلص لاری بیلان یوروب کذری
 افسر مضافاتی آیکولغه توشکاندا اولزمان ده افسونینک اولوغی توغلو قتی مور
 خان ایکان اون الته و اون یتنه یاشلیق حالتی دا مولانا بیلان کوروشوب
 مولانا دین بر نچه فند موعظه لار ایشانیب دلیغه رقتی فیدا بولوب اینی که
 بوتاجیک نینک سوزی منینک قولاغیمغه تولا اوبدان ایشتلدی من ایله غه
 باریب پای تخت سلطنت دا برقرار بولغانیمد اکیاسون من بو کیشی نینک دینیغه

كردارمن بولمىدا كىركانىم بىلان كنه سر كرده لارىم يوق و بورت نىنك نولاسى اندا
 خوب بولمايدوردىب انعام بربىب ياندوردى توغلو قىمور خان چىنكز قان
 نىنك يتىچى نىبىره سىدور مولانا جلال الدين وقت لارىنى تافىبىب بارغونچە
 اجل فرصت برمادى اقسودا آيكول موضىدا مدفون بولدى آخر عمر لارىدا
 اوغلى مولانا عرش الدين غە وصيت قىلدىكى مەن بر چراغ قە باغ قويوب قىلە طيار لب
 ايدىم اوت يقادور فائغە محل بولمادى شايد سىز مەنىنك اوچون اوت ياقسانكىز
 و چراغ دىن مشرق طرفى روشن لىق بولسە عجب ايماس دىب عالم دىن اوتى
 رنچە بىلدىن كىن مولانا عرش الدين ولى اتالارى وصيت لارنچە ايلە غە بارىب
 خان بىلان ملاقات حاصل قىلدى انانكىز قانى دىب سور اغانىدا دادام وفات
 بولدى منكا وصيت قىلدى ايدى شول اميد بىلان كىلدىم دىكانىدا خان دولت
 يار قبول توتوب مسلمان بولدى آلدىدا كى ايل بىكى باشلىق جونكتانك لارىنى
 بر بر اليب كرىب قند نصىحت بىان قىلدىب دنيا دە موندىن اوبدان ايش بولماس
 دىب مسلمان قىلدى شولكونى يتمىش منكدىن اشاراق مغول بى دىن مسلمان
 مندىن بولدى دىب دور اول وقت داتارىخ يتە يوز اللىك آلتە ايدى شولكوندىن
 تارتىب مغول ارالارىندا اسلام اشكارا بولدىلار خان يارلىغ قىلدىكىە اى مولانا
 ايمدى اختيار اوزلارىدا قىسى شەردا تورسەلار اوزلارى بىلسونلار دىدىلار
 مولانا كوچاغە بارسام دىب رخصت سوراب كوچاغە بارىب اويلانىب وطن توتى
 كوچادا اوج اربىقنى انعام قىلدىب جلدو قىلدىب بردىلار مولانا عرش الدين
 ولى الله كوچادا عمر اوتكاردى آخر اجل شربتىن ايچتى كوچادا دفن قىلدى
 زيارتكاهى على مشهور دورلار نظام الدين خواجە مذكور نىنك برنچى اوغلى شىخ
 نظير الدين خواجە ايكىنچى اوغلى جمال الدين خواجە آقسوما كى ايدى اوچونچى
 راش الدين خواجە تورتنچى جلال الدين خواجە بىشچى فخر الدين خواجە ايدىلار
 جمال الدين خواجە مذكور يار كند داوفا ت بولدى خان خواجە باشلىق تور ت خواجە لار

اتالیف غازی قولیدا کوچا دا یوق بولدی مذکور خطیب خواجه واسحاق خواجه لار
نظام الدین خواجه نینک برادر زاده و عمک زاده لاری دورلار .

سید خطیب خواجه نور چشم لاری محمودین خواجه بیلان
اقسو شهری فتحی غزاتی غه مصمم بولغانی و بی نیل مقصود
یا نغانی و مسلمانلار شربت شهادت تابغانی واقعه لار بیانی
دوستان محبت آمیز و برادران عقیدت انکیزلار ضمیر منیرلاریغه ملحوظ خاطر
اولغایکم سید خطیب خواجه نی خان خواجه مغرب طرفیغه رخصت بریب وداع ایلادی
خطیب خواجه کوچا دین چیقیب قزیل دیگان موضع کاتوشوب اندین سیرام غه کلیب
تورت آدمنی دارغه آستی اندین بایغه کلیب ایکی کون توردی آلتنه آدمنی دارغه
آستی لار بولار فسق فجور بیلله یمان یول لارده یورکان آدم لار ایدی جزاسنی تافتی
اعلمی اکرم شاه آخوندنی سیرام غه حاکم قیلدی ملا افاق اعلمنی بای غه حاکم قیلدی
اندین اوتوب یقه اریق غه کلدی روزی توره دیگاننی اللیک عسکر بیلان موزدا بانغه
مانکوردی موزدا بانی بوزوب اورتنک لاردا کی نوین باشلیغ همه خطای لارنی
اولتوروب چهارشنبه کونی جام غه داخل بولغین بیز بولطرفین وسین اولطرفین بولوب
جام دا ینکنن سوقوب یانغان خطای لارنی نابود قیلالی دیب یولغه سالدی اما بای
سیرام و تاغ باغری دا کی آدم لار همه بیکیباره قرا کالتک بولوب آواز لار برله الله
الله دیب تکبیرلار ایتیب خواجه لار توغلاریغی ایراشیب اقسو غه باریب ظلم
وستم قیلغان کافرلار دین انتقام الیب غازی لبق درجه سینی تافیب اجل موعودیتکان
بواسه لار شربت شهادت نوش ایتیب بهشت جاودان ایچره اعلا علیین دا برقرار
بولورمیز دیگان امیب بیلان اجل شربتین خوشلاب و حیات لبق دولتین تاشلاب
انا بله غه بله انا غه باقمای فیاده سواره خواجه لار آرقه لاریدین یولغه کیردیلار
خواجه لار نچه یردا توختاب توروب بولارنی یانینکلار سیز لار اوچون غزات قیلالی

دېپ نىصىحت آمىز سوزلارنى قىلسەلارمۇ بىز لار ظلم ستم غە طاقت كىلتور المادوك موند اغ
 حىيات لىق دىن خواه اولوب جان بىرالى وخواه جان الالى دىب بىجان دل جانلار بىدىن
 كىچىب بىغلاب اونامى اوز اوزىچە اوزوقلار بىنى الىب چىقتىلار تخمىنا يتە مېنىك
 كېشى اعتبار ايتسە بولور ايدى ^س اى يارنلار بىر پادشاه وحاكم نېنىك فقراور عىبەلار يغه
 جور ظلم حدىن زياده آشسە رعىبەلار عزيز وشىرىن جانلار بىدىن كىچىب درگاه
 الهى غە يوز كىلتوروب كوز ياشىنى تحفە قىلىب اصلاى دل بىسلە بىغلاسلار
 خداوند ذوالانتقام نېنىك درىاي رحمت لارى جوشغە كلىب عاجز وناچىز بىنىك لارىنى
 بواغ اصاحەسىز پادشاه عظيم الشان لار اوستىكا غالب اىلاب اتاولاغىرى دىكان
 متكبر ظالم لارنى برساعتدە مغلوب ومقهور قىلىپ هبائاً منشوراً اىلاسه عاجز
 نماچىز بلكە هېچ چىزلار غە تخت سلطنت عطا اىلاب عظيم الشان پادشاه باشوكت لاردىن
 درجە ومرتبە لارىنى زياده وبلمد اىلاسه درگاه الهى غە هېچ غرىب وعجىب
 اىماسدور خداوند عالميان قادر بىچون دور هر نه قىلسە قدرتى باردور (يفعل
 الله ما يشاء ويحكم ما يريد والله على كل شى قدير واليه المصير)

نظم

كدانى شاه ايتاردىن يوق هر اسان انكاشەنى كىدا قىلماق هم آسان
 لېكن خواجه لار يقه ارىق دىن اطلانېب نماز بامداد وقتىدا قرايولغون غە
 كىلدى بر نچه خطايلار ايرولچى سىنى توتوب بىند قىلدى اولسكونى توروب تانكلاسى
 وعدە قىلغان كون ايدى جام داكى چرىك لار اوستىكا كىما كچى بولوب تورغانىدا
 هوا بوزولدى وىمغور ياغدى شورغان قوزغالىدى خطىب خواجه باشلىغ همه لار
 اويكا كىردى بلكە اويقوغە باردى لشكرلار هم درخت وىبانام قنارلىق بر نرسە لار كە
 قناب آط اكرلار بىنى باشلار يغه قويوب بافراغت اويقوغە بارغان حالدا
 جام داكى خطايلار اقسو حاكمى سايد بىك باشلىغ بوزغون چرىك لار اوستىكا

باریب زمبرك كا اوت بركاندين سونك اويغانيب قراسه لار چريپك لار كليپ
 باسبب اليب دور بعضه لار آطغه مينكان بعضه لار بيدومينكان فياده سواره همه كا
 قورقوبج وهراس فيدا بولوب آرقه برديلار خطاي چريكي چاف چاف قيليب تولا
 آدم لار قرا يولغونده شهيد بولدى اجل شربنين ايجساك ديكان آرزو هوسى
 خداوند كريم حكمت غامضه سيغه موافق نوشتى ونجه آدم لار چولغه كريب كتيب
 چانكقاب يوق بولدى وفات بولغان لارنى ايكن مينك توقز يوزيا كه سكر يوزدين
 زياده راك حساب غه آلديلار لشكرلار تفرقه بولدى خواجم لار كوچاغه قراب
 قاچنى اقسو حاكن سايد بيك توتوب آلاميز ديب الله فوطى مقدارى ير كا
 قوغلاشيب بارغانيد اخطاي چريكي دين خبر بولوب دور كه يو قاچسه قوبلامانلى
 ايماس بلكه جامنى اليب كتيب دور درحال يانسون ديب خبر موهش كلكاندين
 سونك يانيب كليپ جام غه كلسه لار جام دا قالغان خطاي لار وقوشچى فلتريچى
 مراخورقتارليق لارنى روزى توره وعده بريلكان قراريدا جام غه كليپ تمام
 اولتوروب دور وايشتيب دور كيم قرا يولغوندين خواجه لارنى قاچوروب مسلمانلارنى
 اولتوروب وبنده قيليب كيلدى ديكاننى انكلاب روزى توره هم قاچيب دور
 اوستنك بوييغه بارغاندا توتولوب قالبب خطايلار غه اليب كليپ بيريب ايكان
 يوق ايتب دور بوليردا بر عجايب ايشلار خاطر ييغه كيلادور ايتماين بولماس
 خاقان چين نينك كته ليكى همه ير يوزيدا كى كروه ييغه اظهر من الشمس دور
 وكوچا ديكان بر كچيك قلعه دور كته شهرلارده نام ونشانه سى يوق اوشونداق
 يردين مسلمان لار باش كوتاريب بر كته اقليم غه غالب كلكان كشى بولوب باى
 سيرام ديكان ايكن رباطنى اوزلار يكا تابع قيلماق بر له همه دين مستغنى بولوب خطيب
 خواجم بر محافه كا كريب وعثمان آخونومنى بر محافه كا چيقاريب اوز يكا استغنا قيلاشيب
 خرسند وفرحمند بولوب بش منزل ير كا كليپ ايكيين اياغلار ينى ساليب فارغ البال
 يانيب اوخلاب نه مسكر حاليدين خبرى بارونه دشمن طرفى دين خوفى وغمى بار غافلانه

بولوب ياتيب مسلمانلار خونىغە ضامن و باعث بولدىلار اى مؤلف انصاف قىل
و بو طعن و تعرض لارينكى قويغىن .

نظم

قدالسه بر تيكن يانوشسه بر قىل اراده سز ايماس هيچ ايش يقين بيل
هر ايش و حوادث لاريكه خواه كچيك و خواه چونك بولسون اراده تقديردين تاشقارى
ايماس دور قالوابلى دا قلم قدرت شولطريقه دايان بيلغان موني كورماي اصلا علاج بوق
حاصل كلام بو كيم قاضى عسكر ملا عثمان اخونوم قرا يولغوندا اولجه توشتى
سايد بيك شا كر دبولغان ايكان خطاي منصب دارلار يغه سوز معقول قىلىپ دورلار كيم
بو كيشى بو طايغه لارغه چونك بولغان نه سبب دين بو ايشنى قىلد ينگلار ديب
راستى بيلان سوز سوراغالى لازيم بولادور اولتورماي ساقلاسه بولور ميكن ديب
اقسو امبانيغه عرض يازغان ايكانلار اولتورماي بندكا ساليب نچه خطايلارنى
پاسبان ليقغه قويوب دور خطيب خواجه كوجاغه باريب ينه اشكر اليب كليپ
بر آي دين كين اقسو خطاي شهرى فتح بولدى انكاغچه خواجه لار ملا عثمان
اخوند سايد بيك طرفيغه اوتوب كتيب دور ديب ملامت لار بولدى اقسو شهرى
فتح بولغاندا بر مونچه عسكرلار خطايلارنى اولتوروب بر اويكا كيرسه لار ملا
عثمان اخونوم نينك قول و فوتلاريدا بنداشكال كردن لاريدا غول زنجيرلار بيلان
محكم قىلغان ايكانلار اوشبو طرزىدا خواجه لار حضورلار يغه اليب چيقيب بندلارنى
آجرائيب آلد بيلار و ملامت دين هم قوتولدىلار اما مذكور پاسبان ليق
قىلغان خطايلار شهر فتح بولوب كتكانين بىلىپ بعضه لارى اوزى اوزى
اسب اولوب دور و بعضه لارى باشقه طريقه لار بيلان اولوب دور ملا عثمان اخونومغه اصلا
دخل بر ماب دور بو تقريردين مدعا بو كيم اولوغلارى سوزلارنى نهايتى محكم
توتار ايكانلار هر قىداق بولسه مو بر مسلمان دشمننى اولتوروب اندىن كين

من اولامین دیما ب دورلار خطیب خواجه کوچاغه قاچیب باردیلار نهایتی ساده دل
 ورحم دل کش ایدی زمانه تجربه لاریدین بی خبر ایدیلار امامسلیمان متدین
 انصاف برله متصف ایدی کمالی خجالت دین باشلارینی اوستون قیلالمادیلار
 واقعه اقسو طرفیغه ایکنچی دفعه جمال الدین خواجه
 اطلانغانی و اقسو فتح بولوب مراد باغلاریدین کل لار
 اوزکانی و اول کل لار بیلان کام دل حاصل ایتکانی بیانی
 بولطریقهدا روایت لار قیلورلارکیم بو آوان سعادت انتظامده جناب راش الدین
 خان خواجه سریر سلطنتده برقرار اولوب قامت و آلاریغه لباس حکمرانلیق
 و فرق سرلاریغه تاج سلطانلیق مناسب کلپ هر یورت و هر کنت و هر چونک
 و هر خورده لارغه یارلیغ یوروتوب زبده اولاد رسول الله ابوالمظفر والمنصور
 راش الدین خان غازی خواجه دیب نشاند افتودی و بو حالتی دا خطیب خواجه
 قرا یولغوندا شکست بیب قاچیب کلکان خبر مویش سمع لاریغه بنگاچ آتش
 غضب لاری اورلابنجه بی کناه لارنی سیاسته دراغه بویروب و جودی
 خرمنی نی ساوردی همه چونک کچیک ترس و همیدین طوعاً و رغبتاً حلقه انابت
 و اطاعتنی قولاقیغه اسیب انقیاد و اعتقاد مقامی داعذر معذرت غه تلین اچتی و بو آنده
 یارلیغ خانی بولطریقهدا وارد بولدیکم ا کالاری جمال الدین خواجه جبهه لاریدین
 لشکر کش لیکده سیاست لیک و فقرا پرور لیکده قابلیت لیکنی مشاهده
 قیلیب سکز یوز لشکر توف زمرک همراه ایلاب اقسو طرفیکا روانه ایلادی
 در واقعه دور بین و تدبیر لیک سنکین و نهور و شجاعت لیک و فن طب دا هم
 حذاقت لیک کش ایدی کوجادین چیقیب بای سیرامنی تابع قیلیب ایشقه
 یرایدورغان توانا و قوت لیک و فهلوان جرأت لیک آدم لاردین ایلغاب و منتخب
 قیلیب ایکی منک دین زیاده آدم جمع قیلیب قراولچی ابرولچی قویوب کما ینبغی

احتیاط لارینى بجا كلتوروب چونك يولىنى تاشلاب ايله يولىنى قىسىپ ايتوب
 ارشودىكان منزلغه كلىپ توشتىلار عسكەر لازىمى كوزوب و آط پراغ لارىدىن خىبرالىپ
 خطاى چرىكى احوالاتىنى چاغلاب و فلك اوضاعىنى ملاحظه قىلىپ بىكرمه كون
 ارشوده استقامت ايلادى و بو كونلارده كاشغرو بىركند ختن آقسو قنارلىق يورت
 لاردىن ايله غە چىقادورغان خىنه شانك لار موزات دابانىغە يىتىپ بارغانىدا يورت لار
 تفرقه بولوب يولدا توختاپ قالغان ايكانلار بوشانك لارنى خواجه لار عسكەرلارغە
 شانك قىلدىلار معنى شانك بوز خام دىكان بولور ايكان بوسوز تفصىلى بو كىم
 قديم الايام دا مسلمان خانلارىدىن اسماعىل خان نام بعضه معاندلار بىسلان
 اورشوب مقاومت لىك قىلالماي ايله سرحدىغە چىقىپ قالماق لار اولوغىغە اوزىنى
 شلاب عرض حالىن بىيان ايلاب مین آلتە شهرىنىك اولوغى ايدوم مىنى
 ملك موروثىمدىن قوبىلاب چىقاردى يار مدد اعانتى يتكوزوب تصرفومغە
 كىركوزوب برسەلار دىب التجا قىلغانىدا قالماقلارنىك اولوغى جابسانك دىكان
 برىچە قالماق لارنى همراه قىلىپ بولار اعانتى برله ملكى قولىغە كىلدى
 و كان قالماقلار يانماچى بولغانىدا بولار خدمت قىلدى قوروق يانماقى مناسب
 ايماس دىب آلتە شهردىن بر موچە بوز خام بىغىب چونك كچىك لارىغە بقدر
 احوال انعام واحسان قىلىپ ياندوردىلار بىنه هر بىلدا شول بوزنى طمع توقى
 برماي بولمادى قالماق غە بوز خطاى غە سوز دىكان تمثىل شوندىن قالىدى چرا كه
 اولوقت دا بول ديارلارده خام دىن بولك نرسە يوق ايكانلار فل هم يوق ايكان
 هر نرسە آلسە ساتسەلار فل اوزىدا خامنى لازىم قىلور ايكانلار آندىن كىن
 بو يورت لار خاقان چىن غە تابع بولغاندا هم شول رسمى اوز احوالى ده باقى
 قالغان ايكانلار خطايلار شانك لفظى برله اتار ايدى اسماعىل خان بن عبدالرحىم
 خان زمانه لارىدىن تاراش الدىن خان زمانه لارىغە چە هر بىلدا يورت حاكم لارى
 ايله غە خام چىقارىپ تورار ايدى مذكور خام لارنى عسكەرلار كفن واحرام مثلىك

قیلیب بورکانیب و باشلاریغه هم فرامثللیک بورکاب بیزلارنینک کفن لیکمز اوشبو
 دیب همه اصلای دل زاری تضرع قیلیب بیغلاشیب درگاه الهیغه عاجزلیکنی
 پیشه ایلاب خواجم باشلیغ همه عسکرلار بر اوخشاش اق متاعغه بورکانیب همه
 آق قوی مثللیک بولوب همت و جرأت کورینی بلیکا محکم باغلاب برکیچه دا
 آراشودین موزدایان یولیچه کلیب سحر بیلان جام دا قورغان سوقوب یساتقان
 چریک لار اوستیکا بلای ناکهان بنگلیغ اوزلارینی اوردی همه کافرلار غفلت دا
 ایکان خواه خطای چریکی و خواه اعانت اوچون چیقان مسلمان چریکی بولسونلار
 همه لارنی تیغ دین اوتکوروب نیست نابود قیلدی کمدین کم قاچیب جانی نی
 قوتقاردی بو جمله دین ساید بیک کاشغرغه قاچتی وتیمور غزنی بیک ختن کتی
 بعضه خطایلار اقسو شوربکا اوزینی آلدی و خواجم لار آرقه دین قویلاب اقسودار
 السلطنه سی اوزره مقام ومسکن توتی تاریخ مذکورده ماه صفر مظفرنینک اون
 ایکی سی ایردی واقسودا کی چنک جن دارین باشلیغ همه منصب دارلار بوکار
 حال لارنی کوروب بیلیب اوز اوردالاریدا بله چقه لارینی آلدیلاریغه بیغیب
 چوره اطراف لاریغه دارولار قویوب بچین طرفیکا باقیب بلند آوازلار برله بر
 نرسه لار دیب همه جزع فزع قیلاشیب بیغلاب بیغلاب تماکوسینی تارتیب
 غانکزاسیدا کی اوتنی داروغه تاشلاماق همان جهنم ساری کتھا کلا ری همان نیست
 نابود بولدی مبارکبادلیک آوازینی فلک طاقی ایوانیدین اوتقاردی مسلمان لارغه
 شاد خرم لیک و دشمن منافق لارغه بیم غم لیک یوز کلتوردی جمال الدین خواجم
 مظفر و منصور بولوب آقسو تخت سلطنتی اوزره مقام توتی و خطای اولجه لارینی
 عسکرلارغه انعام واحسان قیلدی هر احدی اوز قدرتی بار بچه اولجه غه مالک
 بولوب دنیا لیک دین مستغنی بولدی لار کوچالیق عبد الرحمن دوبه بیکی نی دادخواه
 قیلدی واقسولوق قاسم قاض بیک نی امیر لشکر قیلدی قدیمقی اعلم مفتی
 وقاضی لارینی اوز اورنیده اوز منصب لارینی مرحمت قیلدی لارهیچ احدیکا دخل

تعرض قىلمايدىلار ھەملار ايلكركى ديك جابجا اوزمقاميدا مقام توتى جمال الدين
 خواجم اقسوغە مانكىغان ھالىتى دە خطيب خواجم نىنىك اوغلى ھام الدين خواجمنى
 بىر يوز اللىك عسكر بىلان موز دابانغە بوپراغان ايدىلار موز دابان دە نچە
 كون توروب آقسو فتح بولغاندىن كىن اورىنلاريدا خبر آلتالى موزداباندا
 آدم تىبىن لب قوبوب آقسوغە كلىب دادالارى بىلان كوروشتى بو ائنادا ايله
 جانكچونكى اقسونىنىك امبانيغە يارمىد اوچون بىتە مىنىك خطاي چرىكى اوچ مىنىك
 قالماق وسولون بولوب اون مىنىك چرىك اوق دارو قنارلىق ايباركان ايبكانلار
 موزدابانغە كلىب اونالماي آدم توسوب يانتايى بى بىلىپ اللىك كون مقدارى
 دروب ايلهغە يانيب كتىب دورلار اقسو كار بازىدىن خاطر جمع بولدىلار لىكن
 اوشطرفان وكاشغر طرفلارىدىن خاطر جمع اولغانلارى بوق اوشطرفان شەرى
 محكم وچرىك لارى تولا ايدى خطيب خواجم اوغلى ھام الدين خواجم لاراوشطرفانغە
 تارماقغە عزم جزم قىلدىلار .

سید خطیب خواجم وھام الدين خواجم اوشطرفان
 شەرىغە عازم بولغانى فتح ظفر نىسىمى قوزغالىپ مقصود كلى
 اچلغانى وموندىن باشقە ھو ادث ھلولى پىيانى

دوستان صادق وباران موافقلار ذھن مضغالارىغە روشن ھویدا اولغايكم ماھ
 صفر مظفر نىنىك اون تورقى كونى خطيب خواجم چونك اوغلى ھام الدين خواجم لار
 باش بولوب آلتە يوز مقدارى عسكر اون آلتە زەبرىك بىلان كوچالىق طالع
 خلفە وتوختە خلفە اقسو اوق طاھردبان بىكى وملاقاسم مېراب باشلىغ بىر نچە كاردىن
 سىياپىشە دور اندىشە بىك لاردىن ھمراھ ابلاب اقسونىنىك قاضى آخونى ملا
 عبداللە قاضى اخوندى قاضى عسكر قىلىپ اوشطرفان خطايلارى دفعىغە تىز
 تىد ودنغە يوردىلار اقسو كىتى ارال واقباردىن ابلغاب فەلوان وتىراندازان

آدم لاردين عسکرليک کا اليب تور تونچي کونی اوشطرفان قلمروی اچاناغقه نزول
اجلال قیلدیلار اوشطرفان منصب دار خطایلاری اوشطرفان حاکمی توخته بیکنی
بوزغون آدم بیلان آجا ناغداقروچی طریقه دا قویغان ایکان خواجم ولشکرلاری
یتیب کماک برله خواه ناخواه خواجم لار خدمتیکا کلیب خدمتکارچیلق مقامی دا
بلین محکم بایلاب اطاعت یولنی اوزیکا فرض ییلدی همه اوشطرفان خلقی
کروه گروه کلیب خواجم لار زیارتینی فخر مباحات لار بیلاشیب خطای شهرینی
فتح قیلماق ترددی ومصاحتی دا برقرار اولدیلار خواجم باشلیغ همه مباشرکارلار
خطای شهرینی قورشاب توشتی خطایلار سفیلدین ملطیق زمبراک اتیب کوب
آدم لارنی ضایع قیلدی بر طرف دین شبه بایلادی وبر طرف دین ماجر دیکان
تاغنی کینی دین لخمه لب حرکت وترددلار قیلیب تورغان حالدا بناگاه خطایلار
داری خانه غه اوت قوبدی داری غه اوت کتماک همانا خواه خطای وخواه تمام
یراغ اصاحه بتخانه بلکه ماجر تاغلاری غبار مثلیک بولوب هوا اوزره اورلاب
کشی کشنی تونومای بلکه کورمای کوندوزکی کون شب دیجوردین زیاده
قرانکغو وتیره بولدی بر ناش وایکی قاش برلارکا خطایلارنینک قولی فوتی
داری قوتی برله کیتیب قالبب دور بعضه درخت لارغه باش وتن لاری آسلیب
قالبب دور حاصل الکلام اوشبو طریقه بیلان خطای شهری فتح بولدی خطیب
خواجم مظفر ومنصور بولوب اوز بارگاه لاریغه نزول قیلدیلار یخشی ویمان
هرزیلیک آدم لارنینک جریمهء ماتقدم لاریغه عفو قلمین سوروب انعام خسروانه
وشفقت شاهانه لار کورکوزدی اما بعضه فاحشه جاب خانون لار وکافرلار خوی
فعلنی کسب ایتیب کافرانه یورکان مبتدع لارنی تیغ سیاست دین اوتکاردیلار
قدیمتی ملا عطا الله اخوندنی ینه اعلم قیلدی وتوخته بیکن حاکم مذکورنی
ایلکرکی دستوردا دادخواه وباب محمد قضی بیکنی قاضی بیکن قیلدی همه کا
اوز عملینی انعام مرحمت ایلاب سرافراز قیلدیلار دوست لار شاد و دشمن لار

غمگین بولدىلار ومباركبادلىق صوت صداسىنى بو كنىد خضرادىن اونكاردى
 اما آدم نقات لاردىن خبر متواتر بيلان بولطريقه ده مسوع بولدىلار كىم ايلكركى
 زماندا يعنى خاقان چىن منصب دارلارى بو آلتە شهرنى تصرف قىلغانىدا
 اوشطرفاندىن بر جمال جهان آراى افتاب نورانه ودر بىكدانه بر دختر فرخنده
 شانزده ساله منصب دارلار نظريغه توشككاج خاقان چىن غە موندىن مرغوب
 ومحبوبراق نرسە پيشە كـشـ وتخفە موجود بولماقنى ممكن ايماس دىب فغفور
 چىن خدمت لاريغه تارتىغ وتخفە قنارىدا اليب بارغان ايكان نهـايـتى معقول
 ومقبول توشوب همه اهل بيت لارىدىن بخشى كوروب دور اما بر كون خان
 كرىب كلسە لاريغلاب اولتوروب دور خاقان خيال قىلىب ايتىب دورلاركىم ير
 يوزە مندىن چونك واولوغ خان بولماسە نيمە اوچون بىغلابدور مین راستىنى
 سوراب بىلايدىب سوراغانىدا سوز تافالماي ايتىب دوركە منىنك يورتىمده
 بر ميوه لىك درخت بار ميوه سى آلتوندىن يفر اغلارى كوشدىن بيلم عطردىن
 ايدى شول يادىمغه يتىب بىغلابىن دىكانىدا خان يارلىغ يوروتوب دوركە
 اوشطرفانده اشبو قسمى درخت بار ايميش تيز تندلىق بيلان يتكوزوب كياسون
 و قسم درخت منىنك باغچه لاريمغه لايق ايكان دىب يارلىغ يتىب كلكماك هم از
 منصب دار خطاى لاراوشطرفان حاكى رحمة الله بىلك كا يارلىغ يتكوروب دوركە
 اشبو قسمى درختنى كوچت قىلىب كوتارىب بچىن غە اوزونك يتكوروب
 خاندىن التفات كوروب يناسىن دىب بو يروغانىدا حكى دىن تجاوز قىلالماي
 چىكده درخت كوچتىنى اليب بوزغون آدم لارنى بىغىب كوچت كوتارتىب ظلم
 جبر بيلان تورت فوطى بركا يتكانىدا بر كىچە كوچت كوتاركان حشرچى لار
 اتفاق قىلاشيب ايتاشيب دوركىم بو كوچتىنى بچىن غە اليب بارغونچە تولا آدم لار
 نابود بولوب كئسە كرك بو اسرارنى رحمة الله بىلك كا اظهار قىلساق بىزلارغە
 متفق الكلام بواسه لار فبها والا تخافى وتورد قىاسه لار اوزى بيلور دىب اظهار

قیلغانیدا رحمة الله بیک معقول توتوب مذکور کوچت لارنی کلنک اورنیدا
 کوتاریب قویوب وبله مانکغان خطایلارنی اولتوروب شهرغه قول قویوب خان
 امبان باشلیغ همه منصب دارلارنی اولتوروب تصرفیغه ایب رحمة الله بیکنی
 حاکم بالاستقلال قیلیب توقوز آی مدتی اوزلاری سوراغان ایکانلار بو حادثه
 حلولی خطای لار بو شهرلارنی ایب اون یتنچی بیلی ظهورغه کلیب دور بچین
 طرفیکا انکلاتیب بنحوسنک بولیدوزیدین حدسز نهایت سز چریکلار کلیب
 ثابیا اوشطرفاننی ایب مسلمانلارنی قتل عام قیلیب دور وتیغ دین اشقانلاریننی
 اولطرف قبول وایله غچه بولطرف یارکند غچه اورتنک اورتنک غه تورت اویلوک
 آدمنی تعیین لب خط توشویدورغان واورتنک خطای لاریغه خدمت قیسلادورغان
 قیلیب دور حالاشول آدم لارا اوروغنی اورتانک لارده طرفانلیق نامید ااتایدورلار
 اما ایله طرفیکا ایبارکان آدم لار نچه پشت اوتکاندین کین قلماق رسمی لاریغه کریب
 قلماق چه بولوب کتیب دور حلی هم بیزار مسلمان قالماقی بولامیز دیدورمیشلار
 لیکن اوشطرفان فتحی ده دارو خانه غه اوت کتکاندا بر نچه کهنه کتاب یراغ اساعه
 اکر توقوم بوغورسی لنگر چاق قنارلیق اسباب آلات لارنی بورقم حروف ملا
 موسی کوزوم بیلان معاینه کوردوم وواقعه سیننی سورادیم جواب بردیلارکم
 رحمة الله بیک فترانید اخطایلار بو اسباب ایکالاریننی اولتوروب و بو نرسه لارنی
 کنه کار قیلیب ساقلاغان ایکان دارو خانه غه اوت کتکاندا همه نی کوتاریب کتیب دور
 بو نرسه لاردین نولا ایدی بولار بر نمونه س دور دیدیلار ایلمگری خاقان چین
 بویته شهرنی آغانیدا اوشطرفاننی پای تخت قیلیب خان امبان اوشطرفاندا
 توخته آغان ایکان آلته شهر نینک همه منصب دارلاری ویورت حاکم لاری اوشطرفانغه
 قراشلیق ایکان بو واقعه بولغاندین کین اوشطرفان آدم لاریننی اولتوروب
 آلته شهر دین کوچمن قیلیب ایب کلیب اولتورغوزوب خان امباننی یارکنددا
 نورسوندیب یارلیغ توشوب اوشطرفانغه غضب لاری کلیب همه شهر دین کچیک

قىلىپ دور بو اوجه دىن ايلكرى اتى اوش ايكانلار بر واقعه دىن بوز واغانىدا
 كهنه طرفاندىن آدم اليب كلپب آباد قىلغاندا اوش غه طرفاننى منضم قىلىپ
 اوش طرفان انابدور حالا كوچكمن نامى بيلان مشهور دور حاصل الكلام ايكى
 يوز بيل مقدارى بولوب دور كه كوچمن دىن بولك بو يته شهرنى پادشاه حقيقى
 جل شأنه اوز حفظ جمائىتى ايچره اسراب ومحافظتى فانوس ايچره ساقلاب
 اوش طرفاندا مسلمانلار باشيغه كلكان حوادثات روزكار اوخشايدىن بىراق قىلدى
 الهى يا رباً يا حافظا هر يورت وهر شهر آدملارىنى بو قسم پادشاه ظاهر
 غصبى دىن وظام جابرلار ظلم ستمى دىن اوز فناهنگدا اسراغاي سىن (اللهم
 نجنى من القوم الظلمين آمين) اما خطيب خواجه اوش طرفاننى فتح قىلىپ ظلم
 ايشكىن مسود و عدل بابىن مفتوح ايتىپ شريعه مصطفىويه على صاحبها الصلوة
 والتحيه رواجى غه سعى بليغ كور كوزوب فقرا ورعيه لار امن امانلىقى اوچون
 جد واهتمام تمام ايلادى وكلا خواجه لاردىن حكمرانلىق عرضه سىده و داد عدل
 صحنه سىده كوى سبقتنى ايلكرى ايلتى چرا كه همه خواجه لاردىن باشقه چونك
 عزت و آبرودا زياده بناكاه چرخ كجر فتاركچ ليكىنى اظهار ايلاب نحوست يوز
 كلتوردى و عنقرىب سعد اكبر غه مبدل اولدى انبىا والمرسلين عليهم الصلوة
 والسلام واولياء عليهم الرضوان وپادشاه عظيم الشأن لار غه خداوند كريم قرب
 و منزلت و شأن شوكت عطا قىلماقچى بولسه لار حكمت غامضه و قدرت كامله سى برله
 اولاً بعد و هجران والم و خندان بيلان ابتلا ايلاب جو ان نينك اسبغ
 ساق لارنى كورساتىپ محنت و هشتت لار كدوراتىنى تاتتىب آه و ندامت آب
 غبارى برله بوغوروب و فشىمان آتشداننده فوشوروب خاروبى اعتبار كوچه لار بن
 آيلاندروب آندىن درجه بدرجه عزت و اوچيغه پايه و پايه اليب چىقىپ
 بعض لار غه حق اليقين مرتبه درجه سىن عطا ايلاب اوزى نينك مقبولى و محبوسى
 قىلادورلار و بعض لارنى سلطنت تختدا اولتورغوزوب قدر و منزلتىن فلىك

رتبه سیدین اوتکاریب جلالیت صفتین پر تو سالیب پادشاه ظل الله مقامین التفات
 ایلاب آفتاب دولت شعاع ضیاسی طنابی برله ظلم چاهی غه مبتلا بولغانلارنی
 تارتیب الیب سایه* دولتی ایچره فروریش قیلدورادورغان ایکان بولوجه دین
 کلی پادشاهلارنی (کلکم راع) دیالیب دور یعنی پادشاهنی قویچی غه مثال ومانند
 قیلیب دورلار بر قویچی قوینی اوبدان باقیب احوالیدین اوبدان خبر آلسه لار
 قوی لارنی زیاده ومرتبه سنی بلند اینادور مبادا خبر آلمای بی فروالیق قیلسه لار
 قوی ایکاسی قویلارینی ینه بر اوبدان قویچی غه تافشوروب بریب ایلکرکی
 قویچی نی آلدیدین هایداب آنادور وهر پادشاهلاریکم فقرالاری احوالیدین
 اوبدان خبر آلسه لار دولت لارینی زیاده ومرتبه لارینی بلند ایتیب یورت لارینی
 کنکرو و معمور قیلور ایکانلار مبادا خبر آلمای بی فروالیق قیلیب ظالم
 خونخوارلارغه قویوب برسه لار مالک الملک خداوند کریم ملکنی ینه بر فقرا
 پرورغه تفویض قیلدورلار چرا که بر ظالم مینک بوریدین یمان و بدتر دورلار
 مملکت عدل برله آباد بر قرار و ظلم برله خراب و ویران بو لغوسیدور حاصل
 الکلام خطیب خواجه اوشطرفان دا اوج آی مدنی استقامت ایلادی وکاشغردا
 صدیق بیک قباچاق باش کوتاریب استیلا تافتی دیکان خبرلار مسوع اولدی
 وکاشغر اوستیکا بارماقنی جزم ایتی .

اول سید خطیب خواجه فرزند رشیدی حام الدین خواجه بیله
 کاشغر فتح تصرفی طمعی دا اطلانغانی و یولدا بولغان واقعده
 حدوئی و ساده وش لیک دین صدیق بیک قباچاق غه گرفتار
 اولغانی خلاص لیق میسر اولوب اوز مسند لاریفه رجوع

ایتکانی بیانی

ارباب يېنىش ضەبەرلارى واصحاب دانش خاطرلارىغە روشن وهویدا اولسونكىم
سید خطیب خواجه جمادى الاولنى اون ایكى سى كونی ایردی كاشغر فتح
تصریفی قصد ونیتی دا عازم بولوب خیمه خرگاه وچادر بارگاه لارینى اوتباشیده
برپا ایلادی حام الدین خواجهنى ایكى مینك عسکر جرار بیلان ایلگری
یورونى اوزلاری ایكى كوندین کین بر مینك بش یوز بیکیک محرم بساول لار
بیلان آطلاندیلار منزل بمنزل یوروب قرا بولاق موضعی دین اوتوب بارغانیدا
قیرغیز بی تمبزلار نیتی نی بوزغان ایکان جزاسینی تافتی بو ائنادا ساید بیک
مذکور جام جنکی دین جان قوتقازیب كاشغرغە بارغان ایکان اکاسی قتلوق
بیک كاشغر حاکمی ایدی اکاسی مصلحتی وخطابیلار كنگاشی برله قاقشال
یولایچه ایله جانکچونك امبانغە خط الیب بارماقچی وکومك الیب کیلماتچی قصدیدا
یولغە چیتقان ایکان بر نچه قیرغیزلار توتوب حام الدین خواجه آلدیلاریغە
الیب کلکانیدا یوق ایتماککا عازم جازم بولوب تورغانیدا آلدیداكى
ارکان دولت لار ساید بیک خونى نی تیلاب آلدیلار عفو قلمى نی سوروب
جرايم ما تقدم لاریدین اوتوب امارت مقامی دا توتوب آدمی اسماعیل کوتوال
نام تونکچی سینی توقغە قان قیلیب مقصد اصلی غە قدم قویوب اوستون ارتوش غە
باریب قوندیلار ایرته بیلان یوروب كاشغرغە کرامن قتلوق بیک بولاسه اوز
کوچالیمیز هم دیارلیق رعایه س بار اول طرفدین قتلوق حاکم بیک بول
طرفدین بیزلار بولوب صدیق بیک قېچاق نی ارادین کوتارساک كراک دیکان
خام خیال لارنى اوت قالامای فشوروب بی دهن وبی دندان چایناپ کتیب
بارغان حالتدا بناگاه كاشغر طرفدین بر اولوغ توغ نمایان بولدی سر حساب
باریب قراسه لار بوزغون قوشون عیان واشکارا بولدی چار ناچار بول طرفدین
خواجه لار اول طرفدین قېچاق لار دوچار اولوب محاربه ومقاتله واقع اولدی هر
ایكى طرفدین بر موچه آدم لار نابود بولدی بو حالدا صدیق بیک دین کشی

کلیب دور که خواجم لار بیلان اوروشمای یخشی لبق بیلان شهرغه الیب کلکلار هر قیداق بولغاندا هم اسلام آچقان غازی سید دورلار یورت لاریمزغه کلکان مهمان دور دیب تکلیف قیلغان طریقه دا آلدیلاریغه ککشی چیقاریب اعزاز اکرام بیلان توشوردی وتولا کنکر و ضیافت لار قیلدی و یخشی ملایمت لیک لار قیلیب خدمتکار چیلق رسومی نی بجا کلنورکان بولدی اما لشکرلارنینک آط یراغ و خورجون قچه اسباب لارینی سیوب آلدی و خواجم لارنینک آط خیمه خرگاه لاریدین هم آیریدی بر خوش هوا باغ حویلی ایچندا جای تعیین لب آلدیلاریدا خدمتکارلار قویدی هر نرسه دیسه لار بجان دل حاضر و طیارلاب بردی اما آطلانیب تلافیه چیغالی قویمادی و کیشی لار بیلان هم کوروشنورمادی اوشبو حال و منوالده توقوز کون اونی صدیق بر مرتبه کورکانلاریچه ینه ملاقات بولمادیلار آخر لاعلاج کاشغر یخشی لاریدین بر نچه آدم لار اراغه توشکان بولوب بطریقه صاع کاشغرغه خواجم لار دخل برمایدورغان بولوب و صدیق بیک اقسو طرفیکا تعرض یتک کورمای دورغان بولوب عهد فیمان واند مؤکد قیلاشیب و انفاقلاشیب علیحده کوروشوب وتولا سوزلار اراغه سالیب معقول تو توشوب اشنالیق رسمی لارینی بجا کلنوردیلار خواجم لارغه آط اولاغ خیمه و خرگاه لارینی بریب عذر معذرت لار قویوب مناسب تون سر و پالار بریب ولشکرلارغه هم یول خرچی و آط اولاغ لارینی بریب چونک یول بیلان اقسو طرفیکا روانه ایلادی خواجم لار اسن امان قوتورلغانیغه نماز شکرانه ایزدیگانه ادا ایلاب ماه رجب المرجب بکره سکزی کونی اوز وطن مألوفی اوشطرفانغه داخل اولدی عقرب فصلی ایدی قیشنی اوشطرفاندا چیقاردی اما یورت دارلیق ایشنی اوغلی سید محمودین خواجمغه تفویض قیلغانیچه آرا لاشمای عمرنی عبادت برله اوتکاردی.

سید خطیب خواجهم واوغلى حام الدين خواجهم وسيد شيخ
خواجهم لار يار كند فتح وغزاتي غه عازم بولوب مقصد كلى
جمال كورساتكانى وزمانه حوادث لارى مانع بولوب
بر كل اوزالمای بی نیل مطلوب وطن مألوف لاریغە

رجوع ایتكаны بیانی

ياران عزیز و برادران باتمیز ذهن ادراك لاریغە خفی و ستیر قالماغایكە
كوچادین شیخ نظیر الدین خواجهم نی باش قیلیب حجی غزنجی بیك یعقوب
دیوان بیكى و صدیق میراب باشلیغ بر نچه بیك لارنى همراه ایلاب تورت مینك
لشكر بیلان یار كند فتح غه یاریغ سوردی و او شطرفاندین سید خطیب خواجهم
واوغلى حام الدین خواجهم لار ایكى مینك بش یوز اطلاق اقسو و او شطرفان
لشكرینى ایب یار كند غه عازم بولوب منزل مراحل لار طى قیلیب مرالباشیغە
باردی و مرالباشیده ایكى مینك چه چریك و خو بیجا بار ایكانلار همه یراغ
اسلحه لارینى کوتاریب اطاعت و انقیاد مقامیدا اوزلارینى ایمان شریف غه لایق
و سزاوار قیلیب توردیلار همه لاریکا تلقین شهادت اورکاتیب اسلام شریف غه
مشرف ایلاب قول لاریدا کی یراغ اسلحه نی ایب و سانکدا کی آشلیق لارنى
عسکرلار غه تقسیم ایلاب مذکور نو مسلمان لار غه ما دالویه نام برلارینى چونك
قیلیب امنیت لیک حاصل ایلاب خاطر جمع و فارغ البال بولدیلار و مرالباشیدین
اطلانیب ارکان دولت برله یار كند غه باردیلار یار كند دا بر طرف دا عبد الرحمن
حضرت حکمرانلیق قیلیب توروب دور و بر طرفدین تونکانى امامى فرمان
فرمانلیق یوروتوب توروب دور بر نچه كوندین کین عبد الرحمن حضرت
بیلان مجادله و محاربه واقع اولدی مذکور حضرت هزلتنى اوزلاریکا لازیم تونى
اما تونکانى لار بعضه دا اتفاق و بعضاً نا اتفاق بولوب تورغان اثنادا یار كند

بيك لاری نیاز بيك باش بولوب بر نچه كته بيك لار اسمی نی غایبانه درج
 ابلا ب کاشغرفه بعقوب قوشبکی نی تکلیفی قیلیب نامه یازغان ایکانلار نامه
 مضمون بیجه یارکنند دین امید توتوب بر مونچه قوشون بیلان قوشبکی کیلدیلار
 اما خواجهم وتونکانی اتفاق لاشیب نچه غالب ومغلوب بولدیلار جناب قوشبکی
 یارکنند شهرینی الیب اولتورغانیدا حام الدین توره همت وجرأت لار
 کورساتیب شهر دروازه لارینی انیب نولا آدم لارنی نابود قیلدی ناب طاقت
 کلنورالمای جان وهمیدین قورقوب نولا سپاه لار صفیل اوستیدین آط سکر تیب
 توشوب قاچتی ونچه آط و آدم لار فوتی بوینی سینیب هلاکت غه یتنی ونچه لاری
 عیب دار بولوب جانی نی جایلادی اما بر دروازه بوش ایدی قوشبکی مذکور
 دروازه دین اوزینی قوتقارذی بولوقت دا کاشغر شهری فتح بولماغان ایدی
 بولتوغرادین هم اندیشه قیلدی لیکن حام الدین توره بیلان مجادله و محاربه
 بولغانیدا انادین اوغول توغولسه حام الدین توره دیک توغولسه دیب همت
 وجرأت لاریغه تحسین وافرین قیلدیلار قوشبکی سواره بولا دورغان قرا
 آرغماق لارینی اکر افضل برله اولجه طریقه دا قولغه توشوروب اوشطرفانغه
 مینیب کیلدیلار اما خواجهم وتونکانی لار بیلان اتفاق بولوب یارکنند خطای
 شهری فتحی غه سعی کوشش لار قیلدی شهر ایچیدا کی لار هیچ احدینی باش
 چبقارغالی قویمادیلار کوزیکا کورونماک همانا نابود قیلدیلار اما مسلمانلار اوق
 آنسه لار صفیل قوقته لاری دالدا بولوب تیککمایدور خطایلار اوقی ضایع
 کتمایدور بو حین دا اطراف لاردا کی باغ و باغچه لاردرختی نی خواه مشمره و خواه
 غیر مشمره بواسون کرها و جبراً کسب کلب نچه طرفکا شبه لار بایلادیلار
 وماجرلار قیلدیلار ونچه ظرفدین لخمه لار قیلیب یر استی بیلان کربب صفیل
 توغراسیغه ملطق داری قویوب اوت یاقتی داری کوچیدین صفیل ننگ اون

غولاج يكرمه غولاج يرلاريني كوتاريب هواغه البب چيقتى لشكرلار يتيب
 بارغو نچه قوم تفراف لارنى طغارلارغه اليب طيارلاب قويغان ايكانلار صفيلنى
 كوتاريب كتكان يركا تريب ايلكر كيديك طيارلاب آلا دور تولا مسلمانلار
 ضايغ و نابود بولوب مضطر بولدىلار اوشبو منوال ده فتح بولماي سكرز آي
 مقدارى اوتى اوق دارى سى و آشى ككرو ايكان تنك ليك روبرمادى
 كوندىن كونكا قوتليك وتوانا بولوب چيقيب اوراشادورلار بر نچه كاريننى
 بصارت آدم معتمدلار ايتادور كيم ايلكرى خاقان چين غه بويتته شهر تابع
 بولغانيدا شهر شهر آدم لاريني ختالب حسابى نى الغانيدا ياركند اوتوز ايكى
 مينك ايكانلار افسو آلته مينك وكوچا اوچ مينك كاشغر اون آلته مينك ختن
 يكرمه ايكى مينك اطيدا ايكانلار ياركند اكي خطايلارمو اوتوز ايكى مينك
 مسلمانلارنى وبلكه موندىن زياده لاريني ضايغ و نابود قىليپ آندىن اوزلارى
 نابود بولدى بولغاي ديدىلار الحق راست دور حاصل الكلام چار ناچار خطاي
 شهر فتح بولدى نچه سانكداكى آش ودارى لار مسلمانلار قوليفه توشتى
 مبارك بادليق صوت صداسى دىن قولاقلار فوتى نغير نقاره سورناي و كارناي
 شادبانه آوازي فلك خضرا دىن اوتى بو حالدا ينه تونكانى پيلان مراساسى
 فوتوشمادى بر طرف عبد الرحمن حضرت و بر طرف قارغه ليقد اكي خواجه
 جمال الدين خواجه و ياركند اكي حضرت لار و ايشانلار هر برى عليحه ياركند
 حكومتى طهه نى توتى مواسا و اتفاق بولالمادى بلكه ياركندىنى ضبط قىليپ
 توتالمادى ايشان مير فيات الدين ولى الله نبيره لار يدين ميرزا جان حضرتنى
 سيد خطيب خواجم حضرت لار يدين مهنى قاچوروب اوشطرفانغه ايباردى
 آنداغ قىلماسه ايردى ناھق خون تولا توكلارلار ابدى ينه برى بو كيم
 كشمير طرفيدىن مظفر خان بن محمد على خان كىلدى كوهستان طرفيدا عمر

کچورکان ایکانلار بو لطف لار تفرقه لارینی انکلاب بیلیب وقت نی غنیمت
 چاغلاب تبت دابانی بیلان یارکندغه داخل بولدی و اوزلاری کیم ایکانین و نام
 نسبین اظهار قیلدی همه عزت و حرمتی نی بجا کلتوروب مناسب جای وطن
 وظیفه تعیین قیلدیلار اما تردد و حرکتی باشقیچه ایکانین بیلیب بیزلارنینگ
 اولوغیمیز کوچادا کوچاغه باریب ملاقات بولوب یارایغ غه قراسونلار دیب
 آدم لار قوشوب کوچاغه مانکوردی و خان خواجم هم عزت و اکرامنی بجا
 کلتوروب وظیفه تعیین لب مناسب جای دین خاتون الیب باریب فارغ البال
 و مرفه الحال ایلا دیلار کونکلاری خواهلاغان یردا تماشای قیلیب بر نجه کون
 استقامت قیلدی و کورلاغه بارسام دیب رخصت الیب کورلاغه باردیلار یعقوب
 قوشبکی کوچانی. آلفانیده طرفان طرفیغه عازم بولدیلار مظفر خان واقعه سی
 کین کی داستاندا رقم تابغوسیدور انشاء الله العزیز عاقبت الامر خواجم لار
 و تونکانی لار اتفاق بولا المای و یارکندنی محافظت قیلا المای اوز وطن مألوف لاریغه
 رجوع ایلادی بولارنینگ یانماق لاریغه باعث تونکانی طایفه لاریمو بکر مه بش
 مینک کشی بار ایدی آز آدم بیلان کلکان ایکانیمیز قالین جبدوق قیلیب
 کلکاندا بولور ایکان دیدیلار وینه بری مذکور شیخ خواجم نینگ مزاجلاری
 بر احوال ده مستقیم الحال ایماس ایدی انینگ اوستیکا اوزلارینی دوم امیر
 کبیر نیمور کوراکان چاغلادی یارکنددا کی کته حضرت و ایشان و تونکانی باشلیغ
 یورت اصیل لارینی آدم اورنیداکورمادی موافقت بولماسلغی غه سبب شول
 بولدی سید خطیب خواجم نینگ مزاج شریف لاری لطیف خوشخوی و خوش
 خلق ایدی یعقوب قوشبکی بیلان اوبدان کوروشوب محبت و ارتباط رشته سین
 فیدا قیلدی آخر نتیجه سینی کوردی.

نظم

اکر پادشه بولسه ملایم سخن که مشکلی آسان ایلاکای حافظی

سید جمال پادشاه و خواجهم یار کند و کاشغر تصرفی آرزو
 و هوسی تمناسی برله بر سفر دا ایکی شهر فتحی تقاضاسی
 و ایکی آهو غزال صید قصد دا طبل و هول غروری بیلان بر
 آط چافغانی برینی مقید قیلیب ینه برین قصد یغه شروع
 ایتماک برله هر ایکی غزال خلاص لیق دولتین تافیپ ینه
 بر عقاب بلند پرواز چنگالیغه بر آندە گرفتار اولغانی هر
 ایکی غزال معشوقه سیدین محروم قالیپ ملال پر قصور
 اوز وطن لاریغه رجوع ایتمکانی بیانی

اصحاب بیضا ضمیر وارباب روشن تخمیرلاریغه معنی و مستور قالماغایکیم
 نقلی دورکیم خواجهم لار یار کندنی محافظت قیلالمای یانیب کلکان دین صونک
 اقسو حاکمی سید جمال الدین خواجه پادشاه نینک همت و شجاعت لارنی جوشغه
 غیرت و جرأت تمورلاری خروشغه کلیب اوزوم آطلانیب یار کند و کاشغرنی
 فتح قیایب قوشبکی دیکاننی تریک توتوب بندکا تارتیب انسان کروهی کورمکان
 خار ذلیلغه یتکوروب بی اعتبار ایلاب جلاویمده فیاده الیب یورمسام
 نظام الدین خواجه شیخ نینک اوغلی بولمای قالای و سید لیکیم مویکار بولسوندیب
 تا کیدلار قیلیب مغلظه الفاظلار بیلان قسم و انت ایچتیلار وهمه ارکان دولت
 خوشا مدگولارها شونداق بولمای یورتیدین قاچیب کلکان بی سر و پا
 آلامانی لار نینک نیمه اعتباری باردیب خوشامد سوزلارنی حدین زیاده آشوردیلار
 قیشچه عسکر براغ اصلاحه نرددی و اوزوق اولاق غمی برله بهارغه اولانندی
 بردن ککوک چیقیب بهار وقتیدا سید جمال الدین خواجهم اوز اورونلاریدا
 اینی لاری سید جلال الدین خواجهمنی اقسو مسندیده عاریه اولنورغوزدی کوچا

شهباز عسکرینی سیدلاردین اعلم اخوند خواجه دیب کوچانینک ایلیکرکی اهلی
 وسیدلار اولوغی و پیشواس صدیق خواجه اعلم اخوند دیب برموی سفید معتبر
 کیشی بار ایدی واللیک ییلدین اشاراق اعلم لیک منصبی داشرع شریف رواجیغه
 سعی کوشش قیلغان وعام خاص نینک مرجعی بولغان ایدی نول کیش باش
 بولوب کوچادین کلدیلار سید خطیب خواجه وحام الدین خواجه اوشطورفسان
 لشکرینی الیب کلدیلار افسودین ملا باقی مفتی اخوندی همراه ایلا دیلار
 کوچا بیک لاریدین هجی غزنجی بیک یعقوب دیوان بیکی ملاح میراب آقسو
 بیک لاریدین قاسم قاضی بیک باقیش میراب محمد شریف اورتنک بیکی و صابر
 میراب اوشطرفان بیک لاریدین آق بیک وموسی بیک قربان میراب قنارلیق کارغه
 یرایدورغان وایش نینک عده سیدین چیقا دورغان وجودیداهمت وغیرتی بار
 بیک و بیک زاده لارنی همراه ایلاب یارکند طرفیکا عازم بولدیلار عسکرلارنی
 یکرمه آلتنه مینک دیب رویخطا کا آلدیلار قوشچی فلتزچی بازارچی لاردین
 باشقه آمارکان دولت بیلان یوروب بوللارنی طی قیلیب یارکندغه اوچ منزل
 قالغاند ایبارکند والی واهالی لاری حضرت وتونکانی امامی وکنه کچیک علما و فضلا
 فقرا وزعیبه لاری توف توف نارتیق پیشه ککش بیلان استقبال لاریغه چیقنی
 ویوزلارینی رکاب ظفر مآب لاریغه سورتوب وقول لارینی کوتاریب درگاه الهیغه
 عاجز و شکسته ایکیین شفیع کلتوروب خواجه پادشاه لار عمر دولت وازدیادیغه آیت
 فتح نی تیل لاریغه جاری قیلیب باشلارینی توبن سالیب حجات تریدا غرق
 بولوب وایلیکرکی قیلغان اشلاری فشیمانیدا مستغرق بولوب تورغانیدا انعام
 شاهانه و مرحمت خسروانه لار کورکوزوب جرم کناز و دل نوازلیق قیلیب همه نی
 خوش و سرافراز ایلاب دبدبه و عسسه لار بیلان یارکندغه کیریبت تخت مسند دابر
 قرار اولدیلار خواه تونکان خواه حضرت و خواه باشقه هیچ اهدی نینک مجال
 وقوتی قالما دیکه برار نرسه کونکلیکا کلتورکای همه اعیان اشراف لار اطاعت

و انقياد كمرين بليكا محكم بايلا ب مبارك بادليق قىلىپ ناغرا كارناى شاهانه
 و سورناى دومبان شاديانه صدا و اوازىنى و كروه كروه ايماق ايماق مباركبادليق غه
 كان خلابق غوغا و علاسى بو كنىد نىلكون طاقىغە چرماشتى انعام ايشىكىن
 اچتى و عدل بساطين يايىدى قوى بورى بيلان بركوچك ده سوايچتى لاچين
 كبوتر بيلان بر جايدە مكن توتى انسان كروهى بلكە مخلوقات اراسيدە نغار
 و عداوت عدم معدنيغە ياشوندى قاعدە محبت و مودت اسلوبى آفتاب مثليك
 طلوع ايلادى اوشبو حال و منوال دە مرفه الحال و فارغ البال انعام و احسان برله
 همەلارنى مالا مال قىلىپ حكمرانلىق قىلدىلار حاصل الكلام مقصد مرام كه كاشغر
 فتحى تصرفى ايردى مقصد يوليغە قدم قويماق وزاد راحله طيارلاماق هوسى دل
 آيينه لاريغە خطور قىلدى ياركند مضافاتىدىن تولا عسكرلار جمع بولىندى وقت
 معينه و اسعد ازمندەدا يورماككا حزم بولدىلار ياركند حكومتىنى مذكور اعلم
 اخوند خواجم غه تفويض قىلىپ كلى امور مملكت ايشيدە مطلق العنان ابلادىلار
 كاشغر بارا دورغانغە تعيين بولغان خواه مسلمان و خواه تونكانى لارنى مسوده قىلدىلار
 قوشچى بازارچى فلتريچى لاردىن باشقە يتميش ابكى مينك لشكر طرارنى حساب
 و سناق غه آلدىلار فصلى نينك اوبدانى و كونلار اسعدى دا قىل قويروق بولوب
 اطلانيب خيمه خرگاه و سراپرده بارگاهنى كاشغر يوليغە تكتىلار اما عسكرلار نينك
 تولالايق فروش فروش آوازي و كوچه بازارلارده نظاره قىلغوچى تماشا بينلار
 ازدحامى و عسكرغە مانكغانلار خویش اقربسالارى نينك بول بولسوندىب دعا
 و فاتحىلارى صداسى و كارناى سورناى صوتى و نفير نغاره لار فریاد آوازي
 و مغنى لار نينك نغمه جلا دوسه گاه جانسوزى و غزل و مقام چكر سوزى و بر طرف
 بيكيت اطل اياغيدىن چيقان توغ تفاق غبارى زمين غبر اوفلك سماغە اورلادى
 كور كوچى لار نينك كوزلارنى كورو ايشتكوچى لار قولاقىنى كر قىلدى عقل
 ادراك حس دىن و حس قوى دىن معطل و منقطع اولدىلار كويىا قيامت حشر

بازاریدین بر نمونه ظاهر اولدی بولغای اما خواجم لار دوریدا بو لطریقه دا
 عسکر جمع بولوب اطلانغان لاری یوق وموندین کین هم بولمادی اول معبود
 حضرت خالق طاق فضل عنایتی برله اول سید افاق شمشیر اصفهانی فی حمایل
 قیلدی و خلعتهای رنگارنگ اوچالاریغه کیدی تاچ شاهنی باشیغه قویدی وآط
 تازیغه سوار و مرکب بولوب تجمل تام و تجبر لا کلام برله پیراسته و اراسته بولوب
 خیمه و خرگاه لاریغه نزول اجلال قیلدیلار ایکی کون اول منزلدا توروب کته
 و کچیک عسکرلاریغه بقدر احوال خرجی و مناسب تون سروپا بریب اوچونچی
 کونی مطلوب و مقصود طرفیکا یوز کلنوردیلار آهسته آهسته یوروب خان اریق
 موضعیکا چادر بارگاهنی تیکتیلار و عسکرلار آلدی وارقه لارینی تنکشاب کوروب
 ملاحظه قیلیب دیدیلار کیم بو بوزغون عسکرلار کلکانین قوشبکی تعین و جزم
 قیلسه لار خواه ناخواه کاشغر قلمرویدا بر نفس آرام آلمای اوزلارینی تاغ
 اول طرفیدا کورارلار لیکن کاشغر اهلی آط ایاغیدا قالور احتمالی بار دیب
 عسکرلار تولالیقیغه تکیه ایلادی و کاشغرغه بارامیز آلامیز اما قیچاق
 اند جانلیق لارنی قید قیلغالی تورت عرابا داغل و زنجیر اشکال لار الیب چیقان
 ایدیلار ملک ایکاسی خداوند کریم فضلیغه تکیه و توکل قیلماقنی فراموش
 قیلدی بو فلک بو قلمون خیالنی خاطر خیال لاریغه یول برمادی لار اما بو اوج
 عروج نینک زوالیدین بی خبر ایدی بول اثنادا بناگاه ینکحصار طرفیدین
 توغ نمایان بولدی و توغ آراسیدین علم و بیراق کوروندی سر حساب بارسه لار
 قوشبکی قوشونی عیان بولدی هر طرفکا قویغان قراولچی ایراولچی لار بر بریتیب
 کلیب بیلکانین و کورکانین معلوم ایلادی دیدیلار کم قوشبکی بیکنی آز و بیزلار
 کور و دورمیز دیب لشکری نینک بر مونچه سینی اونکغه و سولغه بویرودی
 و دیدیکم ازدها مثلیک ایکی طرفدین باش تارتیب جمیر بولوب قوشبکی قوشونی فی

اوتراغه اليب صفيل سنككين مثليڪ محاصره ايلاب بر قرار واستوار بولوب
هر احدى قولغه توشسه تريك توتوب الديوغه اليب كلنكلار ديب حكملاريني
اجرا قليب اوزلارى قلبدا فارغ البال چادر بارگاهلاريدابرقرار بولدىلار
در واقعه بو لشكرغه قراغاندا قوشبكي بيكتى كمدين كم اقلدين اقل ايدى
قوشبكي بيكتى كوياسمانداكى فروين مثالى خواجم لشكرى يتنه فلك ايچندكى
همه ستارهلار مقدارى اعتبار ايتسهلار بولور ايدى بو آوانده كولاب اولوغى
همراه خان ديكان ايكى يوز اللىك آدم طيارجرار براغ اسلحه برله خواجملارغه
يار و حمايت بولوب كېلسهلار بيزلاركه غيرى يورت آدمى كراك ايماس ديب
بول برمكان ايدى نوميد بولوب يانيب قوشبكي كا بو همراه خان همراه بولدىلار
اما قوشبكي خواجملار بيكتى تولالغين فكر و انديشه لار قليب و اوزلاريني ازلغين
بېليب درگاه بېچونغه توكل قليب عاجز و شكسته ليكين پيشه ايلاب هر يرده
غريب مسافرلار بولسه دعاسيني اليب خداوند كريم دين اوزكاهه تكيه قيلمى
اصلى دل قادر بېچونغه، توكل قليب تورغان حيندا خواجم لار اشكرلارى اوزك
سولغه مانكيب بولماغان ايدى قوشبكي بيكتى دين عبدالله پانصد نام بر بهادر
اوز بيكتى بيلان بر بلاى ناكهان بنگليغ اوزيني لشكر مخالفغه اوردى و قلبدا
تونكانى لار توف زمبرك بېرلان طيار ايدى پانصد مذكور يتيب كليب آرقهغه
ياندى ينه بر طرفدين غازى بيك پانصد عزيز بيك جلاولارچب قول طرفيكا
آط سالىدى محاربه و مقاتله لاز معركه سى اوج عروجغه كېلدى عبد الله پانصد
ايكى اوج دفعه آط ساليب ينه ارقهغه يانيب تورغانيدا بناگاه چب قول
طرفيداكى عسكرغه شكسته بريب ارقهغه ياندوردى و قلبدين بر مونجه آدملار
آرقه بريب (ففرؤا) آوازي صداغه كېلدى چار ناچار دوچار بولا الماى (الفرار
ما لا يطاق من سنن المرسلين) مضمونبچه فرارنى اوزلار يغه لازم و واجب بېليب

قوش فلتر چادر خراکه اسلحه و اشیا اطعمه و اقمشه لارغه قرامای آط قمچین هزیمت
ایلاب اوزلارینی افسو بولیفه لایق و مستحق کوردیلار آیه کریمه کم من فئته
قلیله غلبت فئته کثیره باذن الله (مضمونی شریفی بو واقعه حلولیده ظهورغه
کیلدی بولغای .

قطعه

پرا کنده لشکر قولیدین ایش کلامای * ایکی یوز جنکی مردانه یخ شبراق یوز منکی دین
ایکی بیل مدتی افسو یارکنند اوش طرفان و کوچا شهیار خراجانی و مسلمان لار
خونی برله طیار بولغان اسکنه و اسلحه لار بیلان ایکی ساعت برابرلیک
قیلالمای هبایه منشورا بولدیلار .

رباعی

خدا ایبکم ابرورلار مالک الملک که هر کمیکا که برسه توتی الملک
نه حد بولغای کشیکا ملک آلماق شنهشا هی که اولدور تنزع الملک
هر نرسه که قوشبکی حق دایتیب ایدی اوزلاریغه یانیب بلابولدی (من حفر
بئرا فقد وقع علیه) مضمونی شریفی چه بو قضیه غه موافق قوشتی نچند آدم لار
مقت قتل و هلاکت کا تافتی و نچه سی اولجه و بنده توشتی اکثری آط اولاغیدین
بلکه ایکیین ایباغیدین آیریلیب برهنه و بلانکاج نه سو و بر طعمه تفالمای آج
چول جزیره لارده هلاکت غه بتی و بعضه لاری قاچیب اوز وطن لاریغه اولاشتی
کویا شول کونی بولارغه قیامت اشکارا بولدی انا لاغیری کوسین صدا برکان
خواجم جانلاریدین بیزار بولوب گاهی هوش و گاهی بیهوش و بیخودانه بولوب
توش کوردوم مو ویا خیال اوشبو حالنی کورسانیمو منکا نیمه حال احوال لار
روبردی الان نیمه ایدیم الحال نیمه بولدوم دیب بنگ تارتیب باش ایلانغان
کشیدیک و قیراق بب خیالیغه کتکان کوکنار یلاردیک کونکلاری مشوش و تیل لاری

كلاھ واوزلاری ملالیت برله رفق جان بولوب اوز مفرکاهلاریغه داخل اولدیلار
 بوسپهر نیلکون وچرخ واژکون شعبده بازلیق هنرینی کورساتنی اما سید اعلم
 آخوند خواجه یارکند پای نختی دا بر قرار ایدی خان اریق دین قاجیب
 بارغانلاردین بو حوادثلارنی انکلاغاچ تورالماي طاقتلاری طاق بولوب من
 کاشغرغه بارماقچی بولدوم. دیکان بهانه برله اوزلارینی یارکند دین قوتقاریب
 اقسو طرفیکا روانه بولدی بردوغه ایکی کته شهرنی هفت وورایکان بای بردیلار
 وکاشغرنی آلامن دیب یارکند دین قوروغ قالدیلار هر برلاری هوشلاریغه
 کلیپ دیدیلار کم من بعد یارکند وکاشغر طبعینی کونکاویمیزکا کچورما کایمیز
 واول طرفنی آرزوو هوس قیلاما غایمیز و بارما غایمیز دیشتیلار در واقع بارما دیلار
 هر نرسه که لفظی لاری دین چیقنی شول بولدی .

نظم

خدا بیرکانکاسین هرکز اوچاشمه عطا ایلاب اوزی بردی خداوند
 اما تونکانی لار فروین مثلیک توفی بولوب نماز شامغچه ایکی ملطیق زمبرک کاوت
 بریب تولا مقاتله وعمار بهلار بولوب تولا آدم لار نابود بولدی وقوشبکی یوتاسیغه
 اوق تکیب توختاب قالدی بیحضور بولدیلار آخر الامر تونکانی لار بیلان مصالحه
 طرحین توزوب توفی توفخانه سی بیلان کاشغرغه الیب باریب هر بریکا انعام
 واحسان عطا ایلاب وعده وعید بیلان خاطرلارینی جمع قیلمیب توفنی آبریب
 الیب هر بریکا اوز لایقید اتون عمل بریب اوزلاریغه رام و صید قیلدیلار و توف
 توفخانه چادر بارگاه خیمه وخرکاه شاهانه و خلعتهای فاخره و کسوت واقمشه یراغ واسلحه
 خزینه ودفینه قنارلیق همه اشیا لارغه مالک وصاحب بولوب مالامال بولدیلار .

نظم

هرچه خالق خواهلاغانین اول بولور آنچه مخلوق خواهلاغان قید بولور

والسلام

سید خطیب خواجم نینک وجود باغستانی نینک غنچه نو بهاری
 و قالب صد فی نینک در نایابی اعنی محمودین خواجم
 پادشاه نینک حکمرانی و حالاتی و بو کمینه سرگذشته مقالاتی
 بیانی و فرقه لاسلوکی و اعتقاداتی

یاران ذوی الاحترام و برادران ذوی الاحشام روشن ضمیر لاریغه خفی و ستیر
 قالباغایک که سید برهان الدین خواجم کچیک اوغلی محمودین خواجم نی اوز
 اورینلاریندا اوشطرفاندا حکمران و قایم مقام قیلیب اوشطرفان حاکمی توخته
 بیکنی و کوجالیق طالع داد خواهنی خدمتیدا قویوب ایدیلار اما بو پادشاه
 خواجم اوشطرفان حکومتی جلو سیدا بر قرار واستوار اولوب (الاسلام یهنم
 ما قبله) مضمونی شریفنچه ایلکرکی منصب دار کفار و ظالم جبارلار رسمی
 رسومی نی یوق ایتیب خواه سلطنت رویشی و خواه یورت دارلیق اشیک شریعت
 حکم شریفلاریچه موافق و مطابق ایلادیلار و خواجم لار دوریکه اوچ بیل و بر آی
 کامل دور هیچ احدی مداخلت و مشارکت قیلا آلمادی همه خواجم لاردین باشقه
 کچیک ایدی اما فهم فراست دا و علم دیانت و فضل کمالات دا همه دین چونک
 ایدی علی الخصوص علمیدا همه خواجم لاردین زیاده ایدی بو شهرلار اوزون
 مدت دین بیری کافرلار قاعده قانونی و ظلمتی قدیم بیکن لار رسم رسومی
 و بدعتی ایل اراشایع و جاری بولوب الصحبة مؤثره مضموننچه اثر قیلیب خوی الیب
 قالیب حسن فی قبیح دین جدا و امتیاز ایتماکاج خلایق لار کونکلی فی وطن اصلی
 قیلیب مقام و مسکن قیلغان بدعت نا مرضیه لارنی قلنج و سنان نوکی برله محو
 ایلاب اوزنیه سنت سنیه علی صاحبها الصلوة والسلام نی اولتورغوزوب
 سیاست شمشیری آب خاکلی بیلان فروریش ایلاب کوکارتیب سر سبز
 و ریحان ایتیلار (الجنة تحت ظلال السیوف) مضمونی بو احوال غه شاهد حال دورلار

شهر و صحرا داكى مسجدلارغه امام مؤذن تعيين لب وبش وقت نمازنى جماعت بيلان برپا قىلدوردى شريعت حدود الله نى كتاب وسنت رسول الله غه موافق وائمه هدى رضوان الله تعالى عنهم اجمعين قول لاريغه مطابق حكم ايلاب هيچ احدىنى رعايه قىلماي حكم شريعتنى اجرا قىلدىلارحتى اينكه قمار باز وكبوتر باز وتخوم باز باشليغ كلاً بازلارنى زجر بليغ كورگوزوب يوق قىلدىلار اما اوزلارى شطرنج باز ايدى هر ايشنى شرع شريف رعايه سى وفقرا ورعيه رفايه سيدا ادا ايلاكاج كنه وكچيك همه راضى وخوشنود ايدى بو كمينه مؤلفى بو مذكور خواجه پادشاه حضوريندا هم جليس وهم انيس ايدىم خواه علما وخواه فضلا وخواه حاكم وداخواه بو كمينه دين بى مصلحت بر ايش قىلا آلماس ايدى چرا كه بو كمينه يتى سگز بيل مقدارى كوچاده بر مدرسه ده وبر هجره دا متوطن بولغان هم قورداش وهم سبق اداش بولوب كىلكان ايدىم كونلارده بر كون اوشطرفانلىق باي محمد قىلى بىك افطارغه تكليف قىلدى وايتكىم افطار قىلپ قونوب ايرته بيلان يانسه لار وپادشاه خواجه دين اشبو طريقه دا رخصت اليب چىقه سىلار دىب تا كىدلار قىلدى چرا كه حولى سى شهر نىنك تاشيدا ايدى ومن برار كىچه بى جواب باشقه بىركا بارالماس ايدىم بو وجه دين كه اوزوم صلوة خمسە كا امام ايدىم وهم مسجد جامع كا خطيب ايدىم ومخفى خط وكب سوزكا اسرار ايدىم وتوقوز قراولدين كىركان وچىقان آدم لاردىن من باخبر ايدىم وبولمىنك قولومدا ايدى مندىن بى جواب قراولدىن كىشى اوتالماس ايدى ينه برى بو كىم پادشاه لىق مسنديدا اولتورغاندا مهر لازىم بولدى هر احدى بر نرسه دىب سجع ايتى من هم شول قتارى سجع ايتىم كىم * يافت عزت ز حضرت معبود * ابن برهان الدين خواجه محمود * دىب معقول ومقبول توشوب منى مهور اويدورماقغه تعيين قىلدىلار مهر كند آلديدا

توروب مهر راسلاتیم و منظور نظر عالی قیلدیم کوب خرسند و فرحمنند بولوب
 منی مهر دار قیلیب مهرنی تافشوردی هر نشان و دستک بولسه منکا تفویض
 قیلور ایدی مهر باسیب برور ایدیم وینه خطای دین اولجه قالغان بر بغدادی
 اونی سانکی وبر بغدادی سانکی وبر ارفه سانکی بو اوج سانک منکا مفوض
 ایدی اوردانی عالی نینک خاص آشخانه عالیلاریغه واطخانه و محرم لار آط لاریغه
 مذکور سانک دین صرف ایتور ایدی اما من اوز اورنیمده انیم محمد خلفه نی
 قویدوم نشان بو بیروق بیلان صرف ایتور ایدی اشخانه غه لازیم بولادورغان
 گوشت یاغ کرنج سبز فیاز چای و اوتون کلا صرف لاریغه مذکور سانکلار
 آشلیق لارینی ساتیب فل قیلیب یوما فیوما بازار دین الیب برور ایدی آنداغ
 کنکرو بی حساب اوند و آشلیق لار اید بکیم ایکی ییلدین کین کریب کورسام
 تورت حصه اوند نینک بر حصه سی مو کتما بدور و قالغان آشلیق لار مو اشبو
 طرزیدا اما اوزومکا تعیین بولغان اوند بو غوز دین بر سر زیاده آلماب دورمن
 بلکه اینم بیلان بر حولیدا ایدیم بعضه چراغ یاغ و شمع لازیم بولوب الیب
 چیقسام بازار نرخی حسابلاب فلنی برور ایدیم اما بو پرهیزلیک باورع لبکیم
 ایما بدور کمالی انصاف و احتیاط جمله سیدین بولغای اوشبو طریقه دا توقوز
 سانکرا اشلیق لبالب بار ایدی همه اتالیق غازی تصرفیغه نوشتی نه کنکرو
 صرف ایتما دوک و یا فل قیلیب همراه ایلامادوک حاصل الکلام بای محمد قضی
 بیک دیکان یسونلوق رخصت الیب افطارغه باردیم بعداز افطار نماز تراویح
 ادا ایلامادوک ایدین سونک بر اویکا کیریب نغمه دلسوز برله مشرب بردی
 مهمان دارلیق قاعده سیننی حد دین اشوردی نصف شب بار ایدی خاص منی
 همجایس لاردین اجر اتیب یینه بر خاص اغاص مهمانخانه لاری بار ایکان اندا
 الیب کبردی اول اویدا اوش طرفان نینک کهنه بیک لاری قربان غزنجی بیک
 ملا امین شیخ وملا تور مهمان بیک باشلیغ اون بشغه یقین آدم لار بار ایکان

بو اویدا

بو اويدا هم ضيافت طريقتى كىما يىنقى ادا ايلاكاندىن كىن دىدىلار كىم
 خطىب خواجه قارى كوئىكلارى ملايم اما هام الدىن خواجه نهايتى غيور
 غضبلارى زياده پادشاه خواجه نهايتى اوبدان سورادىلار همه چونك كچىك
 راضى دورمىز خطىب خواجه و هام الدىن خواجهلار يورت ايشىغى ارالاشماي تىچ
 يانسىلار پادشاه خواجه حكمرانلىق ايشىنى قىلسى مبادا بو خواجهلار همه سى يورت
 ايشىغى ارالاشىپ دىل برسىلار اوبدان بولمايدور البتە اوبدان بولمايدور
 بو عرض التماسىمىزنى معقول قىلىپ توختاتىپ برسىلار فبها والا ايش بىمان
 بولادور والسلام دىب سوزىنى ادا ايلادى ايرتە بىلان كرىپ بولارنىڭ
 مدعاىنى پادشاه خواجه غە بىر بىر معلوم قىلدىم ايتىلار كە بو سوزنى خواه
 دادام و خواه اكام غە اظهار قىلماسونلار من اوزوم بولى بىلان ايتىپ معقول
 قىلسام دىدىلار انكا غچە اوج كون اوتى تورتىچى كچىچە سى اوشطرفان اهلى
 قرا كلك بولوب اطاعت دىن باش قىتاردى بو خبرنى انكلاماق همانا خطىب
 خواجه ملا توختە محتسب دىب بىر قرى آدمى بار ايدى انى تعين قىلدى
 و پادشاه خواجه منى تعين قىلدى بطرىق اياچى هر ايكىمىز شەردىن چىقىپ كون
 چىقان مىلدە مزار ترك دىكان منزىلە جمع بولغان ايكانلار يتىپ باردوق همه
 باغى و طاغى طرىقەدا بالاتفاق يوز اوبروب مىرزا جان حضرتنى اوزلارىغە
 اولوغ قىلىپ دور هوا ساوق ايدى اويكا الىب كردى بىزلار اياچى طرىقەدا
 ايتوقكىم كتە كچىك يورت بو قولى و فعلى لارىدىن يانسون يورت دارلىقدا
 قىسى ايش بىجا بولسى يوق ايتىپ تدا ركنى قىلالى اكر كوئىكى آغرىسە
 تون كىنوروب چاى قويوب برالى دىب بىزلارنى چىقاردى دىب اشبو سوز
 ادا قىلىپ ايدوك حضرت باشلىغ كتەلار همه باشىنى توبىن سالىپ حىران
 بولوب تورغانىدا امىن شىخ ايتى كىم قىرغىز قزاق لارمويورت لارىنى اوزلارى
 سوراب توروب دور بىزلار ايمدى اوزىمىز سىراساق قىرغىز قزاق لاردىن كم

آدم ایماسدورمیز خواجم لاره ر قانچه محنت و مشقت تارتقان بولسه لارمو اجری لاری
 قول لاریغه یتکاندور یراغ اسلحه دین بولک هر نرسه لاری بولسه اوزلاریغه
 همراه قیلیب کتسه لار بیزلار آط اولاق بریب جبدوب یولغه سالساق ایمدی
 بیزلارنینک کیا دورغان تون لاریمیز کفن و ایچادورغان چایمیز اجل شربتی سوز
 تمام والسلام دیدیلار ملا نوحته محتسب غه بر آدم قوشوب ایلچی طریقه دا
 شهرغه کیرکوزدیلار و منی کیرکوزکان آدمی اورنیدا باریمتای توتی شولکونی
 جمعه کونی ایمدی مذکور مزار ترک دا بر مسجد بار ایکان همه جمع بولغان
 الامانی لار بعداز جمعه حضرت فی آق کیکز اوستنده قویوب ککوتاریب
 اوزلاریغه پادشاه قیلیب بیغی وزاری برله شهرکا قراب یوردیلار اما آق کیکز
 اوستنده حضرت یقیلیب توشتی فال شوم آلدی الامانی لار بارغانچه بر دروازه نی
 اچیب کریب ینه بر دروازه نی آچقونچه حام الدین توره توف زمبرک الیب
 چیقیب نچه آدم لارنی اولتوروب دروازه نی محکم قیلیب صفیل اوستیکا چیقیب اوق
 اتیب یقین کلتورمادی آلامانی لار بش کیچه کوندوز جانلاری بار بچه حرکت
 تردد قیلدیلار بولمادی وتولا آدم لار ضایع بولدی و منی براویکا قصاب ونچه
 آدم نی پاسبانلیق غه قویدی یتنچی کیچه سی ایردی منی حضرت الیب چیقیب
 اوشطرفان کته کچیک بیک لاری و قیرغیز بی لاری وتونکانی شانکلولاری حضوریندا
 دیدیلار کیم اوزلاری الچی بولوب چیقیب ایدیلار ایمدی بیز طرف دین
 الچی بولوب شهرغه کریب بزلارنی خواجم لار بیلان بخش و اوبدان
 قیلسونلار کته کچیک یورت غه من قند نصیحت قیلدیم ایلکرکی دیک خواجم لار
 پادشاه و یورت فقرا بولا دورغان بولدی دیب منی یولغه سالدی و آطیمنی
 تاییب یوز بکی اولجه طریقه دا آغان ایکان تافشوروب بردی وتورت بیک نی
 قوشتی کیم تومشوق تاغی دین اوتکاریب یانینکلار بوزغون چریک زبان
 زحمت قیلما سوندیب بویرودیلار و بیزدین کین سمرقندلیک ملا قلندر

آخوند نام بر معتبر كشيىنى هم خواجم لار الچى طريقىدا چىقارغان ايكانلار
 مينيكن بيله بر اويدا ايدى بو كشيىنى هم سوراب اليب اوزوم كاھمراه
 قىلىپ شھر كا كىردىم لېكىن كېچە قرانكفو ايدى آدم وچرىك بار ايكانىن معلوم
 قىلالمايدىم نومشوق تاغغە كىلكاندا مذكور بيكلاردىن بىرى نوروز مينيكن
 بيكى خواجمغە پدر عروس ايدى قولايغىغە ديدىكىمنى فلاكت باسپ
 بولارغە قوشولوب قالغان ايكانىن بيله شھرغە كىرىپ كتسام منى ضايغ قىلورلار
 ميكى دىب آھستە افشا قىلدى من احوالىنى چاغلاق بىلىپ اشكارا ديدىكىم
 مينيكن بىلان بيله كىرسونلارھر قىداق ايش بولسە من وسيله بولوب قوتقارىپ
 آلاى بولتوغرادىن من ضامن دىب ايدىم ھەملار آنكلاب بىزلار ھم
 كىرساكدىدورمىز ديدىلار ھەنى ضامن كوتارىپ شھرغە اليب كىردىم اوچ
 خواجم اوچ دروازەغە مۇكل ايكان ھام الدىن خواجم بار دروازە بىلان منى
 اليب كىردىلار ملاقات ھاصل بولدى واقەنى بر بر عرض قىلدىم نھايتى
 خوش ومنت دار بولوب صلە كلاه سروپا بىرىپ ملاقلندىر آخوند باشلىغ
 بيكلار قانى دىب سورادى دروازە تاشيدا يالاب توختاتىپ قالدى دىب
 ايدىم اليب كىرسون دىب بو يرادى انكاغچە خطىب خواجمدىن كشى
 كلىپ منى اليب باردى خطىب خواجمغە ھم بر بر عرض قىلدىم خرسند
 وفرھمند ليكنى حددىن زيادە آشوروب ياشلارنى آب نىسان دىك توكوب
 بىغلاب توروب دھالار قىلدى آلتە كون نىنك ايچىندە خواجم لار حصر بولوب
 طاقتلارى طاق بولوب شھردىن قاچىپ كنا دورغان نىنك علاجىنى تفالماي
 وبو آلامانى لار احوالاتىنى بىلالماي قضاى بىزدانى وبلاي آسانىغە راضى
 بولوب بويونلارنى سونوب تورغان ھالى ايكان اما افطارغە يقىن ھام الدىن
 خواجم نوب زىبرك ويكېت لارنى وسر باز لارنى اليب چىقىپ مزار ترك كا
 بارىپ حضرت حولىنى قرشاب ايكى طرفدىن زىبرك كا اوت بركان ايكان ھە

افطار بیلان غافل ایکانلارچانی چانی قیلیب اولتوروب حضرتنی تیریک توتوب
 بایلاب شهرکا الیب کیردیلار شول اخشامی کبچه چه خواه یخشی و خواه یمان
 اوچرافان آدمنی اوچرافان برده نیست نابود ایلادیلار اوشتورفان جاکمی
 توخته بیکنی و اینی سی آق بیکنی بای محمد قزی قربان غزنجی باشلیغ تولا آدم لار
 تیریک قولغه توشتی و قیرغیز باشلیق بر مو نچه آدم لار قاچیب کاشغرغه باریب دور
 و بعضه لارینی قیرغیزی تمیزلار تاراج باراج قیلیب یوق ایتیب دور بعضه لاری
 ساوقدا هـ لاکت غه یتیب دور امین شیخ باشلیق بر نچه آدم لار ایله
 طرفیکا قاچیب باریب دشت جزیره ده سرتدا نابود بولوب دور نه اتا بـ لادین
 خبری ونه بلا اتادین فروای بولدی کویا صحرای قیامت ینکلیغ همه لار اوز
 حالی بیلان سراسیمه و سرکردان اولدیلار و اولکانلارنی ایکی مینک دین زیاده
 حسابغه آلدیلار دشت جزیره دا اولکانلاری حسابی یوق اما نهایتی ساوق کونلار
 ایدی شهر فتح بولغان کونلارده شوفانک خانه نینک عراق قایناتا دورغان برکنه
 چونک قزانی اولجه توشکان ایدی بو قزانی قولتوق مزار فایض الانوررغه وقف
 قیلیب بیرکان ایدیلار مذکور قزانی آلامانی لار الیب باریب حضرت
 هویلی سیده آلامانی لارغه غذا قیلغان ایکان زمبرک کا اوت بریلکان وقتدا
 مذکور قزان دین اوماج اوسوب باریب تورغان ایکی آدم باغی قزانداکی
 اوماچقه توشوب اولوب شمالیب کتیب دور تیریک توتوب الیب کلکان لارنی
 حمام الدین تورام سوز سوراب هر کبچه ده نچه آدمنی اولتوروب قودوق غه
 تاشلاتوردی اوشبو منوالده آدم اولوکی برله یتنه قودوق پراپر بولدی کوموب
 اتیلار کوچمن لار باشلاریغه حوادث روزگار دین کیلا دورغان ایشلار کیلدی لار
 اکر تفصیلا بیان ابلاسام سامع لار سمع لاریغه کران کلکوسیدور اما کوچمن لارغه
 بو قسمی فلاکت و هلاکت دوچار اولماقداسبب لار باروبی سبب مونداغ ایش

لازم بولماسە ایدی بیانی بوکیم اوشطرفان اهلی مسلمان متدین و شرع شریف
 ایچیده ایکانلار اما مغنی بر عجایب عقیده لاری بار ایکانکم بعضه لاری کبروبه
 واسحاقیه ونعمتیہ ربودیہ دوانیه سلوک و طریقه لارید ادورمیز دیر ایکانلار
 وبعضه لاری خاص الخاص الله خواجم والله خواجم دیب خواجملارغه عقیده
 و اخلاص لارینی حد دین زیاده آشوروب افراط مرتبه سیکا بتکوزور ایکان الله
 بیلان و خواجم لار آراسیغه هیچ احدی افراد انسانغه یول قویماس ایکانلار خواجم لار
 یفکی بارغانلاریدا بیزنینک تیلکان و دیکان خواجمیز شوبو دیب عقیده لاری
 زیاده لیکی دین آطنی بیلقی سی بیلان قوینی قوتانی برلان و کلانی اغیلی برلان
 وقیزلارینی باکره لیکی بیلان بطریق نذر الیب کلیب دعا الیب خواجم نی
 تافتوق بیزلارغه ایمدی هیچ نرسه حاجت ایماس دیب الله خواجم دیب تور دیلار
 اما خواجم لار همه فقرالارنی بر اوخشاش رعیه دیب نظرلارینی سالمای برابر
 کوردیلار بو طایفه لار بولتوغرادین بیز دیکان خواجمیز بو ایماس ایکان دیب
 خواه ناخواه یوز اویرودیلار ینه بری بوکیم بر طایفه لاری ایر و خاتون برکته
 اوبکا جمع بولوب کته قزانغه کنکرو کوکچای سالیب نچه نچه چرا و طبق لارده
 فایماقلارنی الیب کلیب قویوب قایناتیب معتبر آدم دین بر آدم نی مؤکل
 قیلیب غسل طهارت برله چمچه دسته سیننی توتوب تبرک چای دیب جمع بولغان
 آدم لارغه آز آزیشلار نچه تبرکاً بیروور ایکانلار چاینی نهایتی تعظیم و تواضع
 بلکه رکوع و سجود طریقه دا الیب ایچور ایکانلار و بو اوان دا نغمه نغمات
 صداس ایر و خاتون بلکه بیکانه لار رقص سماغه کبرکان علاسی گاهی بیتلیب
 گاهی قوفوب مست و مستغرق بیهوش ویخودانه بولاشیب اغزیدین کفک لار
 کلیب خضورلاریدین بیخضور بولور ایکانلار و حضوروم دیب بر نغمه مقام
 اختراع قیلغان دورلار بو طایفه سلوک لاریدا کوب استعمال قیلادورلار و مغنی لارمو

بعضه مجلس و محفل لارده نغمات ایچره حضوروم مقامنی مندرج ایتادورلار حاصل
الکلام بر نچه ساعت دین کین هوشلاریغه کلکان بولوب اوه دیب کوزلارینی
آچیب اولتورور ایکانلار بو معاملهنی کبرویه سلوکلاری دیب اعتقاد قیلور
ایکانلار سرتاپا خلاف شرعی ایکانلار بو فرقه لار اولوغی و خلیفه سی خواجم لار
حضور یغه کلیب تبرک چای تیلاب الیب ایتی لار کیم بیزلارغه دعا قیلیب بیرکالی
بر آدم تیلایمیز دیب النجا قیلغانیدا بو کمینهء راقم حروفنی بویرودیلار
اوستیکا باردیم و کوزوم بیلان مذکور معامله لارینی کوردوم اول باره منی خانونلار
بیلان رقص سماع غه تکلیفی قیلدی و تبرکاً باشلاب بیزسه دیب التماس قیلدی لار
حلی من یاش دیب بر قری موی سفید آدمنی قایم مقام قیلدم فارغ بولغاندین
سونک اوزلاری بو سلوک کا کم شغل قیلغان بولادورلار دیدیلار من ایتیم کیم
الآن سلوک شرعیه مصطفویه نی تمام قیلغانیم یوق بو سلوکنی تمام قیلغانیمده
شغلی قیلسام دیب نیت قیلیب توروبمن دیب جواب بردیم خواجم لار نیمو ییلما ی
اظهار قیلغان ایکانلار و کمینه نی موتانوما ی تبرک چایلاریغه الیب چیقان ایکانلار
اوزیمیز دین دیب گمان قیلغانلاریغه کین فشیمان بولدی لار فایده برمادی اما
شریعت پناه خواجم پادشاه بولطایغه کمره لار ضلالت یولنی راست یول اعتبار
ایتیب بدعتنی سنت دین تفرقه و امتیاز قیلالماغین ییلیب شریعت مصطفویه
وملت بیضا سراجیه حکم و میزانیغه مطابق قیلیب علماء عظام لار دین فتوی الیب
فتوی مضموننی اعلام و عیان ایلاب (النصیحة هی الدین) مضمونی شریفیچه
ملایم مقال فصیح و شیرین کلام ملیح لارییلان قند نصیحت و موعظه معجون و شربت
مجربلار برله امراض مخالف لاریغه علاج لار کور کوزدی منفعت باغیشلامادی
ینه بیکانه ایر و خانون بر مجلس دا بی ستر و بی پرده جمع بولغانین ییلیب
آلدورتوب کلیب شریعت قامچی سی و تازیانه سی برلان قاتیغ احتساب بیردی لار

بولارنىڭ مزاج نامرغوب لارىغە موافق توشما كاج عداوت تىخىمىنى ايتكىتى ومخاصمت
يتكانىن ساچتى وكوركاتى باغى وطغيان لىق طبل كوسىن بر علانىه چالدى وبو
بى سراجىم لاركا بارى محاربه ومقاتله كا انجام تافتى واوزلارنى شمع يىنكلىغ يانىب
تورغان اوتغە پروانه وار اوردى وهلاكت منزل كاھىدا جاى ومقام توتى .

نظم

چراغىنى كەحق ياندوردى قويدى كىشى كم فوف دىدى سقالى كويدى
مضمونى بو كمر اهلار حالىغە موافق ومطابق توشتى اما الله خواجم دىب ايتاسىزلار
اسم لارى نىمە دور دىسە لار خلىغە ومشاىخ لارى بىزلار خواجم لار اسم شريف لارىنى
آغزىمىزغە آلامايمىز آتا بىلار يىمىز هم الله خواجم دىب كلكان ايكانلار
بىزلار هم الله خواجم دىساك خواجم لار اوزلارى تافىب آلا دورلار وبلكە
اسم لارىنى آنكلاماغان دورمىز دىدورلار الله يار صوفى ثبات العاجزىن نام
كتابلارىدە ذكر قىلىپ فوتوب دورلار كىم .

نظم

بولوب دور هم تقى برفرقە پىدا اتى مؤمن والى نفسى كا شىدا
يغارلار پارە بوينى بوغاننى سالورلار اوتراغە قىز وجواننى
الىب بارسە كىشى اهل عىالين كوتارور بى حمىت لىك وبالىن
حرام ايشنى كە طاعت بىياسە انسان ابرور بول اعتقادى نامسلمان
بو ايغان فرقە كم ضال مصل دور شرىعت اھلى بو ايلدىن خجل دور
دىكان مقولە لارى بولار شأنه لارىكا صادق بولغايلار اما اسحاقىه ونعمتىه وقالغان
فرقە لار مو شبو طرزىلار يدا بولسە كراك لىكن هر طايفە اوز عقىدە سلوك لارىغە
مستحكم ايكانلار توى معركە وعامە نذر نذورات لارده برىرلارى يىلان بارىش
كلىش اختلاطلارى بار ايكان اما بو سلوكنى نهايتى مخفى وستر توتار ايكانلار

بربرلاری نینک چای تبرک‌لاریغه بارماس ایکانلار وایتماس ایکانلار وبلکه
 آراشیب قالسەلار چیقیب کنار ایکانلار ویا چیقاریب آتار ایکانلار بو فرقه
 مذکور بولغانلار کوچمن‌غه خاص ایماس بلکه یتە شهرنینک همەلاریدا جاری
 ایمشلار ^۱ اما کبرویه دیب قایسی طریقه‌نی ایتاسیزلار دیسه لار مونی هم بیلمایمیز
 دیدورلار بولار سوزلار بیچه معلوم بولادور کیم کبرویه منسوب بشیخ نجم الدین
 کبری قدس سره بولغابیلار ^۲ کبرویه سر حلقه‌لاری جناب شیخ نجم الدین
 کبری دورلار ^۳ اما البته بصد البته طریقه‌لاری بو طریقه‌ده ایماسدور و بولار
 اوزلار بیچه سلوک‌فیدایا قیلیب خاتونلاری یوزلاری آچوق ایرکک آدم‌لار
 آراسنده ارالاشیب اولتوروب اوزلارینی صریح و روشن گناه کبیره‌غه مرتکب
 ایلاب و بو گناه‌لاریغه سلوک‌قیلدوق و کبرویه طریقه‌لارینی تبراتتوک دیب
 نسبت برکانلاری کمالی نادانلیق و جاهل‌لیقدین و ضلالت و کمراه‌لیقدین بولک
 نرسه ایماس دورلار ^۴ شیخ نجم الدین کبری قدس سره کبرویه طریقه‌لاری اولوغی
 و مشایخ‌لار سر حلقه و سرداری علم‌حال و علم‌قالده با کمال تعریف و توصیف دین
 مستغنی ایدیلار نص قاطع بیلان ستر هورت فرض لیکی ثابّت دور بو ذات
 شریف دین مستعجب چاغلیق بر خلاف شرع و وقوع تابماغان بولسه لار ترک فرض
 فحش واقع اولسون الهی اوز کمال قدرتنک برله کمراه و ضلالت‌ده قالغانلارنی
 بلکه همه بندەلارینکنی راه راست‌غه باشلاب توفیق هدایت عطا ایلاکای سین
 یا هادی المصلین آمین بجرمه طه و یس .

ختن وایله‌غه مائکدورغان الچی و مکاتبات لار واقعه‌سی

والچی بولوب کلکان لاری مراسلات لاری بیانی

باران عزیز و برادران لذیذلارغه خفی و ستیر قالماغایکم کوچا شهری بوزولوب
 خان خواجه خان‌لیق تخت‌دا بر قرار بولوب اسلام قیلنچینی کافر بی دین‌لار

باشيغە بىر ھىلانىيە چاققان خىبر بىھىت آمىز ومباركبادلىق مسرت انكىز آلته
 شەر اھالى ووالى لارى سمع لارىغە يتىب وبلکہ اطراف جوانب عالم لارغە كىتىب
 ھمەلار موافق وبالاتفاق شەر شەر تونكانى ومسلمانلارى اسلام شريف اچماق
 وكافر ظالم لار باشيغە تبغ چاقماق مەدا وھوسى بىلە يتە شەر تونكانى وتراپچى لارى
 ھمە كافرلار اطاعتى دىن يوز او بىروب ایلە نىنك اعلمى ملا شوكت اخوند نام
 پر فاضل متدین كىشى بار ایدی اوزلارىغە بالاتفاق حاكم ومنصدى قىلدى
 وختن اھلى و اھالى لار یمو خطايلار حكومتى تحت تصرفیدین چىقتى وكاشغرو بار كند
 اھلى لار یمو اطاعت وفرمان بردارلىق رشتە سىن اوزدى چرا كە كوچا بو آلته
 شەرغە دروازە مثالى ايردىكە كوچاغە كلىب اوتماسە باشقە يرلار بىلان اوتماس
 وما نكەماس ایدىلار مونداغ اىغنى بىلىب ھمە شەر بوزولوب ھر شەر آدم لارى
 بر آدم نى سردار ینە بر آدم نى فرمان بردار ایلاب ملوك طوايف بولوشتىلار
 على الخصوص ختن داملا حاجى حبيب الله مفتى دىب بر پرهيزكار شریعت
 شعار متدین روزكار بر آدم بار ایدی ھمە ختن خلقى اتفاق برلە مذکور
 حاجى نى اوزلارىغە سردار ولايق سزاوار بىلىب باشلارىغە كوتارىب ختن
 كافرلارى اوستىكا تبغ تارتىب عنقرىب زماندە نىست نابود قىلدى وتونكانى
 طایفە لار نىمو كافرلارغە ملحق ایلاب يوق ایتى يورتىنى پرهيزكار متقى لار
 دلیدىك صافى مصفا قىلدى وتخت سلطنت دە بر قرار واستوار بولدىلار اولوقتا كە
 شیخ نظیر الدین خواجم بار كند فتح وتصرفى نىتى دا كوچادین آطلانغاندا ھجى
 غزىچى بىكىنى ھمراھ قىلىب الیب مانكغان ایدىلار بار كندغە توشوب مذکور
 غزىچى بىك كا يتە يوز مسلمان اوج يوز تونكانى ھمراھ قىلىب ختن كا بو بىروب
 دیدىلار كم حبيب الله پادشاه اوزلارى بارغانلار ینى اوزىكا فخر مباحات بىلىب
 اطاعت كمر ینى انقیاد بلىكا بایلاب وقىلچى نى بو يونلار یغە ھمايل قىلىب
 استقبال لارىغە چىقىب عزت واکرام لار ینى بجا كلتوروب پای تخنكا الیب چىقىب

اولتور غوزوب خذمتكارلىق رسومىنى بجا كلتورسه لار فيها واكرابا وتانى قىلب
 تاخير واهمال قىلسه لار بجان دل زور بازو كورساتيب ختننى تصرف قىلب
 اليب حاجى مذكورنى اهل اولاد لارى بيلان مېنىك حضور بېغە ايبارسه لار ديب
 بر نچه سياست امير لاف قاف و شور تاغ بيهوده سوزلارنى ايتيب يولغە روانه
 ايلاديلار حجى بېك مذبور منزل بمنزل يوروب ساخوخه باريب حاجى پادشاه غە
 غرورانە خطلار قىلب مانكدوردى خطنى كوروب ملاحظه لار قىلب ايتيلار كم
 بو خط دېن آشناليق بوي كېلمايدور نغار و خصومت روشى هويدا بولادور
 مناسب اولكېم آلدېغە كېشى چيقارغايمن ديب چونك اوغلى ابراهيم خان صدورنى
 باش قىلب ايكى مېنىك آدم چيقارديلار زباده ملاقات بولوب بناكاه اوروش
 باشلاب مقاتله و محاربه كا تور ديلار ابراهيم خان صدور غە اوق تېكىب عالم باقى غە
 رحلت قىلدى آخر الامر حجى بېك مقابلە بولالماي انفرارنى اوزلار بېغە لازم
 و واجب بېلب قاچتيلار حاجى پادشاه ملازم لارى غالب كلب تاراج باراج ايلاب
 شاد خندان ختن كا يانديلار حجى بېك مغلوب و مغموم اولوب ياركند بارديلار
 تولا آدم نابود بولدى آز آدم بيلان كېلدى باعث و سبب بو كېم حجى بېك كوچا
 بېك لار بېدېن خواجم لار غە آنا طرفيدېن قرابت ليكى بار خطاي منصب دارلار بېغە
 تونكچى بولوب كلكان قديم بېك زاده لار دېن ايكان بوتار يخندېن بر بيل ايلكارى
 ياركند غە خان امبانغە تونكچى بولوب باريب منصب ايشى توتقان زباني خطاي
 زباني برله آراسته و لباسى كافر لباسى برله پيراسته بولوب كلكان ايدى حاجى
 پادشاه حجى بېكنى مېنىك اوستومكا ايباركانلارى قېداق خواجم لار دېن برلار بېنى
 ايبارماكلارى لازم ايدى آنداغ بولماغاندامو شريعت ايچندا شريعت لباسى
 برله عمر اوتكاركان بر مسلمان متدېن آدم تافيلما دېمو كېم منكا بر خطاي يتيمىنى
 ايبار بې دور ديب عاربيليب يورت لار بېغە محكم و اوزايشلار بېغە مستحكم بولدىلار
 وينه برى بو كېم ايله ترانچى لارى كافر لار دېن يوز او يروب محاربه و مقاتله كا

جان واماكانلارى بارىچە حرکت وترددلار قىلىپ غازى لىق مرتبه سىن تاقىب
 نهايتى سى وکوشش لارنى حد دىن زياده آشورغان وجهيدىن جان فدا اتانىپ
 تولا آدم لار خلوص نيت بىيلان جانلارنى فدا ايلادىلار اما کافرلار چونكى
 جانکچونک کوره شهر يدا ايدى فتح بولغانى يوق ايدى بو آوان سعادت انتظام ده
 مسلمانلار اولوغى ملا شوکت آخوند مصاحت قىلىپ ديدىلار کىم بو کافرلار بىيلان
 اوروشوب نچه آدم لار اولدى وتولا کافرلار يوق بولدى اما اوستىمىزداتوروب
 دعا قىلىپ برکالى اولاد رسول الله دىن بر صاحب دعا لازم ايدى اول باشدا
 کوچادىن اسلام اچىلىپ شولارنىنک ياروم دللارى بىيلان بىزلارغه قوت حاصل
 اولوب ايله نىنک کافرلارى باشىغه تيغ اوردوق خان خواجمنى مبارکبادلىق قىلىپ
 اوزىمىزنى فرمان واطاعت لار يغه کىرگوزوب بر مذهب و بر ملت دا بولغانىمىزدىن
 كىن اتفاق لىق باشنى بر يقه دىن چىقارىپ بر برىمىزغه بر مشكل ايش يوز
 کتورگانىدا يار واعانت يتکوزوب مسلمانلار رفاحتى ويورت آبادلىقى غه سى
 وسبب وکوشش قىلساق دىب همه اعيان واکابرلار باتفاق بولاشىپ بيعت
 واطاعت نامه خطىنى قىلىپ وبر صاحب دعا التماس ايلاب ملا قربان خطىپ
 اخوندغه قرق آدم قوشوب تارتىق وپيشه کش بىيلان بطر يقه الچى مانکدورغان
 اىکانلار مذکور الچى لار ايله دىن چىقىپ سرعت بىيلان اوشطرفانغه داخل اولدى
 اوشطرفانداكى خواجىم استقبال لار يغه کشى چىقارىپ اىلب کلیپ مناسب برکا
 توشوروب بيعت نامه سى بىيلان صورت واقعه نى بر بر معلوم قىلىپ خان خواجىم غه
 عرض توتى بر نچه کوندىن كىن بىلدىم وکىلسوندىب يارلىغ توشتى اوبدان
 ملازم معتمدلار قوشوب الچى لارنى کوچاغه مانکدوردىلار وبولارنى کوچادا
 اىكى آى مقدارى توختاتىپ ملا قربان خطىپ لارغه انعام واحسان لار قىلىپ جواب
 بردىلار اما خواجه بهاء الدىن خواجىم نىنک اوغلى سايد خواجىم نى باش قىلىپ
 الله يار اخونونى همراه ايلاب بر يوز اللىك لشکرلار برله توغ الم وىيراق

بربیب ایلهغه مانکدوردیلار موزدابانی نوزاتیب هزار مشقت لارییلان ارتوب
 درگاه الهیغه شکر ثنلاریجا کلتوروب و قلماقلارغمی واندیشهسی بیلان منزل
 بمنزل یوروب نکسغه بارغانلاریدا برنجه آطلیق قلماق و پرنفاق لارتوغرادین
 چیقیب الدیلاریغه کلیب سیزلار نچوک آدم نه بر دین کلدینه کلار ونه برکا
 باراسیزلار دیب سوراب و آزنولالغین بیلیب ایتیپ دورلارکیم بولیرده نجه یمان
 بی باش آدم بار من آدم قوشوب برسام سیزلارنی تیج امان اوتکاریب ایتسه
 منکاموهم بر خدمت بولور دیب اوچ تورت آدمی نی قوشوب بو خواجه کشی لارنی
 فلان برکاچه اوتکاریب یانینکلار بو خواجه کشی لارغه بردا بر آدم زیان زخم
 یتکورسه بیزلارغه اوبدان بولمایدور دیب تأکید و مبالغه لارنی منساقانه ادا
 ایلاب آدم قوشتیلار خداوند کریم بو اندیشه لاریمیزنی هم اسان قیلدی دیب
 خوش بولوب ایکی منزل برکا باریب توشوب آط اولاغ لارینی اوتغه قویوب
 واوزلارینی آش طماق لارینی یب فارغ البال و مرفه الحال اویقوغه باریب دور
 قلماقلار وقتنی غنیمت تافیپ باریب مذکور قلماقلارغه خبر بیریب دور
 بناگاه بلای آسانی ینکلیغ بوزغون قلماقلار کلیب تاراج بارج بولانک تلانک
 قیلیب نجه نی ضایع و نابود ایتیپ دور و بر نجه نی اسیر اولجه قیلیب کتیب دور
 بعضه لاری قاچیب اوزلارینی اسبغ کول قنارلیق برلارکا الیب دور اما ساید
 خواجه برهنه ویلانک کاج رمق جان واش سراسیمه و حیران بولوب ایله نینک
 کنت لاریغه داخل اولوب دور مذکور کنت نینک چونکی ایکیین ایساغ بربیب
 ایله نینک سلطانیهغه ملاقات قیلیب دور باشلاریغه کلکان حوادث و واقعه لارنی
 بر بر بیان و عیان قیلغاندین سونک مناسب تون سروپا بربیب وظیفه تعیین لب
 مناسب برکا جای مکان قیلیب بربیب دور ملاالله یار آخونوم بر شاگردی بیلان
 ارقه دین یتیب باریب دور اما ساید خواجه ایله خلقی بیعت و انابت قیلما دیلار
 بلکه یلانکاج خواجه اسمی برله مشهور و معروف قیلدیلار چرا که بولار بارغو نجه

جان فدا والامانى لار ملا شوكت آخوندغه بر جریمه نى قويوب سلطانلىق دین بىكار قىلىپ قافغه سولاب تىرىك دريساغه قويوب برىب باشقه بر آدم نى اوزلار يغه اولوغ قىلغان ايكانلار بو اولوغ نىنىك ايشلارى بولمادى ايله ده استقامت قىلاشيب زمانه دورى اتالىق غازی غه انتقال تاققاندىن كىن اوز وطن لارىغه رجوع ايتى اما حبیب الله حاجى پادشاه كوچالىق ھجى فزىچى بىك نى باسوروق قىلىپ يانيب بارغانىدا هر قايدا غ بولسه مناسب ايش بولمادى دىب بر طرفىدىن شادلىق وبر طرفىدىن غم لىق يوز كلتوردى بر نچه كون ملاحظه قىلىپ ايتىلار كىم بىزلار مسلمان بر دىن وبر ملت دادورمىز و هر قانچه بولسه مدار اومواسا بولوب تورساق اوبدان ويخشى بولور ايدى دىب ختن نىنىك يخشى مرغوب مال مناع آط براغ قنارلىق نرسه لار طيار ومهيا قىلىپ آشنالىق رابطه سىن توزوب بلكه اطاعت جر كه سىكا كرىب وزىزاده بولغان كار زار نىنىك عذر ومعدرتىغه تىلین آچىب وھجى بىك دىن باشقه آدم كىلسه البته اطاعت قىلىپ خذمتكار چىلق رسومىنى بجا كلتورور ايدىم ىنه برى بو كىم خاقان اقلیمى نىنىك بر سوزوبر اوند اكى يخشى آدم لار ىنى اولتوروب وىمان آدم لارى بىلان متفق بولوب پادشاه لىق قىلىپ دورلار يعنى خطاى نى اولتوروب تونكانى بىلان اتفاق بولوب دورلار اكر تونكانى نىمو بىله يوق قىلغان بولسه لار ايدى اطاعت قىلور ايدىم حلى هم اوزلارى بزدىن ايلكارى پاى تختدا اولتورغان بىزلار نىنىك اطاعت قىلماقمىز البته لازم دىب بطرىقه الچى احمد مىراب نام بر بىك معتمدغه اللىك آدم قوشوب يواغه سالدىلار مذكورلار آقسوغه داخل اولدى وبر نچه آدم قوشوب كوچاغه مانكى وردى اما كوچاغه بر منزل قالغانىدا آلدىلار يغه كىشى چىقارىب نارتىق پىشه كشلار نى اليب كوچاغه مانكى احمد مىراب باشلىغ ھمەنى آط اولاغ سر انجام لار ىدىن آبرىب هر بر ىنى اوز مقدار ىده بر آدم كا قوشكون طرىقه ده بردى ومحافظت قىلسون دىب يشارلىغ

قیلدی ایکی بیل مدتی بولار سیرام کنت لاریده تعیین بولغان بولاریدا وطن
توتیلار انالیق غازی قدم تشریف کلتور کاندین سونک بولار هم اوز وطن لاریغه
واهل عیال لاریغه مشرف بولدی .

اول حافظ خلاق لطف عنایتی برله سید خواجه اسحاق
حد شرق غه عازم بولغانی و او شاق تال دا بوز غون قرا
چریک یوق بولغانی و قرا شهر فتحی میسر اولغانی بیانی
سید مظفر راشدین خان خواجه خانلیق پای تختی دا برقرار اولوب مشرق
طرفیکه قرا شهر و طرفاندین عبارت دور اول طرفدا کی کافر لاردین اندیشه ناک
بولوب جار قیلدی یکیم خدا و رسول خدا یولیدا جانی نی نثار ایلاب کافر بی دین لار
بیلان غزات قیلیب غازی لبق مرتبه سین خوشلاغان و شهادت درجه سین ایزلاغان
بر مرد بهاری بارمو دیب شول ائنادا توخته محمد بوز باشی دیب بر آدم
کلیب ایتیلار کیم من دور من اوشبو خدمت نی بجا کلتوروب بو درجه لارنی
آرزو قیلغان دیب اوتراغه کیلدی خان خواجه التقات قیلیب بر بوز آدم
قوشوب بهاء الدین خواجه و عایدین خواجه نی باش قیلیب کافر لار بیلان محاربه
و مقاتله کاروانه ایلاب فتح و نصرت کا آیت فتح نی اوقوب دعا قیلیب یولغه
سالدیلار بولاریتیب باریب بکوردایوزغه یقین کافر لار بار ایدی قتل
کیلدی آندین بر نچه آدم اوزالب آلیب کورلاغه روانه بولدیلار و بکوردای
سوملا دیب بر تونکانی بار ایدی تونکانی لارغه باش قیلیب کورلاغه بویوردیلار
و آرقه لاریدین اسحاق خواجه صدیق داد خواه و مأمور خلفه لار باشلیغ بر بوز
اللیک چه آدم لار بیلان آرقه دین بتیب باردی و بکورلوك دعای خلیفه بر بوز
آدم الیب همه بالاتفاق کورلاغه داخل اولدیلار و کورله دین ینه آدم الیب
جمعیت فیداقیلیب قرا شهر کا قراب بوردی اما بو حال ده توغ بیراق علم و اوق

ساغداق ملطيق زمبرك اساحه ويراغ كارناي ناغرا سورناي داق دومباق صداو
 علاسى برله لشكر كشليك دبدبهسى وپادشاهليق عسكسسى جلوهكا كىلدى
 همه ذوق شوق برله بلين محكم باغلاب غزات نيتى برله يولغه روانه بولوب
 دريا لبيكا بارسه لار كافرلار كيمه نى تارتىب ائيب دور ينه زمبرك ملطيق لار
 انيب اوتكالى قويمادى ناچار بولوب تورغانيدا كورلانىنك بهادرلارىدىن
 اسلام خلفه لار ايتىلار كيم بو چونك يول بيلان قرا شهركا كبركالى بولمايدورغان
 اوخشايدور باغراش كولى اياغى بيلان اوتوب اوشاق تالغه چىقىب اندىن
 آرقه مېزغه يانيب قرا شهرنى الساق دىب الهام ربانى يىنكلىغ مصلحت
 خىرىت لارنى كورساتى همه كا معقول ومقبول توشوب كورلاغه يانيب كىب
 باغراش كول نىنك اياغى بيلان ايلانيب توقوز كوندا اوشاق تال دىكان
 منزل غه بارسه لار بولمىده اوروچى دىن كىب يانتان اون سكىز مېنك خطاى
 چرىكى بار اىكان شولكونلارده يىغور ياغىب چرىك لارنىنك همه اسباب لارى
 هول بولوب زمبرك وتونى لارىنى هول بولوب كىماسون دىب قوم لارغه كوموب
 بى فروا يانتان حالتى اىكان روبرو بولوب محاربه ومقاتله كا توردىلار اماخواجه
 جهانكبر خواجم بو آلتە شهرنى آلتانيدا بىچىن طرفىدىن آى جانكجونك دىب
 بر كنه منصب دار كىب بو آلتە شهرنى خواجم لاردىن ائيب صاف مصفا قىلىب
 خواجمنى توتوب بىچىن غه ايساركان خدمتى غه مذكور آى جانكجونكنى آلتە
 شهرنىنك تىرىت كردهسى وساقلایدورغان مزارى قىلدىم دىب يازلىغ توشوب
 كته بتخانه قىلىب صورتىنى تارتىب قويغان بر كنه بتخانه بار اىكان آغزىغه
 سنك سفال اولسون شونىنك اىچىكا كافرلار كرىب سوقوشوب بالاخىر مغلوب
 ومقهور اولوب نىست ونابود بولوب سر انجام بولدى اما بىچىن طرفىكا برارته
 كافر قاچالمادى آغزىنى قرا شهر طرفىكا قاچىب كتىلار بول ائنادا طرفان
 طرفىدىن ايكى آطلىق خطاى بى غم وبى فرواچىقىب كلكان اىكانلار قالماقلار

توتوب الیب خواجه آل دیلاریغه الیب کلیب قراسه لار خط چیقتی اوقوب
 کورسه لار قرا شهر امبانیغه برکان خط ایکن مضمونی نجه کته لار نام لارینی
 مندرج ایلاب خان یاریغی بیلان مدد واعانت اوچون یکرمه تورت مینک چریک
 تورت یوز یتیمیش زمبرک اوچ یوز عراباده اوق داری براغ اساحه لار بیلان
 کلدوک اوچ کوند اوشاق تالغه بارامیز بیزلارغه بوزغون اوزوق چیقارسون
 دیکن ایکن همه کا اعلام قبلیب حاضر و واقف بولونکلار ذیب تورغان حین دا
 توغ نمایان بولدی و توغ ایچیدین چریک ظاهر بولدی و اسلام لشکری جول نینک
 آغزینی و سونینک بوی نی الیب تورغان ایدی مذکور بوزغون چریک لار
 بی خبر وی تشویش بیزلارنینک آلدی میزغه چیتان چریک لار دور دیب خیال قبلیب
 یقین کلیب قالدی انکاغچه اوچ کون اوتکان ایکن بناگاه قضای الهی و بلائی
 آسمانی ینکلیغ بر طرفدین اسحاق خواجه توخته محمد خلفه لار و بر طرفدین
 بهاء الدین خواجه مأمور خلفه لار و بر طرفدین عابدین خواجه تونکانی سو آخوند
 دعاسی خلفه لار بلند آواز لار برله تکبیر لار ایتیب آط سالیب مهاربه و مقاتله کا
 مقید اولدی لار بهاء الدین خواجه مأمور خلفه لار طرفینی قاچوردی ایش بر عکس
 نتیجه برکالی اوغرادى اوشبو حالتدا اسحاق خواجه آیت فتحنی تیسملاریغه
 جاری قبلیب درگاه الهیغه عاجز و شکسته لیکن اظهار ایلاب لشکر لارغه باقیب
 دعالار قیایب (اقتلوا المشرکین حیث وجدتموهم) آیت کریمه مضموننی عیان
 و بیان ایلاب غزاتغه ترغیب لار قبلیب ایدیلار همه لار بیکیساره بیغی وزاریغه
 توروب (توکلت علی الله) دیب جان دلی بیلان بر اوروش و سقوشقه تور دیلار کیم
 اونکنی سولغه و سولنی اونکغه الیب کلیب ایرته دین کج غچه و کج دین تانک
 آنقونجه و بلکه توش و پیشین غچه چاف چاف آوازی حاضر و واقف بول غلا لاسی
 توفی زمبرک ملطیق صداسی فلک ثریا دین اونی آخر الار فتح ظفر ایشیکنی
 سید اسحاق خواجه طرفیدین اچیلدی بر کبچه و ایکی کوندوز کامل اوروشوب

كافرلارنى اولتوردىلار اما بىشىنى اولتوركونچە اونی اونىنى اولتوركونچە اوتوزى
 اوز اوزىنى ھلاكت كا ىتكوردى زعملاریدا دشمن قولیدا اولكاننى اوزلاریکا
 عار وھقیر بیلور ایكانلار اكر اوزلاری اوزىنى ھلاك قىلاشېب برماسه ایدى
 قول فوتىنى بايلاپ قوی مثلیك يانتقوزوب برسەلارمو بېش كېچە وكوندوزده
 اولتوروب بولا آلماس ایدى چرا كه اسلام لشكرى ایكى مینكغه یتماس
 ایدى كافرلار بكمه تورت مینك ایدى بلكه زیاده ایدى نهائىتى بر مینك چهسى
 جانىنى سلامت الیب قاچتى وقالغانى نیست ونابود بولدى بو اوترادا لشكر
 اسلامغه نه سو ایچكالى فرصت ونه طعام یكالى آرام بولماغان ایدى بر نیمه
 سر انجام تافیپ طعامغه مشغول لوق قیلیپ تورغان حالتى ده خبر بولدىكم قرا
 شهر دین یتهمینك خطای چریكى واوچ مینك قالماق چریكى اللیك آلتە عرابه ده
 زمبرك توفى ملطیق یوز اللیك تیوه اوق دارى اوزوق قنارلیق یراغ اسلحه
 برله تاییلغو دېكان منزلغه کلیپ توشنى دېكان خبر کیلدى نه طماق کلیدین
 اوتى ونه باشقه ایش خاطرلاریغه كلدى همه بالاتفاق غزات نیتى وجان محافظتى دا
 اطلانیب قرا شهر طرفیكا قراب یوردى اوچ فوطى مقدارى یردا چوقوردېكان
 منزلده خطای چریكى دوچار بولدى بر طرفدین لشكر اسلام و بر طرفدین
 كافر بی دین روبرو بولوب محاربه ومقانله كا توردیلار آخر الامر سید اسحاق
 خواجم اوچمه چوماق لارینى قوللاریغه الیب ویانلاریدا كى بهادر نام دارلارنى
 همراه ایلاب كافر چریكغه آط قویدى بو حالدا كافرلار تیوه لارینى چوكوروب
 وهرابالارینى قنار قیلیپ پناه قاب اوق اتیب تورغان حالتى دا آط سالغانى
 كوروب ایدى ایش یمان بولدى دیب تیوه دا كى دارى لارغه اوت تاشلادیمو
 ویا كه خداوند كرىم فضل عنایتى برله اوت اوزى توشنى مو بهر کیف بوزغون
 دارى غه اوت كتى خواه تیوه وخواه آدم یراغ اسلحه نى اسمان قهریكا کوتارب
 كنى دارى نینك دودى ولشكرلار آطلاری ایاض دین چیقان تفریق غبارى

زمین یوزینی تیره و آفتاب نورینی خیره ایبلاب کیچه نی کوندوزدین
 و کوندوزنی کیچه دین تفرقه و جدا قیلماق غه انسان کروهی عاجز بولدی
 کویا قیامت دین بر نمونه و عرصات دین بر نشانه ظاهر بولدی کافرلار قاچتی
 و خواجم لار چاف چاف قیلیب قویلاشتی اوشبو طریقه بیلان تاییلغو دیکان منزله غه
 توشوب غذا طماق بریب کیچه قونوب ایرته بیلان قلماق لار تاییلغو دین
 یول باشلاب یوردیلار شهرکا یقین کلیب ایدی ایر ولچی خطای دین
 ایکی خطای قولغه توشتی نفتیش قیلیب سوراغان لاریدا ایتیمکم
 چونک یولغه طیفوز مبرک قوروب قویدی دیدی قالماقلار مصاحتی بیلان چونک بولنی
 تاشلاب و سول قولغه قراب شهرنینک کون یوروشنی چاغلاب باریب شهرنینک
 قبله طرفیکا اوتوب ترک لیک دیکان یرکا کلیب توشتیلار بر طرفی دریا و بر
 طرفی تاغ و بر طرفی شهر و بر طرفی چوقور اریق ایکان شولکونی شهرنینک
 تاشیدا کی و اطراف لاریدا کی شانک بازارلاری تمام الیب اوت قویوب و کافرلارنی
 اولتوروب حد دین زیاده محاربه لار بولدیلار کافرلارنینک اولوکی تولا یغیدین
 مانکفالی بولمادی اما اوروش قیلغان یردا ایکی کنه اوستنک بار ایکان چوقورلیقی
 برنیزه مقداری بار کافرلار اولوکی برله مذکور اوستنک لار توشوب سوتولغانیب
 تاشیب هر طرفکا چیقیب کتیلار اما اوستنک نینک سوی رنگی قان مثالی بولوب
 تغیر تاقیب قزیل آقتیلار حاصل الکلام صفیل ایچیدا کی کافرلاردین باشقه
 کافرلار قالماق دور اما صفیل اوستیدین اوق اتیب خودن تاشلاب و تاش کساک
 اتیب یقین بارغالی قویمادیلار اما بو حین داعرا بالاری الیب کلیب قنار قیلیب عرابا
 اوستیکانیه لارنینک جازا سینی سوغه چلاب هول قیلیب توشقاریب بر نجه آدم مهادرلار
 عرابانینک آستیفه کریب حرکت بریب مانکدروب دروازه غه الیب باریب دروازه غه
 اوت یاقتی و دروازه کویکانی نی کافرلار کوروب هوش کله سیدین کنی حس قوی دین منقطع
 اولدی باروق جهان کوزیکا قرانکغو کوروندی قول فوتی حرکت دین قالدی قولیدین

ماطبق یرکا نوشتی اولوک تریکی دین بی خبر بولوب هانك باقیب دنك توروب
 قالدی لار اما قلماق لارغه خواجه قاضی تونکچی ایکانلار دیب دورکیم سیزلار
 خواجه لارغه اوق آتمانلار دعا قیلسه لار همه کا اوت کتیب کویوب کتادور
 دیب دور قلماقلارغه بوسوز معقول بولوب خطای منصب دارلار یغه ایتهیب دورکه
 بیزلار جهانگیر خواجه زمانه سیدین تارتیب خان یارلیغی بیلان نچه دفعه کاشغرغه
 باریب خواجه لارغه اوق آتتوق بیزلارغه اوبدانلیق بولمادی آرامیزکه کسل
 عارض بولوب نولا آدم لاریمیز اولوب کتی وچهار پاری لاریمیزغه چچک چیقیب
 کسل فیدا بولوب یوقالیب کتی بیزلار خواجه لارغه اوق آتمایمیز دیب اوزلارینی
 یقه غه تارتیب اصلا اوق چیقارمادیلار اما لشکر اسلام شورکا داخل بولوب بر
 طرفدین شهرغه اوت قویوب بر طرف دین قتل قتالغه توروب شهر ایچینی
 ویران وکافرلار جانینی جهنم ساری روان ایلادیلار.

نظم

شە غە اکر بولسە لار دولت بختیار بولور فتح نصرت لارشە غە دوچار
 بیر هفته ایچندا اولکان خواه منصب دار چریک لار بولسون خواه می می چی خواجه
 بولسون خواه صغیر وکبیر بولوب ایکن یوز منکدین زیاده کافر مشرک لار
 نیست نابود بولدی اما مسلمانلاردین شهادت درجه سیغه مشرف بولغانی بریوز
 اللیک غه یتما بدور اوچ یوز چە سی زخم دار بولوب دور اول حافظ علی الاطلاق
 التغانی برله سید خواجه اسحاق همه عسا کر یکانه طاق برله مظفر و منصور اولوب
 اول خالق طاق درکاهیغه شکر ثنالار بجا کلتوروب نماز شکرانه ایزدیکانه ادا
 ایلاب همه بیکباره شادلیق و مبارکبادلیق صوت صداسینی بوفلک خضرا بلکه
 هفت طبقه سادین اوتکاریب ملائکه سبح لار ایچیکا غلغله و شوریشلار سالدیلار
 درواقعه هیچ تاریخ کتاب و جنک غزات لاردا بوقسم بوزفون چریک بی دین

کم دین کم آزدین آذرباغ اسلحه لاری یوق مسلمانلار قولیده بر آنده و بر حین ده بول دیاردا بلکه زمین صفحه سیدا آدم دین بودمغچه نیست نابود بولغان واقعه وقصه سی کورولمادی و ایشتمادی اما کتاب روضة الصفا و آتشکده ورشیدی و شهرخی کتابلاریدا و موندین باشقه کتابلاردا بر آنده موندین زیاده مسلمانلار هلاکت غه بلکه شهادت کایتیب کافرلار غالب بولوب دور اما بو غزات ده مسلمانلار غالب و کافر مشرک لار مغلوب و مقهور بولوب دور بولوجه دین بولطریقده غزات بهجت و سرور مسلمانان غمکین پُرملول غه یوز کلتوروب کافرلار اوستیکا استیلا تافغانی زمانه کوزی و دوران قولانی ایشتماب دور و کورمابدور حاصل الکلام اول اولاد رسول الله بالاستحقاق ابوالمظفر والمنصور سید غازی خواجه اسحاق صاحب یراغ و اسلحه چوماق نی خلیفه بهادر همه لار بالاتفاق بلکه تونکن و مسلمان و قلماق بی کینه و بی نفاق ناغرا کارنای داق دو مباق لاری بیله اوزلاریغه چونک و امیر لشکر قیلیب همه لار فرمان بردارلیق و خدمتکارلیق مقامی دا بویونلارینی خم ایلاب تعظیم و تواضع قوللارینی سینئه بی کینه لاری اوستنده قویدی .

نظم

مسند شاه لبق دا اولتوردی سعادت کونلاری

تخت غه چیتی آچلیب غنچه پنکلیغ باغلاری

اما یته پشت دین تارتیب جنازه صفت آط غه ینکفر چاق مثالی ایگر توقوب ینچاق اوزانککو شونه قوشقین سالیب کلکان صحرا و بادیه نشین لارمو ارغیماق و توفچاق آط غه یوز سر کموش غه ارزیدورغان شایغه بچین ایگرلارینی توقوب و آلتون کموش برله سواد قیلغان اوزانکو قوشقین سالیب اطلاق بولدیلار و یاز کونلاریدا بر اونکلوق بورك باشیغه کیما کان و ساوقدا بر اسبغ توماق تفالماغان ایکی بریم باغ خامنی مهمان لبق چغان و کونکک قیلیب کیما کان و خراجت اوچون

بش تنكه فلنى يانيغە بى حاجت سالالماغانلار كشت بولغان توماق وتولسكى سلاوسوندىن
 جوبا طواردر دون دىن پاى تابەلار قىلىپ وشونە خورجونلاردا پراپىر التون
 كەوش ولوف قافلاريدا طوار در دون لارغە مالك وصاحب بولدىلار پانصد يوز
 باش وهباشى بهادر دلاورلار قولیغە توشكان آلتون كەوش آط براغ ايگىن اياغ لارنى
 موندىن قىياس قىلماق لازم دور القصه قرا شهر فتح بولوب يورتنى سرانجام
 قىلىپ زمبرك توفى ملطيق دارواساحه خزىنە ودفىنەلار بىكىم اوت دىن قوتولوب
 قالغان مال غنىمەتلارنى جمع ايلاب واوشاق تال غىچە بارىپ خبر اليب نىمجان
 ورمى جانلار بولسە كىتكەن لارغە قوشوب كىلكالى بارسەلار اوشاق تال مشرق
 حدى تاشلىق قراساى ايدى الان كافرلار خونى برلان قزىل كىكز يايغان
 مثلىك قزىل ساى بولوب كوياكە فرهاد قبرلارى اوستىداكى دشت وكوه
 بى ستون اوستىداكى لاله زارلاردىن مو زياده بولوب دور بلكە بوكوه بى ستون
 لاله زارى اوشاق تال قزىل ليغىدىن برنمونه بولوب دور سىر تماشالار قىلىپ
 و خداوند كريم التفات لاريغە شكر ثنالار ادا ايلاب براغ اساحه والتون كەوش
 آط براغلارنى اليب ياندىلار اما سيد خواجه اسحاق غازى خواجم خوشخوى
 ملايم توغرى وكونكللارى اوبدان ساده خوش ملاقت سخاوت پيشه فقرا انديشه
 شجاعت ده دلير ومبارزت ده بى نظير ايردى (الناس على دين ملوكهم)
 مضمونى شريفچە بو آوانداكى لشكرلارنىڭ مو كونكللارى صاف نيت لارى
 درست ايردى (الاعمال بالنيات) مضمونى ھالى لاريچە نيت لارى راست
 اوچون ھەمەلارى غازى لىق درجە سىغە مشرق بولدىلار خواه فرض واجب
 وسنت وخواه نفل ومستحب بولسون نيت لارى درست بولماسە ثواب ونتيچە
 مرتب بولماس ايكانلار غزات بولسە اعظم فرايض دور البتە تصحيح نيت دىن
 لازم ولايدى دورچرا كە بولوقت دابولارنىڭ اولجە آلاى يا كە بهادر نام كوتاراي

یاشبو بهانه برله بر مملکت کا حاکم بولای دیکان خیال فاسد و سودایی کاسد دل
 آینه لاریغه یول تافماغان وقت ایدی همه بالاتفاق کافر مطلق لار اوستیکا
 بر علانیه تیغ چاقماق و اجل موعود بتسه فی سبیل الله جانینی فدا و نثارا ایلاماک
 قصد و نیتی دین اوزکا مقصودلاری یوق ایدی اول حاکم مطلق جل شأنه اوز
 فضل کرمی برله غازی لبق دولتی و منصبی و شهادت عالی درجه و رتبه سی برله
 سرافراز ایلا دیلار کتاب الله و سنت رسول الله غه موافق و ائمه هدی قول لاریغه
 مطابق غزات قیلغان طایفه لار اوشبو بولغایلار و الله اعلم بحقیقه الحال الهی اوز
 کمالی قدرتینک برله همه لارکا توفیق طاعت و تصحیح نیت و خلوص عقیدت بخشش
 و عطا ایلا کای سین بمنه و فضله و کرمه آمین بجرمه سید المرسلین انه مجیب الداعین .
 اول قادر بیچون جل و علا عنایتی برله سید اسحاق خواجه
 طرفان غزاتیغه عازم بولغانی و طرفان فتح تصرفی و نچه
 شهرلار کشایشی و قرا خطای اهلی مورماخ ینکلیغ نابود
 بولغانی و واقعات لار روبرکانی بیانی

اصحاب دولت و ارباب فطانت لار رأی منیر لاریغه ماحوظ ضمیر اولغایکم بو
 طریقه برله حکایه قیلادورلار کیم اول سید خواجه اسحاق وارث بالاستحقاق قرا
 شهرکا کافر مشرک و قلماق لاری جنکی دین فارغ او اوب کهنه طرفان فتحی عه
 عازم بولوب دادخواه و امرا خلیفه بهادر لارنی جمع قیلیب مصالحت و مشورت لارنی
 اوتراغه سالدی لار همه لار بالاتفاق ایتی لار کیم طرفان یولی قاتیغ لیغی تعریفی
 همه انسان کروهی غه اظهر من الشمس دور و یول قاتیغ لیغی تعریفیدا آیفیر
 بولاق موضع دا تاغنی متین بیلان رخنه قیایب کج برله خط جلی طریبقیدا
 فوتوب دور کیم بو یول دین بر نوبت مانکغان ییلما سلیکی دین تجارت و نفقه عیال
 دیب کمالی نادان لبق دین مانکغان بولغای ایکنچی مانکغانلار نهایی ضرورت

دین یا اصحاب الکھف زیارتی نیتی دا مانکنغان دورلار اوچونچی مرتبہ دا مانکنغان نینک
 اوزی کافر خانونی طلاف دیب فوتوب قویوب دور قیس زماندا اوقیس آند ایتلکانین
 کیشی بیلمایدور موزکا لایق اوزوق اطعمه و نان توقاچ یراغ اسلحه و آط اولاغ
 راسلاب طیارلاب قسم قویغانمیزدا بولورمیکى دیب مصلحت آمیز ەریضەلار
 بیان ایلادیلار ەمەکا معقول و مقبول توشوب نچە و نچە ەرابا نیوہ و آط ایشک لارغە
 اوزوق طماق لار راسلاب و طیارلاب الیب اسعد ازمنہ و اوقات میمنہ دارکاب
 ظفر قرینغە اباغ قویربیلار تاریخ بر مینک ایکی یوز ساکسان بر ربیع الاخر نینک
 اون سکزی ایردی تابیلغور دیکان منزلکا چادر بارکا ەلاریغە نزول اجلال قیلدیلار
 اما بولشکر نصرت مآثرلار بوزغون خطایلارنی اولتوروب یورکلاری توختاب
 و کوزلاری قیزاریب ضعیف لاری توانا و توانالاری بهادرانہ بولوب ەربلاری
 اوزلارینی اسفندیار رویین تن و دلورتەمتن چاغلاب رستم و برزودین زیاده
 ییلیب خدانند کریم جل شأنہ لطف عنایتیغە اوزینی تاشلاب ەمە یکدل و یکجەت
 و خالص نیت و خلوص طویست بیلە (توکلت علی الله) نى تیل لاریغە جمارى
 قیلیب (اللهم انصر من نصر الدين واخذل من خذل الدين) دعاسینی ورد زبان
 ایلاب ەمە یکبارە بلند تکبیرلار ایتیب روانە بولدیلار اما کانای و صونای صداسی
 و نغمە حضوروم آوازی بو اسلام لشکری نینک تجمل تام تماشاسی اوق ساغداق نیزە
 قلیچ و ەلم ەللاس و فوش فوش غوغاس بو کنبذ خضرادین اوتوب عالم
 بالاداکی لارنی بیحضور قیلدیلار آخر الامر تابیلغور دین یوروب اوشاق تالغە
 باریب قراسەلار کافرلار نینک نجس تن لاری یول اوزرە تودە تودە ەزم ەزم
 بولوب کتیب دور اولوک لار تولایغی دین یول برلە منکادورغانغە احتمال
 و امکانی یوق بر طرف تاغ دامنەسى و بر طرف سو دهنەسى ایکان حشر مردکار
 قیلیب نجس تن لارینی بر طرف کا تارتیب یولنی آچتی دھقان اشرف لار مزرغە
 کاهیداکى اورولغان آنچه سیدیک و بلکه قراسای تاشیدیک دشت اوزرە

یانی و ثانیاً خطایار کلکو نچه سونکاکلاری یول اوزره قوروب و چوروب یانیلار
 اما هوانینک تفت و تابشیدین تریلاری قوروب تارتاشیب بعضه باش اورغان
 مثلیک و بعضه لار چنکاک قیلغان صورتلیک و برخی لار سوراغ آلدیدا یوکونوب
 اولتورغان طرزلیک بولوب قالیب دورلار هر مسلمان و سودا کر اشرف لار
 کین کی زمانه لاریدا بویول برلان یورسه لار آطلاری ایاغیده کافرلار اوستخوانی
 تاش توخماق مثلیک فوتلاشیب تورار اییدی همه تحسین و آفرین ایلاب
 خواجم لارغه و غزات قیلغان مسلمان لارغه همت و شجاعت لاریکا دعا و فاتحه لار
 قیلیب اوتار اییدیلار اما اتالیق غازی سید اسحاق خواجم نی کوچادین بیکار
 قیلیب یارکندغه الیب باریب محمد یونس دادخواهغه تافشوردیلار هر کونلوک
 وظیفه سیغه برطلای سرخ هر جمعه دا مناسب تون هر یلدا ایکی مینک چاریک
 غله تعیین لب عنایت نامه عالی بولغان ایکانلار اورومچی طرفان تونکانی لار یغه
 کوشمال برماک قصدیدا طرفانغه بارغان لاریدا هر شهرنینک سرکار عملدارلاری
 قوشون ظفر نمونغه یارمدد یتکوزماک اوچون جد جهد سعی بلیغ لار کورکوزکان
 توغرادا دادخواه مذکور عرض یازیب دورکیم مرحمت پناها نچه یل بولدی
 اسحاق توره که تعیین بولغان وظیفه نی بریب توردوم الان وقت خدمت نصفی نی
 بریب و نصفی نی چو غلاب قوشون نصرت قرین خدمتی غه یتکوزسام یارکند
 ایچی ارزان چیلیق نصفی مو کفایه قیلادور دیب اتالیق غازی خطاب عناب
 قیلیب عنایت نامه عالی و عنبر نامه شامه بریب فرمایش قیلیب دورلارکیم من
 خسیس خساست لیکیمدین اسحاق خواجه غه وظیفه نی آرتعیمن قیلغان ایکانمن هر
 موظیفه که تعیین قیلیب دورمن بو نشان عالی نی کورکاج ایکی حصه بریب دولت
 عالی غه دعا آلفای سیزا کر اسحاق خواجه نینک اوشاق تال دا کی قیلغان غزات
 و جنگ لارینی و کافرلار اوستخواننی بالمشافحه کورسانکیز و منینک اورتیمدا سیز
 باشکار بولغان بولسانکیز اییدی اسحاق خواجه دستورخانیه یارکندنی مضافاتلاری

برله انعام قىلور ايدىتكىز دىب كمالى انصاف وديانت بولىدىن تحسبن
 و آفرىن لارقىلىب مباركنامهء على برىب دورلار اول دىانت آثار آنالىق غازى
 مقوله لارى اسحاق خواجى نىنك شجاعت و دلبرلىق نشان لارىغە شاهد حال دورلار
 القصة اوشاق تال دىن همه عساكر بهادر فلتر و قوش آطالار طيارلاب اوت
 بوغوز ئىمان نان توقاچ لارىنى الىب يولغە روانە بولىدىلار اندىن اوتوب دونك
 دنكزدا منزل قىلدىلار اندىن يوروب قراقزىن دا قرار آلدىلار و آندىن
 كەوش اورتانىكى غە نزول قىلدىلار بو منزل لارده اوت خشاك سو بلكە تىش
 كورلاغونچە بر نرسە تافىلمايدورغان ايكان اما كەوش اورتانىكى دا آرزغە سوبار
 اوتوز قرق اويلوك آدم ضرورە بلە چقە لارى بىلان كون اوتكار كوچە لىك
 سووزمىن بار ايكان اندىن اوجمە دنك غە باردىلار اندىن آيغر بولاق اورتانىكى غە
 نزول قىلدىلار بولير دامو آرزغە سوبار نوبت بىلە آطالارغە سو برسە كفايه
 قىلادور اندىن اوتوب سوباشى و توخسون غە بارور ايكانلار توخسون خىلى
 كتە يورت ايكانلار بازار وى شانك لار يموهم كىنكرو اندىن اوتوب طرفانغە
 داخل بولادور حاصل الكلام اوشبو حال و منوال ده هزار مشقت لار بىلان طرفان
 قلمرو يغە داخل اولدىلار اما بو لشكر نصرت مآثرلار بىتىب بارغونچە طرفاندا
 استقامت قىلىپ تورغان سىرام خواجە لارىدىن معصوم خان خواجە نام بر سىد
 كشى بار ايكان طرفانلىق قاسم جنكى و ايدىن خلفە خواجە زاید خلفە حجى باقى خلفە دىكانلار
 جمعيت فیداقىلىپ طرفان صحرا لار بىداكى ونچە وى شانك لارداكى چرىك
 و مېمى چى خطايلارنى اولتوروب و طرفان شەرىداكى خطاى لار بىلان بىرايكى
 دفعە محاربه و مقاتله لار بولوب مقاومت قىلالماي خطاى لار شەرغە كىرىپ
 دروازه نى محكم ايتىپ حصر بولغان ايكانلار و طرفانغە قراشلىق صحرا لارده اون
 توقوز بىردا وى شانك بازار لارده چرىك و خويجا بولوب خطايلار بار ايكانلار

همه سینی و ناریسیده بله لاریغچه اولتوروب اویلاریکا اوت یاقیب یوق قیلیب
 تورغان حالتی ایکانلار بعضه بازارلارده یته سکز مینک و بعضه بازارلارده اوج مینک تورت
 مینک خطایلار بار ایکان همه یوق بولوب شهر ایچیدا کی خطایلارنی قصاب تورغان
 وقت داسید خواجه اسحاق خواجه لشکر مآثرلاری بیلان چادر بارگاه و خمیه خرگاه لارینی
 شهر نینک یانلاریغه تیکتیلار هر بر طرفکا ایرولچی قراولچی لار قوبوب حاضر ایق قیلیب
 توردیلار طرفان شهری محکم و خطایلاری تولا ایکانلار ایکی کون نینک بریدا طیفو
 زمبرک لارینی ایلب چیقیب سو قوشوب نوروبدور و تولا کافرلاردین نابود
 بولدی و مسلمان لار مو شربت شهادت نوش ایتیب بهشت جاودان غه خرام
 قیلدیلار فتح بولمادی آخر الامر نجه برکا بلند شبه لار بایلادی اوستیکا نجه
 بهادر فهلوانلار چیقیب شهر ایچیدا کی کافرلارنی باش چیقارغالی قویمادیلار
 کافرلار اوقی تامغه تیکادور و مسلمانلار اوقی خطایلارغه تیکادورلار اما بو حین دا
 اورومچی طرفیدین سودالویه و داود خلفه لاردین کشی کیلادیلار کیم اورومچی نینک
 وی شانک لارینی ایلب خطای لارینی شهرکا سولادوق بیزلارغه یارمدد بریب
 خواجهلاردین برلارینی باش قیلیب لشکر ایبارسونلار دیب بهالدین خواجه
 بر مینک لشکر معصوم خان خواجه غه ایکی مینک لشکر بریب و ایید خلفه زاهد
 خلفه لارنی قوشوب تونکانی مانور خلفه علی خلفه بر مینک تونکانی زمبرک طیفو
 اوق داری لار بریب وینه رحمت بهادر حجی باقی خلفه لارغه بر مینک آدم بریب
 دفعه اورومچی غه روانه ایلادیلار بولار یتیب باریب اورومچی نی فتح قیلدی
 اوتوز مینک دین زیاده راک کافرلار نیست نابود بولدیلار آندین یوروب
 جیمسانی آلدیلار اون آلتنه مینک کافر موزدا یوق بولدی آندین یوروب
 گوچونکیزازه باردیلار اما کوچونکیزانیکنک شهری نهایتی چونک کته شهر ایکان
 خطای لار مو تولا ایکان کوچونکیزادبکانلاری خطای زبانیلار ایت لار نینک قورونی
 یعنی حسابی یوق دیکان بولور ایتمیش اما وی شانک لار نیمواللیک قرق بول

مقداریدین زیاده اعتبار قیلادورلار وینه مونکا قراشلیق نجه بىرلارده بازار
 وى شانك لارى بار مسلمان اصلايوق همهسى لبالب خطای ایکانلار اویلوک حسابدا
 ایکی اڭ اویلوک دین تخمینا کم ایماسدورلار همەنى اولتوروب کویدروب
 یوق ایندیلار اما تاغ جزیره لارده کی بعضا جانلارینی قوتتاردی بولغابیلار آندین
 یوروب سنتن کا یتى مونداهم اون بش مینک دین زیاده راک کافر هلاکت کا
 یتى آندینس فوکان غه باردی اون ایکی مینک کافر یوق بولدی آندین
 یوروب جبهه کوغه یوز کلنوردی اوتوز مینک چەنى بولغه سالدی اندین یوروب
 قراباسون باردیلار اون بش مینک چه یقین نابود بولدی آندین یوروب مناس غه
 باردی التمیش مینک کافر نیست نابود بولدی اندین یوروب چەنکخونی آلدی
 قرق مینک کافر نی بولغه سالدی بولیرد انهایتی قاتبع اوروش بولدیلار خداوند
 کریم فتح نصرت عطا ایلادی برنجه خلیفه لار اولجه غه مالامال بولوب طرفانغه
 یانیب کیلدیلار ایکی آی ایچیدا بو شهرلار سرانجام تافتی مذکور شهرلار
 همه ویران و چغذغه آشیان بولدیلار اما بول کونلارده عایدین خواجم نی باش قیلیب
 لوکچین لیک حسن قاسم بهادر نی تونکانی خوخلغه نی کو چالیق توخته محمد خلیفه شهبازلیق ملا
 عثمان شېخ بهادر ادریس خلیفه ملا یولد اش میرزا اقسولوق عشور خلیفه هدایت خلیفه
 موسی مینک بیکی کا شغریلیک قربان موسی خلیفه لار نینک هر بر یغه بر مینک دین
 یتە یوز سکن یوز دین آدم لار غه باش قیلیب موری طرفیکا چونک یول بیلان مانکدوردیلار
 بش منزل یوروب چیقتم دیکان منزلغه باریب اندین چونک یولنی تاشلاب سول قولنی
 باسیب تاغ آراسی بیلان دابانندین اوتوب تاز بولاق دیکانکا باریب آندین اوتوب
 بی سانکا جزه دیکان وی شانکدا کی خطای لار بیلان اوروشوب اون مینک چه
 خطای نابود بولدی آندین یوروب بی باجزه غه باریب وی شانکدا کی
 خطای لار نی اولتوردی اون ایکی مینک چه نابود بولدی اندین اوتوب نالیق دیکان
 چرله باریب مورخورغه یتى تولا سوقوشلار بولدی صغیلی یوق ایکان نهایی

چونك وى شانك ايكانلار حد سبز نهايت سبز خطاى لار تولا ايكانلار تولا سى اولوب يوق بولدى آرزغه سى مسلمان بولوب جانى نى قوتقاردى و امان برديلار آندىن يوروب دونگچين شهرىكا داخل بولدىلار تولا دىن تولا مجادله و مقانله لار بولدىلار فرق اللىك مينك كافر اولدى شهر فتح بولما ديلا ر بالاخير خطاى لار غالب كىلدى لشكر اسلام لار ساق شدنى و صعوبتى دىن تورالمى طرفانغه يانيب كىلدىلار اما بولوقت دا هم طرفان شهرى فتح بولماغان ايدى شهر فتح بولغونچه تولا واقعه لار روبردى رى بو كىم سو خلفه ديكان بكوردا قابىب ايدى ارقه دىن كلى طرفان شهرى فتح بولماغانى كوروب ايتىكم من خطاى شهرىنى فتح قىلىب آلماغونچه هيچ نرسه يماكايمن دىب عهد ضمان لار قىلىب آدم لارى بيلان شهر كه بوكوردى بارغانىچه خطايلارنى قويلاب ارالاشيب شهر ايچىكا خطاى لار بيلان بيله كرىب قالدىلار خطايلارنى اولتوروب ونچه كافرلار باشىنى و قول قوتى و بلكه همه اعضاسىنى صفيل ايچىبدىن تاش يانيفه تاش كسك آتقان دىك آتيلار اما اوزى غه بر اجل اوقى كلىب تىكىدى بقلدى كافرلار نوتوب اولتوردى و ايكىن آياغلارنى سالدروب ايدى يانچوقىدىن مهرى چىقتى اليب كوروب بو چونك ايكان دىب اوت قلاب كباب قىلىب همه كافرلار بر لغمه دىن يىب كتىلار اما كافرلار سانكداكى اشلىق لارنى بهاردا فقرا لارغه اوتنه بركان ايكانلار آشى توكاب قابىب خواه آط ايت ايشاك و خواه قرى لارنى و كچىك اوغول قىز بله لارنى اولتوروب يىب اولوك لار نيموهم يىب طاقت لارى طاق بولدى تورت آى غچه فتح بولمادى اما بسول ارىق طرفىداكى دروازه توستان عسكرلارنى ياندروب اليب ايتىلار كىم ايدى خطاى لار بچىن طرفىغه كىسون بول برامىز دىكانىدا همه خطايلار بولغه چىقتىلار آلدى بول ارىق غه ينىب بارغاندا چاق چاق قىلىب اولتوروب قالغان لارنى لشكر نصرت مآثرلار خدمتى غه سالدىلار شهر ايچىداكى براغ اسلحه توف زمبرك قنارلىق همه

اسباب آفات جنكنى آلدىلار ھەمە مسلمانلار شاد خرم و خندان و كافر منافق لار غم بىرلە ھەر اسان اولدىلار ^{بۇ} اما طرفان شەرىپداكى خىطاي چىرىك لار و اون توقوز وى شانكىداكى خوجا مېھى چى لار بولوب بىر يوز اوتوز مېنىكىدىن زىيادە رايك كافر ھلاك بولدىلار مسلمان تونكانى لار بولوب تورت يوز چە كېشى شىرت شھادت نوش ايتىپ جنات النعيم غە خرام قىلدىلار اما ^{بۇ} اوشبو بش آى مقدارىدا بولطرف اورومچى و اولطرف مورخوودونكىچىن بولوب تورت لك دىن زىيادە كافرلار ھلاكت غە يتى بولغاي اما ^{بۇ} مەونىكىدا مبالغە ايماس مبادا قلم خوشخرام و خوش جلاو عنانىنى مبالغە ظرفىكا سھل مايلى ايلاب بوسوز تفصىلىنى بىر بىر بيان ايلاساك ايشتكوچىغە سبب ملايت لىك حاصل اولوب مدعا و مقصود يراق قالورمىكى دىب مېنىكىدىن يوزنى و يوزدىن اوننى و اوندىن بىرنى ايلغاب و انتخاب ايلاب بو اوراق صفحە سىكا ثبت ايتىم حاصل الكلام بو كىم بو مەفولستان يورت لارىغە كفر سىياھى اثرى سرايت قىلىپ ھەمە قرانكفو و ظلمانى بولوب كىتكان ايدىلار شمشىر خىجىرلارنىنك افناپ تابشى بىلان يىنكى باشدىن روشنائىق حاصل ايتىلار الھى مسلمانلارغە فتح و نصرت بىرىپ و آسائش بىخشش و عطا ايلاكاي سىن آمىن بجرمە سىد المرسلين صلى الله عليه و على جميع الانبياء اجمعين .

اول سىد خواجه اسحاق مورغە ايكنچى مرتبە عسكر مانكىد و رغانى و بى نىل مقصود يانىپ كلكانى و ھىدىيەء مرغوب قەمولى دىن كلكانى و ثانيا لو كچىن فتح بولغانى بيانى

ياران طبع خواه و برادران نىكخواه لار ضمير مصفا لارىغە روشن و ھويدا اولغا يىكم نقلى دوركە عايدىن خواجه لار لشكر اسلام بىرلە دونكچىن دىن يانىپ طرفانغە داخل اولدىلار يىنە لشكر لار طيارلاب بها^۱ الدين خواجهنى باش قىلىپ تونكانى خو خلفە توخته محمد خلفە باشلىغ اون بش مېنىكىدىن زىيادە نامدار بەھادر دلور فەلوان لارنىنك

هر بری برر مینک دین زیاده اوزلاریکا قراشلیغ لشکرلاری بیلان توف زمبرک
 یراغ اساعه همهنی جبدوب اون بیش مینک آدم بیلان ایکنچی مرتبه دونکچین
 غزاتیغه عزم قیلدیلار منزل بمنزل یوروب مورخوغه یتیلار مورخونینک اطرافی
 وقیشلاریداکی کافرلار جمع بولوشوب محاربه و مقاتله لار بولوب تولا کافرلار
 و مسلمانلار نابود وضایع بولدی بالاخر کافرلار غالب کلدی مسلمانلار طرفانغه
 یانیب کلدی بول ائنادا قومول وانک نینک اشلیقی توکاب کوچونک دین اشلیقی
 الیب کالکی سفورکی بیکنی قوشوب الیبک عربا وبر یوز تیوه بیلان
 مانک دورغان ایکان یول دین توترب الیب کیلدیلار خواجه اسحاق خواجه سوز سوراب
 کوچاغه مانک وردی سفورکی بیکنیغه خان خواجه التفاتلار قیلدی و قومولنی
 الیب برسام دیب عده آلدی سفور بیکنیغه خان خواجه اسحاق خواجه مینک
 الیب لاریغه یاندوردیلار انکاغچه لیک قومول دین ایلچی طریقه دا تارتیق پیشه
 کشی بیله قومول نینک اعلمی برنجه آدم لار بیلان طرفانغه یتیب کیلدی تارتیق لاریدا
 هر خیل اجناس مرغوب نرسه لار تولا اما خواجه جهانگیر خواجه خطایلار نینک قولیغه
 توشکانیدا کیکان برزیره تونیکیم ایکی موره سید و ایکی جینکی و ایکی تیزی و ایکی سینه
 سیده و اوچالاریده جینی نینک اغزیدیک آلتون قبه اولتورغوزوب آیتلار
 فتوب دورلار کویا هر بری بر آفتاب مثلیک دور وینه اوق سافداق لاریمو
 شبو طرزیدا چهار آینه لاری موندین زیاده اوزلاری کریم کلکان محافه همه
 چیدوق لاری ینکی یتکاندیک همه سوادکاری التون کوچک محافه ایکانلار تبرکا
 سافلانک دیب قومول وانک غه بریب کتکان ایکانلار خزینه دا ساقلاغان ایکانلار الیب
 کیلدیلار اعلم آخوند مذکور بیلان کوچاغه خان خواجه دارالاماره لاریغه
 تارتیق پیشه کشلار بیلان مانک وردیلار بولار باریب خان خواجه
 ملاقات حاصل ایلاب برنجه کوندین کین قومول وانک غه آلتون دستار کیمخاب
 تون و شاف خنجرلار مرحمت ایلاب و کلکان آدم لارغه موسراپا بریب قومولغه
 جواب بردیلار و بول اوتراداسید اسحاق خواجه بطریق الچی قومولغه مذکور

قمولق سفوركى بىكنى وملا تيمورخلفه توختام باتور باشلىق اون ايكى مسلمان
 وآلته تونكانىنى قمولغە مانكدوردىلار بولار بارىب قمول وانك برله ملاقات
 بولد يلار اما قمول داكى كافرار وخطاي شهرىداكى منصب دارلارغە كيشى
 دخل تعرض قىلماغان ايكانلار وبولار ديد يلار كيم قمول داكى كافرلارنى
 يىزلار فتح قىلساق دىكانيدا قمول وانك بىماس بولوب اما خزىنه دىن بيش
 يوز كىشى لىك زىره چقان ساوت اولفاق دبولغە قتللىق چنكد اكيادورغان اسامه
 وبراغلارنى چىقارىب بردىلار آدم بىغىب خطايلار بىلان اوروشوب بالاخر فتح
 قىلىب آلدىلار اما دونكچىن دىن ايكى مرتبه لشكر يانىب كلكاند بىن كىن
 لو كچىن خواجه لارى و بىك زاده لارى دىن ابراهيم خان وعبدالواحد خان وحفظ الله
 خان يولباس خان شاه محرم بىك قتللىق بر مونچه يورت اكا برلارى جمع بولوب
 مورى دىن بيش آلته مېنك خطاينى خط برىب باشلاب اليب كلىب بر طرفىدا
 محفى توختان بىب توتوب ابراهيم خاننى خان كوتارىب منازعت ومخاصمت كوسنى
 بر علانیه سوقتى وخواجه زاهد خلفه وايدد خلفهنى اوزلارىغە رام قىلدىلار
 بر وانك نىنك نېره سى بار ايكان خواجه زايدغە تارتىق قىلدى خواجه زايد مونىنك
 خوشلوقىدا بر دولانلار نىنك اعتبارى نېمه من اليب برامندىب عدە كوتارىب
 مقانله كا طيار بولدى خواجه اسحاق خواجم بولطرفدىن ناصرالدين خواجمنى باش
 قىلىب توخته محمد خلفه دعائى خلفه ملا عثمان شېخ بختمت دوبه بىكى سىرام لىق
 محمد على خلفه كاشغر لىك موسى خلفه قربان خان خلفه آقسولوق هدايت خلفه باشلىغ
 بر نچه بهادرلارنى لشكرلارى برله محاربه كاچىقاردىلار هر ايكى طرفدىن زور بازو
 كورسانىب اوروشقه توردىلار تولا آدم لار ضايغ بولدى بالاخر اسحاق خواجم
 لشكرى قاچتى ناعلاج طرفانغە يانىب توشتى اما لو كچىننى غرضى بو خواجه لارنى
 توتوب آلساق وبو يورتنى اوزىمىز سوراساق مبادا ايچكريدىن خطاي
 چىقسەلار خطايلارغە تارتىق وپيشه كش قىلىب خدمت تافساق دىب خام خيال

فاسد بیلان زور بیهوده لار کورسانیب تولا مسلمانلار خونیه ضامن بولد یلار
 ولو کجین دا تورت یوز اویلوک تونکانی بار ایکن اوت قویوب کویدروب
 خاتون بله لاری می مو قویمای اولتوروب دور اورومچی داکی سودالویه وداود
 خلفه لار بو حادثه لارنی آنکلاب غیرت وحمیت لاری کلیب اوچ مینک تونکانی فی
 یارمد و اعانت کا ایباریب دور بو زمان سعادت انتظام ده اول شهر یارافاق
 ونیکو اخلاق سید خواجه اسحاق اوزلاری باش بولوب ایکنچی مرتبه لشکر
 ترتیب بریب اوزلاری لو کجین غه آطلاندیلار آباد دیکان اورتنک کا اون بش
 منکدین زیاده لشکر برله نزول اجلال قیلدیلار اما طرفان آدم لاری هر ایکی
 طرفکا یار بولمای اوترادا تیج قراب توردیلار لو کجین آدم لاریمو بوزغون
 آدم لار بیلان چیقیب کلیب روبرو بولدیلار نچه دفعه غالب و مغلوب بولوشتیلار
 بالاخر خواجه اسحاق خواجم لشکر مآثر طرفیکا فتح ظفر نسیم نمایان بولدی خصم
 و دشمن لار اوترادین کوتاریلدی اکثری نینک جانینی خس خاشاک ینکلیغ اوچوروب
 دشت فنا مفاکیغه تیقتیلار ویند خلفه ایش بر عکس بولغانین ملاحظه قیلیب
 کته لاریدین بر مونچه فی توتوب بایلاب الیب کلیب خواجم غه کورونوش
 قیلدیلار جریمه لاریدین اوتوب عفو قلمین سوروب سروپا تون بریب سرافراز
 ایلادیلار و شهر دروازه لاری نیمه و اچیب کریب تولا آدم لارنی اولتوروب خواه شهر
 و صحرا لارنی تاراج باراج قیلدیلار آخر الامر خواجم پند نصیحت و امر معروف لار
 قیلیب اشکر لارنی تلان بولانلاردین توختاتیلار کته لاریدین بر مونچه سینی توتوب
 اولتوردیلار و دارغه آستیلار و بعضه لار قبول و باله کول غه جانی فی الیب قاچنی
 حاصل الکلام طرفان لو کجین کار باریدین بالکلیه خاطر جمع و فارغ البال
 بولدیلار لو کجین فی حاشرتاجی بیک غه عنایت قیلدیلار و طرفان فی چنکی غازی غه
 مرحمت قیلدیلار و اوزلاری اصحاب الکهف زیارتین و باشقه مزار شریف دورین
 ادا ایلاب ختم کلام شریف قیلدورتوب و کنکرو نذورات لار مستحق و غریب لار غه

بجش و عطا ايلاب شکر ثنالار بجا کلتوروب دعا والتجا برله بولد بيلار والسلام .
 اول شهر يار افاق سيد خواجه اسحاق قمول غه عازم بولغانى .
 بلکه بچين حد يغه مرکب سورکانى جونک وانک خان استقباليغه
 چيقيب قمول فتح بولغانى و يارليغ بى هنکام نافر جام
 حکم لار يچه مراجعت ايتکانى بيانى

ياران قد يمی و برادران صميمی ذهن خطير منبرلار يغه روشن اولغا يکم آنداغ
 نقلی قیلادورلار کیم ناریغ بر مینک ايکی يوز سکسان ايکی ماه ذی الحججه نینک
 اون سکزی کونی اشرف ازمنه واسعد ميمنه دا اول نیکو اخلاق سيد خواجه
 اسحاق خواجه عساكر و بيراق علم و سونای کانای برله شاد بيغم و خوشحال خرم
 اوزلاری باش بولوب اون آلتنه مینک لشکر نصرت قرين برله مقصد مرام طرفيکا
 يوز کلتوردیلار قمولدا کی خطای لارنى صاف قیلیب خواجه لارغه منتظر ايدیلار
 اما طرفاندين قمول اون سکز منزل ايكانلار اکثر يرلار يدا اوت چوب يوق
 قاتبع يول ايكانلار منزل بمنزل يوروب قمول غه سکز منزل قالغاندا قمول
 وانک دين تيوه و عرابه لارده بوزفون نوشگون قونالغه يتيب کيلدی و آرقه دين
 جونک وانک خانليق يتيب کليب خواجه برله ملاقات حاصل قیلدیلار همه
 عساكرلارغه آش طماق وييل يميش و چای لار بر ييب سراب قیلدیلار و آندين
 سونک پيشه کش و تارتیق لارنى حددين زياده اوتکارديلار خصوصاً تورت يوز
 يامبو سکز مینک آخته آط تارتیق قیلدی و قالغان نرسه لارنى موندین قياس
 قیلماق لازم دور پيش کش و تارتیق لاری اوتکاندين کين جونک وانک
 ايلکری لب کريب کندیلار ويول باشلاب بارغالی آدم تعيين قیلدیلار خواجه
 و عساكر نصرت مآثرلار منزل بمنزل يوروب شهرغه يقين بارغانلار يدا وانک
 خان ينه استقبال لار يغه چيقيب شهرغه باشلاب کريب بر کته اورداى عاليه لار يغه

توشوردیلار وقالغان خلفه بهادرلار نیمو اوزلایق لاریده جای مکان تعیین قیلدی همه جایجا سرانجام بولغانیدین صونک ینه علیجده تارتیق پیش کش لار الیب کلدی ینه سکز یوز یامبو وسکز مینک اخته آط ویراغ اسامه واسباب روزگار قنارلیق مددین زیاده پیش کش تارتیق ومهماندارلیق قیلدی یلار خلیفه بهادر وناهیدار فهلوان قالغان عساکر مآثرلارغه هم اوزلایق لاریده انعام واحسان عطا ایلادیلار وینه بوکیم کمترین عسکرلارغه هم تورت کشیغه تورت کوزدا بر قوی تورت جنک چای اوکسوتمای وکم قیلمای بریب توردیلار اما کتهلارغه زیاده بردیلار اوج آی مقداری بلکه زیاده قبولدا توردیلار اوشبو منوالده بریب توردیلار قبول وانک نینک منصبی چونک ودنیاسی تولا وقلین ایکانلار مذکور آطلارنی خواجه اسحاق خواجه لشکرلارغه انعام قیلدیلار سرحساب بارساق همه آطلار قری یکره یاشدین کم اصلا آط یوق وبرکان قوی لاری اغزیدا تیشلاری یوق سبب وباعث لارینی سورادوق جواب بردیلار کم چونک وانک خان نینک یلقی لاری نهایتی تولاعددی نی بیلمایمیز اما قوی لارینی ایکی یوز آلتیمیش قوتان قوی بار هر قوتانی یته یوزدین کم ایماس بر مینک ایسکی یوزدین زیاده ایماس دورلار اول بهاردا بر بیک اوج میرزا آط خطلاکالی چیقادور وبر بیک اوج میرزا قوی خطلاکالی بارادور آله آیدا بزور خطلب کلب معلوم قیلادور یایلاق لاری آخریغه بر آیدا یتیب بارادور وتولایغی نی بزلا بیلمایمیز دیدورلار نقلی دور کیم تونکانی داین شی سوین شی دیکانلار اوتوز مینک تونکانی برله قبولغه باریب تاراج باراج قصدینی قیلغانیدا قبول وانک تونکانی لارغه الچی چیقاریب ایتیب دورلار کیم اوتوز مینک تونکانیغه بردین اخته آط وبردین یامبو برسام وچونک عملد ارلاریغه اوزلایق لاریده چونک تارتیق قیلسام دیب الچی چیقاردیلار اما تونکانی لار قبول تونمای تاراج باراج قیلدیلار وجونک وانک فی شهادتغه یتکوردیلار کوزی کورکان وقولبغه چیقانلارنی تلاب بولاب الیب اورومچیغه

يانىب كلد يىلار راقم نىسخە ايتادور كىم قىمولى وانك نىنىك اغاچە سى نىنىك بىر
 مەروارىد بىلان تور قىلىپ راسلاغان بىرچىمبىلى كىم ھەمە مەروارىد زىمرد زىرچىد
 لەل ياقوت قىمەت بەھ تاش لار بىلان طيار واراىستە قىلغان چىمبىلى كوچالىق
 آقەلا باي قولىغە توشكان اىكان اقسوغە آلىپ كىلىپ ذكواتچى آلدىدا مرغىنانى
 مىر محمود باي غە اون ىتە يامبوغە ساتىلار قالغان اشىياسىنى موندىن قىياس
 قىلماق لازىم دور ھاسىل الكلام قىمولىدە اون بىش مىنىك اويىلوك دىن زىيادە آدم
 باردور مىز ھەمەمىز قىمولى وانك خان غە ايشلايمىز قىش ياز خطايلارغە بىر نەرسە
 بىر مايمىز قىمولىغە تعلق زىمىن دىن خطايلار بىر كىمىن توفە آلسە لار وانك خان نىنىك
 غىز نەسبكا كىموش بىرىپ آلا دور خاقان چىن دىن باشقە منصب دارلارغە تەظىم
 تواضع قىلماي دور بلكە خطايلار منصب دارلارنى شانكتانك وشانكتىا مونىنى جونك
 وانك خان نىنىك اوردالار يىغە كىلىپ قىلادور اون پىشت اوتكاندور بلكە زىيادە دور
 خاقان چىن بىزلارنى جىلدو قىلىپ بىر كان اىكانلار اوشبو صورت دابىزلارنى بطرىق
 قل قنارىدا ايشلانادور اما وانك خان لىق ھەر يىلدە اوچ بوز آلتىمىش قاغون
 توقوز توقوز بىلاو تاشى برادور ومونكا ھەم تولا انعام آلا دور ھەر يىلدە اوزلارنى
 ىتمىش بىش يامبو اغاچە لارنى فوجونك خانىم اوتوز آلتە يامبو ىنە نچە توفى
 طواردردون آلا دور اوچ يىلدا نوبىت بىچىن غە بارادور بارىپ كىسكو نچە خراجاتى
 خان نىنىك خىزىنەسىدىن بولادور ھەر نوبىت بارغانىدا بىش بوز يامبو اقلى فايدە
 اىب كىلا دور دىب تولا دىن تولا تەرىفى وتوصىفى لارنى قىلا دورلاردر واقە
 دىكاندىن زىيادە معلوم بولادور اما خطايلار غە قراغان مىلمانلار اىچىندە قىمولى
 وانك دىن چونك مىلمان بوقدور ھاسىل الكلام سىد اسحاق خوجام قىمولىدا
 تورغان ھالىدا ساجو تونكالارىدىن خطا كىلدىلار كىم بىزلار خطايلار بىلان
 سوقوشوب قانچە خطايلارنى اولتوروب شەرلار يىغە قويلاب كىرىپ شەرىنى آلدوق
 اما خطايلار ىنە بىر دروازە دىن قاچىپ چىقىپ بىزلارنى شەرغە سولاب آلدى

شهرده قبالیب قالدوق بیزلارغه یارمدد برسونلار دیب خط برله الچی کیلدی اما
 باله کولغه طرفان واورومچی قنارلیق شهرلاردین قاچقان خطایلار واوز شهری نینک
 خطای لاری بولوب برلک دین زیاده خطای لار جمع بولغان ایکانلار قاچیب بارغان
 خطایلارقی شهرغه کیرکوزمای برمنزل یردا ینکفن سوقوب بریب واش اوزوقنی
 ینکوزوب قراولچی قنارید اتوختانیب قویغان ایکانلار سید خواجه اسحاق خواجه
 خلفه بهادرلاردین باش قیلیب اون مینک لشکر بویرودیلار یتیب باریب نچه
 دفعه غالب و مغلوب اولوب ینکفن سوقوب یاتقان خطایلارنی آلدوق و شهرلاریغه
 قویلاب باردوق شهرنینک بر طرفیغه قلماقلار شهر بنا قیلیب اولتوروب کتیب
 دورلار اما باله کول خطای لاری نهایتی باتوریمان ایکان نچه مینک خطای لار
 اوروشقه چیتسه لار همه سی اندیجانچه آطایکر جابدوق یالفوج همه اندیجانچه ایکانلار
 سببی نی سوراساق دیدیلار کاشغرفه نچه دفعه اوروشقه بارغان خطایلار شبو
 دیدیلار اما محاربه و مقاتله بازارلاری قیزیب شهر فتح بولادورغان کونلاری
 وکشایش لیق روکلنورا دورغان موسمی و مراد باغچه لاریدین کل اوزا دورغان
 زمانه لاری یتیب کلیب کوندین کونکا دولت آفتابی عروج و ترقی بلند و اسلام
 شعاعی نوری اشعه سی واوجی بلند بولوب جانلار بریب و جانلار الیب کشور
 کشالیق داجد و جهد و سعی بلیغ کورکوزوب تورغان حال لارده خان خواجه دین
 یارلیغ کلیب دور کیم قیرغیز قیچاق لار کاشغرنی الیب کتی الان یار کند نیمو
 الیب کتیب دور بو طرفدا کی خواجه لار همه لاری قاچیب کیلدی و تولا لشکرلار
 ضایع بولدی لشکرلارنی الیب درحال یتیب کلیب بو شهرلاردا کی قیچاق لارنی
 هایداب چیتاریب یار کند و کاشغرنی اجراتیب آلماسه لار بو دشمن لار کوچ
 تاقیب کتکاندین کین اوبدان بولماس چرا که بیزلارغه یقین دورلار دشمن لیکمی مو
 زیاده دور البته الدعای و السلام بو خبر لشکر آراسیغه شایع بولدی همه آنا آنا
 اوروغ قیباش و خانون بلالارینی صاغنیب تورغان حالتی ایدی جنک غزات دین

بالکيه ڪونگي ساودي اوز يورت لاريغه يانماق هوسى نوشتى ويورتيميزغه
باريب ينه عليحده کليب قالغان شهرلارنى فتح قىلساق ديب چونك کچيک همه
خواجم لار آياغ لاريغه نوشوب ييغلاشتى اما بولشکر نصرت انتظام لار بر آنده
فرا کنده وبى سرانجام بولدىلار خواجم لار بر نرسه ديماک کا حيران بولوب قالدىلار
حاصل الکلام هر قيام نينک زوالى وهر عروج نزولى قديم الايام بو دهر
نافر جام ده واقع و جارى بولوب کيلکن دورلار مونداغ دولت وسعادت انتظام خرسند
وفرجمند فرجام ده عساکر نصرت مآثر سرانجام جد واهتمام اتمام کورکوزوب
تورغان حالتى دا بوقسمى يارليغى بي سرانجام و خبر بي هنگام که بوم و چغند ويرانه ده
برکانديک وقاتيغ زوال ده خروس فچرغانديک جمعيت نى پرا کنده ايلاب اقبال شمع
فانوسينى ادبار تند بادی تيره و دولت آفتاب شعاعينى تنزل بلوتى خيره ايتماک کا
سبب و باعث بولدىلار عاقبت الامور باله کولنى چله تاشلاب وقمولنى چونک
وانک غه تافشوروب اورومچى باشليق خطاي شهرلارينى داود خلفه وسودالويه لارغه
مرحمت ايلاب و طرفاننى عايدين خواجم غه وتونکانى سوين شى خلفه غه عنايت
ايلاب و کورلاغه فرخشاه خواجم نى سيورغال قىليب بکورغه طاهر قضى بيک نى
قويوب خداوند ڪريم التغانى! برله دولت اقبال وجاه جلال وعساکر مآثر
مالامال دبدبه وعسسسه سورناى کارناى نغمه نوا صدا علا لاسى برله دار السلطنه
سرحدى غه داخل اولدىلار اما استقبالغه چيقان لار ازدهامى انا بلا و قريند اشلا
ملاقاتى شربت شهادت نوش ايتکانلار نينک آنا آناسى ييغى وزارى ونوح فغانى
وتماشاي بين لار هاى هوى غلغله و آوازي فلک الافلاک وتوقوز رواق ملا فکه
قدوس لار گروهى غه قوزغلانک سالدىلار اوشبو منوال برله کوچا شهر يغه داخل
اولوب مکان رفيع دلکشا و جاي وسيع فرح افزاغه دولت اقبال برله نزول
اجلال قىليب خویش بيکانه واهل عيال لار بيلان ملاقات حاصل ايلاب بر نچه

کون توروب مستحق لارغه نذر نذورات و خویش اقربالارغه سروپا و خرجی آلتون طلاوتنکه انعام واحسان و صلهء رحم لار بجا کلتوردی لار .

اول نیکو اخلاق خواجه اسحاق یار کند و کاشغر عزم رزم غه مصمم بولغانی و اتالیق غازی یعقوب قوشبکی بیلان مصالحه طرفین توزکانی و واقعهلار روبرکان حالاتی و بیانی یاران محبت خاص و برادران مودت اخلاص لاردل مصفالاریغه مبرهن و هویدا اولغایکیم کوچا دار السلطنه سید خان خواجه و اسحاق خواجه لار بر برلاریغه پیش کش و تارتیق و ضیافت و مهمان دارلیق رسم رسومیمنی ادا ایلاکاندین سونک مقصد مرام غه عساکر مآثر سرانجام عاقبت انجام لار جمع ایلاب اسعد ازمنه و وقت میمنه اشرف آوان و میمنت توامان فرخنده فرجام ده یار کند و کاشغر عزم رزم تسخیری قصدی ونیتی برله رکاب ظفرین غه قدم قویدیلار ابردیلار تاریخ بر مینک ایکی یوز سکسن اوج ماه محرم الحرام ایکی سی پنچشنبه کونی منزل و مراحل طی قلیب آق سوغه داخل اولوب مکان معین و منزل مزین غه نزول اجلال قیلدیلار اما قبول دین خواجه اسحاق خواجه توغلارینی ابراشیب کلکان عسکرلار تولاسی کوچادا توروب قالدیلار اوزلاریکا خاص ملازم محرم داد خواه بهادر و دلورلاری بولوب جمع اوج مینکدین زیاده راک آدم همراه ایدیلار چراکه آقسو و اوچطرفان لشکرلارینی حام الدین خواجه الیب بارا دیکان یارلیغ لاری صدور تافتان ایدی اما آقسودا اون کون مقداری توروب مزار فایض الانوارلارنی زیارت قلیب نذر نذورات مستحق لارغه ادا ایلاب غریب غربالاردین دعا و فاتحه الیب برکون ایلکاری توخته محمد خلفه نی و ابراهیم بادرنی ایکی مینک عسکر برله مانکدوردیلار و بر کون کین اوزلاری اخص الخاص محرم و ملازم لاری بیلان یار کند طرفیغه عازم بولدیلار اما دبدیه

وھەسەسە یراغ واساحە صولت وشوکت لاری ھېچ زماندا ھېچ پادشاھغە بومغولستان
یورت لاریدا میسر بولماغان بولغا یلار خصوصاً ایکی آدم قول لاریدا ایکی
قلمانی کارنای لعل جواهرات لار برلە مرصع ایلاکان آلتون و کوموش برلە
سواد کاری قیلغان آلدیلارید او بر جوف سورنای کە کارنای دین زیادە جواهرات
آب دارلار برلە مرصع قیلنغان ایکی آطلیق سورنایچی و آلنە آطلیق ناغراچی
و آرقە دین ینە ایکی آطلیق بر جوف کارنایچی جمعی اون ایکی آطلیق ایدی
واون ایکی آدم بورون ایکی ناغراچی سورنایچی لار آطلارینی فیادە منزل
بمنزل یوتالاکان آلدیدا کی بر جوف کارنای آوازی فس بولوشی آرقە داکی
کارنای صداسی و سورنایچی غزل مقام حزین و نەمکین حضوروم نغمە علا لاسی بو
کنبند خضرادین اوتوب فلک ثریا غە چرماشتی اما آناسی خدمتی غە
بو یون سورنایغان وانا فرمان لاری غە کردان تابلاغان اوج مینک تورت مینک
باش نوجوان بیکت لار باغ سیری و قزیل کل تماشاسی تصویری و خیالی برلە
آنا آناسیدین خبری و نە خاتون بلا سیدین فروای بولمای بیھوش و بیخودانە
اوج منزل و تورت منزل یرکە بارغانیدا بعضە لاری اوزلاری نی توختاتب
یاندیلار و بعضە لار توختانالما ی موافقت لیک قیلیب بیلە مانکدیلار بعضە لاری نینک
آنا آناسی یاندوروب گلدیلار و بعضە لاری آنا آنالاری منیب بارغان آطنی
الیب منیب لشکرلار آرقە سیدین یتیلار اوشبو حال و منوال لار برلە یار کند
مضافاتی غە داخل اولدی اما اول خواجە سید اسحق خواجە منزل بمنزل یوروب
ویار کندغە باریب بر حویلی وسیع و مکان رفیع غە نزول اجلال قیلدیلار اما
حامد الدین خواجە دین ھېچ اثری و نام نشانلاری معلوم بولمادی موندین ایلکری
جمال الدین خواجە خان اریقدین قاشقانلاری دین کین آنالیق غازی
یار کندنی تصرفیغە الیب کچیک خانتورم نی یار کندغە قویوب کلیب آلدیلار
خواجە اسحاق خواجە یار کندغە بارماق لاری برلە تونکانی لار کچیک خانتورم نی

یار کندغه قویوب کلیب ایدیلار خواجه اسحاق خواجه یار کندغه بارماق لاری برله
 تونکانی لار کچیک خانتورم نی یار کند شهر یغه الیب کربب اوزلاری غه مچراه
 قیلدیلار وناشتاری چیتارمادی لار یار کنددا بر طرف خواجه لار وبر طرف
 تونکانی لار حکمران لیک قیلیب توردی لار اما اسحاق خواجه نینک یار کندغه
 بارغانلاری نی قوشبکی کاشقردا انکلاب ییلیب اوزلاری نینک تخته باز لغین اظهار
 ایتیب بوزغون اشکر برلان مرال باش غه کلیب تصرفلاری غه کیر کوزوب شه نی بر آط
 چافماغلیق برله بند ایتیب یار کند که باریب هفته محمدان بزرگوارده چادر باره گاه
 خیمه خرگاه لاری نی بر فایلادی لار قوشبکی شهر نینک تاشید اسحاق خواجه یار کند
 شهر ید ا تونکانی کچیک خانتورم لار خطای شهری ایچیده بر نچه کونغچه جنک مجادله
 بولمای وبر برلاری غه قراب و مراب تیج یاتیلار تونکانی واسحاق خواجه لار آخر الامر
 مصاحت قیلاشیب جنک جدال غه طیار واماده بولدیلار بو حال دین نیاز اشکاغ
 بیک واقف بولوب قوشبکی کا خبر بردی لار کیم فلان کیچه سی یته مینک تونکانی
 وایکی مینک یرلیک ک کیچه دا چقیب شبحون کلتورما کیچی بولدیلار تدبیر
 و تدار کیده بولغای لار موند بن زیاده خدمت قولوم دین کلمای دور والسلام دیب
 قوشبکی نی واقف واکاه قیلدیلار اما شول کیچه سی قوشبکی بکت لاری نی تورت
 بولوب و تورت طرفکه چقاریب چادر بارگاه نی خالی قویوب باخبر بولوب
 تورغان هین دا تونکانی لار توف زمبرک یراغ اساحه لار برله چیتیب قوشبکی
 قوشنیغه کیچه دا اوزی نی اوردی لار اما بقادورلار کیم هیچ آدم دین نشانه یوق
 همه چادر بارگاه اوز چایگاه لاری دا برقرار ایدیلار بنا کاه بلای اسمانی
 ینکلیغ قوشبکی بیکنی تورت طرف دین اوزی نی تونکانی لار غه اوردیلار همه نی نیست
 نابود قیلدی لار آلنه یوزچه تونکانی سکیز یوزچه مسلمان لار جان لاری نی جایلاب
 امان قالب دورلار و قالغانی قهری سیامت تیغ آب داردین وجودلاری ناچیز
 و مضحک اولوب دور و اسحاق تورم و تونکانی لار مجادله و مقاتله کا تاب طاقت لاری
 طاق بولدی صام و صلاح دین اوزکا علاج نینک بولی و مصاحتی قالمادی چار ناچار

صالح صلاح غە قزار بىردى لار و لشكر دىن تولاسى ضايغ بولوب دور تماشا
 طرىقىدا كلكان لاردىن موضايغ بولوب دور تولاسى بند واسىر بولوب كىندىلار
 عاقىت الامر اسحاق خواجه باقى لشكر وامرالارى نى اليب قوشبىكى قوشونىغە
 باردى لار و صالح طرىقىنى توزدى لار و اسحاق خواجه لارنى ضىافت لار قىلدى
 و تولا سوزلارنى اراغە تاشلادى بىرى بوكىم اوزلارى خطاي برلان تولاغزات لار
 قىلىپ دورلار غازى لىق درجەسى غە مشرف بولوب دورلار ايمدى كراك كىم
 خان خواجه اقسونى اوزلارى غە برسولار اوزلارى اقسودا تورسون لار مرال
 باشى دىن اول طرفنى اوزلارى سوراسون لار لىكىن مرال باشىد بن بو طرفنى
 بىز سوراساق اتفاق لىق برلە مكاتبات و مراسلات لار ارالار يمزدا واقع بولوب
 تورسە مبادا برده برىمىزغە بر طرفدىن بر دوشمن يوز ككتورسە بر برىمىزغە
 مدد اعانت برسك مبادا خان خواجه اقسونى اوزلارى غە برسە لار خان خواجه
 اوستىكا لشكر تارتىب بارسام كراك اولوقت دا خداوند عالميان فتح نصرت
 ايشىكىنى قايسىمىز يوزىكا اچسە لار طالع لار يىمىزدىن كوركامىزدور دىب بىخشى
 مناسب تون وارغماق آطا كىر افضل لارى برلە حاضر قىلىپ اوزلارى
 قولتوقلار يىدىن يولاب مندوروب اسىر توشكان لارغە مو يولخرجى اوزوق آطا
 اولاغ لارىنى بربىر سرافراز ايلاب كوچا طرفىكا روانە ايلادىلار اما اسحاق
 خواجه ياركىندا تورغان حالتىدا حكىم خان تورمىنى مرالباشىغە قوشبىكى حاكم
 قىلىپ ياركىندغە بارغان ايدىلار ياركىندىن اقسو كوچا طرفىكا بردا برادم
 برالمى و كلالماي ونىمە بولغانىنى موهم بىلمادى بو حالدە خان خواجه بارلىغ لارى
 برلە حامد الدىن خواجه اوشطورقان و اقسو چرىك لارىنى اليب مرالباشىغە
 باردى لار مدعالارى مرالباشىنى اليب آندىن ياركىندغە بارىپ اسحاق
 خواجه غە اعانت و مدد يتكورماك قصدى ايدى اقسو چرىكى غە محمد شريف

اورتنك بيكى باش بولوب يتنه يوز لشكر برله حامد الدين خواجم مرالباشي غه باردى لار اما چار باغ اورتنكى دا حكيم خان تورم بر مونجه آدمنى قرولچى طريقتدا تويغان ايكان لار توتوب باغلاب بعضه لارىنى يوق ايتيب دور بعضه لارى قاچيب باريب تورمى واقف واگاه قىليب دور مرالباشيدىن حكيم خان تورم بوزغون آدم اليب كليب مجادله مقاتله لار بولوب اخر الامر غالب كىلديلار حامد الدين خواجم قاشتى اولكانى اولدى وقالغانى پياده واواره آچ يلانكاج هر قايسى لارى يوزمکان و منزل لارى غه جانينى هزار مشقت لار برله سلامت اليب كلكانى كه شكر بنا لار بجا كلتوردى لار اما اسحاق خواجم قوشبكي دست تصرفيدىن اسن امان قوتواوب منزل بمنزل يوروب اقسو غه داخل بولدى لار اقسودا كى خواجم لار نار كند كاشغرنى بر احماق غه ساتيب كليب دور ديب ملامت لار قىليب خفه بولدى لار ليكىن قوملدىن اسحاق خواجم برله بيله كلكان چريك لارنى كوچادا اليب قالدى لار واقسودىن هم لشكر قوشمادى لار وحامد الدين توره برادور ديب ايبارمدى لار آز آدم برله مانكدوردى لار وينه مرال باشىنى اليب كتيب يول لار ايتيب قالدى مدد واعانت يتمادى اوزلارى نينك قىلغانلارى فراموش قىلدى لار عيب نى اسحاق خواجم غه قويديلار وينه خان خواجم آرقه دىن يار كند غه بر مينك بش يوز لشكر مانكدورغان ايديلار يار كند كه بر الماى اقسوده تورغان ايدى قبول وطور فائده اسحاق خواجم خدمتيدا كى لشكر ايديلار اما اسحاق خواجم نينك كونكل لارى چيزى خفه بولوب كوچاغه قراب بولغه چىقتى اما مذكور لشكر لار وقد يمتى كوچا بوكور كورله شهر لارى دىن بوزغون لشكر لار موهمه اسحاق خواجم نينك آرقه لارى غه كريب طيار بولدىلار بو حالنى اقسودا كى جمال دىن خواجم يىليب اوزلارى اطلانيب اسحاق خواجم خدمت لار يغه باريب عذر معذرت كا تلبين آچيب همه جر يمه وقصور لارنى اوز وجود لارى غه ايديلار

وپيشه ككش تارتىق وضيافت مهماندارلىق لار قىلد يلار و برنجه عسكەرلار
 نورماقلارنى النجا والتماس قىلد يلار اتناق واتحاد رسم رسومنى يىنكى باشدىن
 اعاده قىلد يلار نىمه كى التماسلارنى مبدول ومقبول توتوب عساكەرلار مصلحتى چه
 طاهر الدين خواجه ملاش غزىنى عبد الواحد بىك نى عيسى بىك لارنى باش
 قىلىپ بر مېنىك لشكرنى جمالدين خواجه غه تعيين قىلىپ تفويض قىلد يلار جمالدين
 خواجه خوش ومنت دار بولوب مذكور لشكەرلاره صلہ وكلاه تون وسرپاقل
 وتنكه برىب سرافراز ابلادى لار لېكىن لشكەرلار شيرازى خلل وسست لوق غه
 ودولت حكمرانى تنزل وبوشلوق غه تبديل تافتيلار سيد اسحاق خواجه دولت
 واقبال برله آطلانيب كوچا شهربه نزل اجلال ايلاب اول قادر متعال دركاهى
 تقدسدين نىمه كار حال لار روبرور ايسكىن دىب تفكر وخیال لار قىلىپ دعا
 وطلب لار برله تضرع وابتهاال لار كوركوزوب اول قادر بىچون ذوالجلال واول
 حى القيوم لا يزال لطف همى غه توجه وپايمال بلوب فارغ البال ومرفه الحال
 بعد از صلوت خمسه سنحق لار غه نذر نياز وسيله رحم بقدر احوال كوركوزوب خویش
 اقربا ويار دوست لار غه سلہ وسرپا تنكه وكوش وطلالار انعام واحسان ايلاب
 ممنون وسرافراز قىلىپ ياتيلار كوچا خواجه لار مخالقاتى وایلكركى حالاتى وبو
 دولت عظمى غه ناشكر چىلىكى وواقعه ناكربزر وبركانى واتالىق غازى مسلطى
 بيانى ياران عزيز وبرادران بانمىز ذهن مصفالا رىغه مشهود خاطر اولغا بىكم
 بو طريقه دانقل قىلادورلار كىم اول خالق طاق لطف عنایتى برله سيد اسحاق خواجه
 يار كىندا جناب اتالىق غازى بىلان مصلح طرھىن توزوب فقرا ورعبه لار
 اسابشىن كوزلاب وعده وعيد و آنت مؤكده لار بىلان سرانجام قىلىپ يانيب
 كلىپ كوچادا استقامت ايتيلار اما جمال الدين خواجه و خان خواجه يار كىندى
 لىكفر جاق مانند بر قرا آخماق غه ساتىب وتىكاشىب كلىدى دىب ملامت سر زنىش غه
 تىللار آچىلار خان خواجه اكا واوكالارى و جمال الدين خواجه فرزندى بى

خواجه لار باشلیغ کته و کچیک خواجه لارنینک فعل اطواری و حال کردارلاری نه
 مذهب ملت غه موافق و نه رسمه رسومی سلطنت کا مطابق کونکلاری خواهیش
 قیلغان شایسته و ناشایسته ایشلار ظهورغه کلکلی توردی و حام الدین تورم من
 نچه ییل دین بو یوزیده یار کند و کاشغردا نچه دفعه دوشمن لارغه شکست بردیم
 و نچه دفعه شکست یب قاچیب کلدیم و تولا مشقت ورنجلار تارتیم دستور خانیم غه
 اقیارنی لازیم قیلسام دیب جمال الدین خواجه غه عرض قیلدی معقول توشمادی
 آخر الامر اوز غیرت و کوچ لاریغه اعتماد قیلیب آقیارنینک تولا سینی
 اوزلاریکه تابع و منقاد قیلدیبلار اقسودین اقیارغه بارغان دورغه ملازم لارغه قاتیغ
 جزا بریب یاندوردیلار هیچ ملازیم دورغه لار اقسودین اقیارغه بارغان غه یارخدای
 بولمادی عاقبت الامر جمال الدین خواجه مصلحت انکیز و نفاق برخیز
 تدبیر پر تلبیس لارنی راستلاب او شطرفاندا کی خواجه لارغه خط باریب دورکیم
 مضمونی حام الدین خواجه او کام در واقعه تولا محنت و مشقت لارنی تارتی اقیار
 حصولینی من صرف قیلسام دیکانیده منکا نچه معقول بولماب ایدی خیال قیلسام
 اوبدان ایش بولماغان ایکان او کام اوزلاری کلسه لامن بر نچه کون توختانیب
 ضیافت لار قیلیب اوز قولوم برله دستورخان لاریغه برسام اوزلاریچه تصرف
 قیلسه براغ یقین دوست دشمن لار آنکلاب بیزنینک بی اتفاق لیقمیز اشکارا
 بولوب قالسه لار او بدان بولماس دیب دام تدویرلارینی قوروب منافقانه
 سوزلارینی مندرج ایلاکان ایکانلار کمالی راست و توغرالقیدین رقعه مهبانه
 چاغلاب مغرور و فریفته بولوب آقیار طمعیدادندان لارینی تیز و اشتمالارینی
 صاف مصفا قیلیب محرم و داد خواه لاری برله دبدبه و عسسه لارینی جابجا قیلیب
 آقسوغه یوردی لار جمال الدین خواجه آنکلاب استقبالیغه آدم چیغاریب عزت
 واکرامینی بجا کلتوروب آقسودار الاماره لاریغه توشوردیلار و آدم لارینی اوز
 لایق لاریده جای مکان غه توشکونکا تعیین قیلدیبلار ضیافت لار اوتکاندین سونک

اوز محرم لارينمو ارام آليئكلار اكا واوكا بيزلار اوزون مدتدين هراسيده بر
 يرده بولوب مونكد اشالماغان حال احوال لاريميزنى بيان وعيان ايلاب الديريماي
 كب سوزيميزنى ادا قىلىپ آندىن يتامزدىب رخصت بردىلار ^۱ اما بو محرم لار
 همه كويا مشترى بيله ناهيد بر برجيدا قران قىلدى بولغاي دىب همه خاطر
 جمع وفارغ البال اويغوزغە باردىلار لىمكىن جمال الدين خواجه اون نچه آدم
 طيارلب راستلاب بر يرده مخفى قىلغان ايكانلار حام الدين خواجه كوزلارى
 اويغوزغە باردى جمال الدين خواجه اوزلار ينى يقه آلدى وايقولشكرى حام الدين
 خواجه حس وحرکت لار ينى تاراج قىلدى مذكور كىن داكى مخفى آدم لار چىقىپ
 خواجهنى اويغودا توتوب آلدى و آدم لار ينى مواوى اويدە مهمان قىلغان يرده
 توتوب بايلاب آلدى و آطغە ميندوروب محكم قىلىپ واوچ ملازىم لارى بيلان
 كىچەلاب كوچا طرفىكە اليب يوردى بر كىچە كوندوزده كوچاغە اليب باردى
 آدمى آقسولوق موسى بيك دىكاننى قومغە باسوروب اولتوردى و حام الدين
 خواجهنى نظر بند قىلدى ^۲ و بو واقعه حلولىدىن قىرغىزلار خبر تافىب كاشغرىغە
 قوشبىكىغە يتكوزدى بو خبرنى آنكلاب خوش بولوب سيونوب قىرغىزغە تون
 سروپا و آط يراغ بربىب اقسو و كوچا بى جنك جىل دستمىغە كىردى بولغاي دىب
 خرسندلىق قىلدىلار ^۳ و ينه بر واقعه مونكدىن ايكى آى ايلكرى اوشطرفان
 اهلى يورتميزنى اوزومزنى سورايمىزدىب ييهوده ايشلارنى قىلىپ تولا آدم لار
 جانىنى بادقناغە بربىب ايدىلار بو سوز تفصىلى ايلسكرى اوتى ^۴ اما بولاردىن
 قاچىپ بارغانلارى اوزلار ينى قوش بيكى حمايتىغە تاشلاب عرض حالىنى بر
 بر بيان ايلاب يول باشلاب كلكا تقضا و اميدى بيله توردى و ينه برى بو كىم
 اقسودا كوچالىق عبد الرحمن داد خواه واقسولوق عبد الله ديوان بيكى لار
 جمال الدين خواجه خدمتيدە ايدى كلى امور مملكت بولار رأى لارىغە مفوض
 ايدىلار خواجه لار نىنك اوضاع لار ينى جاغلاب و جان محافظتىنى كوزلاب

قوشبکی دولتی ارتفاعینی قرالاب مخفی عرضیه قیلیب قوشبکی مذکورنی تکلیف
 قیلیب خط مانکوردیلار و کوچادا کی وزیر جمله الملك توخته ایشکاغه بیک
 موبورتنی الیب برادورغانغه وعده لار قیلیب عرضیه بریب دور بو عرضیه لارنی
 بر بر کوروب غیرت تموری جوشغه و مملکت طمع خوروشغه کلکالی توردی
 اما بو خواجم لار کوچادا مولا عرش الدین ولی الله مزار فایض الانوار لاریده
 شیخ لیق مقام و درجه سین اوزلاریکه فخر مباهات بیلیب مزار باغیدا فاتیب
 و سفینب کلکان خواجم لار بویتنه شهرغه و بلکه مغولستان اولکوسیفغه سیغما دیلار
 قرابت و انفاقلاری مخالفت و نفاقغه مبدل بولدی مخالفت و نفاقلاری مخاصمت
 و عداوت که یوز قویدی سر انجام لاری بی سر انجاملیقغه انجام تافتی بالاخر
 بویتنه شهر اندیجانلیقغه سر انجام و قرار تافتی و بو دولت عظمی قدر قیمتی نی
 بیلمادی و شکرینی بجا کلتورمای کفرانه نعمت قیلدیلار غره و غرور لاق بیلان
 مفت و رایگان قولدین بردیلار دریغ افسوس هزار افسوس لیکن مزار شریف
 وقف اوقاف حصولات لاریغه قناعت قیلغان و دهقان اشرف لار عشر صدقه لاری و نذر
 نذورات لاریغه حاجت کلتورکان و بلکه مزار شریف ایچنده حجره ایچره بوریا
 سالیب طاعت و عبادت برله عمر اوتکاریب بر جفت بر نان قاقغه و بر طبق
 کلی قاقغه خرسند بولوب کلکانلار اول قادر خلاق و فتاح رزاق لطف عنایتی
 برله بر آنده پادشاه لیق تختی و حکمی زانلق مسندی اوزره بر قرار بولدیلار
 عمرلاری ایچنده و بلکه ینه پشت آبا واجدادلاری آراستنده و بلکه بو مغولستان
 شهرلارینده هیچ احدی و فردیغه بو قسمی دولت دنیوی میسر بولماغان بولغایلار
 اما خواجم لار نینک هر برلاری ارته بیلان چاشته لیق لاریغه کونا کونا حلوا مویز
 قندالات و نیچه قسم مربا و شربت مفرهات و سمیز فاقلان کباب نمکین لار خوشانک
 یوتا تن یوفا شرین لذیذ طعام لار الوان الوان تورلوك ناز نعمت لار آل دیلاریغه

كلكچ ايلكركى احوالاتين اونوتيلار واوز كوچ قوتيمز بيلان اسلام آچتوق
وپادشالغىنى تافتوقديب اطراف لارداكى پادشالغى علمىنى كوتركان پادشاهلار
بيلان مدارا آسايشى دوكتى مواسا قيلماديلار بلكه كوزيكه ايلماديلار خواجه حافظ
شيرازى قدس سره العزيز مقول لاريغه التفات اتماديلار

حافظ

آسايشى دوكتى تفسيراين دو حرف است

با دوستان مروّت با دشمنان مدارا

قاعدۀ كليہ دور نظر سالماديلار بلكه اوز قرينداش و آغا اينلارى برله انفاق
مواسا طريقتين تونماديلار وسيله رحم بجا كلتورماديلار همه دينوى ليقتدين مستغنى
وي نياز بولدوقديب كمال طغيان وتكبردين هر برلارى انالا غيرى كوسيفه
صدابر كللى توردى ان الانسان ليطفى ان راه استغنى متقضى سبچه انسان خيلى
ذاتى جبلى داكى پنهان طغيانلارى ظهوريغه كلكى توردى

قطعه

اوزيكه سزاوردور كبريا ومنى كه ملكى قديم دور ذات غنى
برى نينك باشيغه تختى تاجنى قيوب برينى تاج تخت دين اليب بر كه اوروب
اما بو حال و بو منوالدا بلاى آسمانى وقضاي يزدانى ينكليغ موشوك سچقاننى
آغانديك وقيرغوى قوشقاشنى كوناركانديك بر پادشاه شهباز بلند فروازى
يعنى يعقوب بيك آتاليق غازى قدم تشرىف كلتوردى خواجملار دولتى واوزينى
هبا منشورا قيلمديلار بو فلك غدار چرخ كجر فتارى عاده قديمى سيني اعاده
قيلمديلار اما عاقل وداناغه كرا ككيم بو فانى روزه كار نينك دولت واقبال وتنزل
پايماللارينى كوزيكه ايلماي غم وشادينى برابر ويكسان بيلكايلا

رباعیه

قانی اول طاق کسری کورخورنق بو عالم‌دین اوچوب کتی هوالق
 اگرچه بخش لیق‌غه یوق وفایی ورق اوزره سخن باردور وفالیق
 بو واقعه وقوعی بولدور کیم جیلان ویایدی قناریق برلارده جمال‌الدین خواجه
 توخته خلفه‌نی باش قیلیب انکا یوزاللیک لشکر بیلان قروچی قیلیب قوی‌غان
 ایکانار بر کچه‌ده ارته بیلان قوشبکی یکت‌لاری کلیب باسیب الیب‌دور اما بر
 یکت آط سوغارغالی بارغان ایکان بو حادثه‌نی کوروب بیلیب جمال‌الدین
 خواجه‌نی باخبر قیلیب‌دور قالغانی‌نی تماما توتوب الیب بنده قیلیب کاشغرغه
 مانک‌دوروب‌دور آندین یوروب سای آریغنی منزل قیلیب آقسوغه اوتوب‌در
 اما جیلان‌دین خواجه نظر بیک دیکان‌نی اوتوز توقزیکت بیلان اوشطر فانغه
 بو بروغان ایکان لار قوروق اوزوم یولی بیلان آجاتاغه کلیب توشکانیده خبر
 تافیب شهرغه یولچی لار خبر کلتوردی خواجه نظر بیک آلدیلاریغه توشکون
 قونالغه چیتاردیلار و اتالیق غازی کلکان‌نی مبارک بادلیق قیلیب یعقوب خواجه
 ایشان و محمد علی داد خواه قولیدین نارتیق پیش کشلار قیلیب آلدیلاریغه
 مانک‌دوردیلار وارته بیلان خواجه نظر بیک آدم‌لاری برله شهرنینک شمال طرفی
 یتکورمن باشیغه کلیب توشتیلار ایکی آدمی‌نی شهرکه خطیب خواجه‌الدیلاریغه
 کبرکوزدیلار وایتیلار کیم سانک ویراغ اسلحه خزینه‌لار آچقوچ وکلید لارینی
 برسه‌لار واوزلاری‌نی توابعات‌لاری برله باریب جناب اتالیق غازی‌غه دعا قیلیب
 یانسونلار فرمایش شول طریقه‌دا وارد بولغان دیب ایدیلار همه میز شهردین
 چیتا دورغان بولدوک آخر نماز پیشین وقتی ایدی دروازیغه کلکانیمیزده ایکی
 خواجه‌نی وملا توخته محتسب‌نی و بوراقم حروف برمراخور بیلان دروازه‌دین
 چیتاردیلار قالغانی چیتارما دیلار اول حینده زمان زمان اتالیق غازی زمان‌لاری

دىب جارسا لىب شادىيانە چالدىلار وپىزبش كشى خواجە نظر بىك آلدىلارىغە
 كلك و كىكرمە آتلىق آدم قشوب پىزلارنى آقسوغە مانككوردى يىنكى دا
 قوندوردى ايرتە بىلان يولغە چىقىپ توشقىن درياسىغە گلكتىمىزدا محمد بابا يوز
 باش اوچرادى آنكاغچە آنالىق غازى آقسوغە داخل بلوب يوز باشى مذكورنى
 اوشطرفانغە توقسابە قىلىپ مەرھمت اىلاب مانككوروب برھان الدىن خواجەغە
 يارلىغ نشان التفات قىلغان اىكانلار يارلىغ لارىنى بردىلار اوقوب كوروب
 طرف لارىغە باقىپ دعا قىلىپ آقسو طرفىكە روانە بولدوق توقسابە اوشطرفانغە
 عازىم بولدىلار لىكىن بو يارلىغ مەرھمت نامەنى تىركا وتىمنا كىم وزىيادە
 قىلمى بو اوراق صفحە سىكا ثبت ايتىم عنایت نامە سىادت پناھى برھان
 خواجە ايشان زادەغە دعوات متوافرە وتسلىمات منكاثرە اداسىدىن سونكرە خاطر
 خطىر وضمىر منىر لارىغە روشن و مبرھن اولغاىكىم بو آوان مىمنت نشانده حضرت
 حق سبحانہ و تعالى نىنك عون عنایتى بىرلە اسلام شرىف آشماق و شرىعت
 غرا نبوىه قىلىنچى نى الجنة تحت ظلال السىوف مضمونى شرىفچە چابماق ثبت
 خىرىسى بىرلە بلكە آب دانە و تقدىر الهى بىرلە بول دريالارغە نصىبە مزتوشدى
 حاصل الكلام محرم الحرام بىكرمە بشىدە آقسو مسند ىدە نزول اجلال قىلىپ
 تورغان وقتىمىزدا كمال خلوص يولىدىن ونهايت محبت وخصوص يوزىدىن
 يعقوب خواجە ايشان و محمد على داد خواه لار قولىدىن اظهار اطاعت و انقياد
 اىلاب اطىعوا اولوا الامر فحوای شرىفغە عامل بولوب بر فرچە رقعە ارسال
 قىلغان اىكانلار بىنشى ساعت دە وارد بولوب مضمونى تمام مفهوم بولوب خرسندى
 حاصل بولدى تهاد و اتها بوا مضمونىچە تورت آط بىر بىنچە لباس بر كلام شرىف
 ھدىە اىباركان اىكانلار بى كم كاس كلىب تكدى موندنا جمال الدىن خواجە بعضە
 ايشلاردىن وھشت قىلىپ قاچىپ اىكانلار بىكت لار الىب كلىب بعض اوتكان

ایشلارغه توبه قیلدی بیزمو والسکاظمین الغیظ والعافین عن الناس مضمونی
 شریفچه تمامی جرایم ماتقدم لاریغه عفو قلمی فی سوروب مرفوع قیلدوق و سروپا
 مناسب بریب: مرحمت قیلدوق و اوزلاری بولسه بول اطرافلاردا کی سیدلار
 زبده سی ونیت لاریمو صاف دور اوزلاری توابعات وهرزیلیک خلق بولسه
 کناهیینی عفو قیلدوق بو باره دین کونکل لاریغه برار نیمه کلماسون بیز بولساک
 اوزلارینی همه دین ایلکری تانیغان مطلقا وحشت وهراس قبلماسونلار والله علی
 ما نقول شهید والسلام ۱۲۸۴ نچی یلی

اما بیزلار شولکونی نماز پیشین بیلان آقسوغه داخل بولدوق و کهنه اورتنک
 اورنیغه توشتیلار ساعت اوتماپ ایدیلار نچه فطنوس لارده قند نبات فسته بادام
 مویز قندلات قنارلیق نرسه لار برله همدم باتور باشی توفه ده توروب دستورخان
 سالدی و خیال بولمادی برکته قزانده دوملاکن آشنی قزانی برله کوتاریب
 آلدیمیزده آغزینی آچیب آش تارتیلار اوشبو طریقه بیلان بی کم وکاس اوج
 کون ضیافتی اونکاردی اما تورقچی کونی سر ایلاردین تون سروپا و قند
 نبات الیب و منیب کلکان آطلاریمیزی يتولاپ جناب عالیغه ترتیق راسلاب
 ملاقات قیلدوردیلار ایکی خواجمنی خیمه خرگاه ایچره الیب کریب ضیافت لار
 قیلدی و بیزلارنی بارگاه ایچره اولتورغوزوب دستورخان سالیب پادشاهانه
 ضیافت لار قیلدیلار و مناسب تون سروپا سه کلاه عطا ایلادیلار فرمایشلار بیچه
 آقسو شهرینی ایلان دوق وفاتمه قیلا دورغان بزلارکه کریب فاتمه قیلیب ینه
 باریب وطن مألوفغه باریب الفت آلدوق اما بولکونلارده کوچا فتح بولماغان
 ایکان و کوچادین یوسف بهادور ابراهیم بهادور طالع بهادور یعقوب بهادورلارنی
 بوزغون لشکرلار بیلان قوشبکی آلدیغه اوروشقه ایبارکان ایکانلاریقه اریقغه
 یتیب کلیب و چوغهغه توشوب یولنی توسوب و سونی برمای تولا اوروشلار
 قیلیب قوشبکی یکت لاریدین قوشتامی و چوغه یقه اریق لارده تولا آدم لارنی ضایع

ونا بود قىلىپ بها درلوق وغالب لىق قىلدى اما بى محل قىلغان بهادرلوقلارى
 كارغه بىرامادىلار آخرا الامر قوشبىكى بىكتلارى غالب بولوب كوچا بىكتلار بىنى
 ولشكرلار بىنى قهر غضب وتىغ سياست دىن اوتكاردىلار وموند بىن اىلمكرى
 لوكچىن لىك لار عداوت قدىمه سىنى بىنكالا ب اورومجى تونكانى لارى نى اوزلار بىكه
 رام قىلىپ طرفاندىن عايدىن خواجم نى وكوچا لشكر بىنى هيداب چىقارىپ
 طرفان نى اوزلارى سوراب كوچا طرفىكه قدم قىوب كورلاوبوكورنى آلفان
 هالىده حام الدىن خواجم غه خان خواجم التقاتلار قىلىپ تورت مىنك لشكر
 بىرىپ تونكانى لار آلدىغه اىباركان ايدىلار تونكانى لارنى اولتوروب قويلاب قرا
 شهر درياسىدىن اوتكارىپ تورغان هالىده قوشبىكى آقسوغه داخل بولغان
 خىرىنى آنكلا ب حام الدىن خواجم نى اىب كلىپ تولا عذر معذرت ايتىپ تون
 سروپا وانعام لار حد دىن زياده عطا اىلاب تورت مىنك لشكر برله قوشبىكى
 اوروشىغه آقسوغه مانكدورغان ايدىلار كوچا دىن چىقىپ باى غه كلىپ بىر
 اوتلاق سولاق بىرىنى تافىپ با حضور لشكرلار برله ايشى بولماى اختيار اوزونكدا
 دىب جواب بىرىپ صورت واقعه نى قوشبىكى كه عرضيه مانكدوردىلار بىقه ارىقدا
 ملاقات بولدى جناب عالى حام الدىن توره درحال كلسون بىز منتظر دورمىز دىب آلدىغه
 محرم چافتوردىلار بىتىپ كلىپ مبارك بادلىق قىلا شىب تون سروپا وانعام لار
 اىلاب دىدىلار كىم بىزلار كوچا دىن بانىپ بارغو نچه كاشغر غه بارىپ تورسونلار دىب
 جونانى آنالىق غازى دولت لارى بىر قرار ايدى حام الدىن خواجم كوچا غه داخل
 بولدى توره لار قتارىده كته سورنده غله وسروپا اولىنده ايدىلار اما قوشبىكى
 بىقه ارىق دىن آطلانىب منزل بمنزل بوروب كوچا غه داخل بولدىلار بىر نچه
 بىكتلار كرىپ خان خواجم نى توتوب اىب چىقتىلار مناسب تون سروپا بىرىپ
 مرحمت اىلاب دوپلاسىغه كركوزدىلار اما خان خواجم اوردالارىغه كرىپ

قول لاریغه قیلنج الیب آنالیق غازی نینک بر محرمین چاقتیلار ینه قول لاریغه
 ملطق الیب صفیل اوستیکا چیقیب منینک بهادرلاریم قبان کتکان بو قباچاق
 اند جانلیق اولتوروب اوروب هیداب چیقارمای سن مودیب بلند آواز برله قچقرب
 یورکان حالتیده آنالیق غازی الدیدین کشی کلیب توتوب بایلاب آلدیلار نیمه
 بولغانی نی بیلمادی و کشی کورمادیلار تاریخ بر مینک ایکی یوز سکسان تورت
 ماه صفر مظفر ایکی سی ابردی بو واقعه ناکر بزر و بردیلار اما جمال الدین
 خواجم نی یار کنددا یوق قیلدیلار شیخ خواجم جلال الدین خواجم وفخر الدین
 خواجم و بهاء الدین خواجم لار همه یوق بولدیلار خطیب خواجم واوغلی محمود بن
 خواجم لار نی کاشغرغه الیب باریب محمود خواجه حضرت خدمت لاریدا قویدیلار
 جناب حضرت آشنانه لاریدین آش طماق یب وتون سروپا کبب اون بر بیل
 عمر کچوردی بچین اهلی ایکنچی مرتبه آنا یورتلاریغه مالک بولغانیدا بولار مو
 آنا یورت لاریغه یانیب باریب اوروغ قباشلاری بیلان کوروشوب هر
 اوتکار دیلار آنان بو تاریخ ده اسحاق خواجم و حام الدین خواجم و محمودین خواجم لار
 قید حیات لیق دایره سیده موجود دورلار اما خواجم لار اوج بیل بر آی کامل
 یعنی اوتوز ینته آی پادشاه لیق قیلدیلار مشرق حدی قول و باله کول شمال
 حدی قلماق ایچی یولدوز مضافاتی مغرب حدی مرالباشی و یار کند جانوب
 حدی لوف و جرجن ایدی حد دین زیاده و تعریف دین تاشقاری بچین کافر لاری
 هلاک بولدی موندین باشقه بر نمونه یادکار و ینغشی کار بو دوران صفحه سیده
 باقی ونمونه قالما دیلار وتولا خزینه لار جمع بولدیلار تصرف قیلمای باکره لیک
 برله آنالیق غازی امر تصرفیغه داخل بولدیلار

وبو کوچالیق خواجم لار فعل اطوار لاریغه فلک چرخ کجر فتار و روزکاری
 پایدار موافقت لیک قیلمای بیوفالیق رسمی قدیمی نی کورساتنی و بو ینته شهر نینک

دولت و حکمرانی و عزت و سلطنتی نی جناب یعقوب بیگ غازی آنالیق وجود
 دیجو دلار یغه امانت تافشوردی و بو قلم خوش خرام هم کوچالق خواجم لار قصه
 و داستانلار بیدین جلاوینی قیناریب جناب آنالیق غازی شهر یاری قصه و داستان لاری
 میدان وسیع و جولانگاه رفیع لاریدا آط چاقتی والله الموفق والیه التکلان.

داستان ثانی یعقوب غازی بو مغولستان مملکتی و یتته شهر
 اهلی غه استعلا تافقانی و سر کنشته احوالاتی و واقعاتی و بزروک
 خانتورم تخت سلطنت دابر قرار اولغانی نینک بیانی
 یاران محب خاص و برادران مودت اخلاص ضمیر صاف لاریغه باهر و هویدا
 اولغابکم انداغ نقل و حکایه قیلادورلار کیم یعقوب بیگ قوشبکی نینک اصلی
 یورت لاری تاشکند مضافاتی پسکت دیکان منزل ده توفولوب نشونما تافغان ایکانلار
 کچیک لیکیدین سپاورچلیک روشی و بهادر دارلیق ورزیشنی اوزلاریککه
 لازیم توتقان ایکانلار اول وقت دا قیچاق نار محمد قوشبکی تاشکند که حاکیم
 بولغانیدا یعقوب بیگ همشیره لارینی قوشبکی مذکور هقد لاریکه آلفان ایکان
 و شول بهانه و باعث بیلان ملازیم بولوب آندین کین قناعت شاه تاجیک
 تاشکند ولایتیکا حکمران بولغانیدا قناعت شاه داد خواه غه ملازیم بولوب محرم
 قناریدا خدمت پسندیده لار ادا ایلاب منظور نظر اولغاچ محرم لارغه یوز باشی
 قیلیب آندین کین آق مسجدکی تاشکند مضافاتی و دشت قیچاق ایچیدا کی کته
 معروف و مشهور شهر یدور و اون ایکی کونلوك منزل دور آق مسجدکا سرکار
 لیق مرحمتی برله سرافراز قیلیب حاکیم بالاستقلال قیلدیلار اما اول وقت ده
 تخمینا تاریخ بر مینک ایکی یوز آلتمش بش بولغایلار و اول زمانده
 آنالیق غازی سنه سال لاری بکر مه ایکی یاشدا ایکانلار برنجه یل آق مسجددا
 رعیه فرورلیک قیلیب تورغان حالتی دا بر مونجه اورسیه آدم لاری آق مسجدکا

کلیب باریب یعقوب بیک بیلان آشنا چیلیک قیایب ایتیپ دور کیم اوشبو
 تینکزدا کی بالبع لارنی بیزکه سانسنگیز بزلار توتوب قاق قیایب ایچکری شهرلارغه
 الیب کنساک دیب معقول قیایب دور قناعت شاهغه بیلوندوروب مذکور دریا
 بالبع لارینی قرق مینک طلاپی سرخغه ساتیب حجت وثیقه لار الیشیب دورلار
 وینه آق مسجد اطرافلاریدا کی قیرغیز قزاق لار قدیمی برادورغان زکواة لاریغه
 ابا وناخیر قیایب زکواةغه چیقان آدم لارنی اوروب هیداب وبلکه بولاب نالاب
 تاراج باراج قیلغانلارنی آنکلاب یعقوب بیک بوزغون قوشون ویکت لار الیب
 باریب مجادله و مقاتله لار بولوب بالاخر فتح فیروز نسیمی یعقوب بیک طرفیکا
 یوز کلتوروب قیرغیز قزاق قزاقلارنی توتوب بایلاب اولجه بسیر قیایب تولا
 مال غنیمت وچهار پایلارنی الیب اوزوطن مألوف لاریغه داخل بولوبدورلار
 کوندین کونکا دولتی زیاده واقبالی تازه بولدیلار اما بو ^صحاله خوقند دار
 السلطنه سیغه عرض بیریب دور کیم کمینه کمترین قل لاری خان حضرتنی
 کوروب استان بوس لارینی سرمه آسا کوزوم که سوروتوب خد متکار چیلیقیمنی
 معلوم قیایب یانسام دیکان ارزو هوسمنی سمع معلالاریغه اظهار قیلامن امیدرکه
 قبول لوق درجه سیغه مشرف اولسه دیب خان حضرت عرضه لارینی معقول
 کوروب کلسون دیب پارلیغ لاری بارغاچ یعقوب بیک تارتیق پیشه کش لار
 راستلابدور کیم توقوز توقوز قزاق قیرغیز قیزلارینی رنکارنک لباس فاخره و تکلفات
 شاقه لار برله مزین واراسته و توقوز توقوز یاش بی سقال برنا اوغول بلالارنی
 خلعت واقمشه و شاق قیلنج و خنجره لار برله مکمل پیراسته ایلاب و توقوز توقوز
 آط قزاقی و قالماق اکر و افضل لاری برله راست مهیا ایلاب و موندین باشقه
 هر نوع وهر جنس مال متاع لار برله تارتیق پیشه کش لارنی الیب ^صاسعد ازمنه
 ووقت میمنه دار السلطنه خوقند لطیفغه داخل اولدیلار و تارتیق لارنی خان
 حضرت نینک نظر منظور لاریدین اوتکار دیلار بو قسم تارتیق لاریغه خرسند و فرحمند لار

گورگوزوب مرحمت شاهانه و عنایت خسروانه لار برله سرافراز ایلاب همه سرکرده و امرا لاردین ممتاز ایلا دیلار و یورت لاریغه مرخص قیلدیلار لیکن دشت قبیجاق طرفیدین و بلائکه باشقه سرکرده لاردین بول قسم ترتیق پیشه کش کماکان ایدیلار اما یعقوب بیک آق مسجد کا مراجعت قیلغاندین سونک امراء وزیر و سرکرده عملدارلارنینک حقد و حسد تیمورلاری حرکت کا کلیب یعقوب بیک نینک شکست و پایمالیغه سعی کوشیش لار قیلغالی توردیلار یعقوب بیک نینک دل ضمیرلاریدا موبول طریقهدا ترتیق پیشه قیلماق غرضی دا تاشکنده حاکم بولماق امید ی بار ایدی اما تاشکنده حاکم لیغی قولغه کلکاندین سونک دار السلطنه پای تخت نی اول فتاح الغیوب ممبر ایلاسه عجب ایماس دیکان دل آینه لاری صفحه سید، کالنقش فی الحجر ایدی چرا که اول خلقت ده همت و طینت لارینی بلند و خمیر مایه لارینی ارجمند یراتیلغان ایکانلار اما مذکور امرا و سرکرده لار غمزه و سعایتی نی سمع معلالاریغه یتکوردیلار کیم یعقوب بیک دولت خانه عالی غه اون نینک برینی بلکه یوزنینک برینی ترتیق قیلدی بولغای اولجه و غنیمت آغانلارینی تعریف و توصیف دین زیاده بیان قیلادورلار تاشکنده حاکم بولماق طمعی بار ایکانلار مبادا خان حضرت خواه تاشکنده و خواه باشقه برکنه یورت نی التفات قیلسه لار عنقریب بو دولت پایدار نینک خرابی و ویرانلیغی غه قدم قویوب کورنمک لیک قیلماق جبهه آثاریدین هویدا و ظاهر کورانادوردیب بر برارقه عرض لار معقول قیلدیلار بولارنینک غمزه و سعایتی خان حضرت کا معقول نوشتی فرق آطلاق یساولنی بویرودی آق مسجد کا باریب یعقوب بیک نی توتوب هر نرسه لاریسکه بولسه الیب پادشاه کردونمدار دولت خانه عالی تبارغه کلتورکابلار دیب فرمایش قیلدیلار و یساول لاری بولغه روانه بولدیلار اما یعقوب بیک خان حضرت قاشلاریدا کی خاص محرم لارینی آلانسان عبید الاخسان فحواسیغه انعام و احسان لار اوزلاریسکه اخص خاص قیلایب بخششی یمان

کب سوز اونسه لار واقف و آگاه قیلغایلار دیب عبدالله یوز باشی باش لبق
 بر نچه محرم لارنی اوزلاریغه رام قیلیب مقصد طرفیکا یوز کلنورکان ایدیلار بو
 محرم نا محرم لار اوفوا بالعهود مضمون نیچه بوخبر متوحش نی یعقوب بیك کا محرم
 قیلدیلار بو خبرنی آنکلاب ییایب یساول لار آلدیلاریغه کشی تعیین قیلیب
 چیقاریب دورلار کیم دار السلطنه خوقند دین مهمان لار کلا دور آلدیلاریغه باریب
 اوچراغان یرده توختایب قویوب منکا اوچور بیرینکلار اوزوم استقبالاریغه
 چیقیب الیب کیلامندیب اوچ منزل مقداری یرکا کشی تعیین لب مانکدروب دور
 بارغان آدم لار یساول لارغه اوچراب ضیافت لار قیلیب توختایب و حبال قیلیب
 اوچورینی برکاندین سونک یعقوب بیك قالغان امرا و یکت محرم لارینی
 مذکور یساول لار آلدیلاریغه بارینک لار من نصفی شب دا آطلانیب آرقه لارینکدین
 یتیب بارامندیب شهرنی خالی قیلیب قدیم خدمت آلاش بی نی همراه ایلاب
 کیچه بیلان بخارای شریف کا قراب تنکه و ملا و نقدینه لارنی الیب بولغه روانه
 بولدیلار اما یساول لار و یکت لار یعقوب بیك چقمادی نیمه یادنه بولدی دیب
 شهرکا کیرسه لار یعقوب بیك دین اثری و نام نشانه اصلا معلوم ایماس لیکن
 یساول لار خان حضرت غضب لاریدین قورقوب آرقه لاریدین دریایی سیرغه
 یتیب بارغانیدا یتیب باریب دور یعقوب بیك نچه اوچسکو تیره سینی تولومجه
 سیوب طیارلاب قویغان ایکان لار تولومنی فوداب ایچیکا یلنی تولغوزوب
 آغزینی محکم قیلیب اوستیکا چیقیب آطلارینی اوزدوروب دریایی پر خطر دین
 بی خطر اوتوب کتیب دورلار اما یساول لار اوتالماب دور اوق آنسه لار
 یتماب دور ناعلاج نومید بولوب یانیب دورلار دریادین اوتوب یعقوب
 بیك بخاراغه داخل بولوب دور اول وقت دا مله خان هم بخاراغه باروب امیر
 بخاری حمایتی دا ایکانلار حوادث زمان و انقلاب دوران افت و آسیدین محفوظ
 امان اولوب مله خان برله یعقوب بیك دار السلطنه خوقندکا داخل اولدیلار

بو وان معونات انتظام ده خدایار خان نینگ دوات افتابی مغرب ساری قدم قوییدی
 ومله خان اقبالی مشرق حدیدین طلوع ایلاب عالم یوزینی منور قیلغالی
 توردی اما بوگونلارده یعقوب بیك کا خجند حاکیم لیغی دولتی مبسر اولدی
 خجندده فارغ البال ومرفه الحال حکمی رانلیق قیلیب تورغان وقتیلاریده ینه
 مخالف لار بعضه ناملایم سوزلارنی خان حضرت کا مقبول قیلدی یلار خان حضرت
 یعقوب بیكنی ایب کلیب سیاست دا اولتورغوزماق قصدی ونیتی دا ملازیم
 بویرودیلار اما یعقوب بیك نجت بیدار ودولت یارخبر نافیب مذکور
 ملازیم لار شهرکا کرماک همان آرقه ایشیک برله خجند پای تختی دین دریاغه توشوب
 اسن امان بی خطرینه بخاریغه قاچیب دورلار یعقوب بیك پختنکار و آزموده روز
 کارمه وقت زمانه تجرب به لاریدین خبردار و آگاه ایدیلار خجند شهرنی بر طرفی
 دریا وارکی دریالبنده بلندلیک ده ایکانلار اما بخاری طرفیدا کی یول لارغه آط
 آدم قویوب تعیین لب باقیب تورغان ایکانلار کلکان ملازیم لار مایوس ونومیدلیکنی
 اوزلاریغه لازیم توتوب بی نیل مقصود دار السلطنه خوقندغه یانیب کلیب ما هو الواقعنی
 بر بر عرض قیلدی یلار اما خان حضرت نینگ آتش غضب لاری شعله نی اورغالی
 توردی غضبی زیاده لیکدین امیر بخاریغه عریضه خط یازدی یلار کیم اوشبو
 صورت ده یعقوب بیك نام پسکتی کناه و جرمه لار قیلیب بخاریغه قاچیب دور
 یمان و بدطنیت لیکى همه شهرلارکا مشهور دور البته قید و حبس کا حکم قیلغایلار
 صلاح شول دور مونینگ فتنه فساد و شرارتی بخاری اهلنی غه حلول قیلما شیدین
 احتیاط فرهیز قیلماق البته اهم ضروریات جمله سیدین دور دیکان طرزیده
 عریضه بردیلار عریضه کا واقفی بولوب زندان غه حبس قیلدی یلار اما آلاش بی
 محمد بابا بوسغردا همراه ایدیلار یعقوب بیك کا آشنان توشوروب بریب خبر
 آدی یلار زندان بانلارغه طلاوتنکه بریب آشنا و رابطه فیدا قیلدی یلار اوشبو

طریقه لار برله یتنه سکز آی اونی بناگاه شهر سبزه کا امیر بخاری لشکر تارتیب
 بارا دورغان بولدیلار و زنداندا کی کنه کارلار کناه لاریغه عفر قلمین سوروب
 قوشون نصرت نمون برله الیب بارا دورغانغه مقرر بولدیلار اما بخاری
 مقرب لاریدین برلاریغه اتحادلیق فیدا قیلغان ایدی بو اثنادا یعقوب بیک
 جانبیدین یخشى صفتی نی بوکارغه برا دورغان احوالاتی نی معلوم قیلدیلار امیر
 بخاری بارگاه لاریغه حاضر قیلیب جبهه و آثاریدین قابلیت نی مشاهده ایلاب
 پانصد مقامیدا سروپا آط یراغ و بیراق بیریب سرافراز قیلدیلار اوروش
 و مجادله لار بولدی مردانه و دلیرانه ایشلار و قوع غه کلدی همه تحسین و افرین قیلدیلار
 قدر منزلتی زیاده بولوب خاطر جمع فارغ البال بولدیلار بو کونلارده مله خان
 بر طرف بولوب خدایار خان ایکنچی مرتبه دار السلطنه خوقند پای تختی دا
 بر قرار بولغان وقتی لاری ایدی اما یورت دارلیق و فرمان روالیق ملا عالم
 قل قیرغیزدا ایدی یعقوب بیک وقتی نی غنیمت بیلیب سمرقند باریب مزارانلار
 و عزیزلار زیارتلارینی قیلیب ختم کلام شریف اوتکاریب فقرا و مستحق لارغه بقدر
 احوال نذر نذورات صدقه لار بیریب امیر حضرت حق لاریدا دعا الیب
 کلسام دیب رخصت الیب سمرقند کلدیلار ایکی کون توروب آط لاریغه آرام
 بریب و آندین قاچتی فرغانه ولایتی غه کلیب ملا عالم قلغه اولاشتی و بوجین دا
 کوچا هم بوزولوب راشیدین خواجه خابلیق تختیدا اولنورغانی شهر شهر کته
 کچیک لاری آنکلاب بیلیب کاشغردا صدیق بیک قباچاق باش کوتاریب بوزغون قوشون
 جمع قیلیب خطابلارنی شهر کا قصاب تمام کاشغره متصدی بولوب خوقندغه عرض
 بیریب خواجم لاردین برته لاری کلیب دعا قیلیب برسه لار من کمینه لاری کاشغرنی
 الیب دار السلطنه خوقندکا اطاعت و انابت قیلدورسام دیکان مضموندا
 برکان عرض لاری یتیب بارغاندا ملا عالم قل بزرک خان بزرک خانتورم نی

بويروب ھەم باتور باشىنى عبد اللہ يوز باشى غازى يوز باشى عبد محمد
يوز باشى تراب خواجه بساۋل باشى باشلىق يوزچە آدم قوشنىلار اوشقە
كلكاندە عزيز جلاڧ يعقوب كارناى باشلىق يوزاللىك آدم ھىراھ بولدىلار
بول ارادە امير بخارى دىن ملا عالم قلغە خط كلدىكم تاشكندلىك يعقوب بيك
ملە خانغە كستاخلىق قىلىپ قاچىپ كلكان ايكان بىر نچە كۈن حبس قىلدىم مسافر
دىب ىنە مەرھەت ايلاب حبس دىن چىقارىپ انعام واحسان ايلاب مقرب درگاھ
قىلدىم منكا ھم قندىرىپ قاچىپ دور بارغان ھمانا بى درىغ دم تىغىدىن
اوتكار سونلار مبادا تاخىر و اھمال كور كوز سەلار عساكر نصرت ماثرلار بىرلە امير
حضرت نى فرغانە ولايتى اوستىندە كور سونلار بىوھ بىچارەلار اطلار آياغىدا
قالسەلار وبالى سىزلار كە بولسون والسلام بويارلىق يتىپ كلكانىدە ملا عالم قل
ھىران بولوب بىر كىچەدە يعقوب بيكنى آلدىلارىغە اليب كرىپ امير
بخارى دىن كلكان خط يارلىغىنى اظهار قىلىپ دىدىلار كىم فرغانە ولايتى داتور ما قىنكز
مناسب كورونمايدور مصلحت بو كىم بزرگ خانتورم نى صدىق بيك التماسى بىرلە
كاشغرغە مانكوردوم اما خواجه خلقى يورت دارلىق روشىدىن وسپاھ دىلىك كارى
بارىدىن بى خبر وبى فردا دورلار تىز تىند بزرگ خان توره آرقە سىدىن كاشغرغە
مانكسونلار من قوشبىكى قىلىپ بىردىم دىب بولغە سالدىلار وبزرگ خان تورم كا
ھم اعلام ايلاب مبارك نامە بىردىلار دابان اوستىندە بزرگ خان تورم غە ملاقات
حاصل قىلدىلار يعقوب بيك كلكانى نى بزرگ خان تورم فخر مباحاتلار جىلىپ
ھەم بىكتلارنى قوشبىكى كە تەيىن قىلدىلار اما بزرگ خان تورم توره لىك مقامىدا
قوشبىكى خد مەتكار منزىلدا مقام منزل توتوب ومنزل بمنزل يوروب كاشغر
قلمروى غە كلىلار تارىخقە بىر مىنك ايكى يوز سكسن بىر جدى فصلى ايدى
اما قىچاق صدىق بيك خفە و دلىكر فشىمان بولوب تورم آلدىلارىغە كىش
چىقاردىلار چارناچار اوزلارى ھم استىقبال قىلدىلار وكاشغراھلى چونك كچىك فوج

فوج گروه گروه تورم استقبالی لاریغه چیقیب زیارتلار قیلیب شادخرم لیک بیلان شهرکا داخل ایلاب صدیق بیک اوردالاریغه توشوردیلار بو اثنادا خواجم لاریغه عقیدتمند کاشغر اهلی لاریدین برلاری کمال اخلاص یولیدین بلند آواز بیلان خواجم لار کلدی قیچاقلارنی اوروب شهردین چیقارغاندا بولادور دیکان صوت صد اچیقنی آلامانیلار قیرغیز قیچاقلارنی تیاق جومافلار بیلان اورغالی توردیلار تیاق جوماق ضرب وشدتیدین قیچاق قیرغیزلار قاچماق غه توردیلار و صدیق بیک هم کاشغرده تورالمای اوزینی بقاغه آلدیلار و اوز وطنی مألوفی فاراشقه باریب الله یتهمینک آدم لاری بیغیب اوروش قیلغالی توردی قوشبکی اوزیکت لارینی الیب چیقیب ایدیلار وینه بر موچه عقیدتمند آدم لار بزرک خان تورم غه جمع بولوب مجادله و مقاتله کا توردیلار عاقبت الامور قیچاقلار هزیمت قیلدیلار تورم و قوشبکی لار مال غنیمت لاریغه مالیک بولوب مظفر و منصور اولوب تخت بارگاه لاریغه نزول قیلدیلار قوشبکی هر طریقه لیک ایشنی جناب تورم دین بی جواب اصلا برایشنی قیلما دیلار بزرک خان تورم کته اوردانی مسند بارگاه و تخت آرامگاه ایلاب شب روز نغمه نوا برله شادخرم و لهولعب های هوی برله ازاد بیغم نه یورت دارلیق اشی و نه داد خواه سوراغی و نه کشور کشایی اندیشه غمی دل آینه لاریغه خطور قیلما دیلار اما یعقوب بیک قوشبکی عمر حاکم بیک مدرسه سنی مسکن و مقام قیلدیلار تینمای هارمای یکت حرکتی و آرام قرار تافمای یراغ اسلحه ترددی برله نه یمک دین خبری و نه اویقولماقدین فروای بولما دیلار صدیق بیک خزینه لارینی و یورت نینک غله و حاصلنی یکت لاریغه صرف ایتیلار وینه مجاور مسافر بای لاریدین قرض حسنه فل یامبو کموش خواه نا خواه الیب یکت راستلماق و طیارلاماقدین باشقه مدعا و هوسی خاطر خطیر لاریغه خطور قیلما دیلار و شبو آندا بار کند دین نیاز ایشکا غه بیک برنچه یار کند کته لارینی خطا کندرج ایلاب کاشغر غه عریضه قوشبکی غه بیریب دور کیم خواجه لار و تونکانی و حضرت لار

آراسىدا ياركند تلاش جلد ده بىكارمانند بولوب قالد يلار تورت بش يوز
 آدم لار بىلان يتىپ كلسه لار نصروف قىلغالى بولادور دىب خام خيال لار بىلان
 خط بركان ايكان بول امید بىلان قوشبىكى سهل چاغلاب ياركندغه بارغانىدا
 خواجه لار تونكانى لار برله اتناق بولاشىب كوب مجادله ومقانله بولوب قوشبىكى
 طاب طاقت كلتورالمای چادر خيمه خرگاه لارىنى تاشلاب جانلارىنى جايلاپ
 اوزلارىنى كاشغرغه آلد يلار همه تعلقانلارى حام الدين توره قورل لارىغه توشتى
 اما نياز ايشكاغه بىك نىنك مكر مكار وپر غدارلىغىن حام الدين توره فهم ايتىپ
 سلامغه كلكانىده توتوب برهنه قىلىپ بايلاپ قويد يلار وسوز سوراب راستىغه
 كلتوروب كناه جریمه سىنى كردنىغه قويوب اولتورامن دىب تورغانىدا دادالارى
 خطىپ خواجهم خبر تافىب نياز بىك نى اجراتىپ آلد يلار نان نصىبه لارى
 توكانماكان ايكان بولوجه دىن آچىغىدا خط بىرىپ ايكان اما قوشبىكى قاچقانىدا
 خجالت بولوب آرقه لارىدىن يتىپ بارىپ قانچه عذر معذرت لارىنى ايتىپ يغه
 ياركندغه قاچىپ كلدى خواجهلار بىخبر قالد يلار وبو آوان دا عزىز بىك
 جلادىنى ينىكحصار محاصىره سىكا نعىين قىلغان ايدى عرىضه كلد يكم شهر نىنك قىتى
 يقىن تورم باشلىغ بر سر قدم تشرىفى كلتوروشلارىكا موقوف دور دىب وبو آوان
 ميمنت نشاندا بزرگ خان تورم وقوشبىكى باشلىغ ينىكحصارغه بارد يلار لخمه لار
 كورلاب دارى قويوب طيارلاغان حالتى ايكان بناگاه دارى غه اوت بردىلار
 دارو شهر نىنك صفىل فوطى لارىنى هواغه كوتارماك همانا قوشون نصرت نمون
 بىكباره بوكوردىلار شهرغه كىر كوچه دارى كوجىدىن هواغه اورلكان صفىل وفوطى
 وتغراقلارى يانىپ توشوب خطاى وىرلىك لار بولوب بر مىنك دىن زياده آدم
 نابود بولدىلار نچه لارىنى تغراق اىچىدىن اچىپ آلد يلار اوشبو طرىقه برله
 شهرنى فتح قىلىپ آلد يلار خطايلاردىن تولاسى هلاك بولدى لار آزرانى مسلمانچىلىق
 زهره سىكا داخل بولدىلار دوست يار شاد خندان دشمن منافق لار غم برله

هر اسان اولوب اولجه غنیمت لارغه مالک و صاحب بولدیلار اما بوقتح فیروزه بخت
 شادلیغنی ملاعالم قل سمع هما بونلاریغه عریضه قیلماق لازیم و لابدی کور و لدی
 بو جمله دین بر توقز زمبرک خطایی بر توقوز قیز با کیره دلخواه نازنینی بر
 توقوز اوغول بلا برنا و جوانی نجه شیرجای پاکیزه لطیفی و توقوز توقوز بامبو
 بچینی و توقوز توقوز آط قالمافی تارتیق پیشه کشلار راستلاب و طیارلاب ملازیم
 معتمد برله بزرک خان تورم خوقندغه چیقاردیلار وقت خوب و ساعت مرغوب ده
 وصول اولوب منظور نظر بولوب خرسند و منت دارلیک لار قیلیب الیب
 بارغان ملازم لار کاتون و سرو پا و خرجی طلا انعام و احسان لار ایلاب بزرک خان تورم
 خان کوتاریب آلتون تاج مرصع و مکمل و آط تازی همه آلتون قبه ملمع مذهب
 جیدوق افضل لاری برله آراسته و پیراسته و ایکی شاطر طرار طیار و توقوز بنجه تون
 خاصه کی و توقوز آط افضل لاری برله و توقوز ملطیق مفضض لاریکه سوادکاری برله
 ایباریب مبارک بادلیق لار قیلیب حد دین زیاده مرحمت و التفات بیغایه لار برله
 مهربان بولغان ایکانلار اسعد ازمنه و اشرف میمنه دا یتیم کلدی بزرک خان
 تورم تاجی شاهنی باشلاریغه قویدی و آط تازی غه سواره اولدی همه چونک
 کچیک مبارکبادلیق صدا و علا لاسینی بو کنبذ خضرادین اونکار دیلار و سلاطین
 ماضیه قاعده اوسلوب لار نجه پادشاه لیق تخت و سلطنتیدا بر قرار و استوار ایتیلار
 آتوشلوق محمود خاننی شغال قیلدیلار و هد یچی و فرواننه چی و سلام اغاس
 و ایشیک اغاسی قنارلیق منصب لارنی جابجا قیلدیلار الهی آفتاب دولت لاری
 سایه سینی مسلمانلار باشی اوزره بلند وارجمند ایتسکای سین آمین بجرمت
 سید المرسلین .

جناب سید غازی بزرک خان تورم حکمرانی و کوجا
 خواجه لارغه استعلا تافقانی و فرغانه ولایتی دین کتله لار

قاچىپ كلكان حالاتى يعقوب قوشبىكى مقالاتى وقبچاق لار واقعاتى بيانى

انداغ نقل قىلادورلار كىم اول سىد اولاد رسول الله بزرگ خان تورم ابن جهانكبير خان تورم تخت سلطنت دا برقرار اولوب كاشغر وىنكحصار مضافات لارىغە مناسب آدم نعين لب هر بىرلارىگە مناسب تون سروپا يراغ اسلحه توغ بيراق لار برله مرحمت شاهانه والتفات خسروانه لار كوركوزوب مرفه الحال وفارع البال بولوب مرور ايام نافر جام بى سرانجام لىقى انجام وانتظام غە مبدل بولدىلار اما يعقوب قوشبىكى لشكر راسلاساق دىب تردد وحرکت غە توشوب بزرگ خان تورم غە عريضه لار قىلدى فقرا ورعيه لارغە ظلم جبر بولورمكى دىب آنچه معقول كورمادىلار قوشبىكى خفه بولوب كوزدا كى وظيفه سلام غە كلما دىلار برنچه كون اونى قوشبىكى كتامند يىب سَرْمَن كا چىقتى بزرگ خان تورم آنكلاب ياندوروب اليب كلدىلار و بو آن دا كاشغر موغال تريم لىق مقر بشاه بيك وغازى بوزباشى عزيز جلاد ملا ابراهيم بوتورت كشى عرض قىلدىلار كىم قوشبىكى نىنك اوضاعى باشقه دولت عالينى پايمال قىلىپ اوزلارى بالا صاله حكمرانلىق قىلماق تفضاسى وحرکتى دماغلار ينى فاسدا يىلاب توروب دور يارلىغ جهان مطاع بيز كمپنه قل لارىغە صدور بولسه بارىب قوشبىكى باشىنى اليب كلىب آستان فلک آشيانه بارگاه معلالارىغە تا شلاساق دىد يىلار اما بزرگ خان تورم صبر قىلنكلار بىزلار آرالار يمزده عهد فيمان وعده و وعيدلار بار دىب معقول كورمادىلار اما بر محرم و بو اسرار غە محرم بولوب اول بخت بيدارنى بيدار قىلدىلار وقتنى غنيمت تافىب مذكور اغوا كرلارنى قوشبىكى توتوب سياست مقاميدا اولتور غوزغانلار يدا كته خان تورم درميان ووسيله بولوب بولار نىنك كناه لار ينى تىلاب و بولار نىنك عوض لارىغە منى هر نه قىلسه لار قىلسونلار دىب تورغانلار يدا عفو قىلىپ قيد بىس غە بو يرو دىلار

قیلغان کردارلار یغە فشیمان بولوب توبه نصوح لار قیلغاندین سونک مرحمت
 قیلدی یلار اما مقر بشاه بیگ قاچیب وطن مألوفیغە باریب برار مینک آدم جمع
 قیلیب مجادلە و مقاتلە تفضاسینی قیلدی یلار بزرک خان تورم قوشبکی لار اوستیکا باریب
 تاراج باراج لار قیلیب یاندیلار مقر بشاه بیگ مقاومت لیک قیلالمای قاچیب کوچا
 خواجه لار همایتیغە کردیلار و کوچا خواجه لاری مقر بشاه بیگ نی اوزلاریغە مقرب
 قیلیب فال نیک و فخر بیلدی یلار و قوشبکی بیلان اوروشماق مدعا و مطلبی یئکی
 باشدین اعاده بولدی یلار اما کوچا خواجه لار بوزغون لشکر پراکنده لار بیلان
 خان اریق غە کلدیلار واقعه سی داستان اولدا اونی تکرار دین ملال لیتقرو
 برکوسیدور اما یعقوب قوشبکی خواجه لار نینک کلکانینی آنکلاب بیلدی درگاه
 بیچرن غە التجا و تضرع ایلاب مناجات قیلدی یلار کیم ای عالم السرّ و الخفیات
 بو کمینه دلیداککی پنهان رازی و اسرار لاری سنینک درگاهینکدا روشن
 و آشکارا دورلار اکر حق خواجه لار طرفیدا بولسه لار اولارغە فتح نصرت عطا
 قیلغای سن و اکر حق بو بنده طرفیدا بولسه زمین اوستین داکی تمام ارواح
 مطهرات و ملائک آسمان مقربات بلکه انس جین دیوو فری ذات لاری منکا
 یارمرد و استعانت قیلغای سن دیب باری سبحانه جل جلاله دین نصرت و ظفر امید
 توتوب لشکر طیارلاب بزرک خان تورم نی باش قیلیب جنسکاه طرفیغە عازم
 بولدی یلار اما عسکر لاری ایکی مینک غە یتماپ ایدی بو آوان فرحت توأمان کولاب
 حاکی همراه خان ایکی یوز آدمی بیلان همراه بولدی یلار اوزلاریکە فال نینک
 آلدیلار جمع بر مینک آلنه یوز لشکر ایدی خواجه لار لشکری حد سیز
 نهایت سیز تولا ایدی بنا گاه ایکی لشکر مقابله بولدی یلار کوچا لشکری غالب
 کلیب نچه دفعه آرقه غە یاندوردیلار عاقبت الامر عبد الله پانصد و غازی پانصدلار
 بر طرفین کوناردیلار و بر نچه بهادر دلیرلار قلب کا آط سالدیلار مجادلە و مقاتلە لار
 بولدی و تولا آدم لار ضایع اوادی و قوشبکی کا بوتاسیکا اوق تیکیب توختاب

قالدى بىحضور بولدى عبد الله پانصدغه ديدىلار كيم من آط دانورالمابدورغان
 بركايتيم ديب آغيز آچماقلارى بيلان پانصد مذكور اى نامرد شبو حالدا شبو
 سوزنى ايتا دورغانمو بيزلار كيم اوچون جان بيريپ وجان اليب توروبمز
 وقايسى پادشاه واولوغ بولغانلار جنك كاهغه اوزلارى ككليب دورلار هر نه
 بولسانك آط اوستيدىن نوشامن ديماكين ديب كمالى ايچى كويكانيدىن ودولت
 خواه ليق توغراسيدىن غليظ عبارتلار برله دشنام لارقيليب اوروشقه مقيد اولدىلار
 بول ائناده بنا كاه فتح نصرت نسيمي قوشبكي طرفيدىن قوزغالدى وكوچا لشكري
 آرقه بيريپ قاچتى بر تاش ايسكى تاش بركا قويلاب باريب اولجه اسيرلار
 قيليب يانيب كدىلار

قطعه

كر كدا وشاغه كسه قضا دىن چاره يوق
 تارتماي بولماس علاج دفعيغه آئينك چاره يوق
 سخت ليقتى اهل دنياغه مقرر قيلد يلار
 باشيغه كسه بنا كاه صبر قيلماي چاره يوق
 خواجه لار شو نچه اسباب تجمل برله اوزلار بنى يقهغه آلد يلار

نظم

لشكر فرا كنده دين اش كلكما كاي
 ايكى يوز مردانه جنكى بخشراق يوز مينكدىن

اون ايكى مينكچه تونكانى بار ايكان همه زمبرك توف لارغه تونكان متصدى ايدى
 بولار توف بولوب قاچماي توفغه اوت بيريپ توختاب توردى لاراياچى لاشيب
 وعهد فيمانلار قيبلاشيب صاحبه صلاح لار برله يراشيب كاشغر دار السلطنه طرفيغه
 اليب يوردىلار امان توف زمبرك ويراغ اسلحه آلتون كموش قنار ليق حد دين زياده

اولچه غنیمت لارغه مالک و صاحب بولدیلار تاریخ بر مینک ایکی یوز سکسن
 ایکی ماه جمادی الآخرینک بکره سی ایردی بو واقعه لار وقوع تافتی اما بو
 حالده جراح آزموده کار و تجربه روزه کارنی حاضر قلیب اوقنی اوسترا بیلان
 یاریب آلدیلار نقل دور کیم قوشبکی یونالارینی جراح تیغ بیلان یاریب
 اوقنی الیب توروب دور بر میرزانی آلدیلاریغه الیب کلیب بویر و قنامه غه
 املا قلیب توروب دور و میرزا فتوب توروب دور یارنک لاری تغیر تافغای
 یافروا قیماغای قوشبکی غیرت و جرأت لارینی مونینکدین امتحان و امتیاز قیلماق
 کرک اما بزک خان نورم و قوشبکی لار مظفر و منصور اولوب آبروی تمام برله دار
 السلطنه کاشغرغه داخل اولدیلار سخن ملایم و زبان شیرین و انعام احسانلار برله
 تونکانی نی اوزلاریغه رام قلیب بی جنک جدل قول لاریداکی زمبرک و براغ
 اسلحه لارنی تمام الیب مناسب تون سله کلاه و فل طلا نجشیش و عطالار ایلاب
 وعده و وعیدلار برله دل لارینی جا بجا قلیب خوف حراس دین فارغ البال و هرقه
 الحال قیلدیلار لیکن کاشغر خطای شهری فتح بولغانلاری یوق ایدی بر نچه
 یکت لارنی محاصره کا تعیین قیلغان ایدیلار اول حصر دین تا بو دمغه اون اوج
 آی اوتوب ایدی آش اوزوق لاری توکادی و آشلیق دردی ورنجی دین یاشلاری
 قریلارینی و کچیک ناره سیده بلالارینی وایت موشیک لارینی اولتوروب بب
 صاف قلیب هر برلاری کویا بر فانوس مثلک بولوب و اوز جانلار یغه راضی
 بولغانیدین دروازه نی آچیب شهادت ایتقان مثالی بر نرسه نی نیل لاریغه جاری
 قلیب بیغلاب توردیلار اول پادشاه سعادت یار و نجت بیدار همه خطایلار
 کروه لاریغه رحم شفقت کورساتیب ایمانغه دلالت قیلدیلار همه لاری شهادت
 ایتیب مسلمانلار زمره سیکا داخل بولدیلار هر برلاریکا بقدر احوال احسان ایلاب
 سرافراز قلیب خودالویه نام چونکی نی همه کا اولوغ قلیب بر دریکدانه و کوهری
 کرانمایه پرده عصمت ایچنده بر دختری پر خنده لاری بار ایدی اوزلاریغه

عقد مواصات طرحین توزوب ازدواج لارسلکی غە آلدیلار خودالویه نی همه لارغە
چونک قیلیب وقالغان لارینی تافشوروب مرحمت بیغایه والتفات بلانهایه قیلدیلار
همه ممنون وسرافراز اولوب دعای دولت لاریکا مشغول بولدیلار

نظم

شه اکر بخشنده بولسه ملک آلور برنی کر برسه اکر مینک نی آلور
اما کاشغر شهری فتح بولوب هفته اوتماپ ایدیکم ملا عالم قل تاشکن اوستنده
مینک اوروکده اوروسیه بیلان سوقوشوب تورغان حالتی ده اوق تیکیب شربت
شهادت تافتیلار همه عساکر نصرت مآثرلار فی الفور منتشر اولوب خوقند غە
خداپار خان آلدیلاریغە بارغالی یول تفالماي کاشغرنی کوزلاب یوردیلارچرا که
همه کته لار خداپار خاندین یوز اوبروب ملا عالم قل آرقه لاریغە کیرکان
ایدیلار بولوچه دین چارناچار هر طائفه بر طرفیکا یوز کلتوروب جان محافظتی
غە سی ووهمیدا روان بولدیلار بزرک خان تورم لار کاشغره کلیب یتە آی
مقداری اوتوب ایدی بولو واقعه روبردی اما بو جمله دین کته خان تورم کچیک
خان تورم ولی خان تورم حکیم خان تورم اسرائیل خان تورم ومیرزا احمد
قوشبکی ومحمد نظر قوشبکی وقادر قلی بیک عمر قلی باتور باشی توردی قل
داد خواه بیک محمد قورچی تاشبای داد خواه لار واوغان جامه دار داد خواه
وخیر محمد داد خواه توفجی دار ونجه نام دار بهادر دلورلار وتجر به روزه کارلار
وبته مینک چه بهادر دلور طیار کاشغر ولایتیغە داخل بولدیلار بو خبرنی
بزرک خان تورم وقوشبکی لار آنکلاب ایکی پانصدنی دسته سی بیلان استقبال لاریغە
چیقاردیلار کیم اکر اطاعت وفرمان بردارلیق قیلیب کلکان بولسه لار بیزلارغە
اوجور بیریب آلدیلار یدایول باشلاب الیب کلینکلار مبادا باشقه غرض ونیتی

بواسه لار اوتکازمای اوروشونکلار و بیزلارنی آگاه قیلینلار اوستونکلارغه باریب
 یار واعانت قیلورمیز دیب روانه ایلادیلار بولار قیزیل سوی لبیده روبرو
 بولدیلار کته خانتورم ومیرزا احمد قوشبکی لار ایتیلار کیم یورت لاریمیزنی
 اوروسیه لار الیب کتیلار بیزلار جان محافظتی دا هر نه بولسه همدبارلیق اسلام
 اجیب دور خدمت کا سالسه لار بقدر احوال خدمت قیلورمیز اکر خدمت کا
 ساله لار بر طریقه کون آلورمیز دیب باش فناه قاب کلدوک دیب شرط غلیظ
 و آند مؤکده لار ادا ایلاب توردی لار بولار آگاه و دانا بولوب بزرک خانتورم که
 اوجور بیریب یول باشلاب الیب کلیب ملاقات حاصل ایلادیلار بعد از
 ملاقات علیحده تجدید عهد وفیمان و ایمانلار ادا ایلادیلار همه لارکا مناسب
 تون سروپا وسله کلاه بیریب سرافراز ایلادیلار ولیکین ولی خانتوروم
 کلکان لاریچه کاشغر شهریکه کریب بی ابا و بلا تانی زمان زمان ولی خانتورم
 زمان لاری دیب کوچه بازارلارده جار سالیب شادیانه نغره کارنای چالدوردیلار
 بول ایشدین قوشبکی آگاه اولوب ایکی پانصدنی بکتی پیلان بویروب ولی
 خانتورم نی بارگاه لاری غه الیب چیقیب عتاب سرزنیش لار قیلیب ایتیلار کیم
 بیزلار بو یرده خطای شهرلارینی قتح قیلالمای نیمه رنج محنت لار چیکیب نیمه
 ایشلار قیلیب توروبمیز بش اون اوباش بی باش لارنی تافیب اوزونکزچه
 یورت غه ایکا دارلیق قیلماق هوسی و آرزوسینی قیلاییز ایلکری کلیب کاشغر
 شهرینی قصاب آلامای مسلمانلارنی اولتوروب کله مناره لارنی قیلیب ناحق
 خونلار توکوب نجه ونجه آدم لار خونلاریغه ضامن بولوب قاچیب کتاییز ایمدی
 بیزلار خطای لاربرله اوروشوب مشقتلار تارتیب تورغان وقتیمزدا سن نیمه آدم
 دیمای شهرنی اوزونکیزینک قیلغالی قصد قیلاییز دیب عبارات
 غلیظلارنی ایتیب غضب آتش لارنی طغیان قیلیب خنجرنی کوتاریب چافغالی

حملە قىلغانىدا كىتە خانتورم باشلىغ ھەمە كىتەكانلار توتوب اليب درميان بولوب
 كىناھىنى تىلاب آلدىلار اما ايكى ناغرىجى واچ ملازىم لارىنى قتل قىلىپ
 ولى خانتورم نى يىك حصارغە اىباردىلار نىمە بولغانىنى كىشى بىلمادىلار
 حاصل الكلام بو كىم خان ارىقداكى جنكدا كوچا خواجەلار شكست يىپ
 قاچتىلار اما ياركىندداكى متصدى خواجەلار مو ياركىنددا تورالمى وھم اندىشەلار
 قىلىپ قورقوب فرارنى اوزلارىغە واجب بىلىپ ياركىندنىمۇ كاشغرغە قوشوب
 بىرىپ ياندىلار اول سعادت آثار نىكو كردار بخت يار و صاحب دولت على
 مقدار دولتىنى تماشا قىلماق كراكى كىم براوقدا ايكى صىدىنى و بر حملە دا
 ايكى شەرنى قىد و تصرفىغە كىرگوزوب متصدى و مسلط بولدىلار اما ياركىند
 بىكار و عاقل بولغانىن آنكلاب بىرك خانتورم باشلىغ تورم لارنى اليب
 ياركىندغە عازم بولدىلار و ياركىندداكى تونكانى لار اطاعت قىلماق شەركا
 محكم بولوب دروازەنى آچمادىلار تورم باشلىغ ھەمە قوشون نصرت نمون
 ياركىند شەرنى محاصره سىدە تورغان ھىن دا بىك محمد قورچى باشلىغ
 بر مونجە قىچاق اهل نفاق لار اتفاق قىلاشيب اتفالقلىق بىن منحرف اولوب
 شيطان صفت فتنە فسادلار اغوا و پىدا قىلىپ بر كىچە دا بى خالصىن بىرك
 خانتورم نى يولدىن چىقارىپ بى سلاح و بى يراغ كاشغرغە اليب قاچىپ بارىپ
 بىكى شەركا كرىپ مخالفت و محاصمت كوسىنى بر علانىە آغاز و بنىاد قىلدىلار
 بو خىبر فتنە انكىزنى قوشبىكى آنكلاب بىلىپ كىتە خانتورم و جامە دارداد
 خواھنى كاشغرغە ياندوردىلار بولار بارىپ مضمون اليب الچى كىرگوزدىلار
 موافقت لىك اثرى معلوم بولمادى ايكى طرفدىن جنك قتالغە آمادە بولدىلار
 بول آراده اون كون اونما ب ايدىلار ياركىنددا كچىك خانتورم نى قايم مقام
 قىلىپ قويوب قوشبىكى كاشغرغە بىتەپ كىلدىلار ھر كون مجادلە و محاربه بولدىلار
 ھر ايكى طرفدىن تولا آدم لار ضايع بولدى جدى فصل آخرى ايدى قىش

هوا ساوقلوق شتتی وشپورغان برودتی دوست دشمنلار یکتی غه برابر
 ویکسان اول خالق سبحان درگاه تقدسیدین نازل وبازل اولدیلار اوشبو
 طریقه بیلان آتمش کون اوتیلار آخر الامر اولتدیر دورین ووقار تمکین
 اعنی قوشبکی دولت سنکین کنه لاردین برلارینی صاع صلاح وموافقیمکه عین
 فلاح دور مصاحت ومشورت آمیز قورجی مذکور قاشلاریغه الچی طریقه دا
 شورکا کیرکوزدیلار الچی مذکور مقصد ومدعالارینی ادا قیلغاندین سونک
 قورجی جوایدا دیدیلارکیم ایمدی بیزلارنک موافقت چیلیمکز آرالاریمزدین
 کوتاریلدی ایکنچی مرتبه مدارا مواسا بولماقیمیزغه احتمالی یوق مصاحت
 نینک اوزدانی سو کیم قوشبکی بیزلارغه جواب برسه لار ودخل تعرض قیلماسه لار
 نام قبچاق تاماً بله چقه لاریمزنی الیب یورتغه چیقیب کنساک دیکان جواب لارینی
 الچی مذکور یانیب چیقیب بربر بیان غه کلتوردیلار قوشبکی هم نهایتی
 معقول کوروب جواب بردیلار وقبچاق کروهی اوزلارینی جابدوب دروازه دین
 چیقیتیلار کنه لاریدین ایکی یوزغه یقین قبچاق لار چیقاندین سونک دروازه نی
 محکم قیلدیلار چیقانی چیقنی وقالغانی قالدیلار اما قورجی باشلیغ یولغه چیقان
 قبچاق لارنینک خانونی بله چقه لاری هم قوشبکی تصرفیغه توشتیلار بعضه لارنی
 سیاست تیغ آب داردین اوتکاردیلار وبعضه لارنی قید حبس کا تعبین
 قیلدیلار فتنه فساد بر طرف بولدی وبورت غه امنیت لیک حاصل اولدی
 بزرک خانتورم خجالت دین باشلارینی اوستون قیلالمادیلار قوشبکی یکت
 محرم لارغه انعام ایشکین آچتی وسروپا تونلار یافتی وطلا تنکه لار ساچتی همه
 یکت وقوشونلارغه اولاشتی (الانسان عبید الاحسان) مفهوم لاریچه قوشبکی
 آرقه لارینی ایراشتی وبزرک خانتورم نینک آله یوز اللیک جه یکت لاری بار
 ایدی انعام نی کوروب قوشبکی طرفیکه اوقی بزرک خانتور اللیک جه
 آدم لار بیلان قالدی لار آفتاب دولتلاری خیره ومسند سلطنت لاری تیره
 بولدیلار

بولدىلار قوشبىكى دولت ارتقاعى بلند وىخت يارلارى ارچىمد بولغالى توردى بىزىك خانتورم نى تورت بش ملازم لارى بىلان آدم لار قوشوب يىكحصارغە اىباردىلار آندا بارغانىدا مذكور آدم لارىدىن هم آىرىب تفرىد و تنها قىلىپ قوشبىكى اوز ملازم معتمد لارىدىن خدمت لارىدا آدم قىوب نظر بند طرزىدا محافظت ايلادىلار اما قورجى مذكور خوقند غە قاچىپ بارغانىدىن كىن خان والا مقام آگاه بولوب سن قىچاقلار بو شهرلارنى بى آرام و بى سرانجام قىلىپ اوروسىه گە بىردىنك وكاشغرغە قاچىپ بارىپ كاشغر نى بى سروسامان قىلدىنك لا دىب غضب آتشلارى طغيان قىلىپ قورجى باشلىغىنى كته قىچاقلارنى اىلكرى فنا يولىغە قدم قويوب روانه بولغان كالماس كاروانلار آرقە لارىدىن روانه ايلادىلار من بعد خوقند ولايتى غە كاشغردىن قىچاقلار اصلا قاچىپ بارمادىلار وقورجى مذكور قديم الايام آبا واجداد لارىدىن تارتىپ يورت سوراب كلكان دشت قىچاقلار اىچىندە كانه كان لىك برله اوتكان كور اوزلى بهادر نىنك نىبىرە لارى ايدىلار اولكوندىن تارتىپ همەلارى كىردن لارىنى خم قىلىپ خدمت لارىغە بويىون سىنوب اطاعت وفرمان بر دارلىق نى اوزلارىغە لازىم و واجب بىلدىلار بولم قوشبىكى دولت واقبالىكا سىب رباعث بولدىلار .

نظم

شەخە اكر بولسەلار دولت وىخت يار بولور فتح نصرت لار شە غە دوچار جناب يعقوب بىك غازى تخت سلطنت كاخىقانى و مخالف لار سرانجامى و لشكر كىش لىك تىرتىبى و يار كند و مرالباشى فتح و تسخىرى و واقعه لار حلولى بىانى

احباب صادق و ارباب موافق لار خاطر معلالارىغە ظاهر و هويدا اولغاىكم آنداغ نقل فىلە دورلاركىم محمد يعقوب قوشبىكى غازى همە بى سرانجام

نافر جام لارنی سرانجام ایلاب اول ابزد متعال وقادر ذوالجلال جلّ جلاله لطف
 همی غه نكیه وتوكل قیلیب کاشغر وینکحصارغه تعلق کنت مضافات لارغه
 اوزلاری بالاستقلال وصاحب اختیار بولوب دیاکم و سیورغال لار نصب ایتمیب
 دوات اقبال برله تمام یکت و بهادرلارغه لطف احسان ادا ایلاب فارغ البال
 ومرفه الحال اولدی خداوندی کریم لطف عنایتی برله یولدوزلاری سعد لیککا
 یوز کلتوروب مراد برجیکا عروج قیلغالی توردی اما کیچه وکوندوز یکت
 راسلاماق و سرباز طیارلاماق دین باشقه مدعا وهوسی دل آینه لاریغه یول
 نافمادیلار اوشبو حالت دا مشرق حدیدین کوجا خواجه لاری طرفیدین اسحاق
 خواجه لشکر قیامت اثر برله یوروب یارکند شهریکا کریب اولتوردی دیکان
 خبرنا ملایم لار سمع همایون لاریغه مسموع اولغالی توردی اما قوشون و سربازلارنی
 خطاب مسوده قیلدیلار اون ایکی مینک یکت اوچ مینک فیاده سربازلارنی
 دفترغه آلدی اوچ مینک سربازغه جامه دار داد خواه نی امیر لشکر قیلیب
 توفی زمبرک جزایل لارنی مرحمت ایلاب توغ بیراق دهول دومباق لار عطا
 ایلاب سکیز پانصدنی تعیین لب یارلیغ همایون برله سرافراز ایلادیلار ومیرزا
 احمد قوشبکی نی امیر لشکر قیلیب اوچ مینک یکت سکیز پانصدنی تعیین لب
 توغ بیراق برله یارلیغ نشان عالی برله ممتاز ایلادیلار ینه بری عمر قل
 پانصدنی امیر لشکر قیلیب اوچ مینک یکت سکیز پانصدنی بویروب توغ بیراق
 برله بلند وارچمند ایتیلار وینه بری عبد الله پانصدنی امیر لشکر قیلیب اوچ
 مینک یکت سکیز پانصد مرحمت ایلاب توغ بیراق برله ممنون و سرافراز
 قیلدیلار وجناب عالی اوزلاریکا سکیز پانصدنی همراه ایلاب محرم یساول لار
 بولوب اوچ مینک یکت نی خاص لبق قیلدیلار همه جابجا طیار و بر قرار
 بولدیلار بو آوان سعادت انتظام ده میرزا احمد قوشبکی امیر لشکرغه مذکور
 پانصد و یکت لاری برله مرالباشی محاصیره سیکا یارلیغ جهان مطاع صدور تافتی
 وقالغان

وقالغان امير لشكرلارنى هم قىل قويروق بو يروب آرقه دين اوزلارى
 پادشاهلىق دىدبە سىنى وسلطنت دغدغه سىنى جلوہ كا كلتوروب ارکان دولت برله
 منزل بمنزل يوروب مرالباشى آلدیلار يغه خیمه خرگاه لار ينى برپا قىلدیلار
 ومرالباشى شهر پدا تونكانى رنو مسلمان كنه كچيك بولوب اوج مينك چه
 بار ایدی لار همه سى كوچالىق خواجه لارغه اطاعت وانابت قىلىپ مسلمانچىلىق
 زمره سىكا داخل اولوب شهر اىچنده تىنج امان اوز تىرىك چىلىكى برله كون
 الیب ياتقان ایدیلار بولار خبر تاقىپ شهر نىنك دروازه سىنى محكم قىلدى
 وصفیل اوستىكا چىقىپ جدل و قتال غه طيار و آماده بولدىلار هر اىكى
 طرفىدىن جنك قتال واقع اولدى بول اوترا دا بر هفته اوتى لار لخمه قىلىپ دارو
 قويوب اوت بردىلار صفیل نى كووتارىب آسمان قعرىكا ایلنىلار همه
 يىكباره يوكوروب شهر نى فتح قىلىپ آلدیلار تونكانىلاردىن بر مينك دىن
 زياده راک يوق بولدى يكت لاردىن سكىز يوز چه نابود بولدى اجل يىتكانى
 اولدى وقالغالى امان تافتى نو مسلمان وتونكانى لارغه تونكانى مادالوبه نى
 جونك قىلىپ كاشغرغه الیب يوردیلار مرالباشى نى حكيم خانتورم كه مرحمت
 قىلدیلار مبارك ليك اوزره مبارك ليك يوز كلتوردى همه خرسند وفرحمنند بولدىلار
 تاريخ بر مينك ايكى يوز سكسن ايكى ماه ذوالحجه نىنك يكرمه ايكى سى آط
 يىلى ايردى اى يار برادر جانى بو پادشە نىنك شطرنج باز لىغىن تماشا قىلىنكلار كىم
 بر اسب سكر تماك ليك برله شەنى كشت مات قىلدى بهنى اسحاق خواجه
 يار كند دا قالدى وكوچا يولىنى بند ايتى يار كند و آقسودىن بر برلارىكا كشى
 كىلالمادى و بارالمادىلار بو فتح فيروزه نىخت يار بولغانىدىن سونك قوشبىكى
 غازى عساكر نصرت مآثرلارنى همراه ايلاب يار كند اوستىكا اسحاق خواجه
 جنك رزمى غه عازم بولدىلار اما بزرگ خانتورم نى نظر بند طرزىدا محافظت
 قىلىپ قوشون نصرت نمون برله همراه الیب يوروب منزل بمنزل لار طى

قیلیب یارکنده باریب کهنه شهر وینکی شهر آلدیلاریدین دبد به وعسه لارینی کورسانیب اوتوب هفته محمدان مزار فایض الانوار آلدیلاریدا بر صحنه وسیع و همواره رفیع غه خیمه و خرگاه لارینی تیکتی لار اما تونکانی لار کچیک خانتورمنی اسحاق خواجه یارکنده قدم کلتورکانیدا یینکی شهرکا الیب کریب دروازهنی محکم قیلغان ایدیلار یینکی شهر داتونکانی لار باشقه حکمرانلیق قیلادور بر طرفدین کهنه شهر داسحاق خواجه تمام لشکرلاری برلان حکم بوروتوب تور دیلار و آنالیق غازی هم سوراب تور دیلار بو ائنادا مرالباشنی آنالیق غازی الیب کنکانینی کوچالیق خواجه لار آنکلاب حام الدین خواجهنی بوزغون اشکرلار برله مرالباشیغه مانکدورغان ایدیلار حکیم خانتورم واقف و آگاه بولوب چار باغقه آلدیغه چیقیب جدل و قتال غه تور دیلار اوشبو طریقه برله اون کون اوتی آخر الامر تورم لشکری غالب کلدی کوچا اشکرلاری مقاومت لیک قیلالمای هزیمتنی اختیار قیلدیلار اجل موعود یتنکانی اولدی و قالغانی اوز وطن مألوف لاریغه مشقت لار برله جانلارینی نیهجان الیب باردیلار حکیم خانتورم مظفر و منصور بولوب اولجه غنیمت لار غه مالک و صاحب بولوب اوز بارگاه و مسند لاریکا بر قرار اولدیلار و بو فتح اقبال و خوشخبرنی تارتیق پیشه کش لار برله آنالیق غازی خدمت عالیلاریغه ملازم معتمد خاص لاری قولیدین روانه ایلادیلار اسعد ازمنه و اشرف میمنه دا منظور نظر کیمیا مآثر اولوب حد دین زیاده خرسند و منت دار اولدیلار ملازم غه مناسب تون سروپا و سله کلاه تنکه و طلا یراغ و اسلحه لار انعام و عطا قیلدیلار و جناب تورم که تون سروپا خاصه کی و آطا افضل و مکمل قیلماقی و اسلحه توغ بیراق ایباریب التفات شاهانه و مرحمت خسروانه لار کور کوزوب همه لاردین رتبه لارینی بلند و مرتبه لارینی ارجمند ایتیلار اما یارکنده شهری فتح بولمای محاصره سی اوزونغه تارتی تونکانی لار هیچ نوعن برله صلاح طرفیکا مایل بولمادیلار چرا که تونکانی اهلی مو یکره بش مینک دین زیاده ایدی و یراغ

اساحه لاری مو نولا ایدی آخر الامر تونکانی لارا اسحاق خواجه لار بله انفاق بولوب
 آلتە مینک جرار طیار تونکانی وایکی مینک یکانه بهادر مسلمانیلار جمع سکیز
 مینک کشی توف زمبرک جزایل و خودن و قلاب لار راسلاب بر کچه ده مخفی چیقیب
 شبیخون اورماق قصد ونیتی دا طیار بولدی و بولار احوالیدین اول بخت بیدار
 دولت یار آنالیق غازی واقف و آگاه بولوب شول کچه سی قوشون نصرت
 نموننی تورت بولوب و تورت طرفیکا چیقاریب چادر بارگاه لارنی خالی و بیکار
 قویوب درکاهی الهی غه یوز کلتوروب اول قادر بی همتا درگاه تقدسیدین
 نیمه حوادث لار رویورور ایکین لار دیب حاجیز و شکسته لیکینی تحفه ایلاب و تضرع
 و ابتهال لار برله تورغان حالتیدە بناگاه تونکانی طایفه لاری مو مانخ ینکلینگ چیقیب کلیب
 هر طرفدین چادر بارگاه غه توف زمبرک ملطیق لار اینیب آط یوکورتوب
 کیلادورلار کیم کویا دیوعفریت جایی مکان لاری دیک انسان کروهی و بشر خبلی
 بو چادر بارگاه لار ایچره اثری و نام نشانه لاری یوق ایکانین فهم ایلاب حیران
 و سراسیمه بولوب تورغانیدا بناگاه بلایی آسمانی و قضایی یزدانی مثلیک تورت
 طرفدین قوشون نصرت نمون قرین لارکا بلند آواز لار برله تکبیرلار اینیب
 قیقام سورنک صد اوعلالاسینی فلک خضرادین اوتکار یب یتیب کلیب تونکانی لار
 کروهینی آنداغ چاقیپ چاق قیلدی لار کم تونکانی لار مرده جسد لاری زمین اوزره
 دهقان اشرف لار زراعت کاهیدا کی زراعت لار او نچه سیدیک توده توده عزم عزم
 یتیب کتیب دور و بولار خونلاری بیلان قرا توفراق یوزینی دشت هاموندا کی
 لاله زار ینکلینگ قزیل و کلدار غه مبدل قیلیب دور اوشبو منوالده کچه دین نا
 چاشتگاه محله غه چه قتل قتال آتشلاری شعله اوردیلار قضا و قدر اوقلاری دین
 آرزغنه لاری جان لارینی هزار مشقت لار بیلان جایلاب بومهلک بلایی ناکهاندین
 نجات شهرستانیغه اوزلارینی آلدیلار و نچه لارینی اسیر و دستگیر ایلاب سیاست
 تیغ دم لاری دین اوتکار یب کتکانلار غه ملحق ایلادیلار اوشبو دولت اقبال برله

فرمایش عالی بو لطر بیغه داجاری بولدیلار کیم ایکی مینک سرباز جانبازیلانکاج
 وبرهنه بولوب صفیل کا یوکوروب شهرنی فتح قیلیب قتل عام قیلسوندیب بارلیغ
 وارد بولدیلار بو آواندا امیر لشکر میرزا احمد قوشبکی باشلیغ کنه لاردرمیان
 بولوب عرض قیلدیلار کیم سربازلار یوکوروب شهرنی آغا زین سونک تولا
 آدم لار خونلاری ضایع بولورمکی اول باره الچی کیرکوزوب کورواسه معقول
 توماغاندا یینه صفیل کا یوکوروب آغالی بولور دیب عرض النجا قیباغانلاریدا
 معقول کوروب تونکانی وخواجه لارغه الچی کیرکوزدیلار کیم شولکونی جمعه کونی
 ابردی فرمایش قیلدیلار کیم بو کون جمعه غچه لیک صلح طریق اوزلاریغه
 لازیم بیلیب قوشون نصرت نمون بارگاه معلالاریغه چیقسه لار اوزلاری و مال
 جانلاری و توابعات تعلقات همه لاریغه آمانلیق و خاطر جمع لیک واکر ابا و امتناع
 و تأخیر و تانی کوز کورسه لار کنه و کچیک رسیده و نارسیده لار آط آستی و ایباغ لاریدا
 هلاکت کا یتکوسیدور تاراج و باراج آفت لاریغه همه مبتلا بولوب اولجه واسیر
 بولغوسیدور و السلام دیب خط و الچی کیرکوزدیلار چارناچار صلح طریق
 تونمای علاجی اصلا بولماسدی خواجه لار و تونکانی لار همه توابع لاری برله خواه
 ناخواه اول بارگاه فلک اشتباه آلدیلار بیغه اوزلارینی الیب چیقیب مرحمت شاهانه
 و التفات خسروانه لار برلان سرافراز اولدیلار توف زمبرک یراغ اسلحه قتلایق
 همه پادشاه لیلیغ لازیم و درکار لیک نرسه لارنی دولت عالی مقام خزینه لاریغه
 تافشوردیلار و اسحاق خواجه برله همزانو و همبستر اولتوروب و تولا سوزلارنی
 آراغه سالیب عزت واکرامنی بجا کلتوروب مناسب تون و سروپا و اوزلاری
 سواره بولا دورغان خاصه کی ارغماق آطلارینی اکر افضل جبدوقلاری برله
 مرحمت ایلاب و آلدیلاریدا آطغه اوزلاری سواره قیلدوروب کوچا طرفیغه
 یولغه سالدیلار و قالغان سنکر لارغه مو بقدر احوال مناسب تون و خرجی بیریب
 یولغه روانه ایلابیلار و تونکانی طایفه لاریغه مرحمت شاهانه لار ایلاب همینی

اوزلار يىغە مطيع ومنتقاد قىلىپ بىر مۇنچە سېنى كاشغىرغە اىبارىپ ما دالويىغە
 نافشوروب وقالغانلار جىرىمەلار يىغە عفو قىلىپ سوروب مرفوع قىلىپ يار كىندى
 ومحمد يونس شىغالول دادخواهغە مەرحەمەت اىلاب كىلامور مەملىكەت حل عىقنى تىقوبىز
 قىلىپ سىرافراز اىلادى ونىياز اشكاغە بىك نى شىغالولغە شىغالول قىلىپ بىردىلار
 وكفك قور باشىنى بانور باشى قىلىپ بىردىلار وقاضى ضياء الدىن داملانى قاضى
 كلان قىلىپ بارلىغ نىشان عالى بىرلە سىرافراز اىلاب يورتلارغە امنىت لىك
 وخاطر جمع لىك حاصل ايتى ونچە كون توروب دولت، اقبال وخرسند خوشحال لىق
 بىرلە دار السلطنة كاشغىرغە نزول واجلال قىلىپلار تارىخ بىر مېنىك اىكى بوز
 سىكسن اوچ ماە ربيع الاخر بىكرمەسى قوى بىلى اىردى .

جناب آتالىق غازى نىنىك ختن رزمى غە عزمى وكشور
 كشالىق تدبىرى وحاچى پادشاه زوالى ومحبوب غزاله
 ختن زمىنى دىن يوز كورساتكانى وحوادث واقعاتى بىيانى
 اصحاب موافقت آگاه وارباب مصادقت دلخواه لارغە خفى واختماقالما غايىكم
 نقلى دوركىم اول پادشاه كامكار وتجربه روزه كار اعنى آتالىق غازى بخت ياركند
 فتحى وتسخىرى دىن بىر خوردار اولوب دار السلطنة كاشغىرغە نزول اجلال
 قىلىپ عدل بساطىن يابىپ وظلم بىم ادا بىشكىن يافىب وفقر اپرور لىك رعابەلار ينى
 توزوب يورت كنه لارى وبخشى لارى وبلكه عام خاص لارى دل لار ينى احسان
 وانعام دانه سى بىلان صيد ورام ايتىب دشمن وعدوان قصد ومخالفتى دىن
 يورت لار ينى محفوظ وامان قىلىپ مزار فاىض الانوار لار روح پرفتح لار يىغە كلام
 الله ختم قىلىتورتوب دعا وفاتحه لار ادا بولغاندىن سونك داش لار يىغە اوزلارى
 اوت قلاب وسو قوبوب كىكرو ندر نذورات لارنى بىوه بىچاره لارغە صدقه لار
 بىلادىلار همه شاد وخندان بولوب دعائى دوات ومؤبد لار يىغە مشغول وشاغل

اولدیلار اما کشور کشالیق هوس و بیورت آلاماق دغدغه سی خصوصاً ختن لطیف
 قصد و تسخیری دل آینه لارینی بی آرام و بی قرار قیلدیلار لیکن
 ختن فقرا ورعیه لاری نینک حاجی پادشاه غه عقیده و اخلاص لاری حد دین
 زیاده ایکانلار و یته باش دین یتیمیش باشقچه همه کته و کچیک اوز اختیارلاری
 برله اشکر و عسکر و جان فدا ایکانین فهم ایلاب دیدیلار کیم پادشاه نینک فقراغه
 اعتمادی و فقرانینک پادشاه غه اعتقادی و اتقاقی موافق و مطابق بولسه لار
 آنداغ شهرغه یتنه بر بیکانه دست و تصرفینی اوزاتیب مراد غنچه سینی قولغه
 کلتورکانی هیچ زمانده و هیچ تاریخده وقوع غه کلاما بدور و ایتما ب دور موافقت لیک
 بار بردا دولت بار و دولت بار برده موافقت لیک باردورلار ایتیب دورلار کیم
 بر کومه بر طرفیکا کتیب بارور ایکانلار یتنه بر کومه اوچراب سوراب دور کیم
 نه یردین کلدینک ونه یرکا باراسین و اتینک نیمه بولادور دیب جواب
 یریب دور کیم اتیم دولت دور قیسی مملکت دا موافقت لیک و اتحاد لیک بولسه
 من شوندا بارامن و قایسی جایدا اتحاد و موافقت لیک کوتار یلسه حن اول شهر دین
 اوزومنی بر طرفیغه آلامن دیدیلار اما ختن شهریدا موافقت و اتحاد لیک
 موجود دورلار زور بازو و زمبرک طیفو و قیلچ کرزو برله مسخر قیلماق مینمکین
 ایماس لیکن حاجی پادشاه نینک باش یتیمیش کا یتکان و عقل فکریکا خلل بول
 تافغان و عمر آفتابی غروب محله غه یاوشقان دیب حیرت و تأمل دین کین تفکر
 باشینی تخیل زانو سیغه قویوب تعمق نظری بیلان سر حساب باریب امتحان
 کوزی برله قراب بر تدبیر قیلسام شاید که تدبیر هم تقدیرغه موافق نوشسه
 مسخر قیلغالی احتمالی بار دیب تدبیر و تلبیس لارغه قدم قویوب دام تدویرلارینی
 یاییب و حیلله مکر دانه سینی ساچیب و شعبنده باز لغین اوینا تیب اندیشه دور دراز
 طویل و فکر دریایی بی ساحل لارغه غوطلار اوردی و بو دریای فکر تفکرلاری
 ایچره مراد کل تصور کفی ایچنده جلوه کور کوزدی بو آندا باشلارینی کوتاریب

قوشون نصرت نمون لارغه نظر سالیب دیدیلار کیم راست و طیار بولونکلار مزار شریف زیارتیکا بارورمیز دیب فرمایش قیلدیلار کانه توغ بیلان وتورت امیر اشکر بیلان بولوب اون بش مینک یکت سر باز برله آطلانیب وبزرک خان تورم نی همراه ایلاب یارکندغه باریب نزول اجلال قیلدیلار تاریخ بر مینک ایکی بوز سکسان اوچ قوی بیلی ماه برات نینک سکیزی ایدی یارکنددا هفته توروب همه یکت سر باز لارغه تون سروپا آط یراغ خرجی بیریب جابجا بولدیلار وبزرک خان تورم نام لاریدا حاجی پادشاه غه بر پارچه خط قیلدیلار خلص کلام بوکیم بو کاشغر زمین غه گلکالی اوزون بولدی بول مملکت لاردا کی مزار مشایخ زیارت لارینی بقدر وسع ادا ایلادیم اما آرزو وهوسیم بوکیم امام جعفر صادق رضی الله عنهنی بر زیارت قیاسام دیکان مدعا ومطلبیم بار ایدی حاجی پادشاه آغام مرحمت ایلاب یول بیریب اجاز برسه لار زیارت قیلیب یانسام دیکان مدعا بیلان عریضه اخلاصمیز اظهار ایلاب رقعہ یازیلدی والسلام وبو خطنی بزرک خان تورم مهر کرام لاری برله مختم ایلاب ملازم معتمدغه تافچوروب روانه ایلاب آرقه دین ختن غه قراب عازم بولدیلار یارکند قلمروی انتماسی وختن قلمروی ابتدا سیغه خیمه خیرگاه وچادار بارگاه معلانی برپا ایلادیلار وحاجی پادشاه آنکلاب بیلیب اوغلی نعمت الله خان نی توشکون قونالغو وترتیق پیشه کش لار برله استقبال لاریغه چیقاردیلار آنالیق غازی هم آنکلاب آلدیلاریغه کشی چیقاریب الیب کلیب عزت واکرامینی حد دین آشوردی و ضیافت لار قیلدی آن دین سونک آلتون دستار کمخواب تون همه آلتون سوادکاری یراغ اسلحه وتوفچاق آخماق آطلار همه اکر افضل لاری آلتون کموش برله ملمع ومرصع آراسته لار برله سرافراز ایتی ویکت محرم لاریغه هم سروپا وخرجن طلا انعام واحسان لار قیلیب دیدیلار کیم الحمد لله بو یرکا کلدیم پادشاه زاده ام جمال جهان آرالاری برله کوزومنی روشن ومنور قیلدیم مرادیم غه بتیم ایددی

آرزو و هوسیم بو کیم حاجی پادشاه دادامنی بر کورماک میسر بولورمکین قدم
 شریف لاری بو کمینه بی درم خدمتکارلاری خرکاهیغه مشرف اولسه سقالیم برله
 آباغ لارینی توغ لارینی سپوروب جان دلیم برله خدمتکار چیلیقمنی معلوم قیلیم
 آفتاب دولت شعاعی لاری بدین بر نوری کسب اتسام بو غلام ناداننی کمترین
 غلام چاکرلاری زمره سی و چرکه سیده کوروب نظر و مرحمت ایلاب یارلیغ و نشان
 عالی مهربان بولاسه لار بوتیره خاک مذلت اوستیدا کی خاروبی اعتبار باشیمنی
 فرقدان برله همسرلیک و برابرلیک قیاسام دیکان آرزو و هوسدین باشقه مطلب
 و مدعا بو بنده دلیمه خطور قیلمایدورلار مبادا حاجی پادشاه دادام قدم شرافت
 لزومی نی دریغ و معاف توتسه لار من اوزوم باریب آستانه * معلالاریغه یوزومنی
 سورتوب جمال جهان آرالاری برله کوزومنی روشن و منور ایتیب کلماسام
 اصلا علاجیم یوق دیب اوشبو منوالده خوشامد آمیز و سخن شیرین ملایم
 آمیز لاریملان پادشاه زاده دل لارینی صید و رام و حاجی پادشاه کونکلارینی عاشق
 بی آرام و بی قرار قیلدیلار اما بو حالدا پادشاه زاده غه امیر اشکر
 عبد الله پانصدنی قوشوب بر نچند رقیبه و افسونلارنی برین برین قولقلاریغه در
 شاهوار ینکلیغ برکتیب و بر فارچه کتابچه خشت پخته نی کلام شریف صورتیده
 قیلیم نچه قبت طوار اطلس کمخواب لاری برله تله و لغافه لار برله تعبیه لار قیلیم
 عزت و اکرام لار بیملان امیر اشکرغه بردیلار کیم منینک اوچون حاجی پادشاه
 دادام خدمت لاریغه باریب عقیده و اخلاصمنی سمع معلالاریغه بربر معلوم
 قیلسونلار باور و انابت قیلماسه لار اوشبو کلام ربانی نی منینک اوچون کوتاریب
 توتوب بیریب عهده فیمان مؤکده و آنت ایمان مغلظه لار بیملان ضمان کوتاریب
 دادام حاجی پادشاه نینک خدمتلاریدا بولوب الیب چیقسانکیز و قالغان عرضیه
 اخلاصمنی پادشاه زاده بو کمینه قل لاری جانوبیدین عرض ادا ایلاسه کرک دیب
 بولغه سالدیلار حاجی پادشاه حضور لاریغه یتیب باریب ملاقات حاصل ایلاب

ضيافت لار اوتكاندىن كىن امير لشكر مذکور انالىق غازى فرمايش قىلغان
 يسونلوق بلکہ زياده حاجى پادشاه سمع معلولارىغە معلوم قىلىپ اذب قولىنى
 تواضع سینه لار يكا قول لار ينى قاوشتوروب ملازم لارى قتارىدا امر اطاعت لارىغە
 بويون سنوب پايه گاه لار يدا توردىلار اما سوت برله سو آرا لاشسه لاز آيزىب
 آلاماغاندىك بو سوزلارنىڭ راست ويالغانىنى تفرقه وامتياز قىلاماي هيران
 بولوب اوغلى دىن صورت واقعه نى سورادى بوفلك بوقلمون شەيدە بازليغىن
 كورماكان وزمانه تجربە و آزموده لار يدىن تاتىماغان و خواب خرکوش غفلتى دىن
 هنوز بيدار بولماغان ايدىلار امير لشكر الدىلار يغە چىقماقنى بر مرتبه صلاح
 كوروب ترغيب قىلسەلار پادشاه زاده نوجوان هر نوع تعريف توصيف لار برله
 مينك مرتبه ترغيب و تحريص قىلدىلار حاصل الكلام رأى انور لارى بارادورغانغه
 بر قرار اولدى خداوند عالميان بنده لارىغە دولت و اقبال ايشىكلار ينى
 يوزلار يكا آچماقنى اراده و تقدير قىلسەلار هر بهانه و باعث بيلان دولت و عزت
 عطا قىلور ايكانلار قوشبكى تدبيرى تقدير سبحانى غە موافق توشتى رقيه
 و افسونلارى اثرانى معلوم بولدى دولتى ايشكى ايتلدى و ظلمت دريچه لارى
 آچىلدى عقل كوزى يافىلدى پادشاه زاده بيلان پانصد ايكى سى كويا قضا و قدر
 ايكى شخنه لار يدىك حاجى بىچاره نى چاه مهلك ظلمانى طرفىكا ايلتىلار و اوز
 اياغلارى برله غضنفر كرسنه و تشنه غە دوچار بولدىلار ليكىن حاجى پادشاه
 توشوم بوزولغان ايدى غيب پرده سىدىن نيمه كار حال لار يوز كلتورادور بيلكالى
 بولمايدور ديب احتياط قىلىپ بر مينك بش يوز يكت محرم نى اوزلار يكا همراه
 ايلادى و مقصد طرفىكا روانه بولدى چادر بارگاه غە نظر لارى توشتى قوشبكى
 هم كوروب استقبالغە يوكوردى و يقين يتيب بارغانىدا آطدىن توشكالى حرکت
 قىلدى اما حاجى پادشاه نى آطدىن توشكالى قويمادىلار يوكوركانلار يچه بارىب
 اوز انكولار ينى يوز كوزلار يغە سورتوب آطنىڭ جلاونى قول لارىغە اليب

کاها بویونلاریغه سالیب وتورت پانصد تورت یانلاریدا یوکوروب بارگاه
 آلدیلاریغه کلکانیدا اطا دین کوتاریب نوشوروب وقولتوقلاریدین یولاب بارگاهه
 الیب کریب اولتورغوزوب اول باره دیدیلار کیم حاجی دادام یته ییل مکه معظه
 مدینه منوره دا استقامت قیلیب مجاور بولغان من عالمالاردین ایشتنکان ایدی مکیم
 (من عانق حاجا اوغازیا فقد عانق الف نبی) دیب بو حدیث شریفی مضمونینچه
 بر معانقه میسر بولور میکن دیب قوقوب توردی وحاجی پادشاهم قوپوب معانقه
 قیلدی معانقه قیلیغ لبق کوتاریب بارگاه ایچنده ینه بر جادر بار ایدی آنکا
 الیب کرما کایکی بیلان آدم لار طیارلاب قویغان ایدی توتی یقتی بایلادی
 وایکین آیاغلارینی سالدوروب الیلار نیمه بولغانی نی کشی کورمادی ویلمادی لار
 هیهات هیهات انسان کروهی وبشر خیالی نینک تدبیر وتلبیس لارینی تماشا
 قیلامق کراک .

نظم

انسانا کر آچسه تلبیس غه اغیز بیچاره بولور ابلیس لعین بی تمیز
 بو قول فعل غه شاهد و بو اطوار کردار غه موافق کلدیلار اما حاجی پادشاه اون بکر مه
 محرم بیلان بارگاهه بیله کلکان ایدیلار چادرلار غه تکلیف قیلیب الیب کریب
 بایلاب بندکا تارتیلار وینه حاجی پادشاه غه قراشلیق یکت لار آطلاریدین نوشمای
 حاجی محافظتی دا امیرلاریکه قراب تورغان ایدیلار درحال حاجی پادشاه آتیدا
 خط قیلیب من اوکام یعقوب قوشبکی بیلان مونکد اشیب بو کون قونوب ایرته
 بیلان یول باشلاب شهر غه الیب کرامن وسیزلار خاطر جمع بولوب یانیب شهر غه
 باریب هر برینکلار اوزایشینکلار غه مقید بولونکلار نعمت الله خان ایرته بیلان
 الدیمیز غه چیئسون دیب بر نچه کار غه بر ایدورغان بهادر و نامدار لار اتی نی بر بر
 خط که درج قیلیب الغاج کلینک دیب خط قیلیب حاجی پادشاه نینک مهرینی باسیب
 خط چیقاردیلار بو خطنی عسکرلار کوروب اطا دین نوشمای شهر کا قراب کتی لار ایرته

بیلان اتالیق غازى قوزغالیب شهر طرفیکا عازم بولدیلار برفوطى مقدارى برکا بارغانیدا پادشاه زاده نعمت الله خان یکرمة اوتوز کتەلارکیم کارغە برایدورغان و برایش عهدەلاریدین چیتا دورغانلارنى الیب دولت ابد و مؤبدغە ملاقات بولدی هر برلاری بیلان اوبدان کوروشوب دیدیلارکیم حاجی دادام آرقە دین کلیب یتادور بیله کینسونلار دیب یولغە روان قیلدی اما بولارنى برلارینی بریکا قوشمای چادر بارگاهە الیب باریب نظر بند محکم و مستحکم ایلادیلار و بولارنى سرانجام ایلاب حاجی نینک شهریکا خزینە و دفینەلاری سرانجامیغە پانصد عزیز بیک جلادنى یکتلاری برله جافتوردیلار بولار یتیب کلیب حاجی پادشاه نینک بله چقەلارینی چیقاریب حاجی پادشاه نینک وطن لاریغە و خزینە دفینەلاریغە مالک و صاحب بولوب پاسبانلیق قیلیب توردیلار اتالیق غازى دولت اقبال برله شهر نینک یانیغە خیمە خرگاهلارینی بر پا ایلاب توشتیلار امیر لشکر و پانصدلارنى قیل قویروق بر بر آرقە شهرغە بویردیلار بعضەلارینی توتوب الیب چیقیب سیاست دین اوتکاردیلار و بعضەلارینی نظر بند قیلدیلار و حاجی پادشاه نینک خاتون بله و عسکر فقرا ورعیهلاری بر برلاریغە دیدیلارکیم حاجی پادشاه هم کلدیمو ونه یرده قالیب دور ونیمە اوچون کرمایدور بو قبچاق انجانلیق لار اوردانی باسیب آلدی نیمە حادثە ونیمە واقعه بولدی ایکین دیب ماهیتی نی بیلالمای همه حیران و سرکردان بولوب هانک باقیب دانک توروب قالدیلار آنکاغچه ایکی کیچه کوندوز اوتوب کیتیلار اما هر بری نیمە بولغانیغە دانا و آگاه بولوشوب شهر اطرافیدین اون مینک اون بش مینک آدم لار یراغ و کالتک و جوماق لار کوتاریب کلیب حاجی پادشاه هم قانی و شاه ذادەمیزقانی دیب کوجه بازارلارده اوچراغان یکت سربازلارنى اوروب اولتوروب قویلاب الفاظ غلیظه و عبارت قیجەلارکم قلمغە راست کلمایدورلار حقارت و دشنام قیلغالی توردی انچنان پند موعظه و نصیحت لار

قیاسه لارمو زیاده لب حقارت لاری تسکین نافمادیلار و بو آلامانی لار حقارتیکا
 طاب طاقت کلتورالمای ناعلاج بولدیلار و بر مونجه لاری کالنتک و جوماقلارینی
 کوتاریب بارگاه غه یو کوردیلار بول اثنادا اورونکلار و اولتورونکلار دیب
 فرمایش عالی بولدی برنی اولتورسه یوزی غولی نیمه دیتو بو دیب ایلکر بلاب
 کیلادور و اولو ک لارینی دبساب بارگاه عالی غه یتیب کلدیلار و اتالیق غازی
 هم تورالمای آطالاریغه سواره بولدیلار و قتل عام غه یارلیغ سوردی همه عسکرلار
 قتل عام غه قول قویدی جان جان قیلیب همه نی نیست نابود قیلدی و ایرته سی
 قرا قاشلیق دین اون مینک بکر مه مینک آلامانی لار جوماقلارینی قول لاریدا
 کوتاریب و بر تولوم غه اوزوق نالقانی نی سالیب آغزینی بوغوب کردنلاریغه
 آسیب همه قرا کالنتک بولوب کلدیلار بولار نیمو قتل عام قیلیب ایلکری
 کتکانلار کا قوشتیلار و آرقه دین چره لیک لار قیل قویروق بولوب جوماق و اوزوقلارینی
 کوتاریب کلیب کوروب بیلیب توروب کویوب یانیب تورغان اوت آتش غه
 اوزلارینی اوروب هلاکت کا یتیلار ختن الته شهر ایکانلار اوشبو طریقه برله
 بر برلاریدین بی خبر بر بر آرقه بش مینک اون مینک لاب کلدیلار برینی
 بریکا اولاشتورمای نیست و نابود ایتیلار اما غولی نیمه دیتو بودیب اورنلاریدین
 بر ایشنی قصد ایتیب قورماس ایکانلار مبادا قوبسه لار اول ایشنی بر
 طرف لیک قیامای تورماس ایکانلار اورنیدین قوپمای تیج تورغانلاری سلامت
 قالدیلار اما اورنلاریدین قوپوب قدم قویغانلاری شهر غه کلیب حاجی پادشاهم
 آه حاجی پادشاهم دیب زار زار یغلاشیب پاشاهمزدین آیریلیب تیریک بولغانمیزدین
 اولکانمیز هزار بخش دیب اوزنی هلاکت کا سالدی جان محافظتی اوچون
 اوزلارینی بر طرفکا آلماس ایکان و قاچا دورغاننی بیلماس ایکان کمال
 نادان و جهالت دین وضع اوضاعی لاری بو لطر یقه دا معلوم بولادور یکت
 و سربازلار آدم اولتورماک دین هاردی و قول لاری قفاردی و احوالینی اتالیق

غازبغە اعلام قىلدى آنالىق غازى قوشون بىلان بازار قىلىپ كلكان قصابلارنى
 وختن داكى مسافر قصابلارنى اليب كلىپ آدم اولتورماككا بوپوردىلار
 بولار خندىك لىبىدە توروب آدملارنى اولتوروب خندىك غە وچوقور بىرلاركا
 تاشلادىلار خواه چوقور بولسون وخواه خندىك بولسون همە فرا فر بولدىلار
 وىنە دروازەلاردا امير اشكر پانصد لاور سىر جنك لارنى قويدىلار وتوتوب
 اليب كلكانلارنى اولومغە بوپروب سىر بازغە تافشوردىلار هر بىرلارى بىرىنى
 يتولاب اولتورا دورغان بىر كا اليب يوردىلار وبارغوچە لىك بىر نرسە بولسە
 منكا بىر كىل اولتورماي قويوب بىر اى دىسە لار بعضە لارى معقول كورماي
 اولومنى اوزلارىغە لايق و سزاوار كوروب اولوب كتى لار و بعضە لارى يوز
 تنكە دىن تارتىپ اقلى بىر تنكە غچە لىك فل بىر دىلار فل نى اليب قويوب
 بىر دىلار بعضە لارى قولومدا فل يوق ايدى تافىب بىر سام يا كلتوروب بىر
 دىسە لار مونسىلار قىلىپ قويوب بىر دىلار جانى نى جايلاب اوز وطنلارىغە
 باردىلار تورت تاش بىش تاش مضافانلارى غچە يتىپ بارىپ اولتوروب بولاب
 تالاب تاراج باراج لار قىلىپ يانىپ كىلدىلار اوشبو حال ومنوال دە اوچ كىچە
 وكوندوز بلكە زيادە اولوم بازارى نهايتى قزىدى ختن فقرالارى خرابلىق غە
 يوز قويدى بولوقندا فرمايش عالى مرحمت بولوب قتل عام نى توختاتىلار اجل
 موعودىتكانى كتىلار و قالغانى قالدىلار اما تارىخ كتاب لارىدا مذكور دور كىم بىر نەمن
 آدم اولسە لار بىر مـردە قولىنى كوتارادور ايكى نەمن آدم اولسە لار ايكى مـردە
 قول كوتارادور مبادا اون نەمن آدم هلاك بولسە لار بىر اولوك اورا قوفادور
 دىب دكر قىلىپ دور لىكىمىن بو ختن دا تورت اولوك قوللارىنى اوستون
 كوتاركان ايكانلار موندىن معلوم بولادور كە تورت نەمن آدم هـلاكتكا يتكانكا
 اوخشایدور اول نخت بىدار و ذولت يار اعنى آنالىق غازى بدولت اكىر
 بو لطرىقەدا تدبىر و تزويرلار قىلماسە ايردى ختن فتحى و تسخىرى مېسىر

بولماس ایکانلار حاجی پادشاهغه فقرا ورعبه لار عقیده اخلاص لاری حد افرا
 مرتبه سیدین زیاده ایکانلار حاصل الکلام قتل عام دین فارغ بولوب حاجی
 پادشاه نینک خزینه دفینه لارینی مسوده قلیب دولتخانه عالیغه تافشورولدی اما
 خزینه دفینه یراغ اسلحه بی کم کاس تولا ایکانلار یامبو کموش نقدینه دین
 باشقه اون آلتنه قاف داریک آلتون جمع قیلغان ایکانلار بکت لاریغه توزوک
 بر نرسه برماکان ایکان اسراف بولادور دیب بلکه اوزلاری وخواه اهل عیال لاریغه
 پادشاهلیق حق دین اصلا بر نرسه صرف ایتماکان ایکان ایکی یریم بیل پادشاه
 بولوب دور آشخانه لاریغه هم آبا واجدادلاریدین قالغان زمین لار حصولانانی
 الیب کلیب لازیم قلیب وساتیب فلیغه ایکیمن ایباغلیق قلیب کیار ایکان واهل
 عیالی غه موهم شونینک دین قلیب برور ایکان قدیم دین ملک زرخرید کلکان
 قللار نریب تکیب حاصل قیلغان حاصلاتی نی صرف قیلور ایکان هر نرسه که
 یورت دین موافق شریعت حاصل بولوب دور ویا خطای لاردین ویک لاردین فل
 مال لار اولجه طریقه دا توشکان بولسه نام بیام خطاب خزینه لاریدا ضایع قیلما
 ساقلاغان ایکانلار جناب آنالیق غازی بو واقعه لارنی کوروب و بیلیب و تعجب لار
 قلیب اینیب دورلارکیم من آتام دیب آتا خوان اوقوب ایدیم راستی بیلان
 منینک آتام ایکان دیب تبسم قیلدی لار خصوصاً تورت بیوز کته نار
 تیموه لارکیم جازا ویلفوش لاری ونوخته زنارلارینی ایفک و مشتوت ماوت وفوفوک
 ومثلث ومکمل آراسته وپیراسته ایلاب دورلارکیم هیچ زماندا بول دیاردا بو
 قسمی تیموه لارنی جابدوب آراسته قیلماغان بولغا یلار همه ناظر وتماشاه بین لار
 عقل ونظری نی تیره وخیره قیلور ایردی آنالیق غازی دسته کاهیغه توشنی
 حاجی پادشاه نینک خزینه ودفینه لارینی مذکور تیموهغه یوکلاب دار السلطنه
 کاشغره الیب یوردیلار.

نظم

شەغە اكر بولسەلار دولت نخت يار بولور فتح نصرتلار شەغە دوچار
 اما امير لشكر وپانصد ويگە يكت سربازلار باشايغ همه لارغە انعام واحسان نى
 كما بىجب وينبغى عطا ايلاب ممنون وسرافراز وحاجت دين بى نياز قىلدىلار
 وختن مزارات وشهدالارىغە كلە وقوى وكورونج واوندفل وطلالار ايبارىب
 وآدم معتمدلار تعين لب كنكرو نذرندوراتلار قىلىپ مستحق لارغە پىرىب
 وختم كلام شريف ادا ايلاب ثوابى نى مزارفايض الانوارلار روح پرفتوح لارىغە
 عطا قىلدى غريب غروبا وبيوه بىچاره لارنى يوخلاب طمون سروپا فل وطلا
 بخشش ايلاب دعالارىنى الدىلار وفارغ بولغاندىن سونك ياركندلىك نياز
 ايشكافە بىك نى ختن غە حاكم بالاستقلال ايلاب كل امور مملكت دارلىق
 اشيدا حل وعقد رتق وفتق عزل ونصب نى مرحمت ايلاب والتە شەرى قرق
 كونلوك مضافاتلارى برلە قوشوب يرلىغ همايون برلە سرافراز وممنون ايلاب
 همه دين ممتاز قىلدىلار ليكىن نياز بىك كا بو لطريقە مرحمت ومهر بانچىلىق
 قىلماقلاريدا سبب وباعثلار بار ايدى اول باره جناب على ياركندغە كلىب
 حام الدين خواجە بيلان اوروشوب برابرلىك قىلالماي چادر باركاه لارىغە
 قرايالماي كاشغرغە قاچقان لاريدا نياز بىك ارغە دين يتىب بارىب ايكى
 تاش مقدارى بركا همەنان وهمركاب بولوب تسلى ايتىب تولا مصلحت وسوزلارنى
 اراغە سالىب مونكداشتيلار اما قوشبكى نىنك غرضى نياز بىك نى بر نيمە
 قىلىپ كاشغرغە بىلە اليب كتمەقچى ايدى فهم ايتىب اطىنى سوسالدورغان
 بولوب آطلارىغە قامچى برىب تىز تند ياركند طرفىكا قاچىب اوزلارىنى
 كنارغە آلدىلار قوشبكى تحسین وآفرین قىلىپ دىدىلاركىم نهايتى هشيار آدم
 ايكانلار بىزنىنك رعایه خاطر بىمىزنى قىلىپ بو برغچە موافقتلىك قىلىپ كىلدى
 وباركندداكى بلە چقەلارىنى اندىشە قىلىپ ياندى وقولدىن ايش كلار

ایکان دیب پسندلار قیلدی بنه بری بو کیم تونکانی لار واسحاق خواجه
 بیلان بر کیچه دا سکیز مینک کیشی چیقاریب شبخون اورماچی بولغانیدا نیاز
 بیک مخفی کیشی چیقاریب دیدیلار کیم اوشبو کیچه سکیز مینک آدم چیقادور البته
 تدبیر و مصاحتی فی قیاسونلار موندین زیاده خدمت مینک قواوهدین کیلمایدور
 دیب خبر برکان ایدیلار قوشبکی مرغ زیرک باخبر بولوب تدارکینی قیلیب
 مرادینی قولیغه کیلتوردی واقعه سی ایلگری اوقی وینه بری بو کیم نیاز بیک
 هم اتالیق غازی بیلان تدبیردا هم کسبه و تلبیس ده هم سبق ایدیلار بر
 برلارن بیک حریفی بلکه ردیفی و بولدوزلاری موافقت لیک برجی دا طلوع اینکان
 و نجت طالع لاری برابر لیکده بر خانه دا مقام توتقان ایدی بو مناسبت دین بر
 اولکوچه ختن نی آله شهری برله مرحمت قیلدیلار برار مرتبه ختن نینک
 دخلی صرفی نیمه ایکین دیکان سوزنی اغیزلاریغه آلمادیلار بلکه خاطرلاریغه
 گچورمادیلار نیمه کی قیاسه لار صاحب اختیار ایدی باوجود موند اقلیق
 بیلان اتالیق غازی حق لاریدا نیت لاری اصلا درست ایماس ایدی بالآخر
 واقعه ناکر یزغه نیاز بیک بی تمیز باعث و سبب بولدیلار واقعه سی انشاء الله
 العزیز تحریر تافقوسیدور حاصل الکلام نیاز بیک کا ختن نی بردیلار خالمان
 پانصدنی امیر اشکر و ملا حاجی ترابنی قاضی عسکر قیلیب بردیلار عنقریب
 امیر اشکرنی آلدی و آندین قاضی عسکرنی الیب عذاب الیم و شکنجه
 سقیم لارغه مبتلا ایلادیلار تاریخ بر مینک ایکی یوز سکسن اوچ قوی بیلی ماه
 شوال اون سکیزی ابردی ارکان دولت برله کاشغر دارالسلطنه سیغه مراجعت
 قیلیب و تورت منزل یسول یوروب عزیز جلادنی یوق ایتی سببی بو کیم
 ختن شهر یغه همه دین ایلکاری حاجی پادشاه خزینه لاری محافظتی کا کیرکوزگان
 ایدی حق عسکر به کا خیانت قیلیب ایکی یوز یامبو مخفی قباغان ایکان
 جریمه سینی ذمه سیکا قویوب وینه موندین ایلکاری اتالیق غازی حق لاریدا

نېت لارېنى بوزوب بزرگ خانتورمىنى دلالت قىلغان ايدىلار واقعه سى عزيز
 جلادنى جلااد دېماك كا باعث ولى خان تورم ابلكارى كليب كاشغرنى محاصره
 قىلىپ كلّه مناره قىلغان لارىدا جلااد بولغان ايكانلار بزرگ خان تورم قوشبىكى
 بىلان ابتدا كلكانلارىدا اوشدىن بىلّه كليب خدمت قىلىپ ايدى اصلى بىنكحصار
 آدمى ايدى نېت لارېنى بوزدى جزاسىنى تافتى ھىراھدى خىواه بىخشى لىق
 وخواه بىمانلىق نىھىن بو زراعىتكاھ عالمى اىچرە ساچسە لار حاصلنى آخىرتدە
 البتە كوركوسىدور ھىم بو عالم بى بقادا كورماين ولدىنى تانىماين عالمى
 بقاغە كىماس ايكانلار الھى اوز كرمىنىك والتفاتىنىك برلە ھىمە بىندە لارىنىكى
 راست يول طرفىكا باشلاب واىكرى ناھىوار يول لاردىن ساقىلاب ھىدوسىكا
 عدل دور عدالتىنىك ساپەسى وھىمايتى اىچرە مھفوظ ومصون قىلغى سىن آمىن
 انە مھىب الداھىن بجرمە سىد المرسلين .

ھاجى پادشاھ اھوالى و واقعاتى شىمە بىيانى

نقلى دوركىم ھاجى پادشاھ اسم لارى ملاحىب اللھ مفتى اىكان آبا واجدادلارىدىن
 تارتىپ خىن ولايتىدا شىرە شىرىف خىدمتىدا عملدار بولوب شىرىعت نىنىك
 رواج لىقىغە سەئى كلنوروب شىرە شىرىف ھىكىمىنى اجراقىلىپ كلكان آدم لار
 اىكان اوزلارى ملا ومىتى صالح ومىدىن كىشى اىكانلار ھىرلارى اىچىندا بى
 طھارت بىركا باسماغان خىواه ھىزر وخىواه سفردانماز تھىجدىنى ترك اىتماكان ونىص
 شىب دىن تارتىپ كوزى اوىقوغە مېل اىتماكان آبا واجدادلارىدىن مېراث
 قالغان زىمىن دىن بىر فرچە زىمىننى اىشلاب كىتمەن چاقىب وقوش ھايداب
 واورمە اوروب كدىمىن قىلىپ لقمەء ھىلال بىمەن دىب اوزلارى ھىركىت وتىردى
 قىلىپ بولغان ھاصلنى ھىص اوزلارى قوت لايموت واوزھاجتى كا ھىم شونىنىكىدىن
 صرف ايتور اىكانلار ھىمدار اخوندلار و بىكىلار بىلكە ھىمە مسلمان لارىنىكى
 چاى ونان لارىنى اىچماس وبىماس اىكانلار بىر بىركا بارسەلار بىر چاچوشدا

چای نی بر آدمی کوناریب باریب اوز چایلارینی ایچیب یانور ایکانلار اما
 زماندا بر توغرادین آقسوغه گلکان ایکانلار آخوند و بیگ لار اویلاریغه
 فاتحهغه باریب دور و بر چایجوش چاینی کوناریب باریب اوز چایلارینی
 ایچیب دعا و فاتحه قیلیب یانیب دور و اول عصردا آقسودا ایشان جان حضرت
 خلیفه لاریدین اقسولوق هادی خلم سجاده نشین و قایم مقام همه کا مقتد او پیشوا
 ایکانلار مفتی مذکور فاتحه کا کریب هادی خلم چایلارینی ایچمای اوز
 چایلارینی ایچیب یانیب دور بعضه لار ایتیب دور کیم هادی خلم هم پرهیزگار
 و متقی دورلار نه سبب دین چایلارینی ایچمادیلار دیکانیدا ایتیب دور کیم
 آری راست و متقی و مقتدا ایکانلار اوزلاری عرق پیشانه قیلیب کتمن چایب
 حاصلی دین یماس ایکانلار و هر آدم نذر نذورات عشر و زکوة دیب
 کلتوروب برسه لار اشخانه لاریغه صرف ایتور ایکانلار ککش نینک نذریکا
 کوز توتقان آدم البته طمع دین خالی ایماس لار ینه بری بو کیم البته
 اوزلاری نصاب زکوة بولغایلار صاحب نصاب بولغان آدم عشر زکوة
 یماکلاری شرع شریفدا روا ایماس دور بولوجه دین چایلارینی ایچمای اوز
 چایمنی ایچتیم دیب جواب برکانیدا همه لار آفرین قیلغان ایکانلار ولیکن کت
 یمین قیلیب عشر زکوة اتنی موافق شریعت ادا ایلاکان دهقان اشرف لار
 اوی لاریدا آش طماق بولسه لار بلا توقف تناول قیلور ایکانلار عملدین بی کار
 بولوب حرمین شریفین زیارتیکا هـ ازم بولوب مراد و مقصود لاریغه یتیب ایکی
 حرم شریفده یته یل استقامت قیلیب مجاور مکه معظمه و مدینه منوره حاصل
 ایلاب شهر و شهر لاریغه کریب تماشا ه لار قیلیب مزار مشایخ لار و سید علما و فاضل
 کبرالار بولسه لار زیارت قیلیب دعا لارینی الیب یانیب ککلیب اوز وطن
 مألوف لاریدا تورغان حالتدا کوچا خواجه لار اسلام آچیب و جام جنگی داخاقان
 اهلی مقاومت لیک قیلالمای چانلارینی جایلاغان لاریدا ختن حاکی علیش

حاکم بیک نینگ اوغلى نيمور غزنجى بىك هم قاشقان ايكانلار اوج تورت
 كون اقسو مضافاندا مېنى توروب همە بولغان واقعه لارنى آنكلاب بېلىب ختن غە
 بارغانىدا بو حادثه لار احوالاتنى ختن اهلى انكلاب بېلىب بولارنىنگ هم اسلام
 آچا دورغان وخطايلارنى يوق قىلا دورغان خيال لارى مستولى بولوب ويورت
 فقرالارى هر برى مصاحت قىلاشيب وكيمنى باش قىلامىز دىب بالاخر مصاحت
 حبیب الله مفتى حاجى غە قرار تاقىب همە بسالاتفاق سلاطين ماضيه لار رسم
 قاعدە لارىچە آق كىكز اوستيدا اولتورغوزوب پادشاه كوتارىب كافرلارغە قول
 قويوب اوچراغاننى اولتوروب اسلام اچىپ دور خواه خطاي وخواه تونكان
 همە لارىنى نارسىدە بله لارىچە قويماي اولتوربدور اما تخت سلطنت دابر قرار
 بولوب حكمرانلىقنى جارى قىلىپ رهيه فقرالار حمايتى غە سەى سبب لار
 كوركوزوب تورغان حالده شىخ خواجه ياركندىن حجى غزنجى بىكنى بوزغون
 لشكر وتونكانى لار برله حاجى پادشاه اوستىكا ايبارىب بى جا ونا ملايم سوزلارنى
 مندرج ايلاب خط ايباركان اوچون كونكلارىغە اغبر كليب الديلارىغە عسكر
 بيلان اوغلى عبدالرحمن خان صدورنى چىقاردى جدل ماجرالار بولوب كوچا
 لشكرىنى قوچوروب تولا آدم لار ضايع بولدى وصدور خان غە اوق تىكىب
 عالم باقى غە رحلت قىلدى باوجود مونداغ لىق بيلان هم كمال انصاف دين بو
 اسلام غە وبو دولت عظمى غە باعث و سبب بولغان كوچالىق خواجم لار ايدى
 مبادا اسلام آجما سه لار بىزلارنىنگ حد يارايىمز يوق ايدى ينه برى خاقان
 چين نىنگ اوبدان تىچ آدم لارىنى اولتوروب يمان آدم لارى بىله شريك بولوب
 يعنى تونكان بيلان موافقت لىك قىلىپ يورت سورا بدور بول وجه دين انابت
 ويىعت قىلما دىم دىب تولا سوزلارىنى قىلىپ ينه كونكلارىدە مايىل بولوب
 احمد ميراب بىك باشلىغ اللىك نچە آدمى بوزغون تارتىغ وپيشه كش لار بيلان
 اغه خان خواجه الديغە بىباردىلار خوانخواجه ملاقات ايتىمادىلار بو واقعه

وقوعی دین ایلیکری مذکور اوغلی عبد الرحمن خان فی بوزغون تارتیق و پیشه کش
بیلان مدد و اعانت تیلاب خوقند دار الاماره خدایارخان خدمت لاریغه یباردیبار
وینیب باریب ملاقات حاصل ایلاب بر نجه کون توختانیمب پیشه کش و ترتیق
ضیافت و مهمانداریق اوتکاندین سونک عبد الرحمن خانغه صدورلوق منصبی
مرحمت ایلاب آط یراغ یرلیغ لار برله سرافراز قیلدی و آدم لاریغه طون سروپا
تنکه و طلا عطا ایلادی و حاجی پادشاهغه هم اوز لایق لاریدا سروپا و سله کلاه
یراغ و اساعه لار سوغات قیلدی و میر بابا داد خواه فی امیر لشکر قیلیب ایکی
یوز بیکت همراه ایلاب و میرزا بابا بیگ حصارینی میرزا باشی قیلیب اللیک
بیکت قوشوب صدور خان برله ختن کا مانکدوردیلار اما بولار کاشفرغه کیلسه لار
قوشبکی یارکنند اوستنده حام الدین خواجه بیلان اوروشوب تورغان هالتی ایکن
یارکنندا ملاقات بولدیلار میر بابا داد خواه فی بیکتی بیلان و میرزا بابا بیکنینک
بیکتی فی قوشمکی یارکنندا الیب قالدی اما میرزا بابا بیکنی ایکی آدمی
بیلان صدور خانغه قوشوب یرلیغ و سوغات لارینی تافشوروب ختن کا مانکدوردیلار
میرزا بابا بیکن کا حاجی پادشاه مناسیب جای مکان تعیین لب توشوروب هر کونلوک
وظیفه مقرر قیلیب عزت و اکرامنی بجا کلتوروب و مناسیب یردین اویلاب
هم انیس و هم جلیس قیلدیبار قدیم خطای شهرینی عسکر خانه دیب انادی
وکنه اوردا عالی بنا قیلدی و مسجد خانقاه لار تعمیر قیلدوردی و ختن اهلی
شهر صحرا وکنه کچیک ابر و خاتونلارغه احکام شرعی جاری قیلدی و اون آدمغه
بر آدم فی خلفه قیلیب توهمید باری سبحانه صفت لارینی توقسان توقوز فرض
و نماز روزه زکوة و حج و علم خبض و نفاس قناریق مسئله مسائل لارینی همه لاریغه
تعلیم یریب باد آلدورتوب و اوقوتوب کروپ ضبطلار کور کوزدی کویا بنه
یاشدین بتمیش باشیغچه لیک همه لار مکتب خان بله لارینکلیغ سبق و مسئله لارینی
تکرار قیلور ایدیلار هر جمعه کونی کته مسجدغه اوزلارینی جودا کونساریب

بارور ایدی و نمازغە تورغانلاریدا الئە دین اون ایکی آدم کتە قیلنچ لارنى
 برهنه و بیلانکاچ لاب حاضر بر آدمنى چافا دورغان مانند بولوب قابم واوره نورار
 ایدی رکوع و سجود قیلماس ایدی ایما و اشارت برله اوقرغان بولغانلار
 احتیاطلاری بولغای لارکیم نماز ایچندە بر دشمن قصد قیلیب ضرر زەمت
 تیکورماسون دیکانلاری بولغایلار بولطریقەدا احتیاطلیق پادشاه یعقوب بیگ
 غازی بارگاه فلک اشتباه لاریغە اوز ایغلاری برله قدم رنجە قیلیب باریب نیمە
 آفت و بلالارغە دوچار اولدی واقعه سی اوتی اما ختننى مصر دیب حکم قیلدی
 ایکی رکعت جمعه نى اوقودی احتیاطا نماز فشین نى و سنت لارینى اوقوتما دیلار
 وینه ختن دا بر مثقال شرعی آق تنکە ضرب قیلدوردی بر یوزبکا لاله الا الله
 محمد رسول الله نى ضرب قیلدی و بر طرفیکا ضرب ختن لطیف دیب سوقتوردی
 لیکن اوغری لارنى نافسه لار اولتورماککا اصلا تأخیر قیلما دیلار نقلی دورکیم
 بر آدم بر کتمن نى صحرا دا اوغورلاغان ایکن اقرار قیلیب و کتە توف نى برکا
 کوموب و آغزی نى اوستون قیلیب داری قویوب فاخته بند قیلیب مذکور
 اوغری نى توف نینک اغزی اوستونیده اولتورغوزوب اوت بریب دور مذکور
 اوغری نى دارو کوتاریب تورت سانى نى تورت فرچه قیلیب هواغە الیب
 چیتیب خلائق لار کوزلاریدین غایب بولوب یینه یانیب توشوب دور شول کونى
 جمعه کونى ایکن جمعه دین کین بوایشنى قیلغان ایکابلار گروه گروه خلائق لار
 کوروب همه نینک یوراکی چیتیب لرزه لارکا کایب دور یینه بر آدم صحرا دا
 قوناق لیق دین آلتە باش چوروش قوناق اوزوب آلغان ایکن الیب کلیب
 سوراب اقرار قیلدورتوب دارغە اسپ دورلار سهل غنه کتە برله بر آدم خونى نى
 ضایع قیلور ایدی آدم اولتورماک لیک کا اصلی خیال قیلماس ایدی اوزلاری
 قری اغزی لاریدا تیشلاری یوق ایدی اما لیب نى تیشلاماک همانا هر چوک
 آدم بولاسه تأخیر قیلماى یوق قیلور ایدی یارلیغ قیلد بیلارکیم صحرا صحرا دا

دهقانچیلیق قیلغان آدم کتمن اوراغ قنارلیق اسبابلارینی دهقانچیلیق قیلغان
 یرلاریدا ناشلاب اویلاریکا کلیب قونوب ایرتکان باریب ایشلارینی قیلسون
 وایشیکلارینی آچوق قویوب یاتسون ودکانلارینی آتاسون دیب یسارلیغ
 قیلدیلار ضبط مملکت و سیاستنی حددین اوتکاردیلار اکر تفصیلی برله بیان
 قیلنسه اوقوغوچی وایشتکوچی لارغه ملالیت لیک رو برکوسیدور ختن اهلی غه
 حوادث یوز کلتوروشیدین ایکی آی مقداری ایلکری بر کچه دا حاجی
 پادشاه نینک توشی بوزولوب اندیشه قیلیب اورنیدین توروب و سلام دین سونک
 علماء معتبر و فضلا معتبرلارنی حاضر قیلیب و کورکان توشلارینی بیان ایلاب
 دیدیلار کیم توشومدا ختن اهلی نینک باشلاری یوق و تنلاری بار توش
 کوروب دورمیز تعبیری نیمه بولسه کراک دیکانلاریدا همه لار حیران بولوب
 تفکر دا بر نرسه ایتالما ی تورغانیدا حاجی پادشاه دیدیلار بو توش تعبیری
 ختن اطرافیدا کی تمام مئمره و غیر مئمره درختلارنی آدم بوی مقداری قویوب
 کسپب کله قیلیب آتسونلار شاید تعبیری اشبو بولغای دیب حکم قیلدی همه
 علماء و امرالار تحسین لار قیلیب بول سبب دین ختن اطراف لاریدا کی خواه میوه لیک
 و خواه میوه سز کلادرختلارنی آدم بوی مقداری قویوب کسپب کله قیلیب دورلار
 اما بو قسمی تعبیر و تدبیرلاری تقدیرغه موافق توشمای حاجی پادشاه رعیه
 و فقرالار باش و کللاریغه قضا و قدر دین نیمه حادثه و بلالار روبردی شمه ذکر
 قیلندی اما آبا واجدادلاری خصوصاً اولارنی درویش لیکنی کسب ایتیب درویش
 پرهیزکار اتانیب همه کا پیشوا و مقتدا بولغان ایکانلار لیکن یورت دارلیق و سپاه
 کرچلیک دقیقه علمیه لاریدین بی خبر ایکانلار ینه برلاری درویش لیک برله
 سپاورچیلیک جمع کلمه کلاری ممکن لاقوع دورلاز ایلکرتین بر پادشاه عالیجاه
 خدمت لاریدا ملازم بولوب سپاورچیلیک علمین کسب ایتیب اصالت فید ا قیلغان
 بولسه لار ایدی بو حوادث لار تدارکیکا بر علاج تدبیرلار قیلور ایدی بولوجه دین

تاریخ کتابلاریدا ذکر قیلیب دورلار کیم قدیم آبا واجدادلاریدین اولوغ بولوب
 اصالت پیدا قیلیب یورت دارلیق و حکمرانلیق قیلیب کلکان آدم لارنی و یا
 اولادلارینی تاقیب تخت سلطنت دا اولتورغوزوب بیعت و اطاعت قیلور ایکانلار
 و بولارنینک قدم شریف لاری اثرانیدین فقرالارغه امنیت و یورت غه جمعیت لیک
 حاصل بولوب و پادشاه نینک هم دزلت و حکومتلاری امتداد اولوب مؤبد و مخلص
 بولور ایکان مبادا اولاد و احفادلاری فقر و فاقه کوچه لارغه زمان و زمانلار توشوب
 قالغان بولسه لار مو بر حکومت و دولت کا چیقسه لار یورت دارلیق ایشنی حد
 افراط و تفریط مرتبه سیکا ینکورمای حد وسط مقامی دا تدبیر حکومت و ترفیه
 رعیتنی اوز جای و مرکزیدا بر قرار و استوار ایلاب اوز اصلی نی تاقیب
 کنار ایکانلار کل شیء یرجع الی اصله مضمونی شریف بولار شأنی لاریغه موافق
 و مطابق کلسکو سیدور عونى عولاسه بولور قدیم عوچن بیله دیکان مشایخ لار
 مقوله لاری بولغابیلار و گچیک یاشلار اویونلاریدا اتانک نیمه چن دیکاندا اتانم
 دهقان دیب ایتقاید ابار دهقانچایق نی قیلغین و اتانم تیمور چی دیسه لار تیمور چیلیمکنی
 قیلغین دیکانلاری مواصلا بیکار سوز ایماس دورلار موندین معلوم بولادور کیم
 هر آدم آبا واجدادلاری کسب و هنرلارینی اوزلاریغه لایق و سزاوار کوروب
 خداوند کریم برکان و عطا ایلاکان ناز نعمت لار شکرینی بجا کلتوروب اوز
 مرتبه و مقام لاریدین زیاده و بی اندازه قدیم و استقدام کلتوروشدین احتیاط تمام
 و پرهیز مالاکلام کورکوزکایلار مبادا اوز مرتبه و درجه لاریدین قدم لارینی
 بلند کورتاریب ایلکرکی حالین اونوتوب فراموش قیلسه لار انداغ آدم لارکا
 اول یتارکیم حاجی پادشاه غه یتى .

نظم

اورکانایدیب قارغه کجلیک مانکاشین اورکانالمای اونوتی اوزمانکاشین
 حاجی پادشاه نینک آبا واجدادلار روش اوزی نینک درویش لیکى کم کتماس

دولت و توکانماس راحت ایردی قدرینی بیلمادی اونکان عمر واحوالاتی غه فشیمان بولوب عار بیلدی اما ایزداب تفالمادیلار و کین کی پادشاه لیق کیم بیوفا ایردی اوز قامت والالاریغه سزاوار و لایق کوروب سویوندی و کنماس دولت غه اولاندیم دیب مغرور و فریفته بولدی اما اهل عیال و چونک کچیک یاش و قوم قرینداش کلاً الله شهر ختن قرا قاش بلکه اوز جانلاری و باشلاریغه پادشاه لیق بر بلای عظیم و دولت لاری قضای الیم مثال و مانند بولوب همه لار جانی نیست فنا مفاکی قهریکا دوچار اولدی .

جناب بدولت غازی آقسو و کوچا تسخریدا مرکب سورکانی و بر حمله دا نچه شهر فتحی نمایان بولغانی و مراد باغچه لاریدن غنچه لار اوزوب اوز مکرگاه لاریغه مراجعت ایتکانی و واقعہ لار روبرکانی بیانی

فطانت آگاه و دیانت دستگاه لار ضمیر دل آگاه لاریغه خفی و ستیر قالماغایم انداغ روایت و حکایت لار قیلادورلارکم اول وقتا که جناب اتالیق غازی ختن و یارکند کاشغر و ینکحصار مرالباشی و توابعانلاری برله مسخر ایلاب ختن غه نیاز بیکنی یارکندغه محمد یونس جان شغاولنی کاشغرغه آلاش بی نی ینکحصارغه حامل خان تورمنی مرالباشیغه حکیم خان تورمنی حاکم بالاستقلال ایلاب فارغ البال بولوب یکت و سر بازلار حرکت و نرددی یراغ واسامه راسلاماق آماده سی برلان بولدیلار بو آوان معدلت انتظامده اوشطرفاندین بر نچه آدم لار کوچالیق خواجه لار اطاعتی دین قایتیب اتالیق غازی حمایتی غه اولانیب آقسو طرفیکا ترفیب قیلدیلار و آقسودین عبدالرحمن دادخواه و عبدالله دیوان بیکی لار تکلیف لار قیلیب عریضه بردیلار و کوچادین توخته ایشکاغه بیک بو شهرلارنی من الیب برسام دیب عده کوتاریب عریضه بردی و کوچا خواجه لار

ارالاریداکی

ارالارى داكى موافقت لىك مخلصت لىك كا تىدىل تافقان خوش خىرلارنى سمع
 معلارىغە يىتكوردىلار و آقسو كوچانى مطيع و مسخر قىلماق آرزو و هوسى
 كونكلارى صفحە سىغە يىنگى باشدىن خطور قىلدى جناب على اوزلارى بىلار
 خاصەلىق محرم يساول بولوب اوج مېنىك يىكىت امير لشكر ميرزا احمد قوشبىكى كا
 تابع اوج مېنىك يىكت امير لشكر عمر قل دادخواغە تعلق اوج مېنىك يىكت و عبد الله
 پانصد امير لشكر كا اوج مېنىك عسكر و جامه دار دادخواه قول آستىدە اوج
 مېنىك سرباز جانباز و هول دومباق كاناي سوناي توفى زمبرك جزايللار برله
 راست مھيا بولوب اسعد ازمنە و وقت مېنەدا امير لشكرنى آلدورتوب كلىب
 فرمايش قىلدىلار كىم مرالباش قورغانى بوزولغان بويونچە توروب قالدى ھمە
 قوشون نصرت نمون برله بارىب توزاتىب كلساك قىداغ بولور ايكىن دىب
 مصلحت آمىز سوز آراغە سالدىلار ھمەلار بالاتفاق تولا يىخشى بولادور دىب
 بجان دل قبول قىلدىلار تارىخ بر مېنىك ايكى بوز سكسن تورت مېمون يىلى
 ماھ محرم الحرام ايكىسى كوفى دولت اقبال برله آطلانئىب منزل بىمنزل بوروب
 مرالاشىغە كلىب چادر باركاه و خىمە خرگاهلارنى تىكتىلار تورت كون بولدى
 ھىچ امر فرمايش واقع تافمادى بالاخير امير لشكرغە دىدىلار كىم اقسو و كوچا
 غچەلىك بارىب مزار فاىض الانوارلارنى زيارت قىلىب كلساك نىمە دىسىزلار
 دىكانلار ىدا ھمەلار فرمانلارىغە بويون سونروب جان دلىمىز برله خدمت دا
 دىب خدمتكارچىلىقنى اظهار ايلادىلار امير لشكر ميرزا احمد قوشبىكىنى ايلكرى
 مانكدوردى غازى پانصد برله ھىم باتور باشىنى جفاول قىلدىلار اما ھر امير
 لشكر كا سكردين پانصد تعيين قىلدى و توغ پىراق انعام ايلادىلار ھر امير لشكر كا
 ايكى التون جبندوق لوق يتو آط و آلتە كموش جبندوق يتو آط مرحمت ايلادى
 ھر پانصد كا ايكى كموش جبندوق لوق يتو آط مھربان بولدى امير لشكر
 آلدىلار ىدا و پانصدلار آلدىلار ىدا مذكور التون جبندوق و كموش جبندوق

آطلارنى يتولاب صولت كا اليب يورور ايديلار هر امير لشكر وپانصدلارغه
 تعيين لب بركان قارى مرتب امام لارى آلديلار يدا كلام اللهنى حمايل قليب يورور
 ايديلار هر امير لشكر نينك دبدبه وسمه سه لارى كويا كته بر عظيم الشان پادشاه
 بر ابر يدا ايدى امير لشكر وپانصد لاز ترتيب و صولت لار ينى بر بر بيان قيلماقغه
 قلم تىلى عاجز و فكر وهم لارى ناچيز ايديلار اوشبو صولت برله مرالباشيدى
 اطلانيب جيلانغه كىلدى بر دولاننى توتوب اليب سوز سور اديلار كيم يولدا
 خواجه لار نينك چرىك لارى باره و ديب جواب بردى كيم باى دى موضعيد ايكى يوز
 چرىكى باروساى اريق موضعيد ا اللىك چرىكى بار ديب معلوم قىلدى ماهيتى نى
 قليب باى دى نينك آياغى بيلان كچه لب يوروب كليب مذكور پانصد سحر دا
 خواجه لار نينك چرىكى ياتقان يردىن اقسو طرفىكا اوتوب كوچا چرىكى بى خبر
 ياتقان حالتى ايكان همەنى توتوب بايلاب بنده قليب مرالباشيغه اليب يوردى
 كنهسى توخته خلفه نى سياست دىن اوتكار ديلار اما چرىك لار دىن برلارى آط
 سو غارغالى چىقان ايدكان لار خبر تافىب قاچىب خواجه لارنى باخبر قىلدىلار
 ساى اريق داكى چرىك لار نيمو توتوب بنده قىلدىلار عاقبت الامر دريا
 بويىغه بتيب كلى اقسودا كى جمال الدين خواجه اوغلى يحيى خواجه نى اوج
 مينك لشكر برله دريا بويىغه چىقاردى كيمەنى تار تيب اليب حاضر ليق قليب
 اوروشوب دريا دىن اوتكار مانكلار دىب روانه ايلادى آنالىق غازى يكىتلارى
 كچهغه نظر والتفات قىلماي نه ير توغرى كىلسه دريا دىن اوتيلار و كوچا
 خواجه لار لشكر لار يغه حمله كلتورماك برله ارقه بريب قاچتىلار لشكر لارى
 فرا كنده بولدى خانى نى هر طرفىكا آلديلار غازى پانصد وهمدم باتور باشى
 قوبلاغانلار نچه اقسو شهر يغه گريب اوردا اوستىكا چىقبىب زمان زمان يعقوب
 قوشبكى غازى زمانه لارى تىچ بول و خاطر جمع بول ديب جار ساليب ناغراغه
 صدا بر ديلار و بو حال نى جمال الدين خواجه كوروب اغاچەسى بيلان اوردا

آرقە سەيدىن اوزلارنى فسكا تاشلادىلار جمال الدىن خواجە بارىپ آلتون بزر كوارغە پناە قادی واغاچەسى نىنك فونى چىقىپ بر ادم اويىكا اوزىنى آلدی كروه كروه فوج فوج قوشون نصرت نەمونلار كارناى سورناى صداسى وقوشون نصرت قرىنلار علاسى وسرباز جانبازلار تماشاەسى برلە جناب اتالىق غازى ارکان دولت وحكەمران سلطنت واقبال مؤبد برلە اقسو شەرىغە نزول اجلال قىلدىلار اوشبو ەيندا جمال الدىن خواجەنى توتوب اليب كليب جناب اتالىق غازى باركاهلارىغە اليب كىلدىلار بر نچە معابت وسرزنىشلار قىلىپ جريمەلارىغە عفو قىلماين سوروب ياركندىغە روانە ایلادی بو جمال الدىن پادشاهنى ياركنددا حاجى پادشاه برلە ەمخانە ەمخوابە قىلدىلار اقسو شەرى وصحرا ەمەنى تابع ەمەتقاد ايتىپ فارغ البال بولدىلار اما چىلاندىن خواجە نظر بىكنى باش قىلىپ ەمؤمن يوزباشىنى اوتوزسكىز بىكىنى بىلان اوشطرفانغە فرمايش قىلىپ دىدىلار كم اوشطرفان اهللى خواجەلارىدىن ەخواجەلار يورت خلقى دىن زىرىكىپ تورغان برهان الدىن خواجەنىنك بىزلارغە اەتمادى بار مذكور خواجەنى اوغلى برلە آزار برماى دواتخانە عالىغە اىبارىپ يورت دىن خبر اليب تورونكلار دىب روانە ایلادىلار خواجە نظر بىكلار اوشطرفانغە يتىپ بارىپ يراغ اسامە حەزىنەلار ەآشاقلار آچقروكلارنى تافشوروب اليب برهان الدىن خواجەنى ەاوغلىنى ەاوچ آدمى بىلان اقسوغە مانكدوردى ەمؤمن يوز باشى بىكرمە كوچمن آدمى برلە بوخواجەلارنى اقسوغە اليب كليب مناسب جايفە توشوردى اوچ كون مەمان ەضیافتلار قىلدى ەتورتونچى كونى خواجەلار جناب اتالىق غازىغە دعا قىلساق دىب بقدر احوال تارتىق پىشەكش راسلاب ملاقات حاصل ایلادىلار خركاهلارىغە اليب كرىپ دستورخانلار سالىپ كىمخواب تون سلە ەكلەلار برلە سرفراز ایلادىلار القصە اتالىق غازى اقسوغە داخل اولوب حكىم خانتورمىنى اقسوغە حكىم قىلىپ باى ەسىرام مضافاتلارىغە مرەمت ایلاب

سیورغال قیلدیلار همدم باتور باشی نی باتور باشی قیایب بردیلار ختن لیک
 ملا عبدالله آخونی قاضی کلان قیلیب یرلیغ و منشور برله ممنون قیلدیلار
 برهان الدین خواجهنی اوغلی برله کاشقرغه ایباریب محمود خواجه حضرت
 خانقاهلاریغه تافشوردیلار پانصد تاشخواجهنی ایکی یوز اللیک بیکتی برله
 بایغچه لیک چغاول قیلیب ایلمکری مانکوردیلار بولار بایغه بربریم تاش
 مقداری سای لنگر دیکان منزله یتیب بارغانید! کوچا طرفیدین ابراهیم توره
 و باقی توره طالع خلفه لار باش بولوب ثورت مینک لشکر برله چیقیب کلیب
 تاشخواجه مذکور باشلیق بر یوز التمیش بیکتی قوشقامی موضعی دا نابود
 قیلدیلار و ایکی آیدین کین مذکور تاشخواجه نینک اوستخوانی نی ینه بر معتبر
 آدم بار ایکان ایکولان نینک اوستخوانلارینی دریاغه بایلاب نازه قیلیب و خلتنه
 الیب کاشقرغه الیب حضرت افاق دا دفن قیلدیلار چرا که آدمی معتبر
 و اعتبارلار جمله سیدین ایکانلار مذکور کوچا لشکری شول طریقه دا آرقه
 یاندوروب چوغه دیکان منزل دین اوتکوروب چوغه نی ازلاریغه منزل قیلیب
 یاتیلار و بوزغون لشکرلاری یقه اریق دا توختاب تاغ لاریچی و دهنه دهنه لاری
 آدم بولوق تورمه قیلیب قویوب تولا آدم لارنی ضایع و نابود قیلدی و تریک
 قولغه توشکانلارینی تراکک اسیب آستیدین اوت قلاب کباب قیلیب
 نابود قیلدیلار بو حال لارنی جناب اتالیق غازی انکلاب غضب اتش لاری طغیان
 قیلیب بوزغون سرباز جانبازنی قیل قویروق قیلیب فرمایش قیلدیلار و آرقه دین
 اوزلاری ارکان دولت برله رکاب ظفر قرینغه ایاغ قویدیلار امیر لشکر
 و فانصد بیکیت لار جناب عالی غضب اتش لاریدین قورقوب بیکباره آط قویدیلا
 چوغه نی الیب یقه اریقغه یتیب باردیلار بیکیت لار باشلاریغه کلکان حوادث لارنی
 بالمعاینه کوروب طاقت لاری طاق و غضب لاری ما لایطاق اولوب سای نینک
 لبیده انداغ قنال وجدال واقع اولدیلار کم اولکان اولوکلار مرده سی سای

تاشىدىن تولوۋ زىيادە يانىلار اخرا الامر قوشون نصرت نمون غالب كىلدى
 كوچا لشكرىدىن ابراهيم توره باشلىغ ارغنه لارى جانىنى جايلاپ قاچتى وقالغاننى
 توتوب بەغزە لارىنى سياست دىن اوتكار دىلار وبعضە لارىنى نظر بند قىلىپ
 آقسوزە اليب كىلدىلار اما كوچا لشكرىدىن اوج مېنىك دىن زىيادە هلاكت كا
 يتىب دور وبيكىت لاردىن سىز يوزدىن تولاراقى ضايغ بولوب دور بو حىن دە
 جناب اتالىق غازى خىمە وخرگاه لارىنى يقە اريق موضعىدا برپا ايلاپ نزول
 اجلال قىلدىلار كوچا طرفىدىن يىنە خوانخواجە جام الدىن خواجەنى باش قىلىپ
 تورت مېنىك لشكرى بىرلە مانكىدوردىلار جام الدىن خواجە بايغە كىلىپ اوراشا
 دوزغان تقاضاسىنى قىلماي بلكە ايل ومنتقاد طرىقنى اوزلارىغە لازم وواجب
 يىلىپ حرىضە قىلىپ بارگاه معلاغە روانە ايلادى حرىضەسى يتىپ كلكانىدا جناب
 عالى نھايتى خوش وخرم بولوب آلدىلار يىغە محرم چافتوردىلار يتىپ بارىپ جام الدىن
 خواجەنى اليب كىلىپ ملاقات حاصل قىلدوردى جام الدىن خواجەدىن زىيادە خوش
 بولوب تون سرپاوسلە كلاە خرچى وطلا انعام واحسان ايلاپ بىزلار كوچانى اليب
 سرانجام قىلىپ كاشقرغە يانىپ بارغۇچە كاشقرغە بارىپ تورتسونلار بىر نان تابىساق تىك
 برابر دىب وعدە و عىد قىلىپ ملازم قوشوب كاشقرغە روانە ايلادى اوفوا
 بالعهود مضمونىچە عهدلارىغە وفا قىلىپ توره لار قىتارىدە سورن وغلە و سرپالار
 بىرىپ ايكى يىل عزت واکرامنى بجا كلتوردىلار آندىن كاپىب حضرت آفاقغە
 تاشلادىلار اما جناب عالى يقە اريق دىن اطلانىپ منزل بىمنزل يوروب قزىل موضعى كا
 بارىپ پانصد خىر محمد توفىچى دارنى جغاول قىلىپ كوچاغە مانكىدوردىلار و كوچا
 طرفىدىن خانخواجە يىنە بر مونچە لشكرى چقارغان ايكانلار بر حملە بىرلە هزىمت
 ايتىلار اندىن يوروب كوچاغە بارىپ تصرف قىلىپ شمال باغ موضعىدا مقام
 توتوب جناب عالىغە حرىضە مانكىدوردىلار قراب توردىلار و آرقەدىن جناب عالى
 دىدبە و عىسەسە صولت و سلطنت بىرلە كوچاغە داخل اولوب شمالباغ استىدا بولاق
 باشىدا خىمە خرگاه لارىنى تكىپ نزول اجلال قىلدىلار ملازم بىكىت لار كرىپ

خانخواجہنی توتوب الیب چیقیب ملاقات قیلدیلار غضب و سرزنشلار قیلیب
جریمه لاریغه عفو قلمین سوروب مناسب سرپا وتون بریب اوردالاریغه
کرکوزدیلار ملازم بکیت لارنی همراه ایلا دی اما اوردالاریغه کریب قولیغه
قیلنج الیب بر محرمنی چاقیب نابود قیلدی ینه ملطیق قیلنج کوتار برب یوکوروب
منینک لشکرلاریم قیان کتکن بواند جانلیق و قیچاق لارنی اوروب اولتوروب
شوردین قویلاب چیقارمای سنمودیب قیقا س مشوقوم لار سالیب وصفیل اوستیکا
چیقیب هر طرفیکا سک دیوانه دیک یوکوروب یوردیلار بولو قنده بکیت لاریدین
بریمو یوق ایدی همه جانی نی جایلاب قاچقان ایدیلار بو حال احوالنی جناب
بدوات انکلاب بیلیب بکیت لار کیرکوزوب توتوروب الیب چیقیب یوق
قیلدیلار خان خواجه انی سی جلال خواجه بر آدم عدتیدا کی خانوننی امریغه
آغان ایکان بلکه عقدیدا ایکانلار وفخرالدین خواجه شریعت امر احکام لاریغه
بویون سونمای قاضی مفتی لارنی چیقاریب و دشنام قیلغان ایکانلار ائمه * مجتهدین
رضوان الله علیهم اجمعین حکم لاریچه عام الاردین فتوی الیب و فتوی مضموننی
خواجه مذکورلارغه اعلام قیلیب و کناه لارینی اوز اقرارلاری برله کردنلاریغه
قویوب عبرت عام اوچون قتل قیلدیلار و ابراهیم توره مذکورنی هم قتل
قیلدی ملازم معتمدلار قویوب خانخواجه خزینه دفینه یراغ و اسلحه توف زمبرک
همه پادشاهلیقغه تعلق اشیا کذالارنی خطلب دولت خواهغه تافشوردیلار
قولدین نارتیب بوالته شهر خطایلار خزینه لاری و یراغ اسلحه لاری خوانخواجه
خزینه لاریدا جمع بولغان ایدیلار همه سی جناب عالی دولتخانه لاریغه انتقال
تافتیلار همه نی کاشقر دار السلطنه سیغه الیب یوردیلار کوچانینک کاربارنی
سرانجام ایلاب اسحاق خواجه کوچاشهیار بکور کورلاغچه مرحمت ایلاب حاکم
بالاستقلال قیلیب ایکی آی مقداری کوچادا استقامت قیلیب مزار فایض
الانوارلاریغه نذر نذورات ادا ایلاب و مستحق لارغه صدقه لار بریب و ختم کلام

شريف قىلدورتوب ثوابنى ارواح مطهرات لارغە بىخشش ايتىپ اسعد ازمنه
 واشرف ميمنه دا كاشغر دارالسلطنه سيغە مراجعت ايتىلار كو چادىن اقسوغە كليب
 بر آى مقدارى توروب اقسونينك كته لارىدىن باقى مفتى اخون محمد عبد الله
 ايشكاه بىك وقاسم قاضى بىك باشلىغ اون يتە اويلوك آدمنى اق اويلوك قىلىپ
 ياركندغە جوناتىلار واقسودا كى مزارات متبركات لار حقى لارىدە كلام شريف ختم
 قىلدورتوب وكنكرو نذر نذورات وصـ قەلار اوتكارىپ وداشلار ينى قايناتبىپ
 غريب و مستحق لارغە بربىپ و دعالار ينى اليب اوشطرفانغە قراب ركاب نصرت
 قرينغە همواره اولدىلار واشطرفانغە داخل اولوب بكرمه كون مقدارى توروب
 علاء الدين بىكنى محمد بابا توقسابغە سركار قىلىپ بربىپ قاقشال يولى بىرلە
 كاشغرغە روانه بولدىلار منزل بمنزل يوروب آتوشقە بر منزل قالغانىدا سوغون
 قراول موضعيده برسيلاب دهنه سينا قوشون نصرت نمونلار نزل اجلال قىلغان
 ايكانلار اما كچه كچه دا هوا بوزولدى ورعد و برق لار صدا بر كالى توردى بول
 ائنادا چىزى غنه يمغور هم ياغدى پروا قىلمادىلار نصف شب بار ايدى سيلاب
 بلا تاغ دهنه سيدىن چىقىپ كليب خزينه توفى خانه و آط اخماق وتيوه قوشون
 سر بازان بازو بازار جى فلترجى لارا كثرلار ينى كوتارىپ كنىلار وتولاسى هلاكت كا
 وفلاكت كا دوچار اولوب يوق بولدىلار اما جناب عالى باركاه معلالارى بلندليك
 زمين دا ايكنلار سيلاب اثراتى يتمادى لار خزينه لار و براغ اسامه لار وضايع بولغان
 بىكىت سر باز بعضه لار ينى بر كونلوك و بعضه لار ينى ايكى كونلوك بىرلارغە
 كوتارىپ كتكن ايكانلار ايزداب بارىپ تافىب آلدىلار وتولاسىنى تفالمادىلار
 و بو حادثه عظمى واقعه سنى جناب عالى اصلا معلوم و اشكار قىلمادى بلكه بىلدورماي
 قالغانلارغە تون سروپا سلە و كلاه آط براغ لار انعام واحسان لار عطا ايلاب
 سرفراز قىلدىلار ميزان فصلى اولى ابدى كاشغر طرفىدىن نچه يوز ايشك لاردا
 قاغون و تر بوز بىل يەمىش لار اليب چىقتىلار هر قاغوندىن جناب عالى اوز قول لارى

بیلان تیلیب اوزلاری بر تیلیم الیب بیب باقیمانده سنی کنه کچیک یکیت
 سربازلارغه خلق دلسوز بخشی سوزلار برله بخشیش و عطا لاریب دل لارینی
 رام و کونکل لارینی صید و بی آرام قیلدیلار و آندین یوروب کاشغردار الاماره
 تختکاهیدا بر قرار و پایدار اولدیلار تاریخ بر مینک ایکی یوز سکسن قورت
 میمون بیلی جمادی الاخیر یکره ایکی سی اپردی و کاشغردا مزارات لارغه هم
 نذر صدقات لار اوتکاریب غریب بیوه بیچاره دعالارینی الیلار امیر لشکر
 و پانصد یوز باشی بیکیت سرباز چونک کچیک همه لارغه یرلیغ و منصب قون
 سروپا تنکه طلا بخشش و عطانی حد دین زیاده ایلاب بی نیاز و بی حاجت
 قیلدیلار امیر لشکر میرزا احمد قوشبکی دین کاییب محفی قیلدیلار و بزرک خان
 تورمغه اون مینک طلا بریب بدخشان یولی برله حرمین شریفین زیارتیکا
 عازم قیلدیلار و اون ایکی آی مقداری ایچنده یار کند ختن اقسو و او شطرفان
 کوچا و کولاغجه تصرف لاریغه کبرکوز دیلار مغولستان مملکتیغه مالک و صاحب
 بولوب همینی یقلم قیلدیلار

اول شهر یار نیکو اخلاق و خالق خلاق لطف عمیمی برله
 جناب آتالیق غازی یعقوب بیگ یته شهر مغولستانغه
 استعلا تافقانی و عدل بساطین یایغانی و خلیغه رومغه الچی
 باریب یرلیغ و فایزه حاصل ایتکانی واقع هایلده رو برکانی

بیانی

احباب عقیدت کیش و ارباب خیریت اندیش ضمیر معلالاریغه ظاهر و باهر
 اولغایکم سخن سنجان و موزون طبعانلار بولطریقده دا حکایه و نقلی قیلادور کیم
 اقسو و کوچا تسخیری و تخلصی دین سونک ارکان دولت برله انالیق غازی بدولت
 و بخت مؤبد دار السلطنه کاشغره نزول احلال الیب فارغ البال و مرفه الحال

اولدىلار بو مغولستان مضافاتى اىچرە خصم وعدوانلار بىر طرف بواوب ھىمەلار
 اطبعوا اووا الامر فحواسى شىر يىچە امر واطاعت كىرىنى بىل لارىكا محكم و مستحکم
 بايلادىلار اوشبو قىشنى بواطرىقە بىرلە تىج لىك وامنىت لىك بىرلە اونكاردىلار
 بىل آيرىلدى وبھار كۈنلارى كىلدى و كل رىحان بوزمىن تىرە خاكدان دىن
 باشلارىنى كوتاردى كاشقەر واقسو ياركند ختنلارده ايش خانە قىلماققە فرمايش
 قىلدىلار بولچەلە دىن زر كرلار آلتون كىموش بىرلە كسە كىم تىردان يوكان
 قوشقىن وپوشتان و آط جىبىدوقلارى راسلادىلار وتمورچى ملطىق شاف قىلج
 اوزانكو يوكان قنارلىق ھىر نرسە كە تىمور بىرلە راست موپا بولور ايدىلار طيار
 قىلغالى توردى وقزانچىلار كتە وكچىك توف وچاچمە اوقلار راسلادىلار
 و خىطالار كىخواب تە طلاطوار بىقصب شاھى ادرس بنارس چىت چكىن يكنك
 لازىچى يتكالى توردىلار وپوستىن دوزلار بواغان كشت سلاوسون توكى كورفە
 ومىانە جىبەلار ورومچە جقە يشم تىلكلار طيارلاغالى مەبا بولدى وموزە دور
 ساراجلار ھىر نوع اوتوك كسە وتىردانى يوكان قوشقىن اوزانكو باغ وپوشتان
 يتكالى توردى يغاچچى وقونداقچى مېخچى وقويمەچى قنارلىق ھىمە اھل كسبەلار
 ھىر بىرلارى اوز ھىرلارىغە موكل بولدى وخوقند خانلارى ايشخانە لارىدىن چقان
 اوستاد ماھر وكامللارنى آلدورتوب كلىب ملە خان ناملارىدا طلا سوقتوردى
 و بىر طرفدىن مس فل قويا دورغان ھىركت وترددلارىنى قىلىپ واوانك خان
 ناملارىدا فل قويدىلار ھىر كسبەلار اوستىندە اوستە باشى تىعىن لادى وھىمە اوستا
 باشىلار اوستىندە ايش باشىنى مقرر ايلادى ھىمە كاسب وھىر مىندلارغە ماھىانە
 وظىفە تىعىن قىلدى ھىچ اھلىغە زور يوق وتعدى قىلمادى ھىر آدم اوز خواھىشچە
 كلىب اوز ھىرلارىنى قىلىپ قىلغان خىدمتى كا لابق اجر ومزدلارىنى آلدىلار
 عدل ايشكىن آچتى وظلم بىدادلار سىمرغ بىنكلىغ كۈە قاف تاغىغە ياشوندى
 ھىمە فقرا و رىبەلار دعابى دولت لارىغە بى اختيار تىل لارىنى آچتىلار اما عدل

سیاست دا کمالی احتیاط قیلدورتوب فقرا ورعبه لار مالی وجانی غه لشکرلار قول
 اوزاتماسلغنی بولاطریقده ضبط و مربوط قیلدیلار کیم یارکنندین کاشقرغه
 قوشون نصرت نمون کلیب تورغان حالتی ده چولدیبن چیقیب آبادانغه یوز
 کلنورکان حین دابر کمپر مظلوم نچه طبق داقتیق یوانغه الیب چقان ایکانلار بر یوز باشی
 بر طبق قتیقنی ایچیپ کتیب دور فل بر مابدور جناب عالی یتیب کلکانیدا
 بر سپاه بر طبق قتیقنی ایچیپ فلنی برمای کتی دیب یغلاب عرض بولوبدور
 مرحمت قیلیب سوراب دور کیم قتیق ایچکان سپاهنی تونوم سیز دیکاندا تونویمن
 دیکان ایکان قوشون ایچیکا الیب ککرکانیده منا اوشبو سپاه ایدی دیب
 کورساتیب ایکان فرمایش قیلیب دورلار کیم ای انا بو بیکیت نینک قورساقنی
 یاریب کورامن اکر ایچیدین قتیق چقماسه سیزنی سویسام وبال بولمایدور
 دیکانیدا وبال بولمایدور دیب جواب برکان ایکان درحال بیکیتنی سویوب
 قرفنی یریب باقسه لار مذکور قتیق هنوز تغیر تابماغان ایکان اول بیکیت نینک
 تون سروپا ایکین ایباغ لارینی کمپر مظلومغه بریب دور وینه بو کیم جناب عالی
 آقسوغه داخل بولغانیدا بر بیکیت بر آدم نینک ایکی باغ بیده سی نی زورلوق
 قیلب الیب آطیغه بریب دور بیده ایکاس عرض بولغانیدا بو بیکیتنی تاقیب
 سویدیلا آندین کین بیکیت لار نینک حد یارای بولما دیلار کیم بر آدم نینک بر
 نرسه لاریغه زورلوق قیلاالغای یا که بازار نرخی دین فس سوراب قاتیغ سوز
 قیلاالغای و آلماق ساتماق لاریده همه بیکیت لار ملایم و شرین سخن لار بیلان
 معامله لار قیلیب نهایتی نتیج بولدیلا وینه بری بو کم جناب بدولت اقسوغه کلیب
 تورغانلاریدا مرال باشیدین اوتوب اوز فرزندلاری بر نرسه کا اوق اتیب دور
 اول طرف دا بر ایشاک اوتلاب یورکان ایکان اوق باریب خطا ایشاک کاتیکیب
 اولوب دور ایشاک ایکاسی عرض قیلیب اوشال یاش بیکیت ایشا کیمنی اتیب
 انی دیب کورساتیب ایکان قراسه لار اوز اوغلی حیدر قل بیگ ایکانلار

آلدورتوب گليب رعابە قىلماي تىباغە توتوب دور وايتىب دورلار كىم سىز من
 اتالىق غازى اوغلى بولامز دىب فقرا لار ايشا كىنى اتا دورغانمو وبى وجه
 اوق چىقار ادورغانمو دىب غضب وانشلارى طغيان قىلىپ ادب برىكان اىكانلار
 اوشبو بهانه برله رحلت قىلىپ دور امير اشكر و پانصد و امرا باشلىغ كنه كچىك لار
 دل لارىغە وحشت و لرزه قورقونج و زلزله لار توشوب همه لار توبە واستغفار برله
 يقه لار بىنى توتوب يىنكى باشدىن ابابت وانقىادىنى نازە ايلادىلار خالص كلام
 بو كىم بى وجه كىشى كىشىكا زور لوق و نعدى قىلادورغانى ايل ارالار بىندا
 و بىكىت لار اچىندا تاماما كوتار بىلدى جناب اتالىق غازى نى همه لار حاضر
 و غائب يراق و يقين كىچە و قرانگىو دىب بى جا و بىوجه هېچ ايشقه هېچ احدى
 قدم قويا المادى بلكە خاطر يغه هم آلا المادى لار خواه غايب و خواه يراق بولسون
 الان حاضر قراب تورغاندىك كوردى و بولطرىقه دا اعتقاد قىلدى اما واقع
 نويس لار هم هر زمان و هر وقت دا و هر مكان و هر جاى دا حاضر و طيار ايدىلار
 القصة يكيت و سر باز لار حسابى اللىك منكدىن اشتى و ايشخانە لارده وظيفه
 آلا دورغان اوسته و هنر مند لار اللىك مېنىك غە اولاشتى و خزىنه دفينه لار بر نېمە
 ينىك لاشتى بولوقت دا اتالىق غازى دولنى و حكمرانى مشرق حدى اوشاق تال
 و كوش شمال حدى موزدبان و ذوقى دبان مغرب حدى ايركج تام و بدخشان
 جانب حدى قرانگىو تاغ لوف و جرجان بوحد و اچچىدا كى تاغ و يايلاق و قىشلاق
 و توابعى جنكال دشت و تاشلاق خصوصا اولجه و خنیه يرزىمىن باغ راغ شهر صحرا
 كنت و قىشلاق لارنى ملازم معتمد لار چىقارىپ ساتماقغه حركت و تردد قىلدىلار
 بولجمله دىن اقسوغه محمد نظر قوشبكى ميرزا قاسم مهنرو ميرزا عزيز بخارىلارنى
 اىبارىب اقسولوق ملا عبدالله ديوان بىنكىنى مباشر كار ايسلاب خطاى
 و تونكانى لار دىن اولجه قالغان باغ زمين لارنى و بىنام جنكال يايلاق لارنى و خنیه
 يرلارىكم قديم الايام دا بو يورتلارغه خطاى اهلى والى بولغاندا آقسونىنىك

ھاکیم و ایشکاغه باشلیغ فرق الیه بیك کا هر برلاریغه چونک لاریغه کنکرو بیر
 سوزمین و کچیک لاریغه آزاراق زمین نی خنیه دین برادرغان وظیفه و کولانک
 اورنیدا تعین قیلغان ایکانلار افسوغه ھاکم بولغان کیشیکا یوز اویلوک و ایشکا
 بولغان کیشی کا التمیش اویلوک مرتبه بمرتبه کچیک لاریغه تورت اویلوک دین
 آدم لار تعین لاب دهقان چیلیق نی قیلسون و خدمتیکا سالسون دیب شانکلاب
 بریب جلد و قیلیب یارلیغ برکان ایکانلار تا اسلام بولغوچه لیک یارلیغ ھاکنی لایچه
 هر قیداق آدم مذکور منصب نی تابسه لار مذکور شانکلاب برکان یرنی تریب
 و آدم لارنی ایشلاتیب خدمتیغه سالیب کلکان ایدیلار و بویتنه شهرنیک همه لاریدا
 اوشبو قاعده و این قدیم توختاغان جاری ایدی اما مذکور آدم لارنی ساتیب
 الفان ملک درخزید قل لاری دیک یا که انا میراث قلی دیک بیلیب اوستیدا کی
 بیك لاری مذکور آدم لار دین خواه فل و خواه اوتون یغاچ السه لار و یایر تریب
 ایشلاتیب غله حاصل قیلسه لار اوزلاریغه حلال بیلیب اعتقاد قیلور ایدیلار
 و بو آدم لار یورت خلقیغه ارالاشیب اقلی کوکباشی اونیباشی مؤزین جاروب
 قنارلیق عمل لارنی هر قانچه فل بریب هم آلاماس ایدی یورت فقرا ایچند
 تامغعلیق یا نچی دیب اصلا اعتباری یوق ایدی خافان چین بو بیك لاریغه مذکور
 شانکلاب برکان یرلارنی خنیه زمین دیب اعتبار ایتار ایدی وینه خطایغه تابع
 بولغاندین کین خطای منصب دارلاری سو چیقاریب آباد قیلغان زمین لارنی
 هم خنیه زمین دیب اتار ایدی مذکور خنیه برلار و قیشلاق بایلاق لارنی
 تصرف قیلیب نورغان آدم لارکا و تعین کنت و محله لاریغه بیع قیلیب ساتیب فلنی
 دولتخانه عالیغه آلدیلار افسو تابعی اقیار کلغین تامیرزا تامی اونیباش غچه لیک
 بش لک قریق الیه تنکه فل حاصل اولدی و بای سیرام دین برنیمه کم تورت لک
 تنکه فل داخل بولدی و قالغان الیه شهر عالی و احرالی و دستوری اوشبو طریقهدا
 بولدیلار دولت لاری ارتفاعی روز بروز عروج غه یوزلانندی و دشمن لار احوالی

ذليل و خارلىق غە يوزلاندى بواۋان مەدەت انتظام دە هر طرفدىن الجىلار
 كلكالى نوردى ليكن تاشكندليك قاضى خانتورم حرمين شريفين زادهما الله
 شريفا وتكرىما زيارت لارىدىن يانيب كاشقرغە داخل اولدىلار جناب بدولت
 غازينى خليفه روم غە الجى ايبارما كليك كا دليل وترضيب قىلدىلار جناب على
 مهربان بولوب ديدىلار كيم امير المؤمنين خليفه رومى زەين بولسەلار من كيم
 اولارغە الجى ايبارىب سلامىنى يتكور سام ديب شكستە نفس ليك قىلدىلار بو
 حين دا قاضى خانتورم عريضه يتكوردىلار كيم تاشكندىنى اوروسىيە اليب كتكانيدا
 يورت نينك علماء و فضلا مندىن لارى بيزلار كا ايمدى بو يورت حرام بولدى
 ديب اطاعت و انابت لارىنى اوزلارىغە عار بىلىپ سنت نبويه صلى الله عليه
 وسام كا پى روى ليق قىلىپ هجرتنى اختيار قىلدىلار من بولجمله دين هجرت
 اختيار قىلىپ ايكى حرم زيارت على دين فارغ بولوب مراجعت قىلىپ روم غە
 كىلدىم برنچە كون استقامت قىلدىم ارکان و افاضل لارى برله هم مجلس ليك
 ميسر اولدى ديدىلار كيم فرغانه ولايتىنى اوروسىيە اليب تصرف قىلىپ دور
 اما خاقان چين ولايت لارىدىن بر مونچە مسلمانلار خاقان چين اطاعت لارىدىن
 چىقىپ اسلام اچىپ استعلا تاقىپ دور ديب انكلانيب جناب خليفه حضرت
 يارلىق قىلىپ مشرق طرفيدا كى اسلام آچقان مسلمانلار حقيدا مسجد مسجدلارده
 صلواة خمسە دين كىين رواج ليغى غە دعا قىياسون ديب يارايغ قىلىپ اوزلارى
 باشليغ مشرق طرفىكا قراب دعا قىلىپ دورلار اسلام اچىپ متصدى بولغان
 اولوغلار نامىنى حاجى لاردىن سوراسەلار بعضەلار ختن پادشاهنى ايتىپ دور
 بعضەلار كوچاللىق خواجهلارنى معلوم قىلىپ دور و بعضەلار ايله نينك سلطانىنى
 خبر برب دور متصدى بولوب اسلام آچقان كىشى نامىنى بىلالمايدور زمين
 يوزيدا كى كلاً مسلمانلار پشت پناهى خليفه روم بولغاندىن كىن زمين
 يوزيدا كى مسلمانلار باش كوتارسەلار خوش بولوب رواجى غە دعا قىلدور

ایکانلار مبادا مسلمانلارغه شکست لیک روبرکانی نی انکلاسهلار ملول وغمکین بولوب کشایش لیکلاریغه دعا قیلور ایکانلار هر امورده اطراف جوانبده باش کوتارکان مسلمانلارنی انکلاب بیلیم دفترغه خطاب قویماقلاری هر زماندا کی خلیفهلار وظیفه لاری ایکان بو مغولستان یورقی همه سی جنابنکزه قراب دورلار البته اوزونکزی معلوم قیلیب عریضه قیلماقینکز نهایتی ضرور ولایم دور دیکانلاریده اول سعادت آثا ودولت یاراعنی یعقوب بیک غازی اتالیق بخت بیدارغه معقول بولدی خاقان چین نینگ مرغوب ماللاریدین طواردوردون پاکیزه چای وچنی التون ویاهبو کموش وقلماقی وقزاقی آطالار وبر توقوز باکره پاکیزه قیز برناحینی وبر توقوز خاقان نوجوان بچه زیبا بچینی قنارلیق ترتیق وپیشه کشلار برله راسلاب طیارلاب اسعدازمنه ووقت میمنه دا حاجی خانتورم نی باش قیلیب برنچه ملازم معتمدلار خدمتیکا تعیین لب همراه ایلاب روانه قیلدیلار واوشبو کونلارده فرغانه ولایتیدین سید افاضل احرارخان تورم وسید ارولاتی داملالار خوقندین کیلدیلار نقلی دورلارکیم کوچالیق خواجهلار زمانه لاریده کشمیر طرفیدین محمد علی خان نینگ اوغلی مظفرخان یارکند مملکتیغه کیلدی اندین کوچاغه باریب وکوچادین کورلاغه بارغان حالتیدا اتالیق غازی قوشون نصرت نمون برله کوچاغه بارغانلاریدا کورلادین اورومچیغه باریب برنچه زمان فریت چیلیک بیلان عمر کچوروب تورغان هیندا ایله طرفیدین بارغان بعضه مسافر بایلار مظفرخان نی توتوب عزت واکرام نی قیلیب یورکانی نی تونکانی اولوغی لورین جا خلیفه بیلیم و آگاه بولوب کوب عزت لار قیلیب نچه صندوق جای و کموش باریب ینه هم تونکانی لار نذر ندوراتلار باریب قولیغه فل کریب اطراف لاریغه آدم لار جمع بولوب دور بو حالتده خوقندین قاچیب کلکان محمد علی خان نینگ خدمتیغه مشرف بولغان کهنه کته سپاهلار چنانچه میرزا احمد قوشبکی محمد بابا داد خواه غازی پانصد

قتارلىق مظفر خان غە خط بىرىپ دورلار كىم علاجى بولسە اقسو مضافاتى لا اقل كوچا نوابعانى غە قىم تشرىف كىلتورسە لار اوزلار يىنى خان كونارىب التە شەرغە خان قىلساق بىز ھەمە مېزىنىك اولوغىمىز و خان زادە مولايەز و خواجە مېز دىب بىر بىر آرقە خط بارغانى توردى اما آبا واجدادلارى كسب و ھنرلارى و بورت سوراب اولوغ بولماق و سلطنت دا اولتورماق آروزو واشتياق كوناكلار يىنى رام و بى ارام قىلدىلار بىر نچە فرا كندە تونكانى و مسافر نەنگانى لار بولوب جمعيت پيدا قىلدى بىر نچە بايلار حكومت طەمەيدا قوللار يىدا كى دىسمايەسىنى قرض بردى و باشقە لاردىن ھەم قرض الىپ بردى آط يراغ اسلمە طيارلاب بىكبار كورلاغە چىقىپ ناغرا كاناي قويوب كورلاغە مالك بولوب اولتوردى و كورلا ھاكىمى بىك قاچىپ كوچاغە كلىپ صورت واقەنى عرىضە قىلىپ عرضە جى كىم ايلدا ملىق دا كىك مانند ايدى دار السلطنة كاشغرغە چاقتوردى جناب عالی ھەم مظفر خان نىنك كورلاغە داخل بولغاننى انكلاب كەنە وكتە سپاه يىكەت لاردىن اندىشناك اولدىلار چىرا كە خان زادە ھەمە لار نىنك اولوغى ايدى عرىضە يىتىپ بارماق لارى برلە اسحاق خواجە نام لارىغە عنایت نامە عالی مەربان بولدىلار كىم مظفر خان اوستىكا اوز يىكەت لارىنكز برلە كورلاغە بارىپ علاجى بولسە مظفر خاننى تريك قولغە توشورونك اكر بولماسە ھەر طرىقە بىلان اوترا دىن كونارىب خدمت كار چىلىقنى كىزنى معلوم قىلغای مېز دىب عنایت نامە عالی بىتىپ بارماق ھەمەن اسحاق خواجە الدىلار يىدا كى حاضر اىكى مېنك بىكتى بىلان كورلاغە يىتىپ بارىپ مظفر خان نىنك باركالار يىنى قورشاب قوشتىلار بىر مونچە قالمىق لار ھەم تابع بولغان اىكانلار قاچىپ اوزلار يىنى يقەغە الدىلار و آز آدم برلە قاىب برا بىرلىك قىلالماي چادرلارىغە يوشوندى اطراف اطراف دىن بەادرغە اوق بىتىپ مظفر خاننى ھلاكت كا يتكوردىلار و چادر باركاه لارى اوق نىنك اثرانىدىن كويباغلىر مثالى بولوب دورلار بو واقە تارىخ بىر مېنك اىكى بوز

سکسن بش مرغ ییلى میزان فصلی ایدی واقسو ^ص حاکمی حکیم خان تورم فرمایش
 عالی برله قزیل موضعی غه باریب قرا کورسانیب حمایت یتکوزوب تور دیلار
 اما مسافر پانصد دیکه بیکیت قناریق لارنی کوچاغه کیرکوزمادی چرا که جناب
 عالی کمالی اختیاط واندیشه لار قیلغان توغرادین بو یروف فرمایش لاری بول
 طریقهدا صادر بولغان ایدی مظفر خان بر طرف بولماغونچه کاشقردا کی امیر
 لشکر وپانصد لارغه هم اصلا اظهار قیلماغان ای دیلار اما ^ص بای بولوب کلکان
 نمنکانلیک موسی کلال بای وینه ایکی آدم نمنکانی نی کاشقرغه الیب باریب
 یوق قیلدیلار مظفر خان نینک اوستیکا مظفر و منصور اولوب خاطر جمع لیک
 حاصل اولدی وانکاغچه جدی فصلی یقین لاشتی جناب ^ص اتالیق غازی قلمرویدا کی
 امر حکومت غه متصدی بولغان کلاً حاکیم ولایت لار و عملدار مباشر کارلار
 توقسان تارتیق ترددی وحرکتی غه توشتیلار هر برلاری جان دلی برله هر
 نرسه که بساط لاریده موجود بار ایدی اوستیکا قرض حسنه لار الیب و ^ص
 کوشیش لار قیلیب قدیمتی خان خانان و قا آن و پادشاه و سلطان لار رسم رسومی نی
 تجدید ایلاب تارتیق وپیشه کش لار بیله دار السلطنه کاشغر درگاه بارگاه
 معلالاریغه روانه بولدیلار بولجمله دین ختن حاکیم نیاز حاکیم بیک ^ص کز
 چارک ریک النون مینک یامبو تورت یوز اطایکی یوزی اکر افضل همه جبهوق
 وقهچین لار یغچه مهیا و تورت یوز آطده کشت بولغان سلاسون تولکی میانه
 و کورفه جبه واشیم و تلافک و نه طلا کبمخواب طوار بیقصب شاهی ادرس بنارس
 چکمن شوکور اوکرته لازم و صفتی بوغوج ویا نچرق لار یغچه طیار قریم و کون
 اوتوک لار پای تابه لار یغچه موجود بر پا ای دیلار وینه توقوز توقوز چایجوش
 خوش نقش و توقوز توقوز آب تابه چیلایچین و توقوز توقوز مس قسزان
 کفکر چوموج لاری برله و توقوز توقوز قیرمه لاهوری لکن دلخواه لار بیلان
 نظر عالی همایونلاریدین اوتکار دیلار و نچه کون ^ص نوردی هر کونلار کی بر

توقوز يامبو بر توقوز خاصه كى توان وبو خچه لارى بيلان نان اوشته محله لارىدا
 اليب كريب تعظيم تواضع لارين بجا كلتوروب ودعاى دولت ابد مؤبدلاريني
 ادا ايلاب ما يوز ايدىلار همه ارکان دولت تحسین و آفرین لار قیلیب هیرت
 انكشت لارینی دند انلاریغه محکم تیشلادیلار و قالغان بار حاکیم ولایت لار مو
 اوشبو طریقه برله بقدر وسع و طاقت ترتیق لارینی بر بر آرقه منظور نظر
 عالی ایلاب اوتکاردیلار و همه سر کرده لردین خرسند و فرحمنند بولوب هر
 برلاریغه نچه قبت دین تون و سله کلاه ی-راغ و اسلحه ویرلیغ و نشانلار علیحده
 عطا ایلاب انعام شاهانه و مرحمت خسروانه لار کورکوزدیلار و آدم لاریغه مو
 تماماً سروپا خرچ و طلاً عطا ایلاب هر برلارینی اوز یورت مفرکاه لاریغه
 رخصت انصاف ایلاب ممنون و سرافراز قیلدیلار الهی آفتاب دولت لارینی
 مؤبد و مخلص قیلغای (امین انه مجیب الداعین) وقیش و ساوق هواسی هم اوز
 وطن اصلی غه رجوع قیلدی وینکی ییل تحویل قیلدی و بهار کونلاری کیلدی و زمین
 یوزیدین نباتات لار باش کوناردی و فاخته قمرلار صداغه کیلدی و کل ریحان لار
 آچیلدی زمین صفحه سینى رنك کارنك كل لار آب تابی بیلان کویافلك چارم مثلیك
 منور و درخشان ایتی همه لارغه فرح افزالیک یوز کیلتوردی اوشبو طریقه عیش
 تماشا و فرح روح افزالیق بیلان درگاه بیچون عزو علاغه حمد ثنا و شکر
 بی منتها ادا ایلاب دعا و التجا بیلان تورغان حین دا ایشان سید قاضی خانتورم
 خلیفه روم روی زمین و امیر المؤمنین طرفیدین عزت و اکرام برله یتیب کلیب
 کاشقر دار السلطنه سیغه داخل اولدیلار جناب اتالیق غازی برله ملاقات
 حاصل اولدی اما امیر المؤمنین و المسلمین اعنسى خلیفه عبد العزیز خان
 تارتیق و پیشه کش عریضه والجی لار توغراسیدین حد دین زیاده خرسند
 و منت دار بولوب اتالیق غازی غه مر آخور باشلیق عمل بریب و بسو یته
 شهرنی روم غه داخل قیلیب اوز حمایت لاریغه اليب کته پادشاه لار مقامی دا

بیلیب التون تاج مرصع ومامع آلماس یاقوت جوهرات برله تزییب وترتیب
 بریب کوزلار قویغان وبرکنه توماق شاهی وبر تون کیم اطراف جوانب یقه
 وسینه لاریغه التون ایچره الماس یاقوت لعل جواهرات لؤلؤ آب دارلار برله
 طیارلاغان رومجه نیمچه پیراسته وبرشانی همه باغ وقافی لاریغه هم التون والماس
 یاقوت لعل پاره قیمت بها تاشلار برله تمام قنار قنار کوزلار قویغان قیلنج
 راسته وبر ملطیق همه التون ککوش سواد کاری سومبولاریغچه التون
 ککوشلار برله راسلانغان بو قسم مرغوب ومحبوب نرسه لار بیلان یارلیغ جهان
 مطاع وارد ایلاب مرحمت شاهانه والتفات خسر وانه لار برله یاندورغان ابکانلار
 اسعد ازمنه دا یتیب کلیب جناب اتالیق غازیغه منظور نظر قیلدی لار کمالی
 خوشلوقیدین غنچه ینکلیغ ایچلاریکا سیغمای کل کل آچیلیب تاج شاهی برله
 توماق عالینی باشلاریغه قویدی لار نیمچه تبرکاتنی مبارک اوچالاریغه کیدیلار قلنجنی
 بللاریغه حمایل قیلدی لار وملطیقنی قوللاریغه الیب روم طرفیکا قراب تعظیم
 تواضع برله دعالار قیلدی کویا آفتاب ماهتاب ویتنه طبقه یولدوزلاری یعقوب
 بیک غازی وجودذیجود لاریده جلوه وتابیشلار قیلدی کتیه کچیک خورده کلان
 همه مبارک بادلیق صداسینی بوکنید خضرا بلکه هفت طبقه سمادین اوتکاردی لار
 ونجه کون طوی ترتیب بریب علما وفضلا سید وکبرا امیراشکر وامراه ویکه
 یکیت وکتیه کچیک لارغه تون سروپا بخشیش وعطا ایلاب همینی ممنون وسرافراز
 قیلدی لار وآنندین کین خلیفه عبد العزیز خان اسم شریف لارین خطیب لار
 خطبه لاریکا الیب القاب ومنقبت لاری برله منبرنی مزین ایلادی وعبد العزیز
 خان اسم لاریغه طلاوتنکه وجقه لار اوردوروب حکم لارینی جاری قیلدی لار وبو
 یتیه شهرنی خلیفه روم تابعی سی دیب اتادی لار بولوقت دا تاریخ بر مینک
 ایکی یوز سکسن الننه ایدی اما بوییل یازقیش اوشبو منوال ده فارغ البال
 ومرفه الحال وخوشخرم لیک برله همه لار مالا مال اوتیلار .

اورومچى تونكانى لارى كورلا و كوچا اهلى نى جاي لار يدين
 بيجا قىلغانى و بدولت غازى قوشون مظفر برله حد
 شرق غه و تونكانى عزم رزم غه مركب سوركانى و مراد
 غنچه لار يدين مقصود كل لارين مرام و مقصد لار يديك
 اوزوب اوز تختگاه معلالار يغه نزول اجلال قىلغانى و حوادث
 و واقعات لار يوز كلتوركانى بيان و واقعه سى

ياران همواره ذات و برادران خجسته صفات ننگ ذهن متعالى در جانلار يغه واضح
 و لايع اولغا يكم ناقلان اخبار روزكارلار بولطريقه دا حكايه و قصه لار قىلادورلار كيم
 جناب اتاليق غازى نينك دولت اقبال لارى روز بروز ترقى و ترفع بلا نهايه
 اولدى اما دولت و سلطنت دا و لشكر كش ليك و ترتيب سياست دا كويا امير
 كبير صاحب قران نيمور كورا كان ثابى بولدىلار بيل اورولدى و بهار كونلارى
 كىلدى و ثور فصلى ايدى تاريخ بىر مينك ايكى يوز سكسن يته ايدى بناگاه
 طرفان طرفيدىسن و اورومچى تونكانى لار يدين اوزى بِن شى لَن شَنك بِن
 شى لار باش بولوب يكرمه مينك تونكانى آتارمن و جفار من لارنى بيله و همراه
 ايلاب كورلا مضافاتى ايجره نمايان بولدى موندىن بىر آى ايلكرى جناب
 اتاليق غازى محمد بابا داد خواهنى و حاجى ميرزانى كورلاغه فرمايش قىلىپ
 ايبارىپ ايدىلار كيم حاجى ميرزاغه كورلا دا زكواتخانه سالماق و بنا قىلماق غه
 منصور بولوب و داد خواه مذكورنى اوشاق تال مقدارى بىر كا بركنه قراول
 خانه بنا قىلىپ قراول بىكى بىلان بىكى تونكانى لار برله فاصله
 توختاتماقچى مدعالاريدا ايباركان ايدىلار بىكى تونكانى لار برله فاصله
 قىلالماق كورلا بىكى حجى بىك لار باشلغىن همه لار كوچاغه قاچىپ كلىپ
 بو خبر و هشتم انكىزنى عريضه قىلىپ عرضه جى سريع السير كم برنجى

فلک دا کی قمر ميسر صفت بنگلیغ تیز وتند وایلدامنی حاضر وموجود قبلیب
 اول بارگاه فلک اشتباه استانه معلالاریغه روانه ایلادیلار یتیم بارغاج جناب
 عالی حکیم خانتورمنی الدیداکی بر مینک بش یوز یکت بش یوز سر بازلاری
 برله تونکانی لار اوستیکا واسحاق تورم حمایت واعانت لاریغه فرمایش عالی
 صدور تافتی حکیم خانتورم فرمایش عالینی کورماکلاری برله آقسوننی
 ذکواتچی میرزا بابا بیگ بیلان قورباشی محمد سعیدغه تافشوروب حکیم
 خانتورم یکت سر باز توف زمبرکلارینی الیب کوچاغه یتیم باردیلار کوچادین
 بر فوطی مقداری قرايغاج دیکان منزلدا تونکانی لارغه دوچار بولدیلار مجادله
 ومحاربیلار بولدی واطلیق بیکیتلار و سر بازلار هر طرفدا توف توف بولوب
 مقاتله شعله وانش لاری رواج و عروج قبلیب تورغان حیندا بناه گاه اطلیق
 سپاهلار قاچتی و سر باز جانبازلار بر باغ ایچیکا کریب توف بولوب پناه قاب
 تونکانی لارنی اولتوروب اصلا یقین کلتورمای غالبیت لبق قبلیب تورغان وقتدا
 اوقلاری توکاب قالدی ناچار بی علاج بولدی اطراف جوانب دین تونکانی لار
 یتیم کلیب همهنی نابود قیلدی و کوچا شهرینی الیب اولتوردی و ایکی
 مینکغه یقین یکت سر باز ضایع بولدی حکیم خانتورم واسحاق تورم باشلیق
 اطلیق لار قاچیب اقسوغه کیلامای بای مضافانیدا توردیلار و کوچا اهلی مو
 اکثری بله جقه لارینی الیب یولدوز باغ موقور بیلان اقسوغه داخل اولدی
 وبر نجه قاچیب کلیب بیهوده سوز فیدا قیلغان آدم لارنی میرزا بابا ذکواتچی
 نظر بند قیلدی و اقسودا یکت قالماغان ایدی بولوجه دین اقسو ایچی هم
 مذذب لیک کا یوز قویدی و اقسودا کی مسافر سودا کرلارنی و سودا کر بیجه لارنی
 الیب کلیب یکت قناریدا یراغ اسلحه بریب زکواتچی مذکور کیچه و کوندوز
 قاشلاریدا ساقلاب یورت دین باخبر بولدیلار بناگاه بر آدم اینتیکم اقسودا کی
 تونکانی لار بر ایش فیدا قبلیب قویار میکی تولا حاضر لبق قیلغاندا بولادور

دېمك لارى بيلان مذكور بىكىت لارنى بو يروب هر بردا تونكانيلار بولسه اليب
 كلينكلار ديدى باريب تيج امان اوز هنر وكسب لارنى قىليب ياتقان واوز
 ايش لارى برله سر كردان تونكانى لاردىن اون توقوز تونكانى نى اليب كىلدىلار
 وبراويكا سولاب قويدى تحقيق قىليب كورسه لار تيج تونكانى لار ايكان سولاب
 قويوب ينه قويوب بر كالى احتياط قىلدى اليب كىلما سىك بولور ايكانلار ديب
 فشيما بولدى ايمدى هر نچوك كىمه بولسه لار احتياطاً كاشغرغە ايباريب تيج
 تونكانى ايكان ديب جناب اتاليق غازى عالي غە ۵-رض قىلساق ديب معقول
 كوروشوب ايكى ارا باغە ساليب وايكى بىكىت قوشوب كاشغرغە چوناتىلار
 اما بولوقت دا جناب شهر يارى غازى اتاليق كاشغر دىن اطلانيب يولغە
 چىقان وقت لارى ايكان قراقچىن غە يتيب بارغاندا كاشغر طرفىدىن جناب
 هالى آتش غضب برله كايىب تورغان حالتى ايكانلار نيمه تونكانى لار
 ايكان ديب دور افسودا كى تونكانى لار ايكان ذكوانچى قلونكز يباردى ديب
 عربضە نى توتوب بر كوچه ليك برهرا باديكى نى يول نىنك بو طرفىكا ينه
 برهرا بادا كى نى يول نىنك اول طرفىكا تارتىب سيوب آتقن ديب فرمايش
 قىليب دورا دن توقوز تونكانى بى كناه نى سيوب قويوب دور و عرض نى هم
 اوقوب انكلاماى وقولغە هم آلاماب دور بو حكايه ومقدمه دىن غرض ومدعا
 بو كيم پادشاه نىنك غضبى واتشنى بيان واعلام قىلماقدور اى ياران عزيز الحذر
 الحذر پادشاه نىنك غضبى دىن البته بصر البته پناه تىلاما ك هم لار كا اهم
 ضروريات دىن دورلار انكا غچه خبر كىلدىكم تونكانى لار كوچادا توقوز كون
 توروب بولاب تالاب يمان وقباحت ايشلار يكه مسلمان چىلبق دايره سىدىن تاشقارى
 ايدى اوزلار يغە لازيم توتوب بر كچه دا طرفانغە قراب چىقىب كتىب دور بكور
 وكورلارنى مو شو طرزە دا قىليب بلسكه كورلادىن اوتوب كىنكان خبرلارى
 كىلدى مرال باش حاكىم درويش مراخورنى بىكىتى برله تورم غە اعانت يتكورماك

اوچون آرقه لاریدین فرمایش عالی بولغان ایدیلار و اقسولوق تورم و مرالباشی
 حاکمی درویش مراخورلار کوچاغه یتیب باریب وفات بولغان بیکت لار و سر
 بازلارنی کوم دروب و دفن لار قیلدوروب کوچادا نوردیلار بولوقت جناب عالی
 غازی لشکر قیامت تأثیرلار برله اقسو مسند کاهیدا نزول اجلال بویرودیلار
 و تونکانی لار یانیب کنکان خبرلارنی انکلاب بیایب آتیش غضب لاری بر نیمه
 تسکین تافتی اما مسلمانلار جانلاری و فل مال لاری غه ایچی کویوب تولا خفه
 بولدیلار اقسولوق شمس الدین اعلم آخوننی و اوغلی به اوالدین آخوننی
 و هادی خلفه نی و محمد خطیب آخوننی اف او یلوک قیلیب کاشقرغه مانکدوردی
 اقسوننی ملا حیان میرزا باشی غه مرحمت قیلدی و اقسودا کته اوردایی عالی بنا
 قیلماق غه فرمایش قیلدی اون کون مقداری توروب نچه امیر لشکرلارنی ایلمکری
 مانکدوروب آرقه دین رکاب ظفر قرین غه ایباغلارینی قویدی حکیم خانتورم
 کاهم کایب طرفان غه بیله الیب یوردی هم بم بانور باشی میر بابا دادخواه لار غه
 غضب قیلیب خفیه و اخفا قیلدیلار جناب عالی غازی و سکز امیر لشکر و هر امیر
 لشکر کا تعیین بولغان سکزدین پانصد بیکت و سر بازلاری و اوزلاری غه خاصه لیک
 محرم بساول لار بولوب دفتر غه الینغان بکر مه بش مینک بیکت سر باز جرار طیار
 برله روانه بولدیلار اما قوشچی و فلترچی بازارچی لار نینک حسابی بوق ایدیلار
 امیر لشکر لار نینک هر برلاری کویا بر پادشاه ذی شأن و ذی شوکت ایدی
 و پانصد لاری صوات لاری بر حاکیم ولایت لار دین زیاده ایدی وینه آرقه لاریده
 قور باشی جلاد لار و میر شب غضب خواه بیکت لار و نچه عرابادا کناه کار لار و کردن لاریده
 غول و زنجیر لار نچه لاری تیمور حلقه لار برله عرابا غه باغلا غلیق پیاده و نچه لاری
 عرابا ایچنده و عرابانی تیمور سیم لارده تور قیلیب محکم لار قیلینغان و اطراف لاریدا
 آی فالتی لارینی کوتارکان میر شب لار طیار ایدی وینه بر پانصد مقداری
 قلندر و دیوانه بنکنی و بی با کانه لار توف بولوب بیراق و علم لاری برله قوشون

نصرت نمون آرقەلار يېدىن يوروب وتوشكان منزللاردا هم بر چىت بقاغه
 توشوب هر ايرته بيلان قوشون نصرت قىرىنلار آرالار يىغە كىرىب شە لله
 دىب بينوالق قىلىپ صدقە نذوراتلار اليب اوز مفرگاهلار يىدا وبابالارى امر
 اطامنى دا بولور ايدىلار جناب عالی سرفا وقتلار يىدا بولارغه هم چىندە كلاه
 تنكه وطلابخشيش وعطالار قىلىپ وهر برلار يىغە اوزلايقلار يىدا خلق ومحببتلار
 كوركوزوب دعالار يىنى آلور ايدى اما محتسب لارا احتسابلار يىدىن معفو ايدىلار
 چادر بارگاهنى تىكادورغان جاى مكانلارغه بر كون ايلكرى رسته وبازار قىلىپ
 كوشت ياغ كرونج بوغوز ويىدە نان توقاج حلوا ومرىب وقتدالت وخضراوات
 هر قسم وهر نوع دارى معجون ومفرحاتلار كه شهردا بولسەلار مو اوشبو طرىقەدا
 ايدىلار اما اوزلار يىكا خاص نچە عرابادا توخى توخوملار ونچە عرابا قوى ياغى
 وسو ياغى ونچە عرابادا تنورونچە عرابادە كىمن پالتى چوت وچراغوشمدانلار
 ونچە عرابادا چونك كچىك سوفوركى كته توغ وامير لشكر وپانصدلار دە بولوب
 ايكى بوز مشكابجى سقالار يىكىم كته مشداسونى اليب آطلىق كوتارىب يورور
 ايدى خواه سفردە خواه جنككده خواه كولدە خواه چولدە وبخواه دريادە
 مشلار يىدىن سو اصلا كم بولماس ايدى قچانكىم بارگاه عالی تىكانلار يىدا آشقان
 سولار يىنى بارگاه الدىغە سپار ايدى وتورت مینك بش مینك قوى لار وساغىن
 ايناك وموز وتوفوقلار يى همراه ايدى هر ايرته بيلان كتهلار باشلىغ
 همەلاركا يىنكى قىماقلار برله تاشتالىق شىر چاى لطيف واسىغنان وقتد توقاچلار
 وحلوا ورشاله لذىذ وشرىن طماقلار وپاكىزه خوشبوى سینه چايلار حاضر موبيا
 ايدى وبورجى خانه واشخانهلار يى ايكى قنار ايدى بر منزلغه يتىب بارغو نچە
 طباخلار يى نچە ونچە كته قزانلار دە قوى ياغى برله كرنج آشلار طيارلاب نورزان
 ايدى هر كونلار يى بر قنار يىغە نوبت كىلور ايدى اما اوزلار يىغە خاص اشخانهلار يىغە
 هر كونلوكى اللىك چارك كرنج صرف بولار ايدى بارغان همانا همە كته كچىك

محرم و بسا اول لارغه برابر اش تارتار ایدیلار و امیر لشکر و پانصد لارنپنک مو بوجی
 خانه و جایخانه لاری اوشبو حال و منوال ده ایدیلار و یورت حاکیم ولایت لاری دین
 هر کونده ایکی یوز اوچ یوز ایشکده کرنج تورت یوز بش یوز ایشکده
 و عراباده اوند بوغوز کم بولمای و اوکسولمای یتیب کلیب تورار ایدی اول
 سعادت یار کردونمدار اعنی یعقوب بیگ غازی بخت پیدار اوشبو دبدبده
 عسسه و کردارلار بیلان یوروب منزل بمنزل لارطی قیلیب بارگاه لارینی کوچا
 تختکاهیدا برقرار قیلدیلار جناب انحضرت صلی الله علیه وسلم زمانه لاری دین
 تا بو دمغچه بو مغولستان یورتیدا اسلام پادشاه لاری بو طریقہ صولت و عسسه لار
 بیلان جمع بولوب بو یول لاردا مانکنان لارینی انسان کروهی بلکه زمانه قولاقی
 و فلک کوزی کورمکان و ایشتمکان بولغایلار اما اسحاق خواجه منی کوچادین الیب
 تعلقات لاری بیلان یارکنده الیب باریب شغاول دادخواهغه تافشوروب ماهیانه
 و سالیانه وظیفه مقرر قیلدیلار و توخته ایشکاغهنی هم بیگار قیلیب یکه بیگت
 قناریدا قیلدیلار نار محمد فراوانه جینی کوچاغه حاکم قیلدیلار اندین یوروب
 کورلادا منزل مقام توتی لار حاجی میرزانی کورلاغه حاکم قیلدیلار اوشبو آوان
 معدلت انتظام ده کورلادا و کوچادا تلائیب و بولانیب کتکان و فل مال لاری دین
 اجراب فقر و فاقه لیک کوچه سیغه توشکان سودا کرلار بیغلاب بیغلاب عرض حالینی
 عرض قیلدی مرحمت ایلاب بعضه لاریغه تون سروپا بعضه لارغه فل طلا عطا
 ایلاب دیدیلار کیم سز لارغه وبال بولغانی فی افکلاب ییلدیم خزینه دین فلونکلارنی
 برامن دیب دعا قیلیب تورونکلار و میرزا چیقار امن راستی بیلان دسمایه لاری بنکنی
 مسوده خط قیلیب برینکلار انکا باقیب فلونکلارنی برسام کرک دیب فرمایش
 عالی قیلیب میرزاینی فاضل زین العابدین محمدومنی بویرودیلار و سودا کرلارنپنک
 تلانکفه کتکان دسمالارینی اغیزلاری دین چبقان طرز بدار و بخط قیلیب منظور نظر
 قیلدیلار بعضه لار راستی برله خطلاتی و بعضه لار برنی اون قیلیب کورساتی

جناب عالی غازی بدولت بالغان وغدر قیلغانین بیلیم طرفان فتح بولغاندین کین برامیز دعا قیلیب تورونکلار دیب فرمایش قیلدی خالص کلام بو کیم طرفان فتح بولغاندا دولتخانه غه برکان زکوة قتلارینی کوروب برکان زکوة لاری مقداری فل بردیلار . القصه اوشاق نسال دین یوروب قراقچین غه باریب قراقچین دین امیر لشکر عمرقل لشکر باشنی و قراشلیق پانصدلاری برله آیغیر بولاق یولی بیلان توخسون غه بویرودیلار وامیر لشکر عبد الله لشکر باشنی پانصد بیکتلاری بیله بیلانلیق یولی برله توخسون غه فرمایش قیلدی هر امیر لشکر بالاتفاق ایکی طرفیدین برابر توخسون غه تونکانی لار اوستیکا چیقنی لار جدال و قتال لار بولوب غالب کلیب توخسون نی آلدی ایکی مینک چه تونکانی بار ایکانلار ایکی یوز چه سی قاچیب طرفان غه کتی و قالغانلاری نسابود بولدی جناب عالی غازی بارگاه وخیمه خرگاه لارینی دادونک غه برپا قیلدی بر ایکی کوندین کین طرفان شهریدین بیمی غه الله مینک تونکانی براغ اساعه برله چیقیب اورشقالی توردی نهایتی قتیغ جنک بولدی بالاخر مغلوب اولوب آزغنه سی قاچیب شهر غه کپردی قالغانی یوق بولدی دادونک شمال نینک کانی و معدنی ایکانلار توختاب تورغالی بولمادی و چار بارگاهنی یاردیکان موضع غه تیکتی لار اورومچی داکی لورین جا خلیفه اون بته مینک تونکانی نامدارلارنی طرفاندا کی تونکانی لار غه یار مدد برماک ارچون ایبارکان ایکان تورت کوندین کین بو تونکانی لار بیتیپ کلیب قرا کورخانی شهر داکی تونکانی لار مو باخبر ایکانلار سکز منک تونکانی شهر دین چیقنی ایکی طرف دین تونکانی لار قوشون نصرت نموننی اوتراغ آلدیلار عمرقل امیر لشکر و عبد الله امیر لشکر لار ایکی طرفیکا چیقیب اوروش غه تور دیلار همه پانصد و یوز باش ویکه بیکتلار هر بری رستم داستان و سام نریمان دیک بهادر و دیرلیکده کارزارلاری قیلیب غالب کیلدیلار و ایکی طرف دین کلکان تونکانی لار دین آزغنه لاری اوز وطن لاری غه جاننی جایلادیلار

وتولاسى قوشون نصرت نائىرلار قوللارىكا اسير نوشتيلار همه لارنى كتكانلار
 آرقه لارىدين كلماس بولغه سالديلار و آندىن اوتوب طرفان شهربىكا بش يول
 مقدارى بردا چادر بارگاه و خيمه خرگاه لارىنى تيكتى لار و چوره اطرافىنى خندىك
 صفيل و قوقته لار و دروازه لار قىلدى همه كته كچىك يىكتنى صفيل اىچىكا آلدى
 هر كچه بش يوز آطلبى يىكت شهرنى جورولوب ساقته لىق قىلىب پاسبانلىق
 قىلادورلار بر مونچه بازارچى لار شهرنىنىك اىچىك، وا كثرى شهرنىنىك تاشىدا
 هر برلارى قار و يىغوردىن وساوق شپورغاندىن دالدا و پىناه بولغودىك بر
 طرزى مكان و جاى تعيىن قىلىب الدىلار طرفان شهرىنى محاصره قىلىب فتح بولماى
 اوزونغه تارتى هفته اون كونده شهردىن بوزغون تونكانى لار چىقىب اوروشوب
 برابرلىك قىلالماى ينه شهرغه كرىب كىلادورلار بو حالده لو كچىن لىك لار
 تونكانى برله بر بلوب اطاعت دىن يوز اوپىرودى عمرقل امير لشكر و عبد الله
 امير لشكر لارنى پانصد و يىكتى بىلان لو كچىن غه بوپىرودىلار يتىب بارىب محاربه
 و مقاتله لار قىلىب غالب كلىب آلدى خاطر جمع بولوب غذا اطماق غه اغىز تكيىب
 تورغان حالتىده عنایت نامه كلىبكم درحال حىال بولماى يتىب كلسوندىب بو
 حالده ينه اون ايكى مېنىك تونكانى اورومچى طرفىدىن كلىب قالغان ايكانلار
 مذكور پانصدلار يتىب كلىب محاربه و مقاتله كا توردىلار بالاخر بو تونكانى لارنى
 هم اوترا دىن كوتاردىلار و بو كونلارده پانصد اوغان خىر محمد توفچى دارجناب
 على دىن روگردان بلوب طرفان شهرى اىچىداكى تونكانى لارغه كرىب كنى
 تونكانى لارنى دلپىر و يورا كلىك قىلىب جنك و مقاتله غه ترغىب و تحرىض لار قىلىب
 تولا كارزارلار كور كوزدى بر كچه ده خىر محمد بوزغون تونكانى لارنى اوزلارىغه
 همراه قىلىب قوشون شهر دىن چىقىب بعضه لارى شهرغه كرىب و بعضه لارى صفيل
 اوستىكا چىقىب تورغان آوانده جامه دار دادخواه اكاه بولوب آلدىرغانداطى فو
 زمبرىك لار كا آق تنكه و چقه فللار سالىب آتىب بر مونچه سىنى قتل قىلىب و بر

نچه سېنى تريك قولغە توشوروب قتل قىلدى خېر محمد اوزلارېنى تونكانى لار
 اراسىغە آلدى لېكىن قوشون نصرت نمونى كوتارىب كىشىلارېغە يقين قالغان
 ايكان خداوند كرېم اوز محافظتى برله محفوظ ومصون توتقان ايدى همەلارى
 نذر نذورات و صدقه لار ادا ايلاب شكر بارى سبحانه جل و علانى ادا ايلادىلار
 طرفان آدم لارى اصیل لارىدىن عبدالقهار بېك و خواجه عبدالله بېك لار قوشون
 نصرت نمونلارغە بوزغون آق قرا اشلىق لار اوزغله و حاصلى دېن يتكوزوب
 برب تولا خدمت قىلدى لار جناب عالی منظور نظر يدېن بر خوردار اولوب
 هر برلارى يرليغ جهان مطاع برله ممنون وار جمنند بولدىلار حاصل الكلام طرفان
 شھرى توقوز آي كامل محاصره بولدى تونكانى لار قساق ايچندە تنك بولدى
 همەلار خانقاه لارى ايچىغە كرىب عهد فيمانلار قىلىپ ازتە دل قوشون نصرت
 نمونغە پروانە كار اوزلارېنى اورادورغانغە مصاحت قىلاشېب تورغان حالت دا
 كنه بام توف كيم طرفاندا قويدورغان ايدى و جامه اوقى كيم قزاندىك بار ايدى
 شول اثنادا مذکور توفىنى جامه دار داد خواه اوق ساليب تونكانى شھرىغە
 اتقان ايكانلار جامه اوق باريب مذکور تونكانى لار مصاحت قىلىپ تورغان
 خانقاه ايچىكا توشوب يئە آتېلىپ تولا تونكانى لارنى نابود قىلىپ بعضه لارنى زخم دار
 قىلغان توغرا دېن همە تونكانى لار دليغە قورقونچ و خشت لار توشوب دېب دورلار كيم
 بول پادشاه اولوغ كېشى ايكانلار بيزلارنىنك تمان نيت قىلىپ مصاحت قىلىپ
 تورغانىمىزنى بېلىپ بيزلارنى آتى ايمىدى بولامادى آمانلىق قىلاب كېشى چقارالى
 دېب مصاحت قىلاشېب مدعا و التجا لارېنى عيان و بيان لار قىلىپ كېشى چقاردى لار
 التجا و التماس لارېنى مېندول ايلاب مرھمت قىلدىلار تونكانى لار اولوغى سوين
 شى باشلىغ همە تونكانى لار يراغ اساحه لارېنى تاشلاب بارگاہ فلک اشتباه آلدىلارېغە
 چىقتىلار و ملازم دوات خواه لار ايب كلب ملاقات حاصل ايلادى و سوين شى
 باشلىغ همە تونكانى لارنى ضيافت لار قىلىپ و تون سارو پيا سلە كلاه لار بربىب ممنون

وسرافراز ایلاب و همه تونکانی لارنی اوزلاریغه رام بلکه میراث قل
 و دیدیک لاریدیک مطیع و فرمان بردار قیلدیلار و حاصل الکلام طرفانی الیب
 حکیم خانتورم نی طرفان غه حاکم قیلدیلار حیدر قل پانصدنی
 امیر لشکر قیلیب بردی طرفانلیق خواجه عبد الله بیکنی سرکار
 قیلیب بردی وقاضی سرخ آبی نی قاضی کلان قیلیب سر انجام قیلدیلار
 و طرفانلیق و بیید خلفه کم ذکری داستان اولده اونی و تونکانی لارا ایچیکا کریب
 تونکانی لارغه تولا خدمت لار قیلیب تولا بیکت لارنی نابود قیلغان ایدی بولتوغرادین
 و بیید خلفه نی کته کار قیلیب بای حاکمی احمد بیکن کا ایباریب عنایت نامه
 مهربان بولدیلار کیم یتیم بارغانید او بییدنی اوز قولونک برله یوق ایتکین دیب
 احمد بیکن فرمایش عالی برله مذکور و بییدنی سویدی و کچه سی نوشیده
 اولکان و بیید قولیغه فجائی الیب قوغلاب توش کوروب قورقوب ینه کوندا
 احمد بیکن اولدی امر عالی برله خاتونی بای سیرامنی اون آله ای سورادی
 آندین کین محمد امین بیکن توقسابه بای غه حاکم بولدی .

اول غازی بدولت اتالیق اورومچی سرحدیفه اطلانیب
 فتح قیلغانی و نَسَنُ خَطَّای شِی سِی کونک اطاعت قیلغانی
 و بولغان مجادله و واقعه لار روبرکانی و جناب عالی فتح
 فیروز بخت برله اوز تخت کاهیغه مراجعت قیلغانی بیانی
 یاران عزیز برادران بانمیزلارغه خفی و ستیر قالماغایکم بولطریقه دا نقلی دورکیم
 طرفان ولو کچین کار و باریدین خاطر جمع بولدیلار و اون آی طرفاند استقامت
 قیلدیلار بول ارالارده اورومچی دا کی لورین جاییه نی داود خلفه تونکانی لار
 ایچنده دا اورومچی طرفان مضافات ولایت لاریدا کویا برپادشاه عظیم الشان
 بلکه خان بالاصالة ایدی لار جناب عالی برله لشکر ایباریب نچه دفعه مقاتله واقع

و جناب عالی غه هم طرفان نی مسخر قیلغان برله نا اورومچی نی مسخر قیلماغونچه
 حساب و اعتبار بولماس ایکانلار دیب بنور فراست بیلیم قوص فصلی ایدیلار
 اورومچی رزم عزم لاری غه جزم بولدی تاریخ بر مینک ایکی یوز سکسن ینه
 ماه رجب تورقی ایدی عبد الله امیر لشکرلارنی جغاول قیلیب ایلکری مانکوردی
 و آرقه دین اوزلاری رکاب ظفر قرین غه ایاغ قویدیلار و دابانچی تونکانی لاری
 ترتیق پیشه کش لار بیلان چیقیب بیعت و انابت قیلیب امان لیق ایلادی اندین
 یوروب اورومچی سر حد یغه باریب تاغ دهنه سی و اورومچی غه کرا دورغان
 سونینک باشیده دقبانوس شهری دیکان منزله مقام توتوب صفیل خندیک لار
 بنا قیلیب یاتیلار اوروم چیغه اوتوز یول مقداری بار ایدی اما ساوق شدتی
 و شبوغان قار صعوبتی بیکت لار حالنی زبون قیلدی و بر نچه فلترچی بازارچی
 هلاکت کا یتنی بولطریقه برله یکره یتنی کون اوتی بناگاه لورین جایارلیغی
 بیلان آلتیمیش مینک تونکانی شبخون اورماق قصد و نیتی بیلان طیار بولوب
 نماز شام محله دا قوشون نصرت نمون طرفیکاعازم بولغان ایکانلار شول کچه سی قاریاغدی
 و کچه قرانکغو بولدی اما اورومچی شهری برله قوشون ارالاری تاغ و اودیر
 ایدیلار بر مونچه تونکانی لار بر اغیزغه کریب کتیب دور ینه بر مونچه سی
 بر اغیزغه کریب آیلانیب یول تافالمای حیران بولوب دور حاصل الکلام اوج
 بولک بلکه تورت طرف بولوب چیقان ایکانلار اوتوز یول یرنی اوزون کچه لارده
 یتیب بارالما ایدور بو محض خداوند کریم التفاتی بولغایلار جناب عالی نماز بامداد دین
 یانغانلار یده تاغ اوستیدین علم و بیراق کور وندی همه بیکباره اطلاندیلار باریب
 روبرو بولوب اوروشوب همه نی قتل قیلدی و بو حالتده ینه بر طرف دین
 بیراق نمایان بولدی و بولار بیلان محاربه و مقاتله قیلیب تورغان حین دا ینه بر
 طرف دین علم کوتاریب یتیب کیلدی نهایتی جنک قتال واقع بولدی بناگاه
 غالب کیلدی سر بازلار قاچقالی توردیلار جناب عالی برله اون الله مینک

يېكيت سرباز ھمراھ بارغان ايدى ھمەلار جنك گاهە كىتكەن ايدى اما بىر يوز
 محرم و بىر يوز يىساۋل و بىر يوز يېكيت جناب ھالى آلدىلار يىدا استقامت دا ايدى
 و مېرزا احمد قوشبىكى نى طرفاندا ايكانلار يىدا جناب ھالى فرمايش لارى بىرلە
 نثار معصوم حضرتىم اليب بارىب دەا قىلدورغان ايدى و آلدىلار يىدا استقامت دا
 يېكە يېكيت مقامى دا ايدىلار سربازلار قاچىب كلكانى جناب ھالى كوروب مېرزا
 احمد قوشبىكى نى بول قاچقان سربازلارنى چافىنك دىب فرمايش قىلماق لارى
 بىرلە يىتەب بارىب تورت بش سربازنى مېرزا احمد قوشبىكى چافتى موفى
 كوروب قاچقان خواھ سرباز و خواھ يېكيت لار آرقە سىغە يانەب تونكانى لارغە ھملە
 قىلدى جناب ھالى الدىلار يىدا كى محرم يىساۋل و يېكيت لارنى مېرزا احمد قوشبىكى
 گاه ھمراھ ايسلاب روانە ايلادىلار يىتەب بارىب انداغ جنك مقاتىلە و ھىر بەلار
 بولدىكىم كىم تەرىف و تەوصىف اصلا يول تافمايدورلار تونكانى اكثرى فىادە
 ايكانلار و ساۋق شەتەبىن احوالى زبون بولدى و تولا تونكانى لار ناپود بولدى
 اما برا كىز تاغ بار ايكانلار بىر مونچە تونكانىلار مذكور تاغ اوستىكا چىقىپ
 اليب اتقالى توردى و يېكيت لار و سربازلار توبىن دىن توروب اتقالى توردى اما
 تونكانىلار اولوك لارنى تاغ اوستىدىن توبانىكا يومالنىب دو كالا نىب توشكالى
 توردى تونكانى اولوك لارى نى اوزلار يىغە دالدا و قوقتە مثالى قىلىپ اولوكلار كا
 دالدا قاب تونكانىلارنى آتىب صاف قىلدى بو قىسمى اوروش جناب ھالى ارکان
 دولت لار يىدە اصلا بولمىغان ايدى اول قادر مختار جىل شانە قدرت كاملە سى
 بىرلە جناب ھالىنى غالب و دوشمن قويلارى نى مغلوب قىلىپ بىر دىلار آتلىق لار
 ازغەنە لارى جاني نى جايلاب لورىن چاغە اولاشتى و قالغانلارى ھلاكت كا يىتەب
 قار استىدا قاتى و بو قىتىم فيروز نىخت مېرزا احمد قوشبىكى نام لار يىغە بولدىلار
 مذكورغە ھىددىن زىيادە مەرھىم و التىفات لار قىلدى اما اورومچى دىن چقان
 مذكور تونكانىلار خام خىيالى بىرلە بارامىز و آلامىز و اولتورومىز اط اولاغ

آلتون كەموش بىراغ اسامەلارنى اولجە آلامىز دىب خام خىبالار بىرلە چقان
 ايكانلار بلكە بلالارىغە دىكان ايكانلارگە ابرتە بىلان آط بايلاغالى ارغامچىن
 اليب آلدىمىزغە چىقنىكلار دىب يولغە روانە بولغان ايكانلار بىكت سىر باز مظفر
 و منصور اولوب قاشقان تونكانى لار آرقە سىدىن قويلاب كىتەب بارسەلار اون
 مېنىك غە يقىن تونكانى لارنىنىك اون ياش اون بش ياش داكى بلالارى نىنىك هر
 برى نىنىك قول لارىدا بر دىن وايكى دىن آرغامچى بار دادالارى اولجە الغان
 آطلارنى بايلاب مېنىب كلكالى چىقان بلالار ايكان ھەملارنى نىست و نابود قىلدىلار
 ىنە برىكم قاقىب بارغان تونكانى لار دىن بولغان واقە و حادثەلارنى لورىن
 جا انكلاب اوزلارىغە و شەرلارىغە علاج بولور مەكىن دىب اون مېنىك چە
 تونكانى لارنىنىك اوغول وقىز نارەسىدە مەكتەب بلالارى غە كلام شرىفى نى كوتارتىب
 ھساكر نصرت مائىرلار الدىلارىغە چىقاردىلار اما ايلكرى لاپ تونكانى لارنى
 قويلاب آط قاقىب بارغان امىر اشكر عبد الله پانصد و فىض بوز باشى بەھادر
 و بىكت لار مذكور مەكتەب بلالارىغە قراماى و فروروا قىلماى آطلارغە دىساتىب
 اوتوب بارىب دروازە الدىلارىغە كلىب اوق چىقارىب تورغان ھىن دا شەرغە
 كرما سوندىب فرمايش ھالى صادر بولدىلار شەرغە كرماى آطنىنىك جلاوینى
 قارتىلار بر مونچە بىكت سىر بازلار تونكانى لارنىنىك اوغول وقىز بلالارىنى اولجە
 الغان ايكانلار جناب ھالى كوروب بو دشمن لار بلەلارىنى نىمە اوچون تريك
 اليب چىقتىك دىب اولجە الغان بىكت سىر بازنى چاقتىلار اولجە بلالارنى ھم بوق
 قىلدىلار اوشبو بەھانە برلە جىرىمە و بى جىرىمە رسىدە و نارسىدە اوغول وقىز
 بولوب تولا چونىك كچىك تونكانى لار نابود بولدىلار بول ائنادا داود خلفە
 ىنى لورىن جادىن الچى چىقتىلار كىم دا پادشاھ باشلىغ قوشون لار شەر اىچىكا
 كرما سەلار بىزلارنىنىك خانون بلەلارىمىز قورقادورلار بىزلار اطاعت قىلساق
 نىمەكى بىرلىغ قىلسەلار بجان دل قبول تونساق دىب الچى چىقتى جناب ھالى

معتول توتى لار التون كموش پاكيزه چاي وچنى طوار دور دون خاقان چين دين چقا دورخان هر نرسه كه مرغوب و محبوب موجود مهيا ايدىلار همه خزينه و دفينه لار ينى ترتيب پيشه كشلار راسلاب بارگاه معلا و فلك اشتباه الديلار يغه چقار ديلار اما اوزلارى چقما ديلار و عنذر معذرت ينى كما حقه عيان و بيان قىليب اطاعت و انقياد كمر لار ينى محكم و استوار ايلاب اكر تبغ سياست لار يندىن اوتكار امن ديسه لار جان مالم جناب پادشاه حقى لار يدا فدا و نثار اولسون و اكر كمترين قزى قل لار يغه عفو قلمين سورسه لار پادشاه باكرم دورلار ديب عريضة برلان معلوم قىلدى جناب عالى مونجه ليك كا راضى و اكتفى قىليب امان نامه بردىلار طرفانداكى تونكانى لار چونكى سوين شى نى يىله خدمت لار يدا همراه اليب بارخان ايدىلار ايلكركى قىلغان جر يمه لارى تدار كيغه نهايتى خدمت لار قىليب ايدى اورومچى غه دايىن شى قىليب آلتون كمر و كسه و ملطيق دومله پاكزه يراغ اسلحه مهربان بولوب اورومچى نى مرحمت قىلدىلار و اورومچى غه قراشليغ قوتى بى سانجى مناس و يانجى قتارليق الله شهر ايكان همه قوشوب انعام و احسان ايلاب يرليغ جهانمطالع برله سرافراز ايلادىلار و مذكور آله شهر غه دايىن شى مذكور تونكانى لار دين كيم نى لايىق و سزاوار كورسه لار لايىق لاغان تونكانى نى مذكور شهر لار غه بر دين بىن شى قىليب يرليغ لار برله سرافراز قىليب دايىن شى مذكور اطاعتى و فرمان بىر دارليغى دا قىلدىلار و دايىن شى عريضة معلوم قىلدىلار كيم من اسلام پادشاه لار قاعده قانونى نى و رسم رسومى نى بىلالمى من و عريضة لار يغه هم عاجز دور من ملازم دولتخواه لار يدىن برلار ينى تلايىمن منكا رسم رسوم و قاعده و قانون لارنى اوركا تيب تعليم برسه لار ديب عريضة قىلدىلار اما بو عريضة سى مقبول توشكاج ميرزا باشى جناب زين العابدين مخدوم نى سلام آغاسى قىليب اورومچى دا قويدى ليكن اورومچى نى نىك ساوق ليغى همه لار غه تعريف و توصيف لار دين مستغنى دورلار اما

اوشبو قیش نَن سن دا کی شی شی کون اوز آدم لاریدین هر کونلوکی بر
 یوز تیوه دا اللیک التمیش عرابادا قوشون نصرت نمون غه تاش کور
 یتکوزوب بریب تولا خدمت لار قیلدی وانی سنی هم بیکیبت چریک لاری برله
 خدمت فسندیده لار قیلدی بول حین دا شی شی کونک اوزی ترتیق و پیشه
 کش لار برله بارگاه فلک اشتباه غه یتیب کیلدی جناب عالی تولا خرسندلیک لار
 قیلدی اما شی شی کونک غه کیم کمخواب ناشلیق پاچه پوستین یک مله پا کوزه
 ملطیق والتون کمر کسه والتون جبند و قلوک آط اخماق و کته توماق انعام
 قیلدی وانی سی غه هم شبو طریقه دا التفات بیغایه لار کور کوزدی و قالغان
 چریک لار غه هم سلا و سون و تولکی کورفه و میانه جبه و تون سروپا و شم لار برله
 سرافراز قیلیب نَن سن کا جواب بردیلار و اون ایکی منک تفراشلیغ اورومچی
 داین شی دین مهربان بولدی لار حاصل الکلام اوشبو منوال ده جناب عالی
 اورومچی دا اوج آی مقداری توروب اورومچی تعلقات مضافات لارینی سرانجام
 ایلاب عساکر نصرت مآثرلار برله مراجعت قیلدی لار منزل بمنزل یوروب
 حمل فصلی ایدی قرا شهر غه داخل اولدی لار و بر نچه کون تورما غلیق نی اختیار
 قیلیب قرا شهر دا و دریا لبیده بر شهر بنا قیلدوردی و اوزلاری باش بولوب
 خشت کوتاریب خانک سوقوب خدمت لار قیلدی امیر لشکر و امرا و فضلا
 و علماء یاش و قری همه لار تورالمای صفیل سوقماق و شهر بنا قیلماق حرکت
 و تردد یغه توشتی لار عنقریب شهر نی اتمام یغه یتکوردی و بو کونلار ده قلماق لار نینک
 خاتون خانی قرا مودون دیکان قرا شهر غه یقین بر موضع دا ایکان و بولار نی
 هم اطاعت غه کیر کوزوب اوزلاری غه رام و تسخیر قیلماق قصد و نیتی دا تکلیف
 قیلغان نما کیشی لار نی چیقاردی بولار یتیب بارغاندین کین خاتون خان قرا
 شهر غه کلماک لاری غه ابا و امتناع قیلیب لامه و ککین باشلیغ بر نچه منصب دارلاری
 برله بش یوزچه قالماق لار نی جناب انالیق غازی خدمت لاری غه کیر کوزدی لار

جناب بدولت غازى مذکور کلکان قلماقلارنى توختاتىب ضیافت لار قىلدى
 هر کونلوکى رشالهای قندىن وکلنجه های قندىن وقوى باعزلیق گرونج
 آش شوله وشورپا قنارلیق مهماندارلیقنى قلماقلارغه قدر مقدارلاریدین
 زیساده اونکاردیلار وبول اراده محمد موسى توقسابه نى برمونجه بیکت لار بيله
 ایباریب خاتون خاننى آلدورتوب کلیب قرا شهرغه الیب کرمای وباشقه
 یول برله کورلاغه الیب کلیب آخوند چغان نینک حمولی سیده اولتورغوزدی
 ومذکور قلماقلارغه قلماقچه سریق لانکا وسریق دا بالارده تون لارتیکتورتوب
 طیارلاب قویغان ایکانلار همه لارغه تون سروپالار بریب جواب بردیلار اما
 بو قالماقلار خانى کیلکانى دین بی خبر اوز یورت ایل لاریغه چیقیب گتى لار
 ومذکور خاتون خان نی حاجى میرزاغه تعین لاب وظیفه مقرر قیلدى بول ائنادا
 اورومچى دین خط کیلدىلار کم نن سن دا کی شى شى کونک بوزفون چریک
 بیلان اورومچى غه باریب داین شى بیلان اوروشوب داین شى نی اولتوروب
 اورومچى نی بولاب تلاب اوز جایکا یاندى دیکان خبرناملایم سمع معلالاریغه
 یتیلاروبو خبر دین کین جناب زین العابدین محذوم میرزا باشى اوتوز تیوه دا
 چای چینى قنارلیق پیشه کش لار الیب اللیک چه تونکانى لار بیلان یتیب کلیب
 جناب عالی غازینى دعا قیلدیلار مذکور میرزا باشى داین شى طرفیدین شى
 شى کونک غه الچى بولوب بارغان ایکانلار شى شى کونک آنچه معتول توتماغان
 ایکانلار اورومچى غه یتیب کلیب منکا اورومچى آب هواسى یراشمادی جناب
 عالی عازى خدمت لاریغه تارتیق الیب بارغاج دعا قیلیب کیلسام دیب
 تارتیق لارنى یولغه چیقیب ایکی کوندین کیمین بو واقعه لار روبریب دورلار
 مونیکنکدین میرزا باشى نینک خبرلاری یوق ایکانلار جناب عالی غازى
 اورومچى دا شى شى کونک برله بولغان واقعه نی میرزا باشى مذکور غه اعلام لار
 قیلیب خاوند عالمیان اوز قدرت کامله سی برله میرزا باشى نی محافظت و حمایت

ایلاب بر بهانه و باعث لار برله ساقلاب بارگاه معلاغه ایسن امان بتیب کلکانلاریغه
 تحسین و آفرین قلیب شکر ثنا بجا کلتوردیلار چرا که میرزا باشی مذکور
 ملا و فاضل و شعرا همه بابدارسا ونجه خانلار حضوریدا میرزا باشی بولوب
 کوب عزت و آبروتابقان و جناب عالی غازی خدمت لارید امو قدر قیمتی زیاده
 منشی لیتد ارسا و دبیر لیتیدا بی همتا ایدیلار و اوز طبیعی ادراکی و ذهن چالاکی
 قوتی و محافظتی برله دیوان فضولی اسلوبیدا بر مجلد دیوان ترتیب بردی
 تخاصی مهجوی ایردی تولاپند موعظه و حقایق و معارف لارینی کم مندرج ایلاب
 دورکیم همه فاضل لار معرکه لاریندا اوقوب کوروب تحیردند انلاریغه حیرت
 انکشت لارینی تیشلاب دورلار میرزا باشی مذکور فضل فضایی فی و شعر سجع
 و قافیه لارینی هر احمدی منصف انصاف یولیدین نظر سالیب کورکاندا معلوم
 بولادور بو مقطع مذکور دیوان جمله سیدین دورلار

نظم

کر نصیب اولسه بو مهجوره طواف کعبه باش اوروب اوتکان ایشه توبه تضرع ایدام
 حاصل الکلام جناب عالی غازی کوه درر بارلاریدین بولطریقهدا التفات
 شاهانه لار کورکوزدیکم اورومچی اطاعت دین چیتسه لار لشکر ایباریب ثانیاً
 اطاعت و فرمان عالی غه کورکوزکلی بولور داین شی اولسه لارینه برتونکانی
 داین شی قلیب یارلیغ همایون برله سرافراز قیلساق داین شی بولوب کنار
 اما سیز میرزا باشی فی ایکنچی تابماق میسر بولماس ایدی دیب مرحمت
 و مهربان بولوب احسان لار قیلدیلار جناب عالی غازی قراشهر و کورلاده بولوب
 اوج ای مقداری استقامت ایلادی آندین بارگاه معلا لارینی کوبه عظیم برله
 قوزغاب ارکان دولت برله یوروب افسوغه کیلدیلار وینکی اورداینی عالی غه
 نزول اجلال قیلدیلار فرغانه ولایتدا کی خانلار اوردالاری طرح و طرزیدا
 بنا تافغان ایدی پسندلار قلیب ایش باش لاری نیاز باقی و قالغان اوستالارغه

انعام بیغایه لار کورکوزدی تاریخ بر مینک ایکی یوز سکسن سکیزموش ییلی
جوزا فصلی آخری ایدی.

جناب شهر یار عالی غازی امر عالی برله حکیم خانتورم
اورومچی تونکانی لاری اوستیکا لشکر تارتقانی وفرزند
رشیدی بیک قلی بیکنی آرقه دین حمایت اوچون
مانکدورغانی وحوادث لار یوزکلتورکان واقعاتی ومقصود
کل لاری قولغه کلیب بارگاه معلغه یوزین سورتکانی بیانی
دوستان طبیعی وباران راست تدبیری ضمیر منبرلاریغه خفی وشتیر قالمغابکم
بولطریقه دا نقلی قیلادورکیم اول غازی صاحب دولت اقبال واجلال نخت برله
اقسودارسلطنه مسند ونخت اوزره مقیم وبر قرار اولدی واقسوغه ایکی منزل
قالغانیدا کورلادین حاجی میرزادین عریضه کیلدیلارکیم برکچه دا ایکی مینک چه
قلماق لار یراغ اسامه لار برله کورلاغه کریم اوروشوب ایکی یوزچه آدمنی
نابود قیلیب خاتون خاننی الیب قاچیب دوردیکن عریضه کلدی واقعه سی بوکیم
حاجی میرزا قالماق لار مخالفتی ومخاصمتی نی بیلیب ادم و بیکت لاری برله قلماق لار
کیلادورغان دهنه ویولنی توساق اوچون اونوز یول مقداری قالی دینکان
منزله چیقیب یاتقان ایکانلار وقلماق لار باشقه یول ودهنه برله کورلاغه کریم
خاننی الیب چیقیب کتیب دولار ینه بری بوکیم نن سن دا کی شی کونک
اشکر الیب باریب داین شی نی اولتوروب اورومچی نی بولاب تلاب چیقیب
کتکان خبرلاری جناب عالی معلالاریغه ینکان ایدی واقعه وسببی اولکیم سربین شی
برله شی شی کونک اراسنده قدیم عداوت لاری بار ایکان بولوجه دین جناب
عالیغه مدد واعانت یتکوزماک اوچون بوزغون چریک الیب باریب
خدمت قیلیب سوین شی نی یوق قیلماچی ایکانلار مدعالاریدیک بولمای

سوین شی نی جناب عالی اورومچی غه داین شی قیلغانلاری دین حسد و حقدی زیاده
بولغان ایکان وینه بری جناب عالی داین شی دین شی شی کونک غه اون مینک تغار اشلیق
مهربان بولغان ای دیلار شی شی کونک حاضر آلامن دیب دور داین شی الان
تونکان فقرالار قولیدا آشی یوق خرمن الغاندا برسام دیب اینتیب دور معقول
بولمای بوبهانه برله مجادله و مقاتله واقع اولوب دور و بو آوان توامان دا جناب
اتالیق غاری اورومچی اوستیکا کوچادین نار محمد فروانه چی نی بر مینک بش
یوز بیکنی برله امیر لشکر مقامی دا امیر اشکر کاباش قیلیب مرحمت قیلدی یلار و کورلا دین
حاجی میرزانی بش یوز بیکنی برله فرمایش قیلیب اورنی لاریدا کورلا لایق تاشلان
قض بیکنی قویدی و طرفان دین حکیم خانتورم نی فرمایش قیلدی یلار اما حکیم
خانتورم نار محمد فراونه چی و حاجی میرزا محمود بیکن اورکنچی و حیدرقلی داد
خواه لار سکز مینک آدم بیلان اورومچی اوستیکا یتیب باردیلار و تونکانی لار
سوین شی اوتکاندین کین اوغای طالب آخون نی چونک قیلیب اطاعت
و فرمانیدا بولغان ایکانلار جناب عالی دین هم طالب آخون نام لاریغه داین
شی لیک منصب کلیب یرلیغ برله ممتاز بولغان ای دیلار حکیم خانتورم باشلیغ
تونکانی لار اتفاق لاری برله شی شی کونک دین انتقام آلماق اوچون عسا کر نصرت
مآثرلار برله نن سن خطای لاری اوستیکا باریب محاربه و مقاتله کا توردی کافرلار
مقاومت لیک قیلالمای کچیک نن سن نی تاشلاب چونک نن سن کا کتیلار و تورم
باشلیغ همه لار کچیک نن سن دا یوروب صورت واقع نی جناب بدولت غازیغه
عریضه بردیلار جناب عالی دین عنایت نامه کیلدی یلار کیم نن سن خطابلاری
قاچقان بولسه ایشنکلار بولماسون ایمنی اورومچی غه کر یب بوقیشنی اورومچی دا
چقارینکلار دیب فرمایش بولدی یلار و قوس فصلی ایدی فرمایش عالی برله
اورومچی غه کلسه لار طالب آخوند ین شی نی اورومچی تونکانی لاری بیکار قیلیب
بر او یکا قصاب قریوب دا و دخلغه نی اوزلاریغه باش قیلیب اورومچی غه کور کوزمادیلار

أما حکیم خانتورم لار مجادلہ و محاربہ کا توردی تونکانی لار غالب لبق قیلدی
 او جرینی جناب عالیغہ عریضہ مانکدوردیلار لیکن بهادرلار ایچندہ فیض یوز
 اش اسران قل قیچاق و تغانی قرشیق لار بهادر و مردانہ لبق دا رستم داستان
 نریمان دین زیاده کارزارلار قیلدیلار مبادا بو بهادر دلورلار بو قشون نصرت
 نمون اراسیدہ بولماسه ایدی کتہ کچیک همہ لارنینک جان نابماقی آسان میسر بولماس
 ایدی اول باره خداوند کریم اوز لطفی برله محافظت قیلدی و اندین بو بهادرلار
 مدد و اعانتی برله ساقلادی مذکور عریضہ جناب عالی خدمت لاریغہ یتیب
 بارغان همانا اقسو دین عمر قل دادخواه امیر لشکرنی و عظیم قل پانصدنی
 باش قیلیب یتى مینک لشکر برله تورم و فراوانه چی حمایتیغہ مانکدوردیلار
 و بولاریتیب باریب تونکانی لار بیلان اوروشوب اورومچی نینک شهری ولورین
 جاپای تخت لارینی تصرف قیلیب آلدیلار لورین جابر موچی تونکانی لار برله
 مناسغہ قاچیب جانی نی جایلادی اما جناب اتالیق غازی اقسودا توقوز آی
 مدتی استقامت قیلیب آندین کاشغر تخت بارکاهیغہ مراجعت قیلدیلار ربوا ائنادا
 لورین جامناسدین بوزغون چریک الیب کلیب فراوانه چی امیر لشکر تورم لار
 باشلیغ همہ عساکر مآثرلارنی اورومچی شهریغہ قماپ آلدیلار و اورومچی غہ
 قراشیق همہ التہ شهر تونکانی لاری لورین جاغہ عقیدہ و اخلاص لاری زیاده
 ایکانلار اون التہ مینک تونکانی جمع بولوب کلیب تورت ای مقداری اسلام
 لشکرنی شهر دین تاشقاری چفارهادی اما قماق کونلاری محاصره حالتیدہ بر
 علاج و تدبیرلار برله عریضہ چی نی عریضہ بیلان مانکدوروب جناب عالینی
 باخبر قیلدیلار فرزند دلبند رشیدی بیک قلی بیکنی باش قیلیب محمد کریم
 داد خواه علی بیک پانصد محمد سعید پانصد نوروز پانصد خالمان پانصدلارنی
 قوشوب بش مینک بیکت و توره قل لاور و محمد رحیم فہلوانلارغہ ایکی مینک
 سربازو عمر خواه ایشان غہ تورت چؤنک توفی تافشوروب اورومچی غہ مانکدوردیلار

اما بيك بچه هم دولت و سلطنت لاريني و لشكر كش ليك ترتيبيني جناب عالی
 قاعده قانونی برله طیار و مهیا ایلاب توف توف رسته و رسته قیلیب تجمل تمام
 برله اطلانیب منزل بمنزل یوروب نوخسونغه نزول اجلال قیلدیلار و توحضون
 ها کمی جهان دا ادخواه استقبال لاریغه چیقیب ترتیب و پیشه و نوشگون قونالغه قناریق
 خدمت کار چیلقنی بقدر وسیع طاقت لاریغه ادا ایلا دیلار جناب بیك بچه اول طرف
 احوال لاریدین کما کان و قوف و اگاه بولوب بش کون آرام الیب مقصد مرام
 ظرفیغه اطلاندیلار دبانیجی هم لورین جاغه اطاعت قیلیب تمرد و تخلف قیلغان
 ایدی دبانیجی نی آلمای اورومچی غه بارماق میسر بولماس ایدی چارناچار
 دبانیجی شهری مجادله و مقاتله سیغه شغل کور کوزدی و قریق کون بولغانیدا
 فتح نسیمی نمایان بولوب مراد و مقصد کلی بیك بچه قول لاریغه حاصل اولدی
 برمینک بش یوزدین زیاده راک تونکانی یوق بولدی ایکی یوزچه بیکیت
 ضایع بولدی و برنچه زخم دار اولدیلار دبانیجی نی فتح قیلیب اورومچی اوستیکا
 تورم و فروانه چی حمایتی غه تیز تیزیتیب باردیلار بیك بچه شهر تاشیدین تورم
 و پروانه چی لار شهر نینک ایچی دین حرکت و تردد لار قیلیب و قتیغ جنک محاربه لار
 بولوب بالاخر غالب لیق قیلیب تونکانی لارنی آلدیلار تاریخ برمینک ایکی یوز
 سکسن توقزاوی بیلی ایردی اون بش مینکدین زیاده تونکانی نی قتل قیلدیلار
 و برمینک چه بکت نابود بولدی و زخم دارلاری تورم یوز ایدی بوقتح قیرور
 بختنی عریضه برله فتحنامه قیلیب بارگاه فلک اشتباهه روانه ایلا دیلار و حکیم
 خانتورم باشلیغ همه لارغه تون سروپا تنکه و طلا آط یراغ بخشش و عطا انعام
 و احسان قیلدیلار اما اورومچی دا قالب تورغان حالتی دا بیکت احوالی نهایتی
 زبون لوق غه یوز کلتورکان ایدی و قیمت چیلیک مو نهایتی غه یتی بر جنک
 ناننی برسر کموش غه آلدی بلکه تافیلمادی آط لارغه نام لارنی بوزوب سواق
 قیلغان تامی نی سبوب سودا یوب بردیلار موزینک لیق بیلانمو بولمادی تولا

آطلار ھلاک بولدى اورومچى فتح دین سونک تورم نى طرفانغە اوز وطن مألوفلار یغە رخصت بردیلار اما بیک بجه قالغان امیر لشکر و پانصدلار برله ایکن آی مقداری اورومچى دا توروب آندین کومادی غە اطلاندى و کومادی اوستیده مقاتله لار بولدی خالی باى پانصد غە اوق تیکیب شهادت لیک درجه سیغە یتى تونکانى لار مقاومت لیک قیلالمای بالعاقت امر اطاعت لاریغە بویون سونوب ترتیب پیشه کش لار برله چیقیب امانلیق حاصل قیلدی و بورتى نى اوزلاریغە بریب برنجه کون توروب یاندیلار وینه بو کونلارده جناب عالی غازی کاشقر دین مناس غە لورین جا الدیلاریغە مرغمانلیک یحیی یوز باشینی خط و سوغات ملایم و شرین سخن مثل نبات و کلمات برله الچى طریقە دا ایبارکان ایدیلار یوز باشى مذکور لورین جا الدیلاریغە باریب الچى رسم رسومی لارینی بجا کلتوردی اما لورین جامن اند جانلیک لار خط سوزینی انکلامایمن والچى نى هم کورمایمن دیب نهایتی غضب و جهالتی دین یوز باشى مذکورنى دارغە آستی و اوج آدمى نى یوق قیلدی لورین جانینک بو قسمی فعل اطوارلارینی جناب عالی انکلاب بیلیم غضب اتش لاری طغیان قیلیم الله بیک پانصد حسام الدین پانصد و آخون پانصد باقى پانصد لارنى باش قیلیم ایکن مینک ھسکر مانکوردیلار و بولاریتیب باریب جناب بیک بجه غە ملاقات بولوب اسعد ازمندە دا اطلانیم مناس سرحدیغە نزول قیلدیلار و شهرنى محاصره قیلدی مجادله و مقاتله واقع اولدی و نجه دفعه غالب و مغلوب لوق یوز کلتوردی عاقبت الامور مناس هم فتح بولدی اما فتح بولادورغان کونلاری لورین جادارویب اوز جانى نى اوزى قابض الارواحغە تافشوردی و ملک املاک لارینی قوشون نصرت قرین غە تفویض قیلدی اوج یوز دین زیاده راک یکت ضایع بولدی و ایکن مینک دین زیاده تونکانى یوق بولدی و تونکانى لار شهرلاری ایکن نچى مرتبه جناب عالی غازیغە تعلق تافتى اما اورومچى غە تعلق الته شهرى دا جیبى

کنه کچیک غنی و فقیر تونکانی لارنی نام بنام خطاب غنی لاریغه بر منک سردین کموش
واندین کین سکز یوز سر والته یوز سر ادنا مرتبه کا اون سردین کموش
قویوب آلدیلار آندین سونک همه تونکانی لار عاجزوز بونلوق غه یوزکلتوردی
کنجه اخوندین برسالاریق تونکانی نی همه تونکانی لار اوستیکا داین شی قیلیب
الته شهر تونکانی لارینی مذکور یَن شی غه تافشوروب سرانجام قیلیب همه
قوشون نصرت نمونلار طرفانغه یانیب ترشتیلار و طرفانداکی مزارات
و شهدالار حق لاریدا کلام شریف ختم قیلدورتوب نذر نذورات لار مستحق لارغه
صدقه بریب ادا ایلاب دعا و فاتحه لارینی الدییلار اما کورلا جاکسی حاجی
میرزا بی فروالیق قیلیب قلماق خانی خانون خانی قویلدین بردی و برنجه
آدم لار ضایع بولدی جریمه لارنی کردنلاریغه قویوب کورلادین الیب کاشقرغه
الیب باریب اوج یل استقامت دا قویدی و کورلاغه نیاز محمد توقسابه نی حاکم
قیلدیلار اما نار محمد فروانه چی نی جناب عالی کهنه سپاه دیب ایلکری تورم
برله برکا اورومچی غه فرمایش قیلغانلاریدا امیر لشکر مقامید اقیلیب بلکه تورم نی
موهم اوروش وقت لاریدا فروانه چی امر فرمانیغه کرکوزوب یرلیغ برله ممنون
قیلیب مانکدورغان ایدییلار اورومچی غه بارغانلارین داین شی اوغلی طالب
اخوندین بر مونچه نقدینه لار مخفی الیب جناب عالی غه طالب اخوندنی ین شی
قیلب بریلسه تونکانی لارنینک هم طالب اخوندنی خواهش قیلور ایکان دیب
عریضه برکان توغرادین طالب اخوندنی ین شی قیلیب یرلیغ عالی صدور
تافغان ایدییلار اما تونکانی لار کته لاری طالب آخون غه اطاعت و انابت
قیلماق نی اوزلاریکا عاروننک بیلیب ایکی نجی مرتبه لورین جانی اوزلاریغه
باش قیلیب اطاعت دین ابا و امتناع قیلغان ایکانلار شی شی کونک نینک هم
سوین شی غه عداوتی قدیمی لاری بار ایکان بولوجه دین جناب عالی طرفاندا
سوین شی بیلان اوروشوب تورغان لاریده مدد و اعانت اوچون جناب عالی
خدمت لاریغه

خدمت لاریغە کلکان ایکان واقعه سی ایلکری اوتی تونکانی لار کتھلاری بلکہ عام خاص لاری داود خلفه غه عقیده اخلاص لاری حد دین زیاده ایکانلار ایکی نچی مرتبه دا نار محمد فروانه چی داود خلفه نی تونکانی لارغە چونک قبلیب بریلسه دیب عربضه برکان بولسه ایدی جناب عالی یرلیغ لاری برله داود خلفه تونکانی لارغە چونک بولسه لار جدل ماجرالار بولماس ایکان ویبکت تونکانی لار خونلاری ضایغ بولماس ایکانلار بولوجه لارنی جناب غازی عالی بیلیب نار محمد فروانه چی دین کاییب کاشقرغە الیب باریب ساق اویکاسولاب موزلاتیب یوق قیلدی رکوچاغه عایل خانتورم نی حاکیم قیلدیلار وینه اورومچی ومناس لارده بهادرلوق دادی نی برکان اسران قلنی پانصد قیلدیلار تغای قیق نی یساولغه یوز باشی قیلدیلار وفیض یوز باشی اوز پانصدی محمود اورکا نجیغه کستاخ لیق قیلغان ایکانلار بولتوغراد دین کاییب موزدا بانده بد کرده قیلیب قویدیلار وموزدا بانده قاجتی لار توتوب الیب اوز جریمه لارینی کردن لاریغە قویوب یوق قیلدیلار اما اورومچی نی کنجه آخوندغه تافشوردی تونکانی یوسف اخوند بیکت نی یسارلباش قیلیب بردی اورومچی کهنه شهردا برمینک بیکت توختاتیلار وتورت پانصد بیلان توردی قلی داد خواهنی قویدی هر ییلده ینه تورت پانصد تیکاشیلیب نوبت برله تورار ایدی توردی قلی داد خواه امیر لشکر اورنیدا توردی وتونکانی طایغه لاریمو اوز قدر مقدارلارینی تانیب بیلیب تیج لیق وخاطر جمع لیک برله اوز کسب وهنرلاریغە مقید بولدیلار تاریخ برمینک ایکی یوز توقسان ایدی جناب بیک بچه دولت اقبال برله مظفر ومنصور اولوب کاشقر دار السلطنه تختکاهیغە باریب جناب صاحب دولت غازی نینک شرف ملاقات لاریغە مشرف بولدیلار وتونکانی لار دین اولجه وبرغو طریقە لاریدا الفان مال غنیمت یامبو کوش چنی چای پاکزه لطیف لارنی نام بنام خط لب رویخط قیلیب خزیننه معوره عالیغه مفوض قیلدیلار وتونکانی

شهرلاریدا بولغان حوادث و واقعات لارنی بربر سمع معلالاری غه عریضه قیلدیلار
 پسند و آفرین لار قیایب بیک بجه نی همه قوشون نصرت نمون لار اوستنده
 امیر لشکر امیر الامرا قیلدیلار و قالغان امر او پانصد و بیکه بیکت لاو هر برلاریغه
 اوز لایق لاریدا انعام شاهانه و حرمت خسروانه لار برله ممنون و سرافراز قیلدیلار
 و مومنینک شکرانه سیغه کته طوی ترتیب بریب علما سید و کبرا امیر لشکر
 پانصد و امر او بیکه بیکت لشکر و رعایا بلکه کافهء برابا جمله غریب غربالارغه
 سروپاتون و طلا بخشیش و عطا لار ادا ایلاب و مستحق بیوه بیچاره لارغه نذر
 نذورات صدقه لار بریب و نجه قاری و فضل لار ختم کلام شریف قیلیب ارواح
 مطهرات لار و اح معلالاریغه ثوابی بخشش قیلدیلار اول مرتبه دا جناب عالی
 طرفان و اوروم چی نی الیب یاندیلار و ایکی نچی مرتبه بیک بجه باریب ثانیاً
 تصرف قیلدیلار و بول اوترا دا اوج بیل کامل اوتی و تولا خزینه دینه لار تلف
 بولدی بلکه بو شهر لار باج خراجی ینمادی خصوصاً قیمت بها کته آرغماق آط لار
 تولا هلاکت بولدی و قیمت چیلیک کونلارده بیکت سر بازلار آط کوشت لارینی
 تناول قلغان سبب و باعث لار برله اسبغ کونده در دشکم عارض ببولوب و هیضه
 بو اوب قضا و قدر اوق لاریغه دوچار اولدیلار و تونکانی طایفه لاری دین تیغ
 قهرمان و سیاست پادشاهان بلکه اول قادر سبحان ملک منان اراده و تقدیری
 برله ایکی یوزمینک دین زیاده تونکانی لار هلاکت و فلاکت غرق آب سیلابی غه
 گرفتار و دوچار ببولوب عدم شهر ستانی آباد اینیلار و مونجه تونکانی لار هم یوق
 ببولوب ینه هم تولا ایکانلار اما اوروش وقت لاریدا اولوب کتکان کچیک
 ناره سینده اوزول و قیز بله لار نینک حسابی یوق حاصل کلام بو کیم اول اسلام دین
 تا بودم غچه خطای و قلماق و تونکانی لار بله لارینی خواه سودا کرلار بطریق اولجه
 اسیر آلدیلار و بعضه لارینی اتا و انالاری سهل آشا اوزوق و نان توقاچ غه ساتی
 بلکه قورساقینی باقیب خدمتیغه سالماق غه بیکر و بلکه منت دار بولوشیب

برديلا قزلاريني چونك قىلىپ اميرلار يغه الدىلار ويانيه برو امر يغه سنت
مصطفويه طريقه لارى برله نكاح قىلدورتوب برديلار اوى تعلق توتوب بله وفرزندلېك
بولدىلار وبولاردىن توغولغان بله لار چونك بولوب آدم قنارىغه كرىپ
مسلمانلارغه آرالاشىپ كنىلار ومذكور بله لارنى مكتب غه برىپ اوقوتوب
ملا قىلىپ خط چقارىپ بعضه لار ينى هنر غه برىپ هنر بند قىلدىلار وبعضه لارى
قارى مرتب بولوب فضل كمالات حاصل ايلادىلار اول وقت دا بو الته شورد
وهر آدم لار اوى لارىده نو مسلمان خطاي قلماق وتونكانى بله لارىدىن تورت
بىن اوغول وقز اقلى بر وايكى بله بار ايدى همەلار مسلمان چىلىق دايره سىغه
داخل اولدىلار وبو يتە شهر دىن آرتىپ وتاشىپ فرغانه ولايتى وبخارى مملكتى
تركستان وبديخشان بلكه روم وهندوستان غچه اليب باردىلار تا آلان مسلمانچىلىق
ذممه سېده محكم ومستحكم بولوب برسوجاي ملك لار اليب عمر كچوردىلار
الهن رحىما اوز كمال قدرتىنك ولطف عىمنىك برله مذكور نو مسلمانلارنى
بلكه بىز جمبع (لا اله الا الله محمد رسول الله) كلمه شريفنى تىل لارىغه جارى
قىلغان بندەلارنىنك كناه كىبره وصغيره لار ينى عفو ايتىپ تانكلا مشر كاهدا
(من قال لا اله الا الله محمد رسول الله خالصاً ومخلصاً دخل الجنة) دىكان حديث
معجز بيان مضمونى لارنچه دىدار بىچون وبىچكونه جل شأنه ملاقاتى برله بر
خوردار قىلىپ جنات النعيم ايشك لار ينى بو بندەلارنىنك يوزلار يغه احسانىنك
در كاهنكدا هېچ عجب وغريب ايماس دورلار بفضله وكرمه يا اكرم الاكرمين
ويا ارحم الراحمين .

اول بدولت عالي اعنى يعقوب پىك غازىنى ايكىنچى دفعه
طرفانغه عازم بولغانى دولت عالي لارى قىيامى دىن زوال غه
مايل بولغانى بلكه افتاب دولت لار ينى مغرب سارى
غروب ايتكانى واقعه حلولى بيانى

یاران دیانت شعار و برادران محبت آثارلار خاطرلاریغه واضح و لایح اولغایکم
 بولاطریقه نقل و حکایه لار قیله دورکم تاریخ بر مینک ایکی یوز سکسان سکیز
 موش یلی و جوزافصلی اخی طرفان و اورومچی رزم لاریدین خاطر جمع بولوب
 کوبهءعظیم برله افسودار سلطنه سیغه داخل اولدی ملاجیان میرزا باشنی افسودین الیب
 کنه کار قیلیب اورینلارینی کوچالیق عبد الرحمن دادخواهغه مرحمت قیلغان ایدی
 و محمد موسی توقسابهنی سلام اغاس قیلیب ایبارکان ایدیلار تاریخ بر
 مینک ایکی یوز سکسان توقوز بقر ییلی و حمل فصلی دا بیک قلی بیک بچهنی
 جناب حکیم خان تورم حمایتیغه ثانیاً اورومچی تصرفیغه مانکدورغان ایدی
 اورومچی سرحدینی سر انجام ایلاب اون تورت ای مقدری دا تاریخ بر مینک
 ایکی یوز توقسان پلنک ییلی سرطان فصلی یانب بکلیب جناب عازی شرفی
 ملا قاتیغه موصول اولدیلار و توقسان برنجی ییلی امنیت لیک برله اوتی اما
 تاریخ بر مینک ایکی یوز توقسان ایکنچی نینک ییلی قبول دین بلکه لنجوسنک
 طرفیدین داخوو شوخونام ایکی نام دار تونکانی لاریکم ذکر می مقدمه تنه سیدا
 اوتوب ایردی اوتوز مینک دین زیاده راک آنامن و جفامن تونکانی لار طرفان
 قلمرو یغه داخل اولدی مقصد و مدعالاری اسلام آچقان پادشاه اعنی یعقوب
 بیک غازی خدمت عالی لاریغه اوزیمزنی باشلاب حمایت لاریغه کرساک همه میز
 بالاتفاق بچین خطایلاریغه مقابله بولساق دیکان عرض لاری بارینه بری بچین
 طرفیدین بوزغون خطای چریک لاری چیقیب برابر لیک قیلامای کلکان ایکانلار
 حکیم خانتورم واقف و اکاه بولوب آلدیلاریغه بوزغون قوشون لارنی چقاریب
 طرفانغه کیرکوزمادی برچت برله اورومچی و مناس طرف لاریغه اوتکاریب
 تریلنه قیلسه لار حاصل الفودیک و کنکرو زمین بیلاق لارنی کورساتیب بردی
 و دهقانچیلیق قیلماق حرکت و تردد لاریغه نوشتیلار و بوتونکانی لار قبول اهلینی
 بولاب تلاب شهر صحرا کنه گچیک خانون بله لاری برله کچوروب و آلدلاریغه

سالىب ھىداب فياده سواره برهنه واؤاره ليق برله اليب گلگان ايگانلار ھکيم
 خانتورم رحم شفقتلار كورساتيب آش اوزوقلار بربب صحرا و صحرالار
 وشهر شهرلارغه چيقارديلار وموندىن ايلكرى بلكه طرفان تسخيريدىن ايلكرى
 دايىن شى وسوين شى دىگان تونكانىلار قوملعه اوتوز مينك تونكانىلار برله
 باريب قومل وانكنى اولتوروب تاراج باراج قىليب وانك نىنك اغاچە سىنى
 وبر مونچە قومل آدم لارىنى اليب گلگان ايدىلار اما جناب اناليق غازى بو
 تارىخدىن ايلكرى لىدىن كا مليكە فرنك غە كىكرى وترىق وپيشە كىشلار برله
 عبدالصمد اشيك اغاسيدىن اشناچىلىق رابطە سىنى اظهار ايلاب ايبارگان
 ايدىلار نهايتى منظور اولوب يكرمه مينك فستانلىق ملطيق ايبارگان ايگانلار
 ھمەنى يكىت وسربازلارغه برگان ايدىلار وينە ايكنچى احرار خانتورم ومحمدجان
 باىلارنى بوزغون ترىق برله ملطيق اليب گلگان اوچون كىكرى طلا وتىكە
 ايباريب ايدىلار قىرىق مينك دوملە وكالتوس ملطيقلار ويوز آطا دا ايكى
 يوز شيرە چاى پاكيزە ھرشيرەسى يوزجىنكىدىن ايدى اليب گلگان غازى
 اناليق غە نظر منظور قىلدىلار اما مذكور ايكى يوز شيرە چاىنى شيرەلارىنى
 ياريب اورداعالى صحنەلار يغە خرمن قىليب توكتوردىلار كويابر كىتە دوبە كىوك مىالى
 بولدى امير لشكر وپانصدلار امرايىكت سربازلار بلكە كىتە كچىك ھمەلار
 مراخور بلەلارغچە اون لىكن بش لىكن اقلى بىر لىكن غچە لىك مـ رحمت قىليب
 انعام قىلدىلار ھىچ بر ملازم لارنى بو انعام عامدىن محروم قىلمادىلار اما بوچاى
 انداغ تازە خوشبوى چاى ايگانكىم اوردايچى بلكە شىر ايچىنى خوشبو ومعطر
 بلكە مانند مشك ازفر يىنكلىغ ھمەلار دل باغلارنى معطر وخوشبو قىلدىلار
 اما بولوقت دا جناب على دل اينەلارى غە يىنە برسفر قىلماق آرزو واشتىباقى
 عارض بولدىلار بناكاه فرغانە ولايتى دىن قىچاق افتابەجى طرفيدىن الچى
 كىلدىلار خلىص كلام مضمونى بو كىم ايكى مينك تونكانى براغ اساحە توفى زمبرك

برله برسءلار اوروس برله غزات قیلیب فرغانه ولایتی نی اوروسبه قولیدین
 آجراتیب السام دیب مدکور افتابه چی بر مونچه قبیجاقلارنی جمع قیلیب اوروسبه
 اطاعتی دین ابا و امتناع قیلیب برچت یقه دا کون کوروب یورکان ایکان
 ایدی جناب دولت غازی بناگاه الهام یزدانی و القاسبحانی ینکلیغ منکا اورومچی
 طرفیدا بوفیدا بولوب دور انکا اوزوم اطلانماچی بولوب قوشون
 مانکدوروب توردوم انشاء الله تعالی فات یقین ینه قایتیب یانیب کلیب
 بوزغون قوشون برله اوزوم چیقیب باریب یارمدد یتکورسام ایکی مینک آدم
 برله بوکنه یونی کوتارکالی بولماس دیب شیرین کلام و سخن ملایملار برله
 بهانه لار قیلیب الچی لارنی یولغه سالدیلار اما افتاب دولت لاری شعاعی نوری
 قیام دین زوالغه و دولت لاری عروجی و ارتفاعی تنزاعه یوز کلتورکان ایکانلار
 اسعد ازمنه و وقت میمنه دا تاریخ بر مینک ایکی یوز توقسان ایکی نهنگ بیلی
 میزان فصلی دا اطلانیب ینکحصارغه کیلدیلار و آطلانادورغان وقت لاریدا
 خاقان چین طرفیدین بوزغون فرا چریک قامولغه کلیب دور دیکان خبرلار هم
 کیلدی اما عمر قل دادخواه و جامه دار دادخواه لار باشلیغ برنچه دولتخواه لار
 عریضه یتکوردیلار کیم جناب عالی مسند عالی دین قوزغالماسه لار هر قیداغ خدمت
 پولسه بزکمینه قل لاریغه فرمایش بولسه بزلار باریب بو خدمت نی بجان دل قیلساق
 دیب عرض بولغانلاریدا سیزلارغه کاشقردا تورونکلار من اوزوم باریب کیلسام
 دیب معقول توتما دیلار سبب بوکیم جامه دار دادخواه و عمر قل دادخواه لار
 بیزار بارمای هیچ بو آلینغانی یوق دیکان ایکانلار بولوجه دین بولارنی الیب بارمای
 کاشقردا بیک بجه آلدیلاریغه قویوب اوزلاری مانکغان ایدیلار حاصل کلام
 یارکنرغه کلیب نزول اجلال بیوردیلار و یارکننددا قاضی رئیس ملا نعمان اوز
 جداعتدالیدین تجاوز و منحرف بولوب زیاده ایشلارنی قیلغان ایکان خصوصا
 برکنه حولی عمارت بلکه اورداعالی طرخنی و طرزیدا تعمیر و بناء قیلغان ایکان

سمع معلالاريفه مسموع اولوب و برکچه دا اوزلاری منحنی کزيب بألعين والراس
 کوروب ملازم لار بو يروب قاضی مذکورنی بدکرده نظر بند قیلیب اشياء
 و کدالارینی دولتخانه عالیغه تافشوروب الدی لار و ایکی یوز سرباز بو يروب
 مذکور عمارت لارنی بوزدروب زمیننی بی طهارت خانه قیلماقغه فرمایش
 قیلدی لار و سرباز لار اون بش کون مقداریدا بزور بوزوت بولدی لار و جناب
 عالی یکره کون یارکنده استقامت قیلیب دبد به صولت و کوبهء هشمت برله
 یوروب اقسودار السلطنه سیغه نزول اجلال قیلدی لار عقرب فصلی ایدی قیشنی
 اقسودا چیقاردی و اورومچی طرفیغه بربر آرقه لشکر لار مانکدوردیلار ختن دین نیاز
 حاکیم بیگ توقسان ترتیب الیب کلکان ایدی لار جواب برمادی لار توختاتیلار اما قیش
 اوزادی و بهار کونلاری کیلدی تاریخ بر مینک ایکی یوز توقسان اوچ ثور
 فصلی ایدی مقصد مرام طرفیکا عازم بولدی نیاز حاکیم بیگنی همراه و مونس
 قیلیب بیله الیب وینه حیدرقل دادخواه کریم بای میرزا پانصد شغول دادخواه
 اوغلی اسحاق جان پانصد و عبدالرحمن دادخواه نینک اوغلی حافظ بیگ پانصد
 باشلیغ اون مینک یکت اوچ مینک سرباز و توف زهبرک قناریق دبد به
 و عسکەر لاریکم شمهء ایلکری رقم قیلندی شولطریقه برله بلکه زیاده صولت
 و حشمت برله رکاب نافر مآبغه ایاغلارینی قویوب آهسته کوچاغه باردیلار
 ونچه کون کوچادا توروب کورلاغه چادر بارگاهنی برپا قیلدی لار و بو حین دا
 اورومچی داکی تونکانی لار چونکی کنجه آخوندین عریضه کیلدی کم خاقان
 طرفیدین بر مونچه خطایلار چیقیب کوجونکغه داخل اولدی دیکان عریضه ایکن جناب
 عالی بو عریضهنی کوروب راست غلطنی بیلیب کلماک اوچون تغای بساولنی
 اورومچی غچه لیک روانه ایلادی لار مذکور بساول اورومچیغه باریب یانیب
 کلیب عریضه کیلدی کم بر مونچه تره یغندی فرا کنده خطایلار کوجونکغه داخل
 بولغانی راست ایکن ذیب معلوم قیلدی انکا غچه جناب عالی کورلا دین قوزغالیب

قراشهر دین اوتوب اوشاق تالنی منزلکاه و آرامگاه قیلغان ایدیلار فراکنده
 خطایلار ایکان دیکانلاری توغرادین اوزلاری اوشاق تال دین یوزوب توخسونغه
 باریب چادر بارگاهنی برپا قیلدیلار اما کورلادا ایکانلاریدا آقسودا کی اوغلی
 حق قلی بیکنی درحال یتیب کیلسوندیب پانصد پانصدلارنی نام بنام خط لب
 عنایت نامه ایبارکان ایدیلار فرمایش عالی لارنچه جناب بیگ بچه بیگ پانصد
 محمد کریم دادخواه پانصد بچه باتور دامله بیگ پانصد و عالمبای پانصد باشلیغ یتنه
 مینک بیکیتم و اوچ مینک سر باز بولوب جمعی اون مینک عسکر برله توخسونغه
 یتیب باریب جناب عالی غازیغه دعا قیلدیلار انکاغچه جناب عالی توخسونغه
 باریب بر شهر بنا قیلدورتوب ایدیلار بیگ بچهنی شول شهر ایچیکا بیکیتم
 سر بازلاری برله توشور دیلار اسد نینک ابتداسی ایدیلار تونکانی مادالویبهنی بر مینک
 بش یوز تونکانی لاری برله عظیم قل پانصد وینه تورت پانصد قوشوب اورومچی
 و کومادیغه جونانیلار اما اورومچی دین عظیم قل پانصد بیکیتم لاری برله کومادیغه
 جونادی و قالغان پانصدلار اورومچی دا توردی قلی دادخواه قاشلاریدا توردی لار
 و بو حالدا کی جونک طرفیدین بوزغون خطای چریکی کلیب عظیم قل پانصد
 برله اوروشوب و شهرغه قصاب الیب نچه کون محاصره قیلدی بالاخر قراچریک
 کومادینی الدی و عظیم قل پانصد شربت شهادت نوش ایتی و تولا بیکتی هم
 ضایع بولدی اما زحم دارلاری جناب عالی خدمت لاریغه یتیب کیلدیلار التفات
 قیلما دیلار اما مادالویبه تونکانی لارینی الیب عظیم قل پانصد کا حامی اوچون
 مانکنغان ایبی یتیب بارالمای جی دابان دیکاندا خطای لار بیلان اوروشوب
 تولا جنک لار بولدی بالاخر خطای لارنی آرقهغه یاندورغانلاریدا عنایت نامه
 عالی باردیلار کیم خطای لار بیلان اوروشمانکلار مادالویبه یانیب کلسوندیب
 فرمایش بولدی مادالویبهنی آلدورتوب کلیب کاشقرغه یاندوردی و فرمایش
 قیلدیکم بش مینک تونکانی لار دین بیکیتم راسلاب طیار بولوب تورونک وقتن

برله من عنایت نامه برورمن انکا قراب کیلورسز دیب بر یوزچه تونکانی بیکنی
 برله کاشقرغه مانکدوردی و نیاز محمد توقسابه وحیدرقل دادخواهانی و آلتنه پانصد
 برله دابانچی غه فرمایش قیلدی و دابانچی دا شهر بنا قیلماق غه امر قیلدی
 عنقریب شهر اتمامی غه یتى همه قوشونلار کریم اولتوردیلار بواوقت ده
 داخو شوخولار اورومچی و مناسدین کلیب جناب عالینى دعا قیلدیلار نچه
 کون ضیافتلار قیلیب مناسب تون سروپا تنکه طلا عطا ایلاب همەنى ممنون
 و سرافراز قیلیب دل کونکلارینى رام و صیدلار قیلیب اورومچی غه یاندوردیلار
 اما امیر لشکر و پانصدلار غه تاکید و مبالغه لار برله عنایت نامه مرحمت
 قیلدیلار کیم خطای لار برله اورشمانکلار دیب فرمایش قیلدیلار لیکن بدولت
 بیکیت لاری اوروشمای تیج تورسه لار خطای چریکی اوروش باشلادی ناچار
 بیکیت لار هم جان محافظتی اوچون اوروشنیلار و اوزجانلارینى ساقلادیلار
 بولتوغرا غه نیمه اوچون اوراشاسین دیب خفه بولدیلار جناب عالی نینگ
 مدعالاری خاقان چین برله یراشیب صلح صلاحلار قیلیب عهده فیماں قیلسام
 دیکان غرضلاری بار ایکانلار و خطای لار نینگ بر مونچه کته منصب دارلاری
 تریک قولغه توشکان ایدی دخل تعریض قیلماى اقسو کوچاوبای حاکیم لاریغه
 ایباریب برنچه زمان اوبدان اسراب باقتیلار کین عنایت نامه کیلدی دیب
 نابود قیلدی لیکن بو حالدا جناب عالی غازی خطای لار احوالاتى نى ییلیب کلامک
 اوچون انعام خواجه ایشاننى ایباردی یتیب باریب خطای چریکی احوالاتى نى
 جناب عالی غه عریضه قیلدیکم خطای کروهن حدسین نهایت سیز تولا ایکان
 علم بیراقلاری نینگ ابتداسی و انتھاسی اصلا کورونمايدور خاقان چین امر فرمایش
 بیلان چیقان چریکلار ایکان دیب معلوم قیلدی و تورم بیکیتنى دین اقسولوق
 ماقبش بیک و صدیق بیک و بوسق بیکلار باشلیغ الله شهرلیک بیکیت لار دین
 برنچه س خطای ایچیکا قاچیب کریم کتى و طرفان بیکلار دین عبدالقهار بیک

و مقبل بيك و شهباز بيك يوز باش لار خطاي لارغه مخفي خط بر كان ايكان قول لاريغه
 تو شوب قالدی بد کمان بولوب مذکور بيك لارني وینه بر مونچه خطاي
 طرفيكا مايل آدم لارني آق اويلوك قيليپ يار کندغه مانکوردی ينه بری بوکيم
 مبادا خطاي لار بيلان اور شسام غالب کلسام نوراً علی نور والا ايش بر عکس
 نتیجه بر سه لار والعياذ بالله انداغ کون لاردا نه يركا يتيب بارغالی بولور بول لار
 چول دور تولا مسلمانلار جانلاريغه ضامن بو اسام كرك ديب اندیشه قیلغان
 توغرا لاردين طرفاندين يانيپ کورلاغه چيقتی لار تورت ای مقداری توخسوندا
 توردي عقب فصلی ایدی اول باره کورلادین قوزغالماي تورماديلار تدبيرلاری
 تقديريغه موافق تو شمادی اوز اياغلاری برله جای مهلکه غه بارغان ايکانلار
 عقل فراست و فهم کياست لاری اولمقدار بار ايد بکيم هيچ فادشالارده موجود
 بولمغان بولغايلار بوينه شهر مغولستان يورت لاريغه اون تورت بيل پادشاه ليق
 قیلایلار همه ايشلارني اوز عقل فراست لاری برله قیلدی یا بر دیانت ليك
 وزير ساقلاغانی و يابر کشی دولتخواه ليق توغراسيدین بر سوزنی سمع معلالاريغه
 معلوم قیلالغای دولت عالی ده انداغ ايش اصلا بولغان ايماس حاصل کلام بوکيم
 دولت يوز کلتور کانیده همه ايش لار اوز اوز يچه راست و اماده بولوب طيار بولور ايکانلار
 اما دولت يانغانیده اکر ابو زر جمهور دانا وزير و دبیر بولغانی بيلان قضا و قدر
 اوز ايشلاريني اوز مدعالار يديك قیلور ايکانلار اول وقت کيم جناب عالی کورلا
 طرفيكا عازم بولدی فرزند دلبند لاريني توخسوندا ايکيت سرباز بولوب اون
 مينک چه آدم برله قويدی و نوزم و حق قلی بيك لارغه هم خطاي غه اوق چيقار يپ
 اوراشامن ديما نکلار ديب تا کيدلار قيليپ فرمايش لار قیلدی يک محصار ليق عشور
 محرم خزينه چی ایدی جناب عالی توخسوندين مانکغانلار يدين بر کون کيبن
 خرينه لارني قوزغاب اليب کليب توروب نقدينه لاريني اليب بر مونچه آدم لارني
 اوزلاريغه همراه ايلاب خطاي لارغه قراب قاچتی بر مونچه بيکيت لار آرقه لار يدين

قويلاشتی

قويلاشتى يقين بىتكانىدا طلا وتىنگەلارنى يولغە ساچتى قويلاپ بارغانلار طلا وتىنگە غە
اولاشتى عشور بىك اوزاب بارىپ خطايلارغە اوچراشتى جناب عالی غازى باشلىق ھە
دولتخواھلار لار يىنى تىشلاشتى علاجىنى تىفالمادى صبرلار قىلىپ فسلاشتى جناب
عالى سراسر لار يىنى خطاى ھەك لارىغە بىر بىر ايتى وخطاى اھلى يوراكلىك
بولوب دليرلاشتى اما بول كونلار دە خطايلار دابانچى غە يتىپ كىلدى نىياز محمد
توقسابە نچە كون اوق چىقارماى صبرلار قىلدى آخر بولمادى ايكى مېنىك چە
بىكىت بار ايدى مونىنگدىن تورت يوزى دروازەدىن چىقىپ نظام طرىقەدا
ھشق قىلىق لىغ كافرلارنى آتيلار آرزغە مدتدا بىر مېنىك غە يقين كافرلارنى
يوق قىلدى جناب عالی دىن اوق چىقارمانكلار دىكان فرمايش كىسكالى توردى
امىر لشكر پانصدى بىكىت لارنىنىك كونكل لارى بولك بولك بولدى وساودى ھاقىت الامر
خطاى چرىكى بوزغونلاب توف زمبركلار اليب كلىپ دابانچىنى الدى التە
شەرلىك بولسە يراغ اسلھەلار يىنى اليب قويوب بىردىلار اما نىياز محمد توقسابە
باشلىق يتە پانصدىنى و بىر نچە مسافرىكە بىكىت و بوز باشلارنى بىندكا سالىدى
بوھىن دا حق قلى بىك توخسوندا ايدى سانكدا كى غلە واشلىق واغىر نرسەلار كىم
بار ايدى ھەكا اوت قويوب بىرىپ كىورلاغە قىراب قاچتى خطاى چرىكى
بەش دىكان يتەبىش يول بىر كا كلىپ توشتى حكىم خانتورم تورالماى توخسونغە
چىقتى لار شولكونى خطايلار طرفاننى اليب اولتوردى اكر اوراشادورغان بولسەلار
ايدىلار اوتوز مېنىك بىكىت بار ايدىلار و اوتوز مېنىك بىكىت غە اوتوز بىل
بىتكوچەلىك غلە واش طرفان وتوخسوندا جمع قىلغان ايدىلار توخسوندا كى
آشلار كويوب نابود بولدى و طرفاندا كى اشلار خطاى چرىكى غە نصىب
بولدى وتوخسون بىكار بولوب قالغانىنى آنكلاب بەش كوندىن كىيىن توخسوندا
بىر قىرار بولوب دورلار اما حكىم خانتورم وحق قلى بىك امىر لشكر پانصدىلار
باشلىغ قىرا شەرغە كىلدى و جناب عالیدىن كىلسوندىب ھنايت نامەلار كىلدى

قورقوب كیلالما دیلار فرمایش بولسه غزات قیلساق دیب عربضه بردیلار
 ناعلاج فرمایش قیلدیلار کیم ایلگری بنا بولغان شهر دریانینک
 اولطرافیدا بولوب قالغان ایکان مذکور شهرنی بوزوب ائیب دریانینک بولطرفیکا
 ینکی شهر بنا قیلینکلار دیب فرمایش بولدی شهر بنا قیلدیلار تورم وحق
 قلی بیگلار برله اوتوزمینک بیکیت همراه ایدی و جناب عالی آلدیلاریدا
 اوچ مینک بیکیت بار ایدی و بهار کونلاری ایدی تورم لارمو ایکی آیدین زیاده راک
 قرا شهرده توردیلار اما جناب عالی نینک غضب آتش لاری کوندین کونکا
 لحظه باحظه زیاده بولغالی توردیلار قضارا بر کونی ملا کمال الدین میرزادین
 نهایتی کاییب تیاقغه یاتقوزدیلار بسا اوللار انچنان اوردیلار غضب لاریغه بس
 کلیلالمادی اوزلاری باریب اوردیلار و تفتیلار چارچاب باریب و هالسراب ساوق
 چای دیدیلار بر محرم ساوق چای کلنوروب بردیلار قول لاریغه کوناریب
 ایچتیلار اما ساوق چای ایچمادیلار بلکه اجل شربتی ایچتیلار یغدی قانی
 قالدیلار رنک لاری کورکاردیلار و بدن لاری چاک چاک سربلدی قوله تعالی
 (انا لله وانا الیه راجعون) بو حادثه عظمی روبرکانیدا تاریخ بر مینک ایکی
 یوز توقسان تورت سرطان فصلی ماه ربیع الآخر اون تورنی یکشنبه کونی
 ایردی نقلی دورکیم نیاز حاکیم بیگ دین جناب عالی ایمین ایماس ایدی نیاز
 حاکیم بیگ هم اندین زیاده بر برلاری قصدیلاریدا ایدیلار اما وقت
 موریدینی تفالماس ایدی نیاز حاکیم بیگ هم تدبیری زیاده لیکی دین جانینی
 ساقلاب یورکان ایدی وقتنی غنیمت تافتی بدولت نینک محرم لاریدین نجه لارینی
 (الانسان عبید الاحسان) مضمونی چه طلا و آلتون باریب اوزلاریغه محرم و اسرار
 ورام قیلیب کلکان ایدیلار اما محرم لارا ایچیدین بر محرم بدذات اوزوندین وظیفه
 و انعام الیب کلکان ایدی خاص الدیلاریغه الیب کلیب بدولتنی یوق
 قیلادورغان تدبیرلارنی تعلیم باریب نولا طلا بردی و ایتکیم برچنی چایغه
 اوزونکیز بیلادورغان و بلکه بدولت کشیغه باریب نجر به حاصل قیلغان

زهر دین قوشوب ارالاشتوروب قويونك قانیغ غضب لاری کلکانیدا الیب
 چیقیب برسانیکز آچیغی ده بیلماي و فرق ایتمای ایچادور شاید بوتدیر برله
 بر طرف بولسه دیدیلار مذکور محرم بواغوا ووسوسه و سعی و غمزه لاریکم
 اوستاد خناس و معلم شر الناس دین بو محرم و سواس تعلم و کسب ایتمکان یسونلوق
 چای زهر آلودنی غضب ایش لاری شعله اورغانیدا الیب چیقیب بردی و فرق
 ایتمادی ایچتی تمام بولدی دیدورلار و بعضه لار اینادور کیم اولوقت دا که چای نی
 قول لاریغه الدی لار بنور فراست بیلدی لار و قول لاریدا توتوب توروب اوج
 مرتبه یا رسول الله دیب کوتاریب بریولی ایچتیلار اما هر وقت ده سنت
 طریقه برله اوج مرتبه ایچارایدی دیدورلار قابس طریقه بیلان که بولسه لار
 خواه عالیمقدار کردونمدار پادشاه بواسون و خواه کد اذلیل خازنکونسار بواسون
 اجل شرتی ایچمای و جان اچیغی نی کورمای علاج اصلا یوقتور و اجل
 موعودیتکانیدا همه برابر و یکسان دورلار (قوله تعالی اذا جاء اجاهم لایستأخرون
 ساعة ولا یستقدمون) مضمونی شریف لاریچه ایلمکری کین بولمايدور نه نوعکه
 بولسه لار بر سبب و بهانه برله بو عالم بی بقادین عالم عقبی فه کنار ایکانلار
 (کل شی یرجع الی اصله) مضمونی چه عادت الله شولطریقه برله جاری بولوب
 کلکان دورلار فاعل حقیقی جل شأنه اوزلاریدور (یفعل الله ما یشاء و یحکم ما یرید)

رباعی

پادشاهای سایه و لطف اله یوزی شعی دین فلک تاقیب ضیا

طالع نور تاقیب افسوس زوال کتی بو فانی جهان دین آه آه

آیه کریمه (کل نفس ذائقة الموت) مضمونی مقتضایچه انبیا والمرسلین

صلوات الله علیهم اجمعین و اولیاء ما تقدمین رضی الله عنهم لار بلکه کل انسان

ذی جان لار اجل شرتین نوش ایتمای قالماسلار و آیه کریمه (کل من علیها فان)

مضمونی چه بو عالم بی پایدار ایچیندا لباس سوکوار پوش انمامین علاج نافاسلار
 طبقهء علما و طائفهء فضلا و جمیع بنی آدم غه روشن و هویدا دور کیم اول حی
 قدیم و واجب التعظیم جل سلطانہ لطف عمیمی برله بشر خیلی دین بر زماندا
 بر انساننی خواهلاب (توئی الملك من تشاء) فحوای شریفیچه تاج افسر کلاه
 زیورنی مبارک فرق سرلاریغه لایق و سزاوار ایتیب تخت سلطنت اوزره جای
 مقام بریب (وجعلناکم خلیفه فی الارض) مفهومیچه انسان گروهی غه سلطان
 قیلور ایکان بالعاقت اول حی لا یموت قدرت کامله سی برله امور مملکت
 دنیوی دین قول لارینی ککوتاه قیلیب (حور مقصورات فی الخیام) عالی
 فرجام مقام عاقبت انجام غه انتقال قیلدورتوب (وجنات تجری من تحتها الانهار)
 راحت آثار طرفیکا مایل و اختیار قیلدورور ایکان

مثنوی

عمر کورماک اوزون امر محال دور بو دنیانینک بقاسی فات زوال دور
 همیشه بولماغایلار پادشاه لایق امید یوق ملک دنیا دین و فالیق
 همیشه یوق تریکلیک هیچ کشیکا وفا یوق دنیانینک نعمت لاریکا
 جهان فانی دورور ایخواجه زینهار که سین باقی تصور ایتمه ای یار
 که حق باقی دورور دنیا عروسی ابرور فانی نیچه کورکوزسه آنی

فی المثنوی

بیوفادور فلک بو قلسمون ساز آهنگ کیکا یوق بر قانون
 یوق بقا جاه ایله شوکت غه داغی یوق وفا عمر ایله دولت غه داغی
 کورکه هر شه که یوروب آلدی جهان بارچه باردوره و قرا برکا نهان
 هم کیومرث ایلا هوشنگ فانی ایکی غه تاج ایلا اورنگ فانی
 فانی جمشید فریبدون آخر برینی قویمادی گردون آخر
 نی ککیانی بارونی سامانی نی سکندر داغی فی اشکانی

قالمادی رستم ایسلام داغی بزدجورد اوتتی بهرام داغی
 قانی خانلار خانی اول چنکیزخان اوکنای قانی کیم ایردی قان
 قانی تیمور شه اسلام پناه که جهان آلدی چکیب خیل سپاه
 تا فلک بیلدی تودی قنی فی قایس دین آلمادی اوز برگانی فی
 کیم کا بردی قویاش اوجی غه نشست کیم ینه قیلمادی نغراق غه پست
 کیم کا بر توش ایلا یتکوردی بهر کیم ینه توتمادی بر ساغر زهر
 چون بو معنی بو صفت تافتی ادا کیم نه شه قالفوس باقی نه کدا
 لطف قیلغای انکا کیم حی غفور دنیوی و آخرتنی معمور

اول پادشاه هفت شهر اعنی یعقوب بیک غازی دین پرور
 اخلاق حمیده لاریکم دولت اقبال غه باش بولغانی و اوصاف
 زمیمه لاریکم نکبت زوال غه سبب اولغانی بیانی

جهان عاقل لاری نینک بیضا تنظیر لاریغه و دوران فاضل لاری خورشید تنویر لاریغه
 واضح و لایح اولغای کیم اول مروج شریعت ضرا و محب العلمی و فضلا و مربی
 الفقرا و رعایا و قامع البدعة و ظلما و مشفق مهربان و انا اعنی محمد یعقوب بیک
 اتالیق غازی تاشکندی برد الله مضجعه و مرقدہ فی خداوند کریم قدرت
 کامله سی برله اصل خلقت لارینی بلند و فطرت لاری ارجمند یاراتقان ایکانکم
 فهم فراست دای عدیل و عقل کیاست دای بی بدیل و قوت محافظت دای بی مانند
 ابدیلار کیم هیچ پادشاه ذوی الاقدار لار وجود ذیجود عاقبت محمود لاریدا موجود
 بولماغان بولغابیلار فراست لارینی اکثر خلایق لار کرامت و ولایت غه حمل
 قیلور ایردیلار بلکه ولایت بالقوه لاری بالفعل لیک مرتبه سیکا ظهور غه کلکان
 بولسه لار هیچ مضایقه بوقتور اما یورت لاری حدی مشرقی کومادی دین
 مغربی سریق قورل غچه یوز کونلوك مدت دوروشمال حدی مرزدا بانندین

جانرب حدى قرانگغو تاغ غچه سکسن کونلوک بول دور و بو حدود ایچیده ینه شهرغه قراشلیق کته کچیک اوتوز تورت شهرغه اون تورت ییل ما کیم بالاستقلال بولدیلار و اوز مزاج مستقیم لاریغه تغیر و تبدیل برمادیلار کمال سکینه نفس لیکی دین اوزلارینی پادشاه و یا سلطان یا خان دیب آتامادیلار ایلکرکی منصب لاریغه نهایتی بدولت غازی لفظنی زیاده قیلیب منضم قیلدیلار انا و لا غیرى کوسیغه صدا برکان و اوزلاریدین اوزکا پادشاه لارنی کوزیکا ایلمغان تورت پادشاه و خانلارنی اوز قید تصرفیغه کیرکوزوب خزینه و سپاه رعیه لاریغه مالک بولدیلار اول باره اوزلارینی ضبط و احتساب قیلیب شریعت غرا میزانی ایچیده توتی فعل اطواری و خلق کرداری کویا بر ایشان مهذب و یا علماء مؤدب لار دیک تون سروپالاری بر سودا کر اشرف دیک ایدیلار آطلاری و براغ اساعه لاری بر پنجاه باش مقداری دیک ایدیلار و اولتورسه لار آق جینماز کیگز اوستنده و یا بوریا اوستنده سه و سلاح برله قعود مثالی همیشه یوکونوب اولتورور ایدیلار ییل لاریدین کسه کمرنی یازگاننی و یا چارزانو اولتورغانلارینی اصلا کیشی کورکان ایماس ایدی اکیز و بلند لیک یرلارده و یا کات اوستنده اولتورماس ایدی اکثر وقت دا چادر بارگاه الیدیلاریدا و پست زمین دا اولتورور ایدیلار بیطهارت یرکا ایباغ لارینی قویغان ایماس ایدی (الناس علی دین ملوکهم) مضمونی شریفیچه همه کته کچیک بیکت لار همیشه طهارت ییلان ایدی و نمازنینک وقتی کلکانده بارگاه عالی مسجدلاری نینک مؤذنی اذان ایتماق لاری برله همه برابر اذان ایتور ایدی لار اما جناب عالی هر وقت سفر قیلسه لار اقلی یته مینک چادیردین کیم قوشون یورماکان بولغایلار هر چادر دا بر آدم اذان ایتور ایدی بلکه بازارچی لار هر بر دوکانده بر آدم اذان اوقور ایدی و شهر شهردا کی مسجدلار مؤذنی همه سی بر وقت دا تنک و برابر ایتور ایدیلار و ایلکری کبین قیلماس ایدی بر مرتبه

اذان دعا مقررینى اوقوب تام قیلغۇچەلىك ھەمە مۇذنلار اذانى ادا بولوب تسکین تافار ایدی مۇذنلار مئذنەدا جناب عالی مسجدلاری مۇذنى آذانیغە منتظر ایدی کچەدە سحر قوبوب طهارة برله مسجد اوکزهلاریغە چیقیب صلواة ایتیب دعا واپستغفار برله بولوب قراب تورغان ایدیلار چونک کچیک ھەملار بی دستار کوچە بازارلارده یورالماس ایدیلار رفیس لارخوب تحقیق و تفتیش لار قیلیب خلاف شرع کا تولا حاضراییق قیلور ایدی نوماق ویا دوبه بیلان یورکاننى کورسەلار نوماق لارینى یرتیب و قیچی دا کسبب پاره پاره قیلیب تاشلار ایدیلار شرب شراب بنگ بوزە تماکو و نغمە نوا اوسول و سماع قنارلیق منہی و عبثلار مخفی و اشکارا یوق ایدیلار وبلکە خلایق وایل ارالاریدە محو و فراموش بولغان ایدیلار و آدم بیهودەلاریکم سرکش و عناد فتنه و فساد اوروش و تلاش اوباش و بی باش وبلکە اوغری قمارباز و سوکو کبوتربازلار ھم اتالیق غازی قهر سیاست و تیغ آب دارلاری صولت و حشمت لاریدین قورقوب توبه و استغفار تضرع و نیاز برله مشغول لوق قیلور ایدیلار مبادا اوروش تلاش و بیهودە یالغان تهمت و خصومت قیلغان آدم لار آلدیلاریغە توشوب قالسەلار درجال یوز باشی پانصد کویا جلاد مانندلارغە تافشوروب سرباز قیلور ایدی هر کونى ایکی محل عرض داد سوزار ایدی بساول بیکیت قوشوب شریعت ماتب قاضی محکمەلاریغە فرمایش قیلور ایدی هر قانچە جدل و چرماش دعوا و خصومت بولسە شریعت حکمی لاریچە بر ساعت دا بر طرف لیک بولور ایدیلار آلان بولوقت دا بر یلدا توکامایدورغان دعوالار اسلام زمانه لاریدا شریعت برله بر کونده صاف بولور ایدی و قدیم متکبر اعیان اشرف بیک و بیک زاده لار و یانجی کانجی فقرا ورعیه یکسان و برابر ایدیلار شول زمانه نى بوری قوی برله بر کولچک دە سواپچتی کبوتر بیلان لاچین بر شاخدا جورجه چیقاردی دیکالی بولور ایدی اما تاریخ معتبر کتابلاریدە سلاطین ماضیه لار ذکرلاریدە چنانچە

امیر کبیر تیمور صاحبقران کوراگان و میرزا سلطان حسین بن بایقرا کوراگان
 انار الله مرقد همالار تعریف و توصیف لارینی قلیب دورلار بورت و لشکرلاری
 زیاده بولسه بولغایلار اما دولت و حشمت ده جناب اتالیق غازی اصلا کم
 ایماس ایدیلار مذکور سلاطین ماضی لار شرب شرابدین خالی ایماس ایکنلار
 و بلکه خلفاء برحق یعنی عباسیه خلیفه لاریمو بول قسمی مشروبات و منهیات لارغه
 اکثرلاری نهایتی حد و اهتمام کورکوزور ایکنلار لیکن جناب غازی دولت
 عالی لاریده فقرا ورعیه لاریده بلکه قلمروی لاریده بول قسمی منهیات اصلا
 وقوعه کلکانی و ایشتنکانی معلوم ایماسدور بول وجه دین جناب عالی غازینی
 سلاطین ماضی لارغه ترجیح قیلسه لار اصلا مبالغه بولمایدورلار خلص کلام بوکیم
 شرع شریف تقوی و تمشی غه انداغ سعی و کوشش لار قیلدی لار کیم علماء شریعت
 مآب لار و امام پیشوا و هدایت لار و امرا و بیکت لار سرموی جاده شریعت نبوی دین
 تجاوز و تخالف قیلماس ایدیلار اگر سهل جریمه و لغزش علمالاردین ظهورغه
 کلسه لار عذاب الیم و شکنجه سقیم غه مبتلا قیلور ایدی هر شهردا هر کورسه که
 ملا و علماء منشرع و متدین بولسه لار آبا و اجداد و نسب لاریغه قرامای (العلماء
 ورثة الانبیاء) مضموننی شریفیچه قاضی اعلم و مفتی رئیس و مدرس لیق غه نصب
 ایتیب یرلیغ و منشور برله مضمون و سرافراز و ممتاز قیلور ایدی و قوشون نصرت
 نمون ایچیده هم علیحد قاضی عسکر و مفتی عسکر و رئیس احتساب لار حاضر
 و مهیا ایدی جنل و ماجرالارغه شریعت غرا حکم لاریچه فیصل و ادا قیلور ایدیلار
 اما اولوقت کیم جناب اتالیق غازی بو یتنه شهر اهالی لاریغه مستولی تافتنی
 (الاسلام یهدم ما قبله) مفهومی شریف لاریچه ایلکرکی نجه زمان و نجه قرن
 و دوران کافرلار استعلا سیده عادت و جاری اولغان بدعت سیئه لاریکم (الصحبة
 مؤثره) تقاضا سیچه خلائق لار دلی و کوز لاریغه اوبدان کور و نوب و ایشتنلیب سنت
 سنیه دیک رسم و جاری بولوب کتکان خلاف نامرضیه لارنی ائمه هدی رضوان الله

ھلېھم اجمعين قوللارېغە موافق ومطابق ايلاب تاماما يوق ايتىلار و بو يته شهر
 ايچنده ھمام بولماس ايدى كاشقر ياركند ختن واقسودا حمام بنا قىلدوردى
 وذاكر جان قارىنى مكه معظمه كا ايبارىب بو يته شهر آت لارىدا تكيه خانه
 تعينلاب بنايىغە قىلم قويدىلار وفوتكو نچە ۷۰-لارى وفا قىلمادى و بو يته
 شهر ايچنداكى مزار فايز الانوار صحنە لارىنى كنگرو قياپب ينگى باشدين
 بنا وتعمير قىلماق غە ھەر شهر عملدارلارىنى بو يروب واوستا باشى لارى
 تعينلاب مسجد و خانقاه و فشتاق بلند و ارتفاع نفاع وكاشين و خشت فرشين لار
 برلە مزين و جلا و كل كار كج كارلار صيقل برلە روشن و آشكارا قىلدىلار شهر
 ايچيداكى مسجد و خانقاه اكثر ينى خشت بختە برلە تعمير ينى ينگى باشدين
 بنا قىلدىلار ويول لارداكى منزل لارغە قورغانچە بنا قىلدى وتولاسينى خشت
 پختە لار برلە عمارت عالي و موزون و مرغوب برلە طيارلادى بو جملە دين كاشقردا
 حضرت خواجه افاق اعنى هدايت الله خواجه و مسجد لارىنى بنا قىلدوردى
 خصوصاً كنىدلارىنى بوزوب كنگرو توب خشت پختە برلە بر ككونبند بنا
 قىلدىلار بو يته شهر ايچنده بلكە مغولستان اواكوسنده بو قدر كنىد عالي
 ھېچ زماندە تعمير تافماغان بولغايلار و ھەم شھرداكى مسجد فشتاق و خانقاه لار
 جابجا استوار و پايداردورلار قرنا بعد قرن ھم پايدار اولسە كرك اما جناب
 عالي و دېدبە صوات و كوكبە حشمت لارى كوزلاردين غايب بولدى بنا قىلغان
 تعمير لارى خلاق آلدېدە و كوزلار يىدە كورونوب حاضر و اشكارا دور اولوغلوق
 وزور او قىغە قىلغان عمارات لارى نمونه و شاهد دورلار يته بىرى بو كيم جناب
 غازى عالي ھەر شھركا قدم تشرىف كىلنوركانيدا بر منزل يقين قالغانيدا بر
 محرم معتمد برلە مكتب دار ملالارغە تون سروپا بر ردين قزىل طلاھدبە وسوغە
 ايبارىب دعالارىنى اليب مكتب بلالارىنى آزاد قىلما نلىق غە النجا قىلپب
 كىركوزور ايدىلار محرم مذکور مكتب بلالارىنى آزاد قىلدورتوب بربىب

وملا سیدین جناب عالی حق لاریدا دعا آلور ایدی ومدکور ملامکتب دارلار
 شهر تاشیغه جناب عالی خدمت لاریغه بلالارینی الیب چیقیب دعا قیلور ایدی
 جناب عالی آط لاریدین توشوب خلق ملایم لار برله مکتب بلالارنی کوروک
 کوروب اون تنکه دین وبش تنکه دین وایکی تنکه آق تنکه انعام قیلیب کلام
 الله او قویدورغان بلالارغه کلام الله وهفتیک او قویدورغان بلالارغه هفتیک انعام
 قیلیب آندین سواره بولوب شهرغه ویا بارگاه لاریغه نزول اجلال قیلور ایدیلار
 وینه بری بو کیم هر وقت رکاب ظفر قرینغه ایاغ قویوب سفرغه چیقانلاریدا
 اقلی اون مینک امرا بیکت محرم برله اطلانور ایدیلار هر وقت اطلانغانلاریده
 کانانی قویار ایدی خواه کچه وخواه کوندوز کانای آوازی برله قوزغالار
 ایدیلار شول مقدار بوزغون قوشون دین جرانک جرونک آوازلا چیقماس
 ایدی ضبط اولمقدار ایدیکم بیکت ومحرم لار پست بلند آواز وصدالار قیلالماس
 ایدی بلکه آط چهارپای لار ککشناماس ایدی واوزلاری هم بیکت لار حال
 احوال لاریدین دقیقه غافل ایماس ایدیلار وراحت وآسایشنی اوزلاریغه اصلا
 روا کورکان ایماس ایدیلار.

نظم

کر خواهش ایتسانک اوز آسایشنک دیارینکدا آرام آلالماس کشینک
 بو اتالیق غازی احوالیغه موافق ایدی اوشبو صورت برله همه ایشلاری
 شریعت نازنینغه موافق ومطابق ایدی علی الخصوص یرلیغ ونشان لاریکم
 کدیا بر سجاده نشین مشایخ لار ارشاد لاریدیک ویا بر علماء مجتهدین امر
 حکم لاریدیک سرتاپا نصیحت وموعظ وشرع شریف رواج ورونق لیبیغه ترغیب
 وتحریر لار قیلیب یرلیغ فرمایش قیلور ایدیلار اما یرلیغ لاری جمله سیدین
 ایکی فارچه پارس وبر فرچه ترکی یرلیغ لارینی تبرکاً وتیمناً کم وزیاده قیلمای

بعینه اوزیدین کوتاریب بو صفحه اوزره ثبت ایتم تا کین کی زماندا کی
 مطالعه قیلغان منصف دیانت لار دعا قیلماق لاریغه سبب و باعث بولغای دیب
 عنایت نامه عنبر شمامه فارسی دعا کوی صمیمی قاضی عسکر رابعه از
 تبلیغ پیام نموده انکه درین هنگام آنچه مکالمات بر داد خواه آنچه موآخذات
 بتخمین ظلم اکتناه و قام اوجی و غیرها و آنچه معرفت از شریعت اله بصوب کومه
 محمد عظیم بیک را روانه ساختن و بصاحب عزیز مرکان روان داشته بودید
 آمده رسید از مضمونش مطلع شده سبب تزیید خرسندی کردید دنیا که فحای
 او ظاهر دور آلات ظلم خداوند قاهر است و دایما در هر افعال و احوال حاضر
 و ناظر است از خاطر دور نساخته و راستی بمشغون حق رستی کار نمائید که
 کور حق است مارا با داد خواه دریک کور نمازده شفاعت ظلم هیچ محل وفا
 نیم سازد باید و شاید حق کوی و حق پوی و حق جوی نمایند خشنود رحمان
 و خرسندی مجتهدان کار سازید در بابت رد مظالم از هر امور اطناب اهتمام
 تمام کنید باقی انکه اسان و مؤکده است و السلام ۱۲۸۹ و دیگر پارسی فقاهت
 پناه ملا ابراهیم قاضی عسکر را بعد از تبلیغ پیام مرخمت فرجام نموده
 درین هنگام بهجت انتظام از دست محمد رسول میرکان از وجه سید بن ملاحفه
 شریفه از مصحوب لطفی الله یساول قواعد سپاس داری مراسم دعا به تقدیم
 رسانیده فقرا یان کومه و زانکویه و دعا بیالیه بکل مضافات از مراسم اعلام
 همایونی آگاه داده دعا گرفتن و ایضا آدم عدم ایقت قاضی ازان جانب
 و ولایت کومه مع مضافات تحقیقات نموده حقوق فقرا یان بر ذمه دیوان بیکیان
 بوده ها با قسطلان قمتوب کردن آنها مانده رد حقوق بمن له الحق برضای طرفین
 احق کردانیده قطع خصومت و رفع نزاع وجدال ماضی بینهم نموده بالکلیه باتمام
 رسانیدن محمد کریم میرزا رامع لطفی الله یساول بیلدهه محروسه یار کند
 از بابت تحقیقات میانه دو آب از تابعات ولایت محروسه یار کند از بابت محمد

عظیم نام بعرض رسانیدن از وجه جبر و ظلم تعدی احمد یار سرکار بصوب
 قرای مذکوره بامثال امر معلا آمدن و بر وفق حکم شرع تحقیق نموده بغیر
 عرض رسانیدنی شدن عریضه نیاز مندی و صحیفه عبودیت مندی روانه داشته
 بود بداد در حسن زمان و اشرف آوان آمده شرف و وصول یافته مضامین مندرجه
 او مربوط بوضوح پیوسته باعث تزیید خرسندی و سبب فرح مندی گردید رفع
 تعدی و دفع ظلم از کافه انام لازم و اهم مهمات است چنین خواهد ساخت ثانیاً
 اینکه در بابت امر شرعی و رواج او چنان کوشید که اگر مرد درین امر مرد
 هر آینه خصلت او در شهادتست میدانید صرف همت نمایند رعایه معنی
 صادر نکرد که از اول و آخر داده کی نمک را از شماراضی نمیشویم اجتناب
 رعایت احدی و اکتساب رعایه شرعی سازید حالا مرحمت نموده به محمد رسول
 محرم لباس و خرجی داده گردانیدیم والسلام ۱۲۸۹ عنایت نامه ترکی
 فقاهت پناه ملا عبد الله قاضی کلان غه پیام مرحمت فرجام سونکنده مفهوم اولکه
 بویام مینت انجام ده فضل خداوندی و دولت اسلامی ده مع توابع امنیت لیلاً
 و نهراً حضرت رب العزت در کاهیفه التجای تمام و استدعای مدام ثبات دولت
 و جنود منقاد و ملت نی فابوس عصمت ایچره هر آفات صوری و بلیات معنوی دین
 محفوظ و ظفر عطاسی برله محفوظ بولماقین صلوات خمسه اداسیدین سونک تیلاب
 شکسته دل غربا و عاجز فقر الار حاجتی نی شریعت شریف حکمین اجرا قبلماق
 برله خرسندی ایلاب دعایی خیر الیم بود دولت ضیاسنی اهل اسلام باشیدین
 محو اولما سلیقی دعاسیغه مشغول ایکانینک زنی قبولیت شریفیغه مشرف بولماقی
 امیدیده عریضه داشت معلوم قبلیب کونکلینکز آروزوسیدین اینک زنی ملا
 عبد الکریمنی بر بوخجه بر اط برله ایباریب ایکان سیز محرم الحرام آبی نینک
 یکره بشی جمعه نمازی اداسیدین سونکره سعادت موصلت و شرافت قبولیت
 کوردی مضامین مندرجه سی موبو تماماً اطلاع درجه سیغه شرف باعث ابتهاج

وہسرت بولدی الطافی خدای عالمیان شامل حال دور کیم آفتاب شریعت حضرت
 سید الانس والجان رسول الرحمن پرتوشعاعی بسو یتہ شهر اہالی فرقیدہ
 مشعل دور منصف با دیانت خصوصاً فقہاء امت اوشبو دولت شریعت دعما
 واستدعاسی استدامت والتزام ہمت مبذول ایتیمیش دور بسو خاکراہ حضرت
 شریعت نینک شرع شریف ترویجی وفقرا اہلی ترفیہی دین اوزکا مقصود ومدعا
 فچان بولسون ہمہ حال بو مقاصد مرام دور کرا ککم شریعت حضرت خیر البشر
 صلی اللہ علیہ وسلم لواسی ضیاسین مقصود ایتیب امور شرع نبویہ علی صاحبہا
 افضل الصلوات والتحیہ واحکام مجتہدین رضوان اللہ تعالیٰ علیہم اجمعین ترویج
 ورونق لیتیغہ مستدام شغل تمام قیاسانکز کرا تا کہ بو ضیا ورونق خاصبتی بی
 اثیر دیب خاصیت نتیجہ سی رعایا رفاہتی سببی بلوشین التزام قیلنک بش
 کونلوک عالم فانی اوتکوسیدور روز جزا بو وجہی دابسا مشقت اما ذمہ عالیہ
 سزلارغہ تفویض ومؤمل دور عقبی سعیدہ مشغول بولونک وامید رجیا بولکہ
 دعایی بی ریا والنجای درگاہ بیہمتا جہت استدامت دولت معلا زیادہ قیلنک
 والحالہ ہذہ ملا عبد الکریم غہ سروفا وخرجی التفات وسیزغہ لباس مع سلہ
 کلاہ رویمال مرحمت ایلاب یوباردوک والاسلام ۱۲۹۴ القصدہ حاصل الکلام
 مودین ایلکری ہر واقعہ حلولی وہر سوز سیاقی دا جناب انالیق غازی
 حمیدہ اخلاقی لاری آز تولا ذکر قیلیب ایدی بویردہ بر توغرا شہہ واندکی
 تحریرغہ کیلیدی تفصیلاً تقریرغہ کیلتورساک اوقوجی وایشتکوجی لارغہ ملالیت
 یوز کلنورور دیب اجتناب قیلیب شوہجہ لیک کا اکتفا قیلندی لیکن حمیدہ بار
 یردہ البتہ ذمیمہ حاضر ونفع بار جای دہ ضرر ناظر وضرر بار مکاندا نفع
 منتظر کل نیکان سیزایماس وعسل زہری سیزایماس دور ہر مخلوق دا بخششی
 خصلت بار ویمان فعل لار ہم انکا یار حسن قبیح برلہ توامان وجدا بولماغان عادت
 اللہ شولطریقہ برلہ جاری بولوب کلکان ایکانلار قہر برقی نمایان بولوشی

رحمت یمغوری هم بیله کیلاشی البته بار مونداغ بولغاندین ذمیه لارینی موچیزی بیانغه کیلتورولسه لار سوزیمز کویا اسکنجبین مثالی دغوراب مانندی آچیغ ججوك ليك طعمنی او قوغوجی کامی وایشنگرجی سامعی لاریغه لندتی بخشش ایلاب مرغوب و محبوب راق اولسه لار عجب و غریب ایسه لار اما تاریخ کتابلاریدا سلاطین ماضیه لارنینک بخش خصلت لارینی ویمان صفت لارینی مؤلف ما تقدم لار بر بر ذکر قیلیب دورلار مدعالاری کین کی زماندا کی پادشاه و حاکم عملدارلار بولطریقهده بخشش ایشلارنی وقوعغه کیلتورسه لار دولت لاری اوزون و عمرلاری زیاده بولوب فرزند و نپیره لاریغچه دولت لاری بر قرار بولوب جهان صفحه سیده بخشش آت و اوبدان صفت لار ایمل ارا باقی قالیب آطلاری اوجمای دعا قیاماقغه سبب بولور ایکان اما یمان ایشلار فیدا قیلیب ظلم پیدا قیلسه لار عمرلاری قیسقه و دولت لاری ناقص بولوب زمین یوزیده یمان صفت لار بیلان مشهور بولوب انداغ اولوغلارغه خلائیق لار قرنا بعد قرن هم لعنت ایبارور ایکان دیب شاید و باید سعی و سبب برله اوزلارینی بخشش یول طرف لاریکا زور برله مابل ایتیب و بخشش لار جرکه لاریغه قوشقابلار دیکان مدعادین بولغابیلار بولوجه دین جناب اتالیق غازی صفت ذمیه و افعال نالایقه لارینی چیزی تقریرغه کلتورماک لازیم کیلدی شو لطریقهدا اولوغ پادشاه بولدیلار بر دیانت آثار فاضلنی اوزلاریغه وزیر قیلما دیلار کل امور مملکت ایشلارینی اوزلاری قیلدی لار بلکه هیچ احدیغه ایشانما دیلار اول سیادت پناه کته خانتورمغه و کچیک خان تورمغه آخر عمرلاریده اوزلاری ایچکان شربت دین التفات قیلدی لار ایچماک همنا تأثیراتی ظاهر اولوب بو عالم فانی برله خوبلاشتی ولی خانتورمنی ینکی حصاردا تامغه باسوروب یوق قیلدی بزرک خانتورمنی اوزلاریغه همراه قیلیب تورمنینک فرمایشلاری بیله کیلیم دیب بیله ایلب یوروب بو ینته شهرنی تصرف قیلیب ایلب سرانجام بولغاندین

كېن ھج قېلىپ كېلسونلار دېب يورت دېن اخراج قېلىدى ^{بى} اوّل حالده بر آم دېن
 كنه كناه وقوع غه كېلسه لار نصيحت قېلىپ عفو قلمنى سوروب مرفوع قېلور
 ايدى واز خدمت قېلسه لار موكنكرو انعام واحسان لار قېلور ايدى ^{بى} بالاخر
 كچيك جريمه غه چونك غضب قېلىدى بلكه يوق قېلىدى كنگرو خدمت قېلسه لار
 آز التفات قېلىدى بلكه بر بهانه نى قويوب قياتىغ عذاب لار قېلور ايدى
 وابلكرى ^{كى} حالده بر باغ بېده كا وبر اياق قتيق غه بر آدم طيارنى
 سويدى آخريده نجه آدم لار خانه لارى ويران بولوب يوقالېپ كنگان برله
 دادلار يغه بتمادى سركار وحاكيم ولايت عملدارلارنى كوتاريپ ظلمى غه رواج
 برديلار ^{بى} وبر طرف دېن مسافر و مجاور سودا كرلار كېلسه لار ماللار ينى اچىپ
 كوروب همه مال ينى دولتخانهء عالي غه آلور ايديلار و مال ايكاسى باي آرقان
 وفرجه اوراغ كېكزلار ينى كوتاريپ اليب كنگار ايديلار و آرقه سېدىن زكوة چى
 زكوة نى بر كين ديب ملازم قوشوب قويار ايدى مذكور باي همه ماللار ينى
 دولتخانه كا آلدى ديسه لار دولتخانه دېن فل چيقان دا فلونك نى ^{بى} الاسين حاضر
 زكوة شرعى تاخير قېلماي بر كين ديب آلور ايدى جفرانه كا فل كوتاريپ
 زكوة نى برور ايدى وقرض اليب يېب تورار ايدى دولت خانه دېن فل
 چيتمه لار آلور ايدى مبادا فل چيتمه لار يوق بولوب سر كردان ليك برله
 فقر وفاقه ليق ^{بى} كوجه لار يغه كريب قالور ايدى صحرا كنت و قيشلاقلار غه
 غله و طناب توغراسيدىن فل غه ملازم بازسه لار اون مينك بكرمه مينك تنكه فل
 بولسه هم كچه دا بازسه لار كچه دا وكوندوزدا بازسه لار كوندوزدا تاخير و توقف
 قېلدورماي نهايتى آلديراشليق برله مهلت و آرام برماي حاضر آلور ايدى
 حكم نېنك ^{بى} اينك ليك نشانه سى بو ايردى على الخصوص ختن نى نياز حاكم
 بيك واقسونى عبد الرحمن داد خواه وباي سېرامنى محمد امين توقسابه نهايتى
 خراب قېلىدى هر يغاچ نېنك فانه سى اوزبېدىن ديسكان مثل مشهور دور بو

حاکیم لار فلنی فقرادین آلدی دولت خانه غه هم بردی واوزلاری موخزینه
 هم قیلدی لیکین عیب نی بدولت غازی غه قویدی جناب عالی نینک عیب لاری
 دخل صرف لارینی اصلا کورمادی وهر حاکم ولایت لارنینک تابش یوزدین
 اقلی یوزدین ویتمش اتمیش دین دیوان لاری بار ابردی هر کنت غه هر بیله
 کنت ایچیدین بر بای نی تو توب خواه نا خواه دیوان قیلیب نشان دستک برور
 ایدی وارقه سیغه در محل ملازم قوشوب فل الغالی تورار ایدی تا بر بیله تمام
 بو اغرجه عشر زکوة طناب قنارلیق مرافق شریعت فقرا ورعیه لاردین الیب
 تافشوروب بریب بولغاندین سونک ملازم جلاد صفت ومیرزا ظالم طبیعتی
 اول مذکور دیوان فلاکت اوستیکا تحقیق وحقیقت لارغه چیقارور ایدیلار برنی
 اون واوننی یوز قیلیب خطاب یکره مینک اونوز مینک تنکه فل دیوان
 ذمه سیغه حقیقت توغراسیدین تو شار ایدی خواه چهار پای وخواه کیکنز بساط وخواه
 پیر سو قزان قوشوق غچه بساتیب فل قیلیب سرکار لارغه برور ایدی مبادا
 یتشهای آرتیب قالسه لار دولتخانه غه من مونچه مینک تنکه مدیون دور من دیب
 خط وثیقه برور ایدی وایلاکری دیوان بورت فقرا لاریدین الیب برکان
 فل لارنی شریعت توغراسیدین دیب اتار ایدی و دیواندین کین آغان فلنی
 حقیقت دیب اتار ایدی و داد قیلسه لار ینه شول حاکیم و سرکار لار اوزلار یغه
 چیقاریب بردیلار کونکلی خواهش قیاغاندیک قول لاریدین کلکان باقیمانده
 ظلم لارینی قیلیب آلور ایدی وترکه چی قاضی لار حالتی مو اوشبو منوال ده
 ایدیلار اما قدیم بیک و بیک زاده لاریکم اوتاغات و قالفاق لارینی ساقلاب
 ایکنچی مرتبه خطای لاردین امید وثاق توتقان کونکلاری بغض و نفاق برله
 منصف بولغان بیک لارغه اجل موعود یتیب اواسه لار جناب غازی بنور فراست
 ییلیب ترکه لاریغه ظالم بد طبیعت ومیرزا شوم طلعت لارنی دولتخانه عالی دین
 ایبارور ایدیلار کیم چنانچه میرزا قاسم مهتر ومیرزا عبد العزیز بخاری لارنی

اقسولوق عبد الله ديوان بيكى تركه لار بغه ايباردى ميرزا مذكورلاريك
 اوتاغات چشم دارى پنج هزار تنكه ديك قالفاق خطايى ده هزار تنكه ديب بها
 قىلىرى يعنى بر اوتاغات ودر قالغاننى اون بش مينك تمكه بها قىلىدى وقالغان
 مال اموال لارينى هم بولاطرىقه ده بها قىلىپ قىرق تنكه كى دىن بر تنكهنى
 تركه ديب حسابلاغانده فرق الله ممك تمكه تركه حق عسكرىه تعين تافتى كل
 اموال اجناس لارى يكرمه سكر مينك تنكه بولدى وقالغايى خويش اقربا
 وملازيم خدمتكارلار دىن اليب وتىلاب تافىپ بردى وديوان بيكى مذكورنيناك
 قزى اوردا عالیده وازدواج لار مسلکیده و عقد عالی همایونى ده ایدیلار حاصل
 الكلام دولت واقبال زوال غه يوز كلتوركانیده پادشاه واولوغلار فعل خويلارنى
 يوتكايپ قالور ايكان و فقرا ورعيه بلکه سپاه خدم وحشم لار وضع اوضاعى هم
 باشقه بولور ايكانلار خواه بيككت و سرباز و امرا و سپاه لار تون سروپا
 فوستين لارينى كيب و آطلارينى مينيب و فل لارينى خرج قىلىپ واغاجه لارى
 اليب وكونكلى خواهش قىلغان غذا طماق لارنى قىلىپ ييب واغز دند انلار يدا
 جابناب تيشلاب تور و غلوق جناب عالی نيناك شكاييت لار دىن اصلا تىل لارينى
 ييغماديلار وتوز حقينى رعايه هم قىلماديلار بالاخر جزاسنى تارتى و كفرانه
 نعمت قىلغانلار نتيجه سيني كورديلار نقلى دوركيم كاشقردا فيض آباد كنتى دا
 بر آدم اوروغ ساچىپ قوش هيداب تورغان ايكان يمه بر آدم كايپ سورابدوركيم
 اى برادر نيمه تريبى نكز ديب جوابى دا ايتىپ دوركيم نيمه تريبى ماقچى خطاي
 تريبىم ديب دور سور اغوجى تبسم قىلىپ خوش بولوب اوتوبى دور آلته يته
 آي غه قالماي خطايلار كايپ مذكور زمين اوستىكا توشوب نيكفن قىلىپ ياقى
 ديدورلار ايكى فقرا بر برده بولسه خطايلار نيناك كىلا دورغان خبر لارينى
 قىلىپ راست يالغان سوزلارنى توقوب اوزلارنى خوش قىلور ايدىلار و بو
 سوز مصداق غه بر قضيه خاطر يمه غه خطور قىلدىلار كيم زمان اول ده زمانه زاهد

و دوران عابدلاریدین اوج مجیب الدعوات زاهد بر طرفیغه عزم قیلغان ایکانلار
ویول اوستیده بر مونچه جورا کان اوستخوانلارنی کوردیلار وایتیلار کیم بو کهنه
استخوانلار قیداق مخلوق لارنینک اوستخوانی بولغایلار احوالیدین واقف بولساق
دیپ برلاری دعا قیلدیلار شمال قوزغالدی و استخوانلارنی بر برکا متصل
قیلدیلار ینه برلاری دعا قیلدیلار کوشت پی نومورلار استخوانغه فیدا بولدی
ینه برلاری دعا قیلدیلار قالب لاریکا جان کیردی بر زور هیبت لیک شیر
کرسنه سکر یب قوبنی و آچلیقی دردیدین اولکان ایدی مذکور اوج عابدینی
پاره پاره قیلیب طعمه قیلیب ییب کتی تیلاب نافعان خطایلار هم مذکور جان
نافغان کرسنه یولبارس مانند بولدیلار ای یاران عزیزلار تاریخ کتابلاریده
عیان و بیان ذکر قیلیب دورلار کیم پادشاه ما تقدمین لار هم لطف برله قهریت
و جمال برله جلالیت صفت حمیده و ذمیه لار برله موصوف بولوب کلیب دورلار
موندین کین کی پادشاه و حاکیم ولایت لارده هم بو صفت جاری اولسه کراک
چرا که پادشاه و حاکیم ولایت لارغه لطف احسان و عطا قیلمای چاره یوق و غضب
و سیاست کورساتمای ینه علاج یوق اما پادشاهیکه حلیم و لطیف صفت بولوب
سیاستنی اوزلاریغه لازم و روا کورماسه لار فقرالار رفاهیتی و آسایشی حاصل
بولمای یورت تفرقه و هلاکت غه یوز قویار ایکان واکر ظالم قهریت صفت
بولوب عدالتنی اوزلاریغه روا و لازیم بیلماسه لار تنج لیک و آرام لیک فقرالارغه
بولمای بردا بر ظلم رسیده دل آگاه لار دعایی سحرگاه لاری درگاه الهیغه
قبولیت شریفین حاصل ایلاب و آه دیب بغلاغان کوز یاشلارینی در یایی
خونخوار مواج قیلیب انداغ پادشاه لارنی بلکه تابع خدم و حشم و توغ بیراق نای
و علم لارینی بو خاک هدآت اوستیکا اوروب فنا غرقی آبی ایچره غرق ایلاب
نابود و ناچیز قیاور ایکانلار بوفلک بوقلمون حوادث روزگار بدین تجربه لار
حاصل ایلاب عبرت آلا تورغان اش دورلار قوله تعالی فاعتبروا یا اولوا الابصار

قطعه

تکيه قیامه ای عزیزلار دولت ایلام غه
باش یانینک کدین پات آلورلار دولت اقبالنی
یتقوزوب جسم لطیفنکنی بو تیره خاک اوزه

یوق ایتیپ صولت حشمنی بس قیلورلار ناینی

خداوند کریم حکمت غامضه سی برله هر صاحب دولت و ولی نعمت لار دولت
و نعمت لارینی آلماقنی تقدیر و اراده قیاسه لار اول فعل خوی و اطوار حمیده لارینی
آلیب و انینک عوض غه ککردار نالایقه و اخلاق ذمیمه لارنی اولتورغوزوب
شکرانه و نعمت دین تاییلدوروب و کفرانه و نعمت غه کبیلتوروب اندین دولت لاری
آفتابی نی تیره و بخت اقبال لاری نوری نی خیره بلکه اوچوروب یوق قیلیب ینه
بر لایق دولت بلند فرواز بهاش فرق لاریغه تاج سلطنتنی قویوب نوبست
نای لاریغه صدا کلتورور ایکانلار خواه پادشاه و خواه کدا بولسون بش کونلوک
دنیاده یخش ایشلار بر پاقیلیب نیک نام لار زمره سیدا کتماکنی نصیب
وروزی قیلغایسین آمین .

قطعه

بو عالم ایچره یخش ایت عمارت که قالغای نیک نیام هم بقالیق
ورق ایچره قیلیب دور یخش آن لار - اکر کس ریغه اوخشه قیلسه شلیق
وامراء عالی مقام و جنود عاقبت انجام لار اتفاتی برله اول
سید حکیم خانتورم نی خان لیق جلوه سیده و سلطنت
مسندیده اولتورغوزغانی و جرخ کجر فتا موافقت لیک

قیلماغاج حب الوطن من الایمان مقتضاسیچہ اوز
 وطن لاریغه مراجعت قیلغانی و واقعہء حلوی بیانی
 مؤدت اطوار و محبت آثار خاطر روشن ضمیرلاریغه هویدا اولغایکم نفلی دورکیم
 اول زمان کیم جناب بدولت غازی دولت فانی تاشلاب و آخرت باقی
 خوشلاب جانلارینی قابض الارواحغه و ملک لارینی اوغلانلاری برله قبیجاقلارغه
 بلکه خطای برله قلماققلارغه نافشوردیلار نیاز حاکیم بیک و احرار خان تورم
 جسد عالی لارینی ایچکری الیب کریب یاتقوزوب قویوب قرا شهرکا بیک بجه
 حق قلی بیک کا صورت واقعہنی بیان ایلاب تیزلیک بیلان خط مانکوردیلار
 قرا شهردین بیک بجه اوجونچی کونی یتیب کیلدیلار انکا غچه نیاز حاکیم بیک
 اوزلاریدین احتیاط و اندیشه قیلیب عرض داد بولسه ایلکر کیدیک بدولت
 الدیلاریغه الیب کرکان بولوب ینیب چیقیب بولطریقہ فرمایش قیلدیلار
 جناب عالی مزاج شریف لاری اندک رک خفه ایکانلار حلی زمان چیقادورلار
 دیب کشبیلارنی یقین باردورمای بولطریقہ برله اوج کوننی اوتکاردی اما بیک
 بجه هم کیلدیلار تورم باشلیغ امیر لشکر پانصدلار هم آرقه دین یتیب کلدی
 آشکارا بولدی نیاز حاکیم بیک محمد کریم قل داد خواه و تاشبای داد خواه
 و اتابای فانصدلار باشلیغ همه امرا و اشکرلار اتفاق و مصاحبت لار قیلاشب
 سلاطین ماضیه لار رسم رسوم لاریچہ حکیم خانتورم نی آق کیکنزی اوستیکا سالیب
 کوتاریب خان کوناردیلار خزینهلار ایشک لارینی آچیب داد خواهلار باشلیغ
 کتہ کچیک بیکت لارکا تون سروپا فل و طلا آط و جبدوق لار برکالی توردیلار
 بر منوالده پتہ کون اونی بر کجه دا بیک بجه جناب عالی نعلش لارینی الیب
 افسر طرفیکا تیز و تند بوردیلار داد خواهلار باشلیغ کتہلار عرض قیلدیلارکیم
 بیک بجه بدولت غازی جسد لارینی الیب بوردی افسوغه باریب خزینہنی

الېب سرانجام قېلىپ اندىن كاشقرغە بارىپ كاشقرداكى خزىنە ودفىنەلارنى
الېب اكا واوكا ايكولان خزىنە قوللارغە كېرگەندىن كىن بىزلاركا قراماي
اندجان وناشكندغە چىقىپ كىتادور خزىنە بولماغاندىن كىن بىزلار خطاي لار
برلە قىداق اور وشورمىز دېب مەقول قىلدىلار كورلارنى تونكانى داخوغە تافشور دىلار
اقسولوق كوچر وانك بىك نىنك اوغلى آق نىياز بىك نى تونگچى وىساو لىباشى
قېلىپ بىر دىلاروبا محمد جارحى باشنى بش يوز سىر باز بىلان كورلادا قوبوب
آرقە دىن جناب تورم باشلىغ قوشونلار اقسوغە قراب روانە بولدىلار بىر بىر
آرقە الدىراب اوشوقوب اقسوغە داخل اولدى و بىك بچە اىلمكرى لاپ كلىپ
بىر مونچە خزىنەنى يىغشتوردى و بىكىت و قىچاق لار بىتىپ كىلدى ايكى كىون
اونى بىك بچە جناب على جىسلار پىنى الېب كاشقرغە روانە بولدى اما غرض لارى
بو كىم كاشقرغە دادام نەش جىسلار پىنى الېب بارىپ حضرت افاقدى دىن قېلىپ
اكام بىلان مصلحت قىلاشىپ ياكە من كىلورمن ويا اكام اوزلارى كىلور
خطايلار بىرلە غزات قىلامىز دىكان امىدلار پىنى محكم و مستحكم قىلىپ يولغە چىقان
ايدىلار اما نىياز ها كىم بىك و بىر نچە قىتە فسادلار كاشقرداكى چونك بىك كا
مخس خط قىلىپ كىشى مانكدورغان اىكان لار كىم بچىك بىكم باردى لىكن وضع
اوضاعى لارى باشقچە البتە احتىاطنى قىلغايىلار و باخىر بولغايىلار والسلام دىب
اما چونك بىك خطنى كوروب مضمونىدىن واقف بولوب آلدىلار بىغە محمد
ضيا پانصدنى باش قىلىپ بىر نچە محرم بىكىت و سىر بازلارنى چقارىپ دىب دورلار كىم
حق قلى بىك نى او جىراغان بىر دا يوق قىلىپ كوموب انىب اشيا كىن لارنى اوزونكلار
الېب كلىنكلار دىب فرمايش قىلغان اىكانلار بىر لونكو دىكان موضەدە و بىر
و بولاشىپ و آط دىن توشوب بىرر قىبالە دىن چاى اىچىپ آطغە سواره بولوب
ما هو الوقىنى بىر بىر بيان و تقرير قىلىپ بى خالصىن كىتىپ بارغان دىن دا
قچىر محرم دىكان بىك بچە كا اوق چىقارىپ دور پىران اوتوب دور بىك بچە

بو نیمه بوق یکانینک دیب قلیج لارینی تارتیب حمله قیلماقلیق برله ینه بر-
 بیکیمت آتیب دور آطدین یقیلیب دور مذکور جیلغه ایچنده دفن قیلیب دور
 حالا حق قلی بیگ جیلغه سی بیلان معروف و مشهور دورلار اما تاریخ بر مینک
 ایکی یوز توقسان تورت ماه جمادی الاول ایکی سی کونی جناب تورم اقسو
 دار السلطنه سینده مسکن و مقام توتوب خان لبق تختی دا بر قرار اولدیلار
 همه بیکیمت قبیجاق و قیرغزلار جناب عالی خزینه و دفینه لارینی تاراج باراج قیلیب
 کتی بو تاراجنی خان نلاسی دیر ایکانلار اوشبو فترات کونلاریده نیاز حاکیم
 بیگ برنجه ملازم لارینی الیب ختن غه قراب قاچنی اما حکیم خان تورم عبد
 الرحمن داد خواهنی ایلکرکی دستوردا علیحده یرلیغ و نشان برله اقسوغه حاکیم
 قیلدیلار کوچادین عامل خوانتورم الیب محمد رحیم خانتورم نی سیورغال
 قیلدیلار و اوشتورفانتی حکیم پانصدغه مرحمت قیلدیلار و بای سیرامنی موسی
 مس بیکی کا انعام قیلدیلار محمد موسی توقسابه نی و اتابای پانصدنی هد یچی
 قیلدیلار و التون تیاق انعام قیلدیلار بجه باتور فانصدنی همه لشکرلار اوستنده
 امیر لشکر قیلدیلار کریم قل داد خواهنی امیر لشکر قیلدی ملا عالم قل نینک
 اوغلی شیر محمد میرزانی امیر لشکر قیلدیلار کفک لاور و محمد افندی نی
 ایکی مینک سر بازغه امیر لشکر قیلدیلار حاصل الکلام بو کیم سکز امیر
 لشکرلارغه یرلیغ و نشان توغ و یراق علمی دهل و دو مباق اسلحه و یراغ و آط
 توفیقا لار یریب مرحمت شاهانه و التفات خسروانه لار کورکوزوب تورغان
 وقت لاریده خبر بولدیلار کیم کاشقر دین بیگ قلی بیگ جامه داد خواه عمر قل
 امیر لشکر و آلاش داد خواهلار باش بولوب نورغون قوشون اقسو اوستیکا
 قراب یولغه چیتی دیکان خبرنا ملایم لار کلکالی توردی بول خبرلارنی حکیم
 خانتورم انکلاب بجه باتور امیر لشکر باشلیغ همه لشکر باشی پانصد و بیگت
 سر باز بولوب جمعی یکره بش مینک قوشون نصرت نمونلار برله آطلانیب

منزل بمنزل بوروب اقسودين تورت منزل ياي دى دىكان موضعه غه يتيب
 باريب نزول اجلال قىلديلار بىك بجه قوشونى جفاولى الاش داد خواه ايكانلار
 جول قىدوق موضعىنى منزل قىلغان ايكانلار جناب تورم فرمايش لارى برله
 محمد سعيد پانصد وحافظ پانصدلارنى جفاول قىلىپ مانكدوردىلار بولار يتيب
 باريب ملاقات بولوشىپ آلاش داد خواه بىكتلارنى آرقه غه ياندوردى وبر
 نچه آدم لارنى بنده قىلىپ اليب كىلدى وكاشقرلىق آخون پانصد جناب تورم
 طرف لارىغه قاچىپ اوتى همە لار كىمبارك لىك وخرسند لىك يوز گىلتوردىلار اولكونى
 ارام آلدىلار قراولچى واپروچى لار قويدىلار واپرتەسى ايكى دريايى خونخوار
 ولشكر جرارلار روبرو بولوب صف لارنى راسلاب مجادله ومقائلە كا توردىلار هر
 ايكى طرفدىن اولكالى توردى قتل قتال بازارى جوش وخروش غه كىلدى
 تورم نىنك بهادرلارى بىك بجه بىكتلارنى آرقه غه ياندوردى كويبا اليب
 بولغان حىن دا آتاباى پانصد هدىجى تورم طرفدىن يوز اوپروب قاچىپ
 بىك بجه طرفىكا بىكتلارنى اليب وتوفنى بوزوب كرىپ كىتلار بىك بجه
 طرفى كا قوت حاصل بولدى وتورم طرف لارى ضعيفلاشتى اوشبو حال دا حىسین
 محرم باش غه اوق تىكىدى تورم آرقه لارىغه ياندى كرىم قل امير لشكر كرىم
 باى ميرزا اوغلى بىك پانصدلار هم آرقه غه ياندى ومحمد موسى توقسابە
 كىك لاور محمد رحىم فەلوانلار كلغىن قاشقال قرا بولاق برله اندجان غه قراب
 يولغە روانە بولدى بىكت سرباز بولوب بر مىنك بش يوزغە يقىن آدم همراه
 كىتلار والته ساعت اوروشتىلار ايكى طرفدىن بر مىنك بش يوزغە
 آدم ضايع بولدى اما آتاباى پانصد بىك بجه خدمت لارىغه باريب دعا قىلىپ
 سروپا كىب عرض قىلدىلار كىم ياي دى دا نورغون خزىنە بار اىدى ضايع
 بولوب كتار مكى دىماك لارى برله آتاباى پانصدنى سىز ايلكرلېپ باريب خزىنە كا
 حاضرلىق قىلنك دىپ فرمايش قىلدى تىز تند كلىپ خزىنە لارنى اوزىكا

خزینہ قلیب تورغان ائنادا جناب حکیم خانتورم یتیب کیلدیلار انا بای
 قاچتی لار توتتوروب الیب کلیب یلانکاج قلیب بایلاب سن مندین نیمه
 یمان لبق کوردونک سنی من هدیحی قیلدیم سین کورنمک لیک قیلدینک آبا
 اجدادلاریم روح پاکلاری اولوغلغنی کوردونکمو سنی مینکا توتوب بردی
 اوزونک نینک جزاسی دیب شاش وسرکش آطنینک قویروقغی بایلاب قویوب
 بردیلار چنکال وتیکن لارده فرجه فرجه بولوب یوق بولدی خزینهلارنی ناراج
 باراج غه حکم قیلدی بولار کتیلار.

نظم

ناله قیلمه غیردین اوزونک ایشیدین ببول ملول
 کیم ضررنی ناریب ایردینک هم ضررتافتنک حصول

شمع پروانغنی کویوردی
 کویکوس داغی اوز ایاغی بیله

حاصل الکلام تورم آیکولغی کلیب ایگویدین آرالنی آرالاب اوشطرفانغی
 باریب وآنده هم تورمای بدل دابانیدین آشیب اسبغ کولغی باریب واول
 یرده هم استقامت قیلالمای فرغانه ولایتی مرغینان شهری مضافاتی عسکه
 دیکان آبا واجدادلاری محله سپره مقام قیلدیلار و جناب تورم برله و محمد موس
 توقسابهلار برله بش مینک دین زیاده راک آتارمن چقارمن بیکت بهادرلار
 چیقیب کتیلار و امیر اشکر بچه باتور باشلیغ بر نجه پانصدلار اون مینک دین
 اشاراق بیکتلار برله هیچ طرفیکا یوتکالمای توختاب توروب بیک بجه کا دعا
 قیلدیلار والنفات غه یتیلار و بیک بجه دین اهنمادی بوق بر نجه عملدار و یکتلار
 هر طرف لاریغه قاچیب سرکردان بولدیلار اسلام رونقی کتی جناب غازی
 اتالیق القاب لاری بدولت ایدی لقب آسمانی و مسمی باسم ایدیلار جناب
 بدولت

بىدولت كنىلار دولت اسلام هم روانه بولدىلار الھى مسلمانلار دلى ضميرلار بىدین
اسلام محبتى محو وفراموش قىلماي مسلمانلار زمره سېدا محشور قىلغاي سېن
اللھم احشرنا من زمرۃ المسلمین والمساكين آمین انه مجيب الداعين بحرمۃ
سید المرسلین •

جناب پيك قلى پيك ابن محمد يعقوب پيك اتاليق غازى
حكمرانى واقسو ختن تسخيري ومالى كارى ودولت
اختتامى بيانى

ياران تمكين و برادران عاقبت بينلار ضمير مبرهن لاريغه روشن وهو سېدا
اولغا يكم اولزمانىكم جناب اتاليق غازى نەش لاريني برادر عيني لارى حق قلى
پيك كورلا دين اليب كاشقرغه عازم بولغانلار بىده بر نچه فتنه فساد غرض
كوسى وغەزەسى برله اول باره بى جريمه وبى كناه اوزانى لارى خون ناحق لارى
برله اوزلاريني آلوده قىلىپ دنيا و آخرت دا ملامت و سرزنش غە نشانه ابلادىلار
واندين سونك اقسو طرفيكا جناب حكيم خانتورم اوستيلار يكا عزم رزم
قصدىدا مصمم بولدى امير لشكر عمر قل داد خواه جامه دار داد خواه والاش
بى داد خواهلار باشليغ اون بش مينك دين زياده عساكرلار برله تاريخ بر مينك
ايكى يوز توقسان تورت ماه جمادى الاخر اون سكزى دېد به وصولت لاريني
راسلاب اطلاندىلار چول قودوق و يابدى موضعيده نورم لار برله مجادله و مقاتله لار
بولدى محمد قابل يسا و الباش و پسر پانصد باشليغ بر مينك غە يقين بيكت
نابود بولدى جامه دار داد خواه نينك بشمداق قول لاريني اوق کوتار يب كنى
وزخمدار بولوب ايشدين چيقتى مغلوب لوق يوز كلتوروب تورغان حېن دا
بنا كاه غالب ليق روبردى حكيم خانتورم باشليغ بيكت سر بازلار اوزلاريني يته غە
آلى اتسو و كوچا او شطرفان غچه تصرف لاريغه مسخر بولدىلار منزل بمنزل

یوروب ارکان دولت برله اقسو دار السلطنه سیده وانا میراث تخت بارگاه لاریده
 بر قرار اولدیلار تورم کا قراغان خواه کته وخواه کچیک بیکت لارغه خطاب
 و سرزنیش لار قیلیب بعضه لارنی نظر بند قیلدیلار بعضه لارنی یار کند وکاشقرغه
 هیدادیلار اقسونینک کار وبارینی سرانجام ایلاب عبد الرحمن داد خواهنی
 علیحده اقسوغه ها کیم قیلیب برلیغ مرهت قیلدیلار محمد رحیم خانتورمنی
 کوچادین الیب عامل خانتورمنی قویدیلار او شطرفاننی محمد بابا توقسابه غه
 مهربان بولدیلار بای سیرامنی موسی مس بیکنی کا انعام قیلدیلار واقسودا بر
 آی مقصداری توروب کاشقر دار السلطنه سیغه مراجعت قیلدی اما عامل
 خانتورم کوچاغه باریب فارغ البال بولدیلار کوچالیق قادر پانصد و شهیارلیق
 مأمور پانصد آلاش داد خواهانی س بولداش بیک پانصد بولوب بش پانصدنی
 عامل خانتورم بکوردی بطریق قرالچی قویغان ایدیلار بو پانصدلار زمانه کار
 حال لاریدین آگاه بولوب نیت لارینی بوزوب همه بالانفاق مصالحت لار قیلاشیب
 سوزلاری مونکا قرار تافتی لار کیم ابتدا اول ده کوچادا کی خطا بیلارنی اولتوروب
 ایدوک حالینه خطای گروهی طرفانغه کلیب اولتوروب دورلار بو کون ابرته
 کوچاغه یتیب کیلور احتمالی بار خاقان چین نینک کته دشمنی تونکانی داخو
 و شوخو ایکانلار کوچانی اندیجانلیق دین آجراتیب الیب اوزیمز تصرف قیلیب
 سوراب تورساق شاید داخولارنی قولیمزغه کیلتوروب خطای منصب دارلاریغه
 تارتیق وپیشه کشلار قیلساق بو سبب و بهانه برله ایملکری کی کنه لاریمزغه
 صفو قلمینی سوروب معفو قیلسه لار عجب ایماس دیب بر کچه ده بوزالوب
 کوچاغه قراب یولغه کردیلار بر منزل یقه توقتای دیکان اورتنگ غه کلیب
 تاغ اریق موضعه لاریدین ایکی مینک آلامانی یغیب و آندین بوروب کچه
 میلان کوچا شهر یغه کلیب تورت طرف قورشاب توشتیلار بو واقعه نی عامل
 خانتورم غه خبر قیلسه لار قادر پانصد نینک حتی بارمو بیهوده سوز قیلماغین

دیب بی فروالیق قیلیب اویقوغه توشتیلار بر مینک تونکانسی سرباز توف
 زمبرك‌لار حاضر کوجا شهریده بار ایدی قادر پانصد مخفی کش کیرکوزوب
 اوزلاریغه تابع قیلدیلار انکاغجه تانک آتی وتورم هم اویقودین اویغانیب
 کوزلارینی آچیب قراسه‌لار ایش بر عکس بولوب دور اوروشقالی طیار
 بولدی وایکی طرفدین اوق چقاریب اوروشتیلار عبد الله بیگ
 باشلیغ توره آدم‌لاریدین یوزسکسانچه آدم نابود بولدی مقاومت لیک قیلالمای
 عامل خوانتوره آقسوغه قراب قاچتی کوچانی قادر پانصد اوزلاریکا
 قراتیب اولتوردیلار بر آی اوتماپ ایدی کورلاداکی داخو وشو خولار
 قوزغالیب کلیب یاتغان خبرلاری کیلدی قادر پانصد بش مینک آدم راسلاب
 قرايفاج‌غه آلدیلاریغه چیقیب اوروشتیلار اوچ یوزچه آدم نابود بولدی تونکانی‌لار
 غالب لبق قیلدی قادر پانصد باشلیغ کوجا لشکری هر طرف لارکا قاچتی لار
 اول قادر بیه‌مت نینک قدرت کامله‌سینی مشاهده قیلانکلار کیم بر آی ایچنده عامل
 خانتورم دین قادر پانصد آلدی وقادر پانصد دین تونکانی‌لار آلدی وتونکلاردین
 خطابلار آلدی القصة اما نیاز حاکیم بیگ اقسودین قاچقان لاریچه ختن‌غه
 باریب مخالفت ومخاصمت کوسنی برعلاینه صدا باریب انا ولا غیرى سکه‌سین
 اوردی بو خبرلارنی بیگ‌بچه آنکلاب ییلیب کاشقرکاروبارلارینی سرانجام ایلاب
 ختن‌غه نیاز حاکیم اوستیکا کوشمال برماک قصد ونیتی‌دا راست بولدیلار عمر
 قل داد خواه امیرلشکر وجامه دار داد خواه عالمبای پانصد شیر محمد میرزا
 پانصد ابو القاسم پانصد وامپر لشکر میرزا احمد قوشبکی وتونکانی مادا لویه
 ایکی مینک تونکانی برله توف زمبرك‌دهل دومباق‌لار برله بکره بش مینک جزار بیگت
 برله آطلاندیلار منزل بمنزل یوروب ارکان دولت برله واتالیق غازی ترتیب
 وقاعده اسلوبی برله بارکنده نزول قیلدیلار یارکنددین شغاول داد خواهنی
 بیگت‌لاری برله اوزلاریکا همراه ایلاب ختن مضافاتی زبا دیکان شهرغه توشتیلار

نیاز حاکم بیک انی سی محمد امین بیک نی امیر لشکر قلیب اون مینک عسکر
توف خانه لاری برله و اوتوز مینک آلامانی چومانچی فرا کنده لار بیلان قارغان
ایکانلار ایکی طرفدین صفنی راست قلیب اوروش باشلادیلار وتولا آدم لار
نابود بولدی بالاخر بیک بچه غالب کیلدی محمد امین بیک فرا کنده بولوب قاچنی
وقاچقان خبرلارینی نیاز حاکم بیک آنکلاماق همانا طیار ایکانلار کر به وینه
طرفیکا قاچنی لار و اوردالاری ایچنی و خزینه لارینی بیکت سربازلارکا
و آلامانی لارغه بولانک تلانکغه امر قیلدیلار اما بیک بچه زیاد مظفر بولوب
نیاز حاکم بیک قاچقانلارینی آنکلاب ابوالقاسم پانصد و میرزا علی پانصدلارنی
سکز یوز سکسن بیکت لاری برله نیاز حاکم بیک نی توتوب کسکالی فرمایش
قلیب جوناتیلار وینه زیاده کی اوروشدین کین مظفر بولغاندین سونک محمد
یونس شغاول داد خواه عمر قل امیر لشکر و جامه دار داد خواه لارغه بطریقه
مصاحت بیک بچه دیدیلار کیم الان ختن نی آلدوق ایمدی خطایلار بیلان
اوروشساق ختن قریه یولی بیلان افسوغه چیقیب بارامیزمو یاکی یار کندغه
باریب ویا کاشقرغه باریب آندین بارامیزمو نیمه مصاحت ایتمازلار دیدیلار
همه باشلارینی توبن سالیب هیچ برلاریدین بر سوز چقما دیلار بالاخر شغاول
داد خواه ایدیلار کیم خاقان اقام بولسه لار همه اقام لاردین چونک دادالاری موهم
هونی بلیب اوروشماغان درنچند بخش بیکت لاری ای دی جنکی دین بانغانلار بچه
یورتغه چیقیب کتی مصاحت بیک اوبدانراقی خاقان بیلان اوراشامیزدیماسک
مسلمانلار خونلاریغه هم ضامن بولماساق کاشقردین ایم لارنی الیب کیلسه
یار کند بیلان چیقیب خلیفه روم خدمت لاریغه بارساق یا که هر مین شرفین
زیارتیکا بارساق دیدیلار بیک بچه ینه قراب دیدیلار سیزلار نیمه دیدور سیزلار
دیکانلاریده قالغانلار هم داد خواه اکام نینک مصاحتی بخش مصاحت دور بیزلارکا
هم معقول دورلار دیکانلاریده بیک بچه اکر آنداغ بولسه لار ایم لارنی بیزلار
ختن دین بانغونچه یار کندغه آیب کلیب تورسوندیب عشور محمد سرکارنی

كاشقرغە آيم لارغە بو يروب مانكور ديلار واوزلارى ختن غە نزول اجلال قىلد بيلار
 ختن نى كوچالىق سعيد حاكيم بيك كا مرحمت قىلد بيلار وختن كار بارىنى
 سرانجام ايلاب ماه برأت نينك اون الله سى يار كندغە نزول قىلد بيلار وكاشقردين
 آيم لارنى اليب كىلد بيلار اما كاشقردين آيم لارنى يار كندغە اليب چقان همانا
 كاشقرداكى نو مسلمان خودالوبه اطاعت دين يانيب وقراول لارداكى نو
 مسلمانلارنى هم شهرغە اليب كىرىب خزينه دفينه يراغ اسلحه آيم و آغاچه لارغە
 صاحب و مالك بولوب مخالفت و مخاصمت كا آماده و طيار بولد بيلار اما زبا دين
 ابو القاسم پانصد وميرزا على پانصد بيكت لارى بيلان نياز حاكيم نى توتوب
 كلكالى فرمايش قىلىپ ايد بيلار مذكور پانصدلار نياز حاكيم بيك آرقه لاريدىن
 قوغلاق اون آله كون لوك منزل ده نى يه دىكان شهر دايتميلار اما تورت
 كونلوك يولنى بر كون ده مانك بيلار نياز حاكيم بيك طرفيدىن محمد امين بيك
 انى سى لشكرلارى برله توختاب توروب مقاتله كا توردى هر ايكى طرفدىن
 تولوب ايكى يوزچه بيكت ضايع بولدى ميرزا على پانصد هم اجل شربتى
 نوش ايتى بالاخر يانيب كىلد بيلار نياز حاكيم بيك خطاي غە قراب جوناب كنى
 اما ابو القاسم پانصد لار ختن كا يانيب كلكاندىن سعيد حاكيم نيتى نى بوزدى
 هاقت الامر ابو القاسم پانصد بيكت لارى برله يار كندغە كليب بيك بجه كا دعا
 قىلد بيلار وسعيد حاكيم بيك احوالاتى نى بربر معلوم قىلدى جناب بيك بجه
 سعيد بيك نى ختن دين آلدى باي حاكىمى محمد امين توقسا به نى قرا قاشغە
 حاكيم قىلغان ايدى ختن كا حاكىم قىلدى سعيد بيك نى نظر بند قىلد بيلار
 القصة جناب بيك بجه اقسوداكى بيكت لارغە بجه باتور پانصدنى امير لشكر
 قىلىپ كلاً لشكرلارنى تافشورد بيلار وحاجى ميرزانى كلاً سربازلارغە امير لشكر
 قىلىپ نونى زمبرك لارنى تافشورد بيلار جمعى بش مينك بيكتنى اقسودا قويوب
 كاشقرغە جوناكان ايد بيلار كوچادا قادر پانصد اطاعت دين چىقتى كامل خانتورم
 اقسوغە بىتىپ چىقتى شول ائنادا اوشطرفانداكى محمد بابا توقسابه نى اقسوغە اليب

كېلىدىلار قادر پانصدىنى توتوب كوچانى مسخر قىلا دورغان مصلحتى دا بولىدىلار
 حسام الدين پانصدىنى وتورت پانصد باشلىغ قرايولغونغه مانكدوردىلار مدعالارى
 كچىك يواپچه كوچاغه كېركايلار وينه تورت پانصدىنى چونك يول بىله كوچاغه
 مانكدوردى مدعالارى ايكى طرف لب كوچاغه بارىب كوچانى مسخر قىلىپ
 قادر پانصدىنى توتوب كوچانى قول لارىغه الا دورغان مصلحت ده تورغان جىن دا
 خطاى لار كوچانى اليب دور وتونكانى لار قاچىپ سىرام غه چىقىپ دور وكوچا دا كى
 مسافر پانصدلار تونكانى الديلار يدا چىقىپ يقه ارق دا كى پانصدلار غه ملاقات
 بولوب همه بالاتفاق خطاى لار بىلان اوروشتىلار خطاى غالب كلىپ چونك
 يواغه وپانصدلار قزىل بولاق يولى برله كلىپ اقسودا محمد بابا توقسا به وبچه
 باتور امير لشكرلار كا خبر سالىدى وامير لشكرلار عبد الرحمن داد خوادىن
 امين بولما دىلار بالاخر عبد الرحمن دادخواه نى توتى ويسا اول باش س نى هم
 توتوب محكم قىلىپ كاشقركا مانكدوردىلار بالوقت هر نرسه لار دىپاشىب مصلحت
 قىلىدىلار وباش اياغلار ينى تافالماى حيران وسراسىمه بولىدىلار واقسوغه مقىم جان
 ايشباش نى نماز خفتن بىلان ما كىم قىلىدىلار كچه چه خزىنه لار نى خطا دىلار
 وتانك اتى بىكت لار فرا كنده بولىدى امير لشكر پانصدلار تونكانى وخطاى لار
 بىلان اوراشامىز دىب يولغه چىقتىلار بر بر آرقه متواتر اخبرلار بولىدىلار تونكانى لار
 خطاى لار دىن قاچىپ كلىپ يتادور اما خطاى لار تونكانى لار آرقه لار يىن دم دم
 باسىپ كلىپ تورادور دىكان خبر بولغاچ امير لشكرلار هم يولغه چىقانلار بچه
 مقاومت قىلا دورغان نىنك مصلحتى نى تافالماى چارنا چار كاشقرغه قراب روانه
 بولىدى وتوش هدى يقىن بولوب ابدى تونكانى لار كويا مورماخ يىنكلىغ كلىپ
 شهر دا هم تورالماى اوشطرفان طرفىكا اوتوب اوتوز يول مقدارى بىركا بارىب
 توشتىلار شول كوني كچه بىلان تونكانى لار آلدى وآرقه سى اونوب وكچه
 قرانكغوسى كوتار يلىپ صبح ظاهر بولىدى ومشرق طرفىدىن قراچرىك لار نمايان
 بولىدى تارىخ بىرمىنك ايكى يوز توقسان تورت آط بىلى ماه شوال اون يته س

چهارشنبه كونی ابردی خاقان چین قرا چریكى آطلاری نواقی اقسو شهر ایچره
 برقرار اولدیلار القصه مذکور بیکت وامیر لشکرلار یکم آقسودین امیدلارینی
 اوزوب خداوند کریم فرمان و اطاعت لاریغه بویون سونوب بعضه لار او شطرفان
 بیلان اسینگ کول طرفیکا اوزینی جایلادی و بعضه لاری کاشقر کاتی بعضه لاری بار کندغه
 باردی اما جناب بیگ بچه صورت واقعه دین خبر تاقیب تورغان حین دا
 یار کنددا کی بیکت لار اراسیغه تفرقه لیک پیدا بولوب بعضه لار کاشقرغه و بعضه لار
 ینکحصارغه قاشتیلار بیگ بچه نینگ غضب لاری اورلادی آطلانیب ینکحصارغه
 کیلیدی و قاچقانلار دین اخون پانصدنی اولتوردی و محرم دین ایکی نی دارغه آستی
 و بر بچه بیکت لارنی یوق کیلیدی ایکنچ مرتبه ضبط قیلغاچ بیکت لار جمع
 بولدی مصاحتی شونکا قرار تافتیلار کیم کاشقر داککی نو مسلمان خود الویه
 کورنیک لیک قیلیب دور اول باره خود الویه نی بر طرف قیلیب اندین خطایلار
 برله غزات قیلسام دیب کاشقرغه اطلاندیلار خود الویه نی آلاش بیگ داد خواه
 محاصره قیلیب اوروشوب تورغان حالتی ایدی بیگ بچه باشلیغ همه امرا بیکت
 و سر بازار ازته دل مجادله و مقاتله کا توردی چرا که خزینه و توف خانه و لندن دین
 الیب کلکان نیچه مینک دومله یک مله ملطیق لار وهمه کته کچیک امرا
 بیکت لار نینگ خاتون بله چغه لاری و اوی تعلق لاری ینکی شهر دا ایدی همه کا
 خود الویه صاحب و مالک بولوب قالدی و شبه لار باغلادی حرکت و تردد لارینی
 بقدر امکان ادا ایلادی بولطریقه برله یکر مه سکز کون اوتتی ذی الحججه آی نینگ
 توقوزی صرفه کونی ابردی و صفیل نینگ بر طرفیکا داری قوبوب طیار قیلیب
 ایرته بیلان اوت بریب شهرنی الامیز دیکانلاریده ایرته بیلان خطای چریکی
 یتیب باردی صفیلغه و یا شهرغه قراغالی فرصت بولمادی هیچ نرسه کا قرامای
 اند جان بولینی اختیار قیلدیلار و میرزا احمد قوشبکی بر مینک دین زیاده رک
 بیکنی بیلان کهنه شهر دا قوم دروازه سیده توروب بیکت لارنی و مسافر سودا کر

بایلارنی الامانی لاردین امان لبق برله چیقاریب توردی خطای چریکی شهرغه
 کیرکاندین کین میرزا احمد قوشبکی بیکت لاری بیلان شهر دین چیقیب فرغانه
 طرفیکا روانه بولدی خطایلار آبا واجد اولاری ملک مورثیغه ثانیاً مالک و صاحب
 بولدیلار شونداغ پادشاه ذی شوکت نمونه و نشالاری دین حکایت دین باشقه بر نیمه
 یادکار قالما دیلار ایت کریمه فاعتبروا یا اولی الابصار تاریخ بر مینک ایکی یوز
 توقسان تورت آط بیلی ماه ذی الحججه اونی کونی جدی فصلی اولی ایردی .

قطعه

خدا ایبکم ابرورلار مالک الملك که هر کیمکه برسه نوئی الملك
 نه حد بولغای کشی غه ملک آلماق شهنشاهیکه اول دور تنزع الملك

مثنوی

کدانی شه ایتاردین یوق هر اسان انکا شه نی کدا قیلماق هم آسان

نظم

هر چه خالف خواه لاغانی اول بولور انچه مخلوق خواه لاغان قید بولور
 حاصل الکلام اول خدای حی لاینام جل سلطانه نینک یادی نیازی قوزغالدی
 بو یته شهر اهالی فرق سرلاری دین اسلام نوری چراغنی اوچوردی و مشرق
 حدیدین قرا چریک کفر ظلمانی دودی اورلاب بو یته شهر اهلی و فرقه لاری
 باشلاریغه کویا قرا پلاس مثالی یافتی مسلمان منصف بادیانت لارکا بر مصیبت
 و الم و حزن ملول و غم لار یوز کلتوردی لیکن مسلمان صورت منافق سیرت لارکا
 بر طوی معرکه شاد خندان بهجت و سرور لوق حاصل اولدیلار قادر مختار جل
 شأنه اراده و تقدیری برله احکام قضا بولطریقده دا جاری بولغاندین کین اطاعت
 و فرمانیغه بویون سونمای علاج برق لیغی همه انسان کروهبیغه اظهر من
 الشمس دورلار بولوجه دین چارنا چار علما عظام و اصیان کرام لار بل لارینی محکم
 باغلاب خدمت ده آماده و مستعد بولدیلار

مثنوی

خدا برکانیکا سېن هرکز او چاشمه عطا ایلاب اوزی بردی خداوند

نیاز ھاکیم بیک روکردان واقعاتی و فعل اطواراتی و عاقبت کار

حالی و اختتامی شمه بیانی

یاران منصف بادبانت و برادران محبت با صداقت لار دل آینه لاریغه ظاهر
اولغای کیم انداغ نعل قیلادورلار کیم نیاز ایشکاه بیک قدیم یار کند آدم لاریدین
براحاد الناس دهقان قیشلاقی اولادیدین ایکانلار کچیک لیکى دین خطای منصب
دارلاریغه خدمت قیلیب الصبحة مؤثره مضمونی شریفی چه خطای لار خوی
فعلی لاری برله مکتسب بولوب مرتبه بمرتبه چونک بولوب یار کند غه ایشکاه غه
بولغان حالتیده بویته شور تفرقه بولغان ایکانلار یار کند دا عبد الرحمن حضرتیم
خدمت لاریدا بولوب وتونکانی لار خدمتی نی هم قیلیب کوچالیق خواجم لار
بارغانیدا خواجم لارغه هم خدمت قیلیب کاشقردا یعقوب قوشبیکى بىنكى باش
کوتارکانلاریده قوشبیکى خدمتی نی هم قیلیب همه لارکا مواسا و مدارامخفی و اشکارا
رفت آمد قیلغانلاریدین کوچالیق یعقوب دیوان بیکى اگاه بولوب دیب دورلار
کیم اوزلاری همه لار برله کوروشوب تورار ایکانلار بر اولوغ خدمتی دا بولماس
ایکانلار بوایشلاری اوبدان ایماس دیب اعتراض نما دیکانلاریدا جوابی غه
دیپ دورلار کیم بویورت قیس لاری قوللاریده تورار دورغان نی بیلمایدورمن
بولوجه دین همه لاریغه خدمت قیلان اکر بیلسه لار جزم قیلیب برسه لارمن
برلاری ایشک لاریدین بولک ایشک کا بارغایمن دیب ظریفانه طریقه دا جواب
بردیلار بو مقدمه دین معلوم بولد یسکم نیاز ھاکیم نی خداوند عالمیان اصل
خلقت ده کورنمک لیک نی ذات جیلّی دا بیلّه خلق اینکان ایکانلار بکم کورنمک لیک
مکافاتنی بو عالم دا کوروب کتی عنقریب ذکر تابغوسیدور انشاء الله العزيز

حاصل الکلام یار کند اتالیق غازی تصرفی غه داخل اولدی یار کندنی محمد
 یونس جان شغاول غه انعام قیلیب نیاز ایشگاه بیگ نی شغاول غه شغاول قیلیب
 بردیلار مددالاری اسلام شریف رسم تعامل لارینی کسب انسون دیکا نلاری
 ایکانلار اما جناب اتالیق غازی ختن نی تسخیر قیلدی نیاز ایشگاه غه بیگ نی
 ختن غه حاکیم بالاستقلال قیلدیبلار وانی سی محمد امین بیگ نی امیر لشکر قیلیب
 سکز پانصد مرحمت قیلدیبلار اون ایکی ییل ختن غه حاکیم بولدی حاکم بولغانبدین
 تارتیب اون ایکی ییل غه هر جمعه نمازیدین کین بر عریضه جی سی سکز
 یامبولوق آلتون الیب کلیب دعا قیلور ایدی هر یلدا ایکی نوبت چونک
 تارتیب قیلور ایدی وترتیب لاری تعدادی شمه بیانغه کلیب اوتی بول برده علیحد
 ذکر قیلینمادی جناب غازی عالی فرمایش لاری برله ختن دا ایشخانه قیلما قغه
 امر بولغان ایدی اوز فراست وکیاست لاری برله چقارغان هنر و تدبیر لاری
 زیاده ایدی خصوصاً زیاجه باب اوسته لار کیم ایفک زیاجه لار راسلادیلار هیچ
 زماندا بوخیل زیاجه لار طیار بولماغان بولغایلار و جناب عالی ترتیب و پیشه کش لاری بدین
 آشوروب تورت توقوز محراب لیک ایفک زیاجه طیارلاب مکه معظمه غه هدیه
 قیلدیبلار و تورت توقوز محراب لیک ایفک زیاجه راسلاب مدینه منوره کا هدیه
 قیلدیبلار هر زیاجه نینک وزنی یوز بوز جنکدین کم ایماس ایدیبلار وینه بر
 توقوز ایفک زیاجه وبر توقوز یونک زیاجه مهیا قیلیب اصحاب الکمف غه
 هدیه قیلدیبلار ختن دا کی کلامزار فایض الانوارلار مسجد و خانقاه فشتاقلارینی
 بوزوب ینکی بنا و تعمیر قیلدیبلار و شهرلاردا کی و مسجد جامع و عیدگاه و محله
 مسجد لارینی خشت پنخته برله کج کارلیق قیلیب اراسته ایلادیلار و ختن غه تعلق
 کلا رباط و منزل لار غه کول کورلاب و قودوق قزیب و بر توقوز دین کنبدلار و مسجد
 و مهمانخانه آشخانه و آط خانه لاری سالیب و آدم لار اولتورغوزوب آباد قیلدیبلار
 و جناب عالی قلمرویدا کی همه منصب داروسر کارلاردین نیاز حاکیم نی زیاده

بېلىب عزت واکرامىنى كىما يىنقى اداقيلور ايدى لار چراكه فرغانه ولايتى دىن يعقوب بىك غازى ومغولستان زمىنى دىن نىياز حاكم ايشكاه غه بىك توغولغان ايكانلار كىم تدبىر ومصاحت دا وهرىف سلوكت دا بر برلار دىن كم وزىاده ايماس ايدىلار الجنس يميل مع جنسه بولار شانى لارىغه موافق ومطابق ايدىلار بر برلار دىن كوركانده عسل برله سريغ باغ مثلىك ناچىز ومضمحل بولوب كتار ايدىلار اما بر برلار دى قصدى وكىمىنى دا ايدىلار جناب على غازى بويتى شهر فتحى وتسخير دىدا بلكه ضبط ومحافظتى دا اولمقدار محنت ومشتت لار تارتىلار قلم دوزبان تفصلى دىن عاجز دورلار همه راحت ودولت نى وعيش عشرت وفراغتنى نىياز حاكم بىك وبله لارى كوردى كوبافرغانه ولايتى دىن نىياز حاكم بىك اوچون كلكان ايكان لاراون ايكى بردا خشت پخته برله بناقىلغان عمارت لار واوردا كنه باغراق وكنه موض لارى بار ايدى هر كورلوكى بله چقه لارى وملازم خاص لارى برله بر باغ غه چىقىب سبر تماشا لار قىلىب ونغمه نغمات لار برله بهجت وسرورلىق قىلىب يانىب كىلور ايدىلار خصوصاً بر باغ بنا قىلدورتوب جىكت لىك اوردادىب آنادىلار ايكى تىغار اوروغ بارادورغان زمىن نى نىزه بوى كورلاب فسلا تىب وتوقه تىغار لارىنى اىب تاشلاب اطراف لارىغه بلند احاطه نام قىلدوردى ومذكور باغ زمىنى مقدار دىده مشتوت ايفك لارده طور قىلدورتوب بلند توبروك لار اولتور عوزوب توبروك دىن توبروك كا ايفك طناب لارنى تارتىب واوستى نى ايفك طور برله يافتوردىلار چرتنده وپرتنده ودشى واهلى كلى جانوارات لاردىن بر جفت دىن مذكور باغ اىچىكاسولادىلار ميوه لىك وميوه سز باغ وچىنگلى هر نوع درخت وكىاه وكل رىحان نىسرىن ورغانا هنى چىغ ونىكن ونكن غجه مذكور باغ غه كوچت قىلىب اولتور غوزدىلار چىنگل وصحرالارده تاقىلمىغان شجره وكىاه لار اول باغ اىچىنده حاضر ومهيا ايدىلار هر كورلوكى نجه تىغار اشلىق مذكور پرتنده جانوارلار غه ساچىب برور ايدى ونجه

ایط ایشک لارنی یولبارس بوری وتونکوز تولکی قنارلیق جرنده جاندارلارغه اولنوروب تاشلاب برور ایدی هر وقت کونکلی خواه لاسه لار چیقیب تماشا و تفریح لار قیلیب یانیب کیلور ایدی هر نه خواهش قیلغاننی اوز مدعالار یدیق قیلدی لار ختننی انداغ ضبط و مربوط قیلدی لار کیم بررنه آدم چون چرا قیلغانی مجالی و مقدوری یوق ایدی ظلم و جبرینی حد دین اوتکازدی اما تعریف و توصیف لاری انداغ زیاده ایدی لار کیم عاقل لار عقلی و تعقلی و حکمالار فکر و تفکر لاری دین تاشقاری ایدی لار هر قانجه دور بین کارشناس لار تفکر باشینی تخیل دریا سیغه چوموروب غوطه لار اوروب جولان لار قیاسه مو مراد ساحلی و مقصد کناره سی ناظر لار نظر لاریغه جلوه قیلماس ایدی لار و قلم خوشخرام دریای مبرغه غوطه برکانچه باشنی اوستون قیلالماس ایدی لار اما عقل فراست و دولت و حکومت لاری کم نیاز حاکیم بیگ فرق سرلاریده موجود بار ایدی جمیع سی جناب اتالیق غازی دولت آفتاب لاری نوری اشعه سیدین کسب ایتلکان بر نمونه و نشانه بلکه بر اثر وزره ایدی لار حاصل الکلام جناب غازی عالی نینک اعتقاد و التفات لاری آنچه بار ایدی لار کیم نیاز بیگ نینک عذر خیانتی آندین یوز چندان زیاده ایدی لار بری بو کیم ختن دین نیاز حاکیم بیگ بر طغاسنی لهجور سنک طرفیکا خطای منصب دارلاری دین اسپنلیک سورانیب و اوضاع لارینی جاغلاب بلکه تکلیف قیلیب کلکالی ایبارکان ایکانلار نجه آی و نجه مدت دین کین خط خبر الیب یانیب کلیب دور خط لارنی کوروب انکلاب و طفالاری دین لفظاً هم سوراب اوبدان بیلیب بولغانیدین سونک بر اویکا قدوق کورلانیب اغزینی بر طرزی یافیب بیلدورمای اوستیکا کیکنز تاشلاب مذکور طغاسنی شول اویکا باشلاب کریب قدوق طرفیکا تکلیف قیلیب دور ایاضلارینی قویماق همان قدوق غه توشوب کتیب دور زمبل لارده توفه و قوم الیب کلیب قدوقنی کورموروب اتیب دور بر محرم اکاه بولوب صورت

واقعهنى جناب عاليغه عريضه برب دور جناب عالی نیاز حاکیم بیک کا عنایت
 نامه برب دور کیم فلان محرم سیزدین شکایت قیلیب عريضه برکان ایکان من
 ایشته ایدیم محرم نینک جزاسینی برکای سیز دیب عنایت کماک همانا مذکور
 محرمنى یوق قیلیب دور وینه بری بو کیم جناب عالی عالم باقیغه انتقال
 قیلغاندین کین ختن کا باریب ذاتی جانی داکی طغیانى ظهورغه کیلدى مخالفت
 ومخاصمت کوستى بر علانیه چالدى و بیک بچه ختنغه بارغانیدا اوتوز مینک
 آدم بیلان انى سی محمد امین بیکنى واوغلى چقاردى زیاد اجدال وقتالار
 واقع اولدى ختن لشکرى مقاومت لیک قیلالمای قاچتى نیاز حاکیم بیک همه
 عسکرلارینى جمعلاپ وتوف زمبرک لارینى طیارلاب تورغانیدا قاچقان خبرینى
 انکلاب توفغه اوت برب وختن آدم لارینى وعسکرلارینى قتل عام قیلماغلیقغه
 قصد ایتى اما ملازم معتمد آدم لارى بو کار قبیح دین اکاه بولوب یغلاشیب
 تورغانیدا رأی لارى بو فعل نالایق لاردین توختاب امر قیلدی یلار کیم خواه عسکر
 وخواه فقرا بولسون خزینهلارنى بولاب تالاب آلسونلار دیب بویرودى همه
 تاراج باراجغه توردیلار بو حالده نیاز حاکیم بیک خاص معتمدلارى برله
 یخدانلارغه نقدینه لارنى قچالاب وجایللاب کریمه یولى برله خطایلاردین بخشیلیق
 امید توتوب کورلاغه قراب قاچتى لار ایلکرتین منزل بمنزله آطلار توختانیب
 باقیب تورغان ایکانلار اون الله کونلوك یولنى تورت کچه کوندوزدا
 باسیب باردیلار هر منزلدا کی توختانیب تورغان آطلارنى مینیب بولغه کیردی
 اما مینیب بارغان اطالاری نینک پی لارینى کسیب عیب دار قیلدی لیکن
 قاچقانلار یده خواه بیکت وخواه مسافر سودا کر بولسون اندجان نامى داکی
 آدم اوچراغان همانا یوق قیلدی و قراولده تورغان تاش بچه باشلیغ اوتوزجه
 مسافر بیکت لار بار ایدی همەنى نابود قیلدی ابو القاسم پانصد ومیرزا علی
 پانصدلار بوزغون بیکت لار برله قویلاب بارغان ایدیلار قوملوق یولدا اکثر

آطالار توختاب قالدی ایکی یوزجه بیکت قویلاب باریب نی بی دیگان
 موضعه یئیلارچنگ جمل بولدی یوز اللیک جه آدم ایکی طرفدین ضایع
 بولدی بیکت آزاوچون توتوب آلامادیلار نیاز حاکیم بیک قاچیب کنیلار
 ختن دین نی بی دیگان قاتیغ اون الله کونلوك منزل ایکانلار حاصل الکلام
 نیاز حاکیم بیک اوشبو طریقہ برله کورلاغه چیقیب خطای منصب دارلاریغه
 ملاقات بولدی بو کونلارده خطای منصب دارلاری نینک اولوغی لوشی دارین
 بای دا وزونکتونک دارین اقسودا ایدیلار الیب چقان آلتون کوش لاردین
 منصب دارلارغه بردی وبولار لوش دارین وزونکتونک دارین دیکانلارغه
 اوجورینی بردیلار کیاسون دیگان برایغی انکلاب نیاز بیک کاشقرغه باردیلار
 بو لوقت دا زونکتونک دارین کاشقردا ودونک دارین یارکنددا ایدی منصب
 دارلارغه نیاز حاکیم بیک عریضه بردیلارکیم من ختن غه اون ایکی بیل حاکیم
 بولدوم وختن نینک اولوغ خان چریکی برادورغان اون ایکی بیل لیق محصولینی
 الیب مخفی ساقلاب توروب ایدیسم مخفی قیلغان خزینہ لاریمنی اولوغ خان
 چریکلاری کا اچیب الیب برسام اما بو پادشاهه مونکدین زیاده سینی باریب
 فریغته قیلیب توروب ایدیسم دیگان بیک زونکتونک دیب دورکیم سبن ایلکاری نیمه ایش
 قیلغان کشی دیب سوراغانیدا من یارکنددا تور توچی جزکه ایشکاغه ایدیسم
 دیب دور وزونکتونک جواییدا ایتیب دورکیم سنینک کونکلونک یمان آدم ایکان
 سین سنی آدم قیلیب برجونک شهرغه اون ایکی بیل حاکیم قیلسه و تسوز
 برکان اولوغینک غه خیانت قیلیب سین انچه اوبدان آدم ایماس ایکان سین
 دیب پسند قیلماپ دور بالآخر منصب دارلاری ختن غه الیب باریب مخفی
 جایلغان خزینہ لاری برین برین اچیب باریب تافشوردیلار بری بو کیم
 شهرداکی کنه اوردالاری باغی نینک بر طرفی اکیز پست لیک زمین ایدی
 شول یزدا شهید و مزارلار بار ایکان دیب جوره اطراف لاریغه بلند واحاطه

نام لارنى قىلىپ وايچىكا مسجد و حجره لار وقارى خانه واشخانه واطخانه واعتكلى خانه بنا قىلدورتوب وايكى قىر برپا قىلىپ هر بر قىر ايچىكا بر مېنىك بش يوزدىن يامبو ونچە چاركىدىن النون جايلاپ واوستىكا توغ شده علم وپىراق لار قىدات كنه مزارات عالي قىلدى وپىرزمىن دكان لار مزار مذكورغە وقف قىلىپ حاصلنى قارى لارغە واعتكلى ياتقان آدم لارغە تعيين قىلغان ايكانلار هر دوشنبە پنجشنبه كونلارى قولى لار سويوب كىكرو نذر نذورات لار قىلىپ مستحق لارغە برور ايدىلار خواه تركستان و هندوستان دىن وخواه فرغانه ولايتى و بدخشان دىن كېلكان افندى حضرت شىخ وايشان لارنى مذكور مزاردا بر هفته دا اقللى اوج كون اعتكلى دا دعا وطلب دا قوبار ابدى اندىن اوزلارىكا ملاقات قىلىپ سورار ايدىلار كىم بو مزار شريف نىنىك فىض فتوح لارى قايد اغراق ايكن بر نېمە كشى بولدىلار مېكىن دىكانلار بىدا مذكور دعا كوى طمع پىشەلار ايتور ايكانلار كىم نهايتى اولوغ زور مزار ايكانلار هيچ مزارلاردا بىزلاركا بو قسمت فىض يتماكان ايدىلار اما بو مزار شريف دىن كىردوك دىكانلار بىدا تبسم قىلىپ ايتور ايكان كىم بو مزار شريف مخفى ايكانلار جناب عالي دولت قولى لار دىن اشكارا بولدىلار تولا آدم لار حاجتى روا بولوب مقصودلار بىنى تافتى دىب ايتور ايدى و مذكور النون كىموش لارنى كوتارىب اليب بارغان آدم لارنى وپىرى كورلاب كومكان حشرچى خواه بىكىت محرم قنارلىق همەنى خزىنە برله بىلە بر جايدە مدفون قىلدىلار بلكە بو اسرار دىن خبر وپوى الغان هر طرىقه لىق آدم لارنى مو تافىب بولارغە ملحق قىلدىلار بولوجه دىن خزىنە دىفینه لارى نىنىك بوپى وايسى دىن هيچ احدى بوى آلايماغان ايدىلار عاقبت الامور خطاى منصب دارلار بىنى ختن كا باشلاب اليب بارىب مذكور مزار نىنىك توغ شده علم وپىراق لار بىنى بولوب تاشلاب وقبرلارنى آچىپ ايچىدىن مذكور كىموش يامبو والتون لارنى اليب چرىك لار حقى دىب تاشوردى النون كىموشى مخفى

قبلیب مزار شریف دیب مسلمان لارنی فریفته قبلیب یورکان ایکانلار

نظم

انسان اکر آچسه لارتلیبس غه اغیز بیچاره بولور ابلیس لعین بی تمیز
 بو بیک شائیکا شاهد حال دورلار وینه بر باغ لاریدا بر مینک یامبو مخفی قبلیب
 اوستیکا انار اوزوم شفتالو اولتور غوزوب باغ قبلیب اتقان ایکانلار درخت لارینی
 یولوب اچیب مذکور یامبونی منصب دارلارغه تافشوردی وینه باغ نینک کولی
 تیکی دین نجه ونجه فرجه پاکیزه و مرغوب سو تاش اعنی قاش تاش لارنی
 الیب آلدیلاریدا قویدیلار و بر طرفیدین یته یوز یامبو الیب چریک لار
 حق دیب تافشوردی بالآخر اوشبو طریقہ برله تولا التون و کموش و خطایلارغه
 منظور بولا دورغان پاکیزه مرغوب تاشلار مخفی قیلغان ایکانلار همه نی منصب
 دار و چریک لارغه تافشوردیلار کته کچیک خطایلار تحسین و آفرین قیلدی
 بول قسمی عقیده و اخلاص و خدمتکارچیلیقی توغراسیدین یارکندغه حاکم
 قیلدی اما نیاز بیک نینک مطلب و مدعاسی خطای منصب دارلاریدن نهایتی
 چونک جلدولوق منصب کوز توتقان ایکانلار یارکند حاکم لیغی فی نظرلاریکا
 آلمادیلار و ایتیلارکم من عقیده قبلیب طلب و آرزو قیلغان خطای لار بو خطایلار
 ایماس ایکان دیب کونکل لارینی بوزوب یینه عادت قدیمه لارینی اعاده ایلاب
 بو خطایلار حق دا نیت لارینی بوزدی و یارکند دا مخفی ایشخانه فیدای قیلدی
 و مخفی براغ اسلحه لار طیارلادی و شهر صحرا لاردا کی قدیم نمک خورده لارینی
 برین برین چرلاب وعده و عیدلار برله خوش قبلیب و آند مؤکدلار برله
 اوزلاریکا ترغیب و تحریص لار قبلیب امید وار قیلدی لار و وقت مؤءودنی
 تعیین و بر قرار بردی (من حفر بشرًا فقد وقع علیه) حدیث نبوی مضمونی چه
 اوزلاریکا کیلدی اما بر قوند اچی اوسنه نیاز بیک دین کونکلی اغریب ایدی
 دونک دارینغه صورت واقعه نی اظهار قیلدی و دارین مذکور کشی ایبارب

مخفی کوروب جزم ایکانین معلوم قیلدی شوازمان بر خان اوقی برله بکرمه
چریکنی ایباردی خان اوقینی نیاز بیك اولتورغان اوی نینک ایشکی غه
قداب قویدی اوزاوی اوزیکا کویا برزند ان نما قید حبس بولدی یارکنندی
کوچالیق قادر ایشگاه غه بیك کا نافشوردی بؤل اراده بکرمه اوج کون اوتتی
کاشقردین بر منصب دار چریک کلیب نیاز بیکنی قوروق عراباغ غه سالیب
کوندوزی خار وی اعتبارلیقلار برله کاشقرغه الیب مانکدی اما نیاز حاکم
بیکن نینک مسلمان آدم لارغه بلکه اسلام شریف غه بغض عداوت لاری ذاتی
وجیبلی ایکانلار کیم کویا بیکن نینک وجود ظلمانی لاری بو عالم نور انیغه
کلیش لاریدین ایلکری ناظم مرحوم کرامت قیلغاندیك بو نظم نی بو بیکن
وجودلاریغه مناسب ایبتقان لار .

نظم

کر قرا تقواسه ازنده کشی نینک کیلیمین آب زمزم برله اقاماس هر نچه یوغان بیله
حاصل الکلام اول باره کوجالیق خواجه لار دولت لاری چراغینی خیره وتیره
قیلماقغه باعث نیاز بیکن بولدی و آندیین جناب بدولت غازی مهربان
و فرمایش لاریچه ختن دیک الهه ها کیم لایق کته یورت غه یته یوز دیوان و فرق
کونلوك مضافات لاری برله قوشوب بالاصاله و مستقله ایلاب حکم
کشتنی بریب عنان اختیارنی اوز خواهش و بویروق لاریدیک تفویض
قیلدیلار شونداغ اولوغ دولت و منصب غه قناعت قیلمای واسلام شریف
دایره سیده اوتکان عمر کرا نمایه قدر قیمتی نی بیلمای وشکرانه نعمتی
کفرانه نعمت غه تغیر و تبدیل بریب خطای بی دین لار اهلی دین منصب طمع
توتوب وفا امید قیلغانلاری کنالی حماقت لیک وی دولت لیک نشانه سی ظاهر
وهویدا بولوندی .

نظم

نعمتینک آرتار اکر شکرانه نعمت ایلاسانک

قوللارینکدین پات کنار کفرانه نعمت ایلاسانک

وموندین عجیب راق بو کیم دولت کا سبب بولغان ولی النعمه اولوغی حق دا
غدر خیانت لار کورساتیب وبلکه یوق بولوشیغه سعی سبب لار کورکوزدی
واقعه سی ایلکاری اوتی ینه بری کچیک بیک بجه یوق بولوشیغه سعی غمزه لار
قیلیب چونک بیک بجه غه خط قیلیب کچیک بیک بجه نی یوق قیلدی وچونک
بیک نی خون ناهق غه سعایت قیلیب ملامت اوقیغه نشانه ایتمی اما نیاز بیک
خطای لار غضبی دین قورقوب جناب عالی غازی غه سرکان زهر دین انکشتیری
تیک دا مخفی ساقلاغان ایکان مذکور زهرنی اوز وکیدین الیب اغیزلاریغه
سالدی بو عالم فانی دین خوبلاشتی بو قسم فعل قبیح واطوار شنیع لاری
جزاسینی بو عالمدا اشکارا کوردی.

نظم

یمان قیلماق یمان فیدا قیلور هم یخشی ایش یخشی

که آرفه دین اونار آرفه که بغدای دین اونار بغدای

ایام حکومت لاریدا خلائیق لار خونلارینی بی وجه توکتی عاقبة الامر حکومتی
قولیدین کتکاندین سونک اوز قوللاری برله اوز جان و خونلارینی توکتی
القصة ایشتماک کرک کیم محمد بونس جان شغالول داد خواه یارکندغه اون
ایکی ییل دین زیاده راک حاکم بالاستقلال بولدیلار اما دولت لاری نیاز حاکیم
بیک دولتی دین زیاده ایدی شغالول داد خواه عالم متعین کشی ایدی وپورت
دارلیق غله و محاصلات لار توغراسیدین سرموی شرع شریف دین تجاوز و تخالف
قیلماس ایدیلار همه حال واحوالده شریعت مصطفویه رعایه لارینی کماکان
احتیاط ومرعی توتار ایدیلار اوز وقت لاریده هیچ احدیغه ظلم تعدی فی روا

و جايىز كورمادىلار اما بچىن اهلن يتىب كلكانىدا قورقوب سربق قول طرفىكا
 بوزغون امرا و سر كرده لار بيلان قاچتى و ساق بىمالىقى دىن دابانغه قار توشوب
 كتىب اوتالماي بار كندغه يانىب كلى و خطاي منصب دارلارىغه دوچار بولدى
 بر نچه لار بىنى شهادت لىك درجه سىغه يتكوردى خصوصاً شغالول داد خواهنى
 خطاي منصب دارلارى عزت و اكرامىنى قىلىپ ايتى لار كىم سز تولا اوبدان
 آدم ايكانسىز اما عىبنكزى رىن ايكانسىز يعنى باشقه يورت آدمى ايكانسىز
 تورسانكىز وظيفه تعىن لب برسام مبادا يورتىمغه كتامن دىسانكىز آدم قوشوب
 يولخر جى برىب چىقارىب ايتسام دىب التقات قىلغانىدا داد خواه مذكور
 يورتىمغه چقىب كتسام دىب عرضنى بيان ايلادى زونكتونك روشن واشكارا
 دشمن لىكى برله بش يوز سر ككوش و آط برىب آدم قوشوب فرغانه
 ولايتى غه عزت ابرو بيلان چىقاردى خلق الله غه قىلغان بىخى لىق نتيجه سىنى
 بو عالمده معاينه كوردىلار اما بو سوز تفصىلى و نظرىلى دىن مقصود و مدعا
 اولدور كىم كىن كى حاكم ولايت بلكه كلاً عملدار مملكت و منصف دىانت لار غه
 لازم ولايدى دور كىم محمد يونس شغالول داد خواه و نياز حاكىم بىك هر ايكى
 لاسى بر پادشاه حكم تصرفىدا و بر عصرىدا بر اوخشاش ايكى سى ايكى كنه
 شهره حاكم بالاستقلال ايدى هر ايكى سىغه بىرلىغ هم ايدون و فرمان برابىر
 بولور ايدىلار بولارنىنك كار حالى و عاقبت مالى لارىغه تحسبن و تفرج لار
 قىلغانلار كىم برلارى كا دشمن قدىم لارى دوست صمبى بولوب اوز حمايت لارىغه
 الىب عزت و حرمت لار قىلىپ خواهش و مراملار بىنى مقصود و مراد لار بىد بىك ادا
 ايلاب جان مال لارىغه امانلىق برىب بلكه نقدىنه لار عطا ايلاب ايل اولوسى
 و خویش اقرباسىغه اولاندوردى وىنه برلارىغه دوست جانى و برادر هر دو
 جهانى لارى ايدى كويا دشمن جانى لىق او بىرولوب حمايت لارىغه آلماي عزت
 و اعتبار لار بىد بىن آبرىب مذلت و نكونسارلىق مرتبه لارىغه توشوروب قىل

مال لارینی الیب مقصود و مراد لاریدین بی بهره و نا امید لاری قلیب ایل اولوسیدین بلکه قوم قریند اش و فرزند اقر بالاریدین جدا ایلاب فل مال لاریغه بلکه جانلاریغه امان برمای زمین قهریکا تافشوردی خلص کلام فقرا و رعایا لاری رفاهیت و آسایش کوزلب عدل عدالت طریقنی اوزلاریغه لازم بیلکانلار نتیجه و اثرانی بی عالمدا اشکارا کوردی بولغای اما فقرا و رعایا فل لارینی سهل چاغلاب ظلم و تعدی قلیب رعایا کوز یا شلاریدین احتیاط قیلماغانلار هم نتیجه و اثرانی بی بو مکافات عالمیده کوردی بولغای لیکن قیامت حشر کاهیدا بخشش ایش قیلغانلار شانی لاریدا وعده لاریکیم (ان الابرار لفی نعیم) مقتضایچه نعیم اطلاق جنت خلد برینده جای تافماغلیقی برحق دور واکریمان ایش قیلسه لار (وان الفجار لفی جمعیم) فحوای شریفیچه جمعیم انلیق دوزخدا عذاب الیم لارغه مبتلا اولوب ابد الابد قالماقلاری هم برحق دور (اللهم اهدنا الی الصراط المستقیم) آمین .

اول کیوان منزلت جناب اتالیق غازی نینک عصر و زمانه لاریدا کی مشتری طلعت علما و صاحبالاری و عطارد تربیت منشی و میرزالاری و بهرام صولت عساکر خون آشام لار ذکری و شمه^ه حالاتی بیانی

بو یته شهر قلمروی داکی مزارات عالی درجات لار پرفتو حلاری مدد و استعانتی و فضلا صاحب دعا و مستجاب الدعوات لار دعای اجابت لاری اثراتی برکاتیدین جناب اتالیق غازی بو یته شهر اهالی غه اون تورت بیل حکمران بولدیلار ارواح حضرات لار روح شریف لاری و قطب الاقطاب و جهل تن لار اعانتی بولمای بو قسمی دولت میسر بولماقی ممکن ایماسدورلار نفعات الانس دا ایتیب دورلارکیم آسماندین بیغور یاغماغلیقی و زمین دین کبانه

نباتات لار اونماك ليكى اوليا عظام لار قدم شريف لارى برکاتيدىن دور مسلمانلار
 كافرلارغه غالب بولماق اول اوليا كرام لار هست ونصرت لارى بيلان دور
 واول ذات لار تورت مينك دور عالم نينك صاحب وايكالارى اولار دورلار و بولار
 بر برلار ينى تانومايدور واوزلارى نينك اولوغ لېغى نى بيلمایدور همه حال دا
 خلايق دين مخفى دورلار اول ذات لار كيم حل عقد نينك ايكاسى ودرگاه حق نينك
 اولوغ لارى اوج يوزدور بولارنى اخيار ديدورلار واول ذات لار دين قرق تننى
 ابدال اتايدور وينه يته تننى ابرار ديدور وتورت تن اوتاد ديدور و اوج
 تننى نقبادور و برلار ينى قطب و غوث اتايدور بو جمله لار بر برلار ينى
 تونويدور و هر ايشده بر برلارى اذن لار يغه محتاج بولادورلار ديب ذكر
 قىليب دورلار اما بو مقدمه دين مطلب و مدعا بو دور كيم جناب اتاليق غازى
 دورى وزمانه لار يدا سيد كرام و علماء عظام و فضلا عاليمقام لار تولا ايدىلار
 و قوشون نصرت قرين لارى هم سگسن مينك دين زياده ايدى خصوصاً عساكر
 مائرلار آرارلار يندا بر نچه فاضل و متدين لار بار ايدى كيم اولار نينك عبادات
 و رياضات لار ينى زمانه مشايخ و حضرات لارى اون دين برنى ادا و بر پا قىلا الماس
 ايدى اما بى باكلار دين هم خالى ايماس ايدى حاصل الكلام بو كيم سيد كبرا
 علماء و صالحلار زمره سيدا ياكه عساكر مائر گروهى لار يدا ويا فقرا و رعايالار
 ايچندا اوليا اخيار كرام و ابرار عظام لار دين البته خالى ايماس بولغايلار اول
 ذات لار مخفى و مستور دورلار خدای حى لا ينم بو على مقام لارغه هر كى
 خواهلاسه لار يتگورادور و هر كيم نينك بوزلار يغه بو دولت عظمى نى آپسه لار
 البته آچادور (ذلك فضل الله يؤتیه من يشاء) اما سيد سادات كبرا و فضلا
 و صالحا و علماء شريعت شعار و فناهت آثار لار يكيم اول اتاليق غازى ايام دولت
 و انتظام مملكت لارى عصر يدا بعضه لارى قيد حيات ليق لباسىنى تاشلاب و حيات
 جاودانى خوشلادى و بعضه لارى حيات ليق دايره سيدا ايردى بو جمله دين بزرگ

خان تورم بن جهانگیر خان تورم ایردی بر نچه بیلار توروب وطن مألوف لاریغه
 مراجعت قیلدی ذکرلاری ایلکری شه^ه اوتی و جناب سید کته خان تورم
 ایدیلار والله یدعو الی دار السلام حکم و اشارتی برله عالم علوی غه خرام
 ایتی کاشغردا مدفون بولدی وینه برادر عینی لاری کچیک خانتورم ایردی
 اقسودا مدفون بولدی وینه اسراپیل خان تورم ایردی کهنه طرفاندا مدفون
 بولدی وینه محمد رحیم خان تورم ایردی اوز وطن مألوف لاریغه اسن امان
 چیقیب کتیلار وینه حکیم خان تورم بن کته خان تورم ایردی ذکرلاری ایلکاری
 اوتی اوز وطن لاریغه مراجعت قیلدی-لار الان تاربخ هجری بر مینک اوج
 یوزیکر مه بردور عالم فانی دین عالم باقی غه رحلت قیلدی دیکان خبرلار مسموع
 اولدی بو سیدلار فضل فضائل لاری همه انسان کروهی اراسیدا کالشمس فی
 وسط السماء دورلار وینه ایشان طبقه لاری دین جناب محمود خواجه حضرت ایردی
 فضل کمالت دا بی نظیر ایردی جناب عالی نینک زمانه لاریدا عالم باقی غه انتقال
 قیلدی پیرلاری و مرشد و مقتدا لاری ایردی کاشغردا مدفون بولدی وینه احمد
 خواجه شیخ الاسلام ایردی فضل فضایل و اوصاف شمایل لاری تعریف دین مستغنی
 ایردی حر مین شریفین زیارتیکا کتیلار وینه اکمل خانتورم ایدیلار فاضل
 علما بانصاف کشی ایردی اسم لاریغه موافق در واقع کامل و اکمل ایدیلار وینه
 سید اردلانی ایردی علما متبحر ایردی حضرت آفاق دا درس غه شغل کور کوز دیلار
 تولا طالب لار استفاده و بهره آلدیلار وینه سیدلار جمله سیدین جناب سید
 احرار خانتورم ایردی نهایتی فاضل متدین متقی کیشی ایردی وینه
 هندوستانلیق دیوانه اتانام سلوک قادر به طریقدا خاکسار کهنه سال جناب عالی
 غازی نینک معتقدا و پر پیشوالاری جمله سیدین دورلار الان بو تاریخدا بر یوز
 اون تورت یاشنه کریب دور توانا وقوت لیک و ریاضات شافه و خوارق عادت
 برله متصف او شطرفاندا حیات دورلار فوئیه داشلارینی قایناتیب فریب

و مستحق لارغە بربیب بیدو بیچاره لارکا پشت پناه بولوب توروب دورلار وقاری مرتب لاریکیم اول عصردا جمع بولغان ایدیلار هیچ زماندا بو طریقەلیق جمعیت فیدا قیلماغان بولغایلار بو لجمله دین بری قاری ملا صالح کیم امام فاضل حافظ قران وخوش الحان مؤمن متدین کشی ایدی وینه کاشغرلیک استاذ العلماء وفضلا اعنی ملا محمد شریف خلفتم دورلار اللیک التمشیل یل مقداری درس کویلوک مقامی دا طالب العلم لار افاده لاریغه شغل کورکوزوب عمر کچوردیلار وتولا طالب العلم استفاده آلدیلار علم نافع برله متصف ایدی اوچ یوزغه یقین طالب العلم لار ختم کرده لیک دولتی غه مشرف بولوب علم درس غه شغل قیاماقغه مرخص بولوب خط ارشاد آلدی دیدورلار عمرلاری سکسن بش غه یتى تاریخ بر مینک اوچ یوز اون ده ماه شریف رمضان اون یتە سیده وفات تافتی وینه ملا میر محمدی آخونوم قاضی کلان ایدیلار نهایتی متدین فقیه با انصاف کیشی ایدی وملا عبد الرشید آخوند اعلم ایدی علماء وفقیه مؤمن کشی ایدی وملا محمدی آخوند عالم خوشکوی وخوشخوی ودرس کوی شعر ومعمادا بی نظیر ایدی وعبد الخالق ایشان کیم قاضی کلان مذکورنینک برادر عینی لاری ایدی طریقە قادریه سلوک لاریدا پیشوا ومقتدا خاکسار وعالم مقدار کشی ایدی جناب اتالیق غازی نینک اعتقادلاری زیاده ایدی وبارکنندا ولایت لیک استاذ العلماء والكبراء اعنی قاضی ضیاء الدین داملا قاضی کلان ایدیلار حکم لاری علماء اسلام فتوی لاریغه موافق واحکم بین الناس بالحق بو قاضی شریف ذات لاریغه مطابق ایردی اسن امان اوز یورت لاریغه چیقیب کتیلار وملا قاسم آخوند اعلم وملا نعمان آخوند قاضی رئیس ایدیلار ایشان لار زمره سیدین کبیر صائب حضرتم ومسکین شاه صائب حضرتم دورلارکیم هر برلاری بر پادشاه زمان وحاکم دوران تعریف دین مستغنی ایدیلار وختن دا بلا ابراهیم قاضی کلان آخوند دورکیم عالم بادیانت حق کوی وحق جوی

حکم شرعی اجرا قیاماً علیقدا همه قاضی لاردین سابق و غیر و شریعت
 رعایه سینی برپا قیاماً علیقدا همه فقها الارغه فایق و تهور کشی ایدی افسودا
 ختن ایک ملا عبد الله آخوند قاضی کلان ایدی مؤمن و متدین انصاف
 و دیانت دا بی، نظیر فقاہت و عدالت ده بی عدیل شریعت احکامینی ائمه
 مجتهدین قول لاریغه موافق حکم سورما کلیک ده مستحکم و ابکی خصم اراسیدا
 عدل قبلیب قطع خصومت قیلاماقلاریده بو ذات شریف و جود لاریغه قاضی لبق
 مسلم ایدی تاریخه بر مینک اوچ یوز بته دا عالم فنادین عالم بقاغه رحلت
 قیلدی وینه ملا محمد حسن اخه ند دور کیم اعلم ایدی منصب لاریغه موافق
 اعلم العلماء و فاضل الفضلاء ایدی همه علم دا ماهر و متبحر فقیه و ذهن ادراک لاری
 چابک و طبع موذون لاری نازوک کشی ایدی تاریخه بر مینک اوچ یوز اون ده
 ماه شریف رمضان بکره بته سی پنجشنبه کونی وفات بولدی و ملا اسماعیل
 مفتی آخوند کیم فقیه و خوشخوی ملایم سخن کوی هر طایفه غه مقبول عامه
 کشی ایدی و ملا عبد اللطیف حاجی کیم بخارا دا علم تحصیل قیلغان علم متون
 و فنون علم فروع و اصول لارده اعلم روزگار درس کوی و خدا جوی آخرت
 اندیشه ایک کشی ابردی و ملا عثمان آخوند حاجی کیم اوز وقت لاریدا کی
 علماء لاردین پیش قدم عزت و اکرام دا محترم علم فقه دا محکم پرهیز و متقی لبقتدا
 مستحکم اما علم مشکلات دا ماده لاری کم بو کمینه استاذلاری جمله سیدین
 ایدی درس کولوق دا عمر لاری اوتی و اقسونینک قدیم الایام دین آخوند
 زاده صاحب شریعت بولوب کلکان لاردین شمس الدین اعلم آخوند ایدی
 مسلمان مؤمن ساده لوح صاحب استخاره و مستجاب الدعوة قوت محافظه دا بی
 نظیر و نطق تامه دا بی عدیل کشی ایدی تاریخ بر مینک ابکی یوز تورقان
 بشده وفات تافتی وینه هادی خلفم ایدی سجاده نشین لبق برله عمر کچورکان
 میر غیاث الدین ولی الله قدس سره نبیره لاری ایشان جان حضرت خلیفه لاری

ایدی کاشقردا جناب عالی دوری لاریدا وفات تافتی وینه ملا عبد الباقی حاجی مفتی کیم عقل فراست ده بی نظیر ودانا علم فقه و اشعار فنی دارسا اوز وقت لاریدا کویا بر عظیم پادشاه ایدی همه وقت نغمه نوا و بزم دل ارا لبق برله عمر کچوردی گاها برر فیاله می راح برله روح فرح افزالبق و نشاط بزم ارا لبق کورکوزور ایدی اما خوشخوری و ملاسیم مروت پیشه مسافر پرور کشی ایدی تاریخ بر مینک اوج یوزدا وفات تافتی وایشان طبقه لاریدین اول امام ربانی مجدد الف ثانی نبیره زاده لاریدین نثار معصوم حضرتم اقسودا متوطنین ایدی حافظ کلام الله و ریاضت شافه برله متصف ایدی یلار تاریخ بر مینک ایکی یوز توقسان ایکی ده وفات تافتی اقسودا دفن قیلندی وینه بو خاندان دین حضرت کلان نینک فرزند لاریدین میان فضل صادق حضرتم دورکیم حافظ کلام ربانی شب بیدار ریاضت پیشه و سخا اندیشه غریب پرور قلندروش کیشی ایدی ولایت طرفیکا چیقیب کنیلار ولایت لیک ملا ابراهیم اخون قاضی عسکر ایدی دیندار و پرهیزکار مسلمان مؤمن علما منصف کیشی ایدی و قبیحاق ملا نار قل اخون مفتی عسکر ایدی یلار عالم وفقیه مؤمن و متدین کشی ایدی و ملا سعادت اخوند رئیس ایدی یلار بای سیرام دا قاضی لبق عملی دا نصب بولونغان ملا اکرمشاه قاضی دورکیم متدین و متقی کتیمین و عرف جبین برله زمینی دین حاصل الیب طعمه قیلور ایدی و کوچادا ملا یوسف اخون قاضی کلان ایدی تقریر ملبع و نطق فصیح برله منصف ایدی اما مزاج شریف لاریدا نازوک لبق هویدا و طبیعت لاریده سپا- ورجیلیک اشکارا ایدی ایکی بیلدین کین بیکار بولدی ینه مرحمت ایلاب اقسودا قاضی مطلق لبق عملی غه نصب ایتلدی و کوچاغه ملا الله یار اخونی قاضی کلان قیلدی یلار عالم ملا و مؤمن متدین ساده وش کیشی ایدی فقیه روزگار و دیانت شعار تمکین و وقار امر قضا دا حکم لاری شریعت مصطفویه غه موافق

وامر شریعت لاری اومه وهدی غه مطابق ایردی بو راقم حروف نینک اسنادی
 وپیشوا مقتداسی ایردی حرمین شریفین زیارتیکا باریب مراجعت قیلغانلاریدا
 وفات تافتی تاریخ بر مینک اوج یوز بش ایردی وینه برادر عینی لاری ملا
 علی حاجی اخوند اعلم ایدی ملایم خوشخوی کم سخن کیشی ایدی ملا
 عبد القادر اخوند مفتی ایدی خوش طبع و خوش ملاقات فقیه علم اشعارغه
 مایل و بزم ارالیق غه قابل کشی دور بو تاریخده قاضی لبق عملیده حیانتلیق
 دولتمیده بر قرار دور و کورلادا ملا احمد آخون قاضی ایدی علم لاری ازراق
 انصاف دیانت لاری زیاده راق کیشی ایدی و طرفانده قاضی سرخ آبی قاضی
 کلان لبق غه نصب ایتلیدی ملا و فقیه عامما ایدی اما مزاج لاری نازوک و سپاه
 طبع فیور و چابک کیشی ایدی عنقریب بیکار بولدی طرفانلیق ملا تیمور
 آخون نی قاضی کلان قیلدی ملا متدین متقی و مؤمن کیشی ایدی حرمین
 زیارتیکا چیقیب سمرقند اوفات تافتی وینه ملا ثابت آخون لوق دیب بر کیشی
 بار ایدی همه علوم دا ماهر و متبحر کشی ایدی طالب لار اعتقادی بو کش نینک
 علمی البته علم لدنی بولغایلارد ایردی درس کویلو ق غه مشغول لوق قیلور
 ایدی وینه اصحاب الکهف شیخ لاریدین ملا فولاد شیخ عزیز و معتبر فاضل
 کیشی ایدی آق اویلوک قیلیب اقسودا توختاتیلار خلاص الکلام بو کیم بو
 یته شهر ایچنده مذکور ذکر بولونغان علما و فضلا لاردین باشقه ینه هم علما
 معتبر و افاضل روزکارلار تولا ایردی شومجه لیک کا اکتفی قیلندی والسلام
 والا کرام اما بو یته شهردا بورت سوراب حاکیم ولایت بولغانلاردین کاشقرغه
 آلاش بی داد خواه حاکیم ایدی بارکنده محمد یونس جان شغاول حاکیم
 ایدی ختن غه نیاز بیک حاکم ایدی بولار ذکر ایلکری شمه اوتیلار
 اقسوغه ابتداء حکیم خانتورم حاکیم بولدی ایکی بریم بلدین کین ملا جیان
 میرزا باشی حاکیم بولدی اون سگز آی سورادی اندین سونک کوجالیق

عبد الرحمن داد خواه حاكيم بولدى اوشطرفانغه محمد بابا توقسابه حاكيم
 بولدى باي سیرام غه محمد امين بيك حاكيم بولدى كوچاغه اسحاق خواجىم
 حاكيم بولدى ايكنى یریم ییلدىن كين نار محمد فروانه چى نى حاكيم قیلدى
 واندین كين عامل خانتورم نى حاكيم قیلدى كورلاغه حاجى میرزانی حاكيم
 قیلدى واندین كين نیاز محمد توقسابه نى حاكيم قیلدى طرفان نى جناب سید
 حكیم خانتورم غه مرحمت قیلدىلار القصد جناب اتالیق غازى نور الله مرقدہ
 همه یورت دارلیق کار وبارلارینى اوزلاری قیلور ایدیلار تعیین و اشکارا بر
 ویا ایکنى آدم فاضل و متدین نى وزیرلیق عملی غه نصب ایتما دیلار لیکن
 وزیرلار اورنى و مقامى دا امور مملکت دارلیق حل و عقد عزل نصب لارینى
 میرزا متدین و منشى هوشیار و تجربہ روزگارلار مصاحت و تدبیرلار بیکم یورت
 دارلیق دا سرناپا دولتخواه و فقرا پرورلیك ده کلاً خیر خواه ایدیلار بولارنیک
 رأى انورلاری برله اجرا و بر پا قیلور ایدیلار کلاً یورتلار دخل صرفی امرأ
 و اشکرلار عددی و آط یراغ اسلعهلار حسابى خزینہ و ایشخانہلار صرف خراجانى
 میرزا باشى لار امرلاریغه مفوض ایدی همه حکومت دارلیق کار وبارلارینى
 میرزا باشى لار جابجا قلیب معلوم قیلور ایدی عرضه چى و الچى حمل عقدى
 میرزا باشى رأى لاری برله حل بولور ایدی جناب عالی دستکاهى لاریدین
 کين میرزا باشى دستکاهى چونک وکنه ایدی و میرزا باشى لارنیک عزت
 و حرمتى نى حددین زیاده قیلور ایدی اما غضب لاریدین هم خیالى ایماس
 ایدی ایلکرى بزرگ خانتورم بیلان جناب عالی غازى کلکانلاریدا یيله کلکان
 میرزا یعقوب میرزا باشى ایدی عقل فراست ده بیعدیل ایدی اوچ یل مقداری
 میرزا باشى لیق دا عمر اوتکاردى بالاخر کسل بولوب وفات بولدى اندین
 کين میرزا برات نى میرزا باشى قیلدىلار اوبدان سرشته قیلامادی واندین
 سنونک ملا عیسی میرزانی میرزا باشى قیلدىلار رواج نافالمادی عاقبت الامر

كاشترليك حامد حامى اعلم اخوند نينك اوغلى محى الدين مخدوم نى ميرزا
 باشى قىلدىلار مشهور اسم لارى ميرزا فرسخ دورلار چراكه كاشقر طرفان غجه
 پوللارنى فرسخ قىلماق تاش توختانغان ايدى نهايتى هوشيار وزيرك وچاپك
 قلم خواه علم وخواه منشى ليقدا همه لاركا مسلم ايدى يته قسم زبىان بيلور
 ايدى والته طايغه خطلار ينى فتور ايدى بخارى ليق ملا كمال الدين ميرزا
 وكته خواجه ايشان ميرزا وشادى ميرزالار يانلار يدا ايدى واندىسن كين
 مرغيناندين ملا زين العابدين مخدوم ميرزا باشى كىلدىلار بو ذات نينك
 تعريفى ايلكرى شمه ذكرى تافتى اما بيك بجه دولت لارى آخريدا بومذكور
 مخدومنى فرق آط ليق آدم برله خاقان منصب دارلارى زونكتونك ايدىلار يغه
 اقسوغه الچى طريقه دا مانكدورغان ايدىلار مرالباشى دين اوتكاندين كين
 زونكتونك چريك لار يغه دوچار بولدىلار بر برلارى نينك مدعالار ينى
 وتىل لار ينى بيلماكچ چريك لار سراغ اسلحه ليك آدم نى كوركاچ اوق
 چقار يپ دور مذكور فرق بيكتنى تمام صاف قىل يپ دور اما ميرزا باشى
 زين العابدين مخدوم نينك اغيزلار يغه اوق تيك يپ قابوز يده توختاب
 قال يپ دور و بيهوش بولوب بات يپ قال يپ دور انكاغجه زونكتونك يت يپ
 كل يپ دور جناب عالى غازى نينك خزينه جى سى عشور بيك محرم واقسولوق
 صديق بيك لار تىلماج بولوب كلكان ايكانلار كوروب تسانوب زونكتونك غه
 ديب دور كيم بو كيشى بوپادشاه نينك جونك آدمى ايدى تولا اوبدان تىح آدم
 ايدى ديكانيدا زونكتونك انداغ بولسه تىح امان اوبدان ليق برله من توشكان
 يركا اليب بارسونديب بو يروب دور حاصل الكلام اليب بارغان دين كين
 جراح لارنى حاضر قىل يپ اوقنى اليب دور سوز سوراسه لار جواب برالمايدور
 ايما^۳ ايشارت برله منكا دوات قلم كاغذ ديب دور كىلتوروب بركاندين كين
 مدعالار ينى ميرزا مذكور خطكا بساز يپ بر يپ دور خط مضمونى برله سوز

سورابدورکیم اولوغ خان نینک منصب داروچربک لاری کلکاننی انکلاب بیلیم
 یراغ اساعه لار برله دوچار بولغانینک قیداق دیکانیدا ینه خط بریب دورکیم
 منینک خبریم بوق بیک بچه اوزیدین قورقوب یاشلیق قیلیب منی بویرودی
 من بارمایمن دیکالی بولمادی دیکانیدا ینه دیدیلارکیم سنی اواسوندیب بویروغان
 ایکاندیب یاندوروب سورادیلار ینه خط برله جواب بریدیلارکیم بیک بچه یاش
 ایدی یاشلیق قیلیب بی مصلحت ایبارکان ایدی دیکانیده راستینی ایتینک
 دیب فسند قیلیب آدم قوشوب اوبدان خبر الیب کاشغرغه الیب بارغین دیب
 بویرودی وکاشغرغه بارغاندا هم کوروب سوز سوراب اوبدان یرده جای
 مکان تعییناب بریب تورت بش کوندا الیدیلار یغه الیب کلیب سوز سوراب
 تولا التفات لار قیلدی بالاخر قیش اوزادی بهار کونلاری کیلدی ومخدوم هم
 سوزغه کیردی چیقیب کتسام دیب عرض قیلدی التفات قیلیب دیدیلارکیم
 چربک لار سیزنی بیلمای ایتیب دور کونکلیمنکزغه آلمای عفو قیلینک وراضی
 بولونک دیب عذر معذرت لار ایتیب یوزسکز کموش انعام قیلیب بولغه روانه
 قیلدی یاشلیق نتیجه سینى مذکور میرزا باشی بو عالم دا کوردی مرغینانغه
 باریب اوروغ قیاشلارینی کوروب هر مین شریفین زیارتیکا باریب مرادینی
 حاصل ایلاب یانیب کلیب مرغیناندا وفات تافتی وینه توس لوق ملا کمال میرزا
 سیاه ملا نجم الدین میرزا وخچندایک کاشف خانتوره میرزا وملا کریم میرزا
 قتارلیق میرزالار تولا ابردی وینه تاشکندا قناعت شاه اتالیق غازیغه میرزا
 باشی بولغان و مرغینانغه ها کیم بولغان حصار بیک زاده لاریدین میرزا بابا بیک
 ایدی جناب عالی فرمایش لار برله اقسوغه زکواتچی لبق عملی ده منصوب اولدی
 او شطرفان دین کورلا غچه لیک زکواة شرعی و قراول لاریول خطی زکواتچی مذکور
 مهر فرمانیدا ایدی نهایتی مسلمان من دین آدم ایدی هر هفته دا ختم اجزاب
 طریقه دا کلام شریفینی بر ختم قیلور ایدی ودلائل الخیراتنی بر مرتبه ختم

قیلور ایدی بو کمینه راقم حروف ملا موسی بن ملا عیسی زکواتچی مذکور
 خدمت لاریده یته بیل عمر کچوردم بی طهارت برکا قدم قویماس ایدی قیش
 یازساق سودا طهارت قیلور ایدی شریعت نازنین دهن سرموی تجاوز و تخالف
 قیلماس ایدی لار بر حجره نی تملوت غه تعیین قیلغان ایدی مذکور حجره دا
 ایکی بوریا وایکی خام خشت بر کلام شریف و بر دلایل الخیرات بر رحیل دین
 باشقه هیچ نرسه یوق ایدی مذکور اویکا منینک دین بولک آدم غه کیرمه. الكا
 اذن یوق ایدی هوا ساوق کونلاریدا بر کونی بر مهم اوچون کیرسام یمنکی
 طهارت قیلغان ایکان لار طهارت سوی بوروت سقال وبلکه قاش مقال لاریدا
 موزلاب قالیب دور بو آنده من چقیب بر خوفونک غه کنکرو کور سالیب
 ایس و دودلارینی چیقاریب کوتاریب الیب کریب آلدیلاریده قویدوم و قول
 یوزلارینی برر قنار ایستب و دعالار قیلیب ایتیلار کیم ای بو تمام بو اوتنی
 ایدی الیب چقیب اوزونکلار اسینکلار منی بو قسم راحت کا خوی الدور-
 مانکلار دیب چیقاردیلار عبادت قیلا دورغان اویلاریکا اصلا اوت قالایدورغان
 ایشلاری یوق ایدی اکثر کچه لارنی بیدارلیق برله برپا قیلیب تلاوت
 قیلیب شب بیدارلیق قیلور ایدی وایتور ایدی کم سنه سنالیم التمش غه یتیب
 باردی آقنی قرا قیلدیم و قرانی اف قیلدیم عمریمنی غفلت برله اوتکار دیم
 درگاه الهیغه قایسی کوزوم و قایسی یوزوم برله بارارمن جمال الله نی نچوک
 کورالامن عمروم ائرندا اف سقالیمنی قزیل قانغه بویاب درگاه الهی غه تحفه
 قیلیب بارسام دیب بیغلاب ابر نیساندیک باشلارینی قطران قطران توکار
 ایدی و من کمینه دلیم برله ایتور ایدی کیم مبادا خطای اهلی کیلسه لارجان
 محافظتی واقتی قراول وقتی داباندین اشیب کینار ایکان سبز دیر ابر دیم
 بالاخر بارکنندا کافرلار قولیده شربت شهادت نوش ایتی و مرادی غه یتی
 نقلی دور کیم اون یته کتا امرارلارنی بر کوزنده شهادت غه یتکورکان ایکان لار

بولارنىڭ ايجيدىن ذكوانچى ميرزا بابا بىك نىڭ باشلارى تىن لارىدىن جدا بولوب قانېغ آواز برله قوقه قايىب كولكانلارنى تفرح اوچون چىقان ھەم خلائقلار انكلاب بېلىب انكشت لارىنى دندانلارغە تىشلاب تحسېنلار قېلىپ دور و جلاد كافر ھم حيران بولوب دور بولواقعە دىن كىن ياركندىن گلكان آدم معتمدلار بو كىنە غە صورت واقعەنى بيان قېلىپ دىدىلار كىم زكواۋەجى دا نىمە عمل صالح و نىمە خصلت لارى بار ايدى اوشبو طرىقە دا واقعەلار روبردى دىب سورا دىلار بو كىنە ھم بىلكانىمنى بيان قىلدىم آفرىنلار قېلىپ دعا قىلدىلار اول سعادت انتظام و مېمنەت توامان دا كى منشى لارىكم سوز تىرىپى و تنظيمى دا قلم عنبر شامە لارى كويىا ميرزا عبد القادر بىدل عليه الرحمە رقعەت لارى اسلوبى دا كم كويىا ھر حرفى بر محبوب كلعبار ھەر نطقە سى بر اولۇ آب دار او قوغوجى غە بر باغ جهانما سىر تماشاۋە و ناظرلار كوزلارىغە روشن و ضيا و دل لارىغە فرح افزالېق بختش و عطا قىلور اىردى و ميرزا صاحب دفاتىر ورأى راست تدبىرلار قلم مشكفام و شرىن كلام لارىكم كويىا ھر حرفى فقرالار رفاھىتى و آسائشى غە سبب و باعث ھەر نطقە لارى دل كوئكلار تسكىنى تشوېشى غە باعث و خاطر جمع لېك يوز كلتور كوچى اىردى و ميرزانوېسنە لارىكم ظام پېشە و خىانت اندىشە بى باك نا باك ىرنى اون قىلماق دىن انكا يوق اندىشە نە باك انداغ لارى قلمى كويىا بر عقرب نىشى وىيا بر جراح نىڭ زھر آلود نشىرى اىردى بو طايغە لاردىن مو خالى اىماس اىردى القصە اول معدات نشان و مسرت توامان دا كى امراء عالېمقام و عساكر عاقبت انجام لار طبقە لارىدىن محمد نظر بىك و قادر قلى بىك دورلاركىم نسب لارى فرغانە ولايتى با برىيە خانلارى نسلى دىن دورلار و خدای قلى خان كىم خان اولادىدىن اىردى خوقند دار السلطنە لارىدە آز زمان خانلىق مسندىدە اولتورغان ايكانلار وىنە خوقند دا قديم خانلار زمانه لارىدا خانلار نظرلارىغە منظور اولوب

یورت سوراب کته بولوب اصالت فیدا قیلغان کته لاریدین باقی بیک داد
خواه ونار محمد فروانهچی میر بابا داد خواه وفیض الله داد خواه و بخارالیق
عبد الغفار بیک و حصارلیق محمد امین بیک قنارلیق اصیل و کته بیک و بیک
زاده لار تولا ایدی جناب غازی دولت عالی لاریده فارغ البسال و مرفه الحال
عزت و آبرو بیلان عمرلارینی اوتکار دیلار اما جنک رزم کونلارینی اوزلاریکا
تماشاه و بزم قناریدا کوروب مباشرکار بولوب امیر لشکر بولوب کلکانلاردین
جناب عالی فرزند رشیدی بیک قلی بیک ایردی امیر الامرا و اشکرلار باشی
ایردی و اندین ایکنچی اوغلانلاری حق قلی بیک امیر لشکر ایدی وینه میرزا
احمد قوشبکی امیر لشکر ایدیلار کیم قدیم خانلار زمانه لاریدا تاشکندنی نجه
ییل سوران فرغانه و لایتنیدین کلکان کته لار ایچنده بوکشی دین کته و حرمت لیک
کشی یوق ایدی جناب عالی امیر لشکر قیلدی ینه اوزلاریدین احتیاط قیلیب
مخفی قیلدی باز مهر بانچیلیق قیلدی وینه قیچاق عمر قل داد خواه امیر لشکر
ایدی فرغانه ولایتی دا خانلار حضوریدا هم چونک ایدی اون تورت ییل امیر
لشکر بولوب دولت درله فرغانه و لایتنیکا چقیب کتیلار وینه عبد الله امیر لشکر
ایدی نجه ییللار کویا رستم داسنان و سام نریمان دیک کارزارلار قیلدی
بالاخر کوزلاری نوردین قالدی اینیک اورنیغه بچه بهادرنی امیر لشکر قیلدی
بدولت غازی قول لاریده نشو نما تافغان ایدی وینه قیچاق توردی قلی داد
خواه تولا متدین مسلمان آدم ایدی اورومچی دا امیر لشکر بولوب توردی
کین بیکار بولوب کوچادا استقامت قیلدی اسان امان اوز وطن مألوف لاریغه
کتیلار وینه قیچاق محمد موسی توقسابه ایدی اقسودا امیر لشکر بولوب توردی
و جناب عالی جانبی دین قایم مقام بولوب سلام آغاسی منصبی دا توردیلار وینه
اوغان جامه دار داد خواه سر بازلار اوستنده امیر لشکر ایدی زور باشوکت
و پر همت شجاعت و بهادر کشی ایدی اسن امان چیتیپ کتیپ هر مین شریفین

زىارتىكا باريب مقصد ومطلب لاريغه يتىب وفات تافتى ويساولار جماعه سېغه
چونك بولغان امير لشكر مقامى دا مكان توتقان تراب خواجه يساول باشى ايردى
كىن بىكار بولدى اورنى لاريغه محمد قابل يوز باشى يساول باشى بولدىلار
مىسى باسم در واقعه قابل كىشى ايدى قىچاق محمد كريم داد خواه امير لشكر
ايدى فرغانه ولايتى دا هم داد خواه ايكانلار وينه كورلاما كىنى نياز محمد توقسابه
امير لشكر ايدى بالاخر الته پانصد بيلان دابانچى دا شهادت لىك درجه سېنى
تافتى وبهادر نام دار فانصد لاردىن عظيم قل پانصد ايدى كوبادىدا كافر قولىدا
شهادت تافتى وحيدر قلى پانصد ايدى بهادر ودلير كىشى ايدى كافر قولىده
شربت شهادت نوش ايتى وكريم باى ميرزا پانصد ايدى پورت لاريغه كىنلار
وحاجى آرتوق ميرزا باشى پانصد ايدى اما امير لشكر مقامىدا ايدى مىلا
وعلىما فاضل ومنشى كىشى ايدى وينه اوركنج بىك لارىدىن محمود بىك اوركنجى
ايدى تولا مسلمان مؤمن كىشى ايدى وينه اوراتوفه بىك زاده لارىدىن على
بىك پانصد ايدى كوب كنه آدم ايدى وملا عالم قل امير لشكر اوغلى شير
محمد ميرزا كنه پانصد ايدى وابو القاسم پانصد ينكحصارغه حا كىم بولدى وحكىم
باى پانصد تورم زمانه لارىده اوشطرفانغه حا كىم بولدى شغاول داد خواه اوغلى
اسحاق جان پانصد وخالمان پانصد عبد محمد پانصد باقى بىك پانصد ونوروز
پانصد آخون پانصد روم لوق محمد افندى خليل افندى كىمك لاور باي محمد
جارجى باشى محمد رحيم فهلوانلار قتللىق پانصد ودلاور سرچىنك لار تولا ايردى
اما الته شهر آدم لارىدىن نياز حا كىم بىك انىسى محمد امين بىك امير لشكر
ايدى اقسو حا كىم عبد الرحمن داد خواه نىنك اوغلى حافظ بىك پانصد ايدى اوزى
ملا وعلىما وزمانه علمالارىدىن علم دا كم لىكى يوق وفضل دا هم خالى ايماس دور
اول باره دادالارى خدمتى دا بولوب مىج اسلام ادا قىلىب كىلدىلار وينه
بوسنه دا حرمين شريفين زىارتىكا داخل بولوب يتىب كىلدىلار فلک اوضاعى

دافظ حاجی تابع ادرا کر غه مرافقت لیک تیلدا اچ وزمانه ادم لاری فعل اطواری مزاج انورلاریغه مطابق کماکچ شهرنی ناشلاب و صحرائی خوشلاب صحردا متوطن بولدیلار وینه برلاری کوجالیق قادر پانصد ایدی خطای زمانه لاریده آزراف منصب توتوب حرمین شریفین زیارتیکا احرام باغلاب وفات تافتیلار وینه برلاری شهیار مأمور پانصد ایدی خطایلار بو شهرلارنی تصرف قیلغانیدا اطاعت و انقباددین ابا و امتناع قیلیب سنت سنیه و طریقہ مرضیهنی پیروی لیک قیلیب هجرتنی اختیار ایلاب بر مونچه آدم لار ییلان کوجونوب حرمین شریفین زیارتی قصد و نیتنی دا شهیار دین قوزغالیب اقسو مضافاتی آباد موضعی کا یتیب کلکانیده زونکتونک بر کچه دا نورغون عسکرلاری برله چیقیب باریس توتوب الیب یارکنند دا شهادت کایتکوزدی وینه اقسو لوق مغنی احمد اخوند ابن ملا رستم ایدیکم جناب غازی غه یکت و محرم حضر و سفر دا همدم اورومچی و طرفان جنک قنال لاریدا یته ییل مقدار یاردم بولغان ایدی اوروم چی و طرفان حکایه و اخبارلارینی مذکور دین مشافحه و مواجّه لفظاً سور اغلاب وینه بعضه معتمد ادم ثقات لاریدین تفتیش اب بو اوراق صفحه سیکا ثبت اینم چرا که بر آدم نینک همه جای و مکان دا حاضر بولماقی متعذر و متعسر ایکاندور .

بو مجموعه تالیفی نینک اسم و نسب لاری و اخبار گذشته
حکایه سی و واقعه لاری بیانی

یاران موافقت قرین و برادران مصادقت آیمن ضمیر منبرلاریغه روشن و مبرهن اولغایکم بو کمینه ملا موسی ابن ملا عیسی سیرامی زره دین کم بی اعتبار انداغ عرض قیلادورلارکیم اول حالده یعنی ابتداء بلوغ دا پدر مرحوم علم تحصیل مطلوبیده کوجاغه الیب باریب ملا عثمان اخونوم علیه الرحمه خدمتی دا قویغان ایدیلار بر نچه ییل مدرسه نینک خاکی و طالب العلم لار پایمالی بولوب بجز ولا بجز معانی لارینی جدا و امتیاز قیلغالی مجالیم یتکانیدا کوجادا

تونكانى لار خطاى اهلى غە قول قوبوب اسلام آچتى بوراقم حروف سېرام دە
 ايدىم بناكاه كو جادين سید برهان الدين خطیب خواجم ونور چشمى محمودین
 خواجم وملا عثمان اخونوم لار اسلام شریف آچماق نیت خیر به سی برله اقسو
 طرفیکا عازم بولوب سېرام غە داخل اولدی بو کمینه هم ملاقات حاصل ایتى
 خواه نا خواه بیلە و همراه قیلیب قرا يولغون موضعی کا کیلدوك واقسو هاكمى
 سعید بیک نورغون خطای چریكى الیب چىقتى ومقاومت لیک قیلایماى قاچتوق
 بو کمینه بر نچه آدم بیلان موقور يولغە کر ب ب چول بیلە كو جانینک يولدوز
 باغ کنتى غە چىقتم وآط جبدوق ایکین ایاغ لاریم دین آیردی ومنى خطايلارغە
 تحفه قیایب الیب چىقماقچى بولدى وهفته دین سونک ینە كو جالیق خواجم لار
 نورغون چریک لار الیب اقسوغە مانکغان خبرى جزم بولدى يولدوز باغ دین
 پیاده ویا لغوز كو جا شهر یغە باردیم اما كو جا آدم لاری حال احوالی اثرانیدین
 قیامت اشکارا وهویدا كوزوندى پناه قیلا دورغان یرنینک تعینى بولما دی
 بالآخر مولانا عرش الدین ولی الله مزار یغە باردیم ملا الله یار اخونوم وملا
 یوسف اخونوم لار بطریقه اعتکاف مزار باغیدا خواجم لار آبا واجرادلاری
 ایاغیده یاتقان ایکانلار ملاقات بولدوم ما هو الوقع لاری بیان ایلاب یکرمه
 کون مقداری توردوم بناکاه آقسو فتعی بولغان خوش خبرینی محمودین
 خواجم كو جاه غە الیب کیلدی کوروشوب بر نچه کوندین کین ینە اقسوغە ینا
 دورغان بولدی لار من هم بیلە یاندىم وسېرام غە کیلدىم نظر سالسام یورت نینک
 اوضاعى واهوالی باشقچه تورا دورغان غە احتمالی یوق بیلە اقسوغە کیلدىم
 واقسودین اوشطرفانغە باردیم بو یورت لار اتالیق غازی غە انتقال تابقونچه
 اوشطرفانده عمر کچوردوم واقعه سی شه * بیان قیلندی وآنندین جناب عالی
 قویغان زکواتچى خدمتى دا ومیرزالیق مقامیدا اون بریل مقداری هم انیس
 وهم جلیس وهم کاسه وهم فیاله بولوب تیج کونکل وفراغ خاطرلیق برله اول

حی قادر جل جلاله خواهش و اختیار قیلغان یسونلوق هر بسم اوبدان اونی
 حالا بو پیرنا نوان هیچ مدان تقصیر تمام وعاجز لا کلام بر کنجید ا مقام نوتوب
 فقر الیق کوچه سیده همه دین خالی وبرئی حیات لیق دایره سیره عمر اوتوب
 توروب دور والحمد لله علی ذلك القصه اما من سیرام دین بولامن دیدیم
 سیرام نینک واقعه سی واحوالانی فی هم شمه^۶ بیان قیلما ی بو غریب بی دل نینک
 دلی اوز جایغنه توشما کوسیدور واقعه سی بو کیم آبا واجد ادلاریمزدین وباشقه
 قری سالخورده لاردین نقلاً ومتواتراً ومتیقناً سموع اولغانی بو کیم ایکی یوز
 ییل مقداری بولوب دور کیم ایله ده قونکنجی نام بر قلماق پر نفاق بو
 مغولستان یورت لاریغه خان مقامی وتوره لیک نامیدا چونک بولغان ایکان لار
 مشرق حدی قبول مغرب حدی تاشکند جانوب حدی لسوف و جرجین غجه
 حکومتی جاری ایکانلار اشکرتاریب تاشکند سیرامنی الیب اطاعت قیلدورتوب
 اوز اورونلاریده بر قلماقنی سیرامغه چونک قیلایب ینه نچه قالماقلارنی همراه
 ایلاب یانیب ایله سر حدیغه کلکانیدا سیرام اهلی مذکور قالماقلارنی
 اولتوروب اطاعتی دین ادا و امتناع قیلایب دور بر نجه سی جان قوتقار برب
 قونکنجیغه اولانیب ما هو الواقعی بر بر بیان قیلغان دین کین ایله غه کیرمای
 اوز رسم رسوم لاریچه آنت مغلظه لارنی تیل لاریغه جاری ایلاب یانیب باریب
 سیرامنی ایکنچی مرتبه نصرف قیلایب نجد آدم لارینی قتل عام قیلایب تاراج
 باراج ایتمیب دور سیرام اهلی اوچ قبیله یعنی اوچ اوروغ ایکانلارخواجه اوروغی
 وشاه اوروغی وامیر اوروغی بو اوچ اوروغ دین اصیل و کته لارینی ایلغاب
 وتالاب بکره اویلوک دین همیشه اویلوک آدمنی اهل اولادی وبله جقه لاری
 برله اق اویلوک قیلایب کوجوروب پای تختی ایله غه الیب کلیب دور بر ییل
 مقداری یا کم ایله دا توختانیب آندین کهنه طرفانغه ایباریب دور ایکی ییل
 مقداری کهنه طرفاندا استقامت قیلایب دور بو حین دا قونکنجی اولوب دور

وخاقان چىن لشكرى ايله بيلان بو يته شهرغه داخل بولوب دور موني انكلاب
 ايمدى اوز يورتمىزغه يانيب كىناك بولور ايكان ديب (حب الوطن من
 الايمان) مقتضاسىچە اوز يورت لارىغه كىناك آرزو هو سىدىن طرفاندىن چىقىپ
 موزدا بانغه كلكانيدا خطاي چرىك لارى اولوغى اوجراب سىلار نىمىه آدم
 دىكان لارىدا عرض حالنى برىن برىن بيان قىلغانيدا شفقت يوزىدىن بو يروق
 قىلىپ دورلاركىم اولوغ خان نىنك چرىك لارى كىلدى يوللار تفرقه دور سو
 يورتلار تىجاقاپ بولغوجە ليك دهقان چىلىق قىلىپ كون اوتكارىپ تورسانكلار
 دىب بهانه قىلىپ جواب برماي يقه اربىق موضىكا اليب كىب اولتورغوزوب دور
 واندا هم برر كوك اليب تورالماي باي غە بارىب استقامت قىلىپ دور بايدا
 هم تورالماي تاغ دهنهسى كىنكر و جاى ايكان دىب كو جوب الان اوشبو سىرام غە
 بارىب توختاب قالىپ دور بولار اصلدا كهنه سىرام دىن كلكان اوچون بولار-
 نىمو سىرام دىب اتاب دورلار عاقبت الامور بو يورت لارنى خطايلار سرانجام
 قىلىپ دور بو الله شهردا آدم آز آباد بولماغان وقت لارى ايكان خطاي اهلى
 بو سىرام خلقنى اوزلارىغه رام قىلىپ فقرا قىلماق قصد لارىدا ايكانلار سىرام نىنك
 امير اوروغىدىن برلارى حكومت غە ادا و منصب غە جان فدا ايكانلار خطاي
 منصب دارى سوراب دورلاركىم بو آدم لارنى قىداق قىلسە اولوغ خانغه تابع
 بولوب فقرا بولادور دىكانيدا اينىب دوركىم بولار منىنك سوز بو يروغىم دىن
 چىمايدور اولوغ خانغه فقرا قىلىپ برامن اما منكا جونك منصب برسانكىز
 دىكانىدە مقبول تر توب خانغه ايلاتقاپ اوچونچى جر كه ليك اقسو كو جانىنك
 حاكىمى بيلان تنك و برابر منصب برىب دور بولوجە دىن سىرام نىنك حاكىمى
 اقسو كو جا حاكىمى بيلان جر كه و مرتبه لارى برابر اما فقرا لارى آز ايدىلار
 اما بو اوج اوروغ آدم لارى نچە قرن لاردىن براسىدە اختلاط وار الاش بولوب
 كىب دور ليكن اوز آرالارىدا بر برلارنى جدا و امتىازلار قىلادورلار اما

شاه اوروغی دیکان لاری تاجیک شاهی لاریغه نسبی منتهی بولغابیلار و امیر اوروغ لاری حکومت قلیب کلکان امراء و میرزا لارغه نسبی عابد دورلار اما خواجه اوروغی اوزلارینی علوی یعنی ال علی کرم الله وجهه اولادلاری دین بولامیز دیب سند و فخر مباحات لار قیلادورلار بو کمینه هم اوشبو اوروغ دین دور آبا واجد ادلاریمزدین تبرکاً و تیمناً قالغان شجره طیبه و مبارکه لار آلان موجود دورلار بو ارجه دین تمامی دین ملت لاردا و اولوغ و اشرف لار ارالارینده عرب و عجم لار ایچنده ترک و مغول لار طایفه لاریدا اوزلاری نینک نسبی نی محافظت قلیب اوتوب دورلار هر برلاری بر قبیله فه اوزلاری نینک نسبی نی درست قلیب کلیب دور و ابا واجد ادلاری استخوان و سونک لارینی حرمت قلیب اوزلاریکا فخر مباحات قلیب کلیب دور بلکه ختا و قلماق و قرغیز قبیجاقلار هم آبا واجد ادلاری نسبی نی ساقلماقلاریدا بله فرزندلارینی آگاه قلیب مبالغه لار کورکوزوب دور هر قبیله اوز اوروغی برله اوزلاریکا سند و آبرو بیلیم کلیب دورلار و بیزار فلان اوروغ دین بولامیز دیب اوزلاریکا فخر مباحات قیلشادورلار و دین ملت دین بیکانه لار انا ببالاری اسم لاری برله خرسند بولادورلار مونداغ بولغاندین سونک بو کمینه هم آبا واجد ادلاری ذکرینی اظهار قلیب بیانغه کیلتورماکی لازم بولدی بولطریقه بیلان کیم ملا موسی ابن ملا عیسی خواجه بن عزیز خانخواجه بن نیاز خان خواجه بن ایشان سلطان خواجه بن ایشان پادشاه خواجه بن ایشان شاه جهانخواجه بن ایشان غریب شاه خواجه بن ایشان سید جلال الدین باب بن ایشان سید جمال الدین باب بن ایشان سید کمال الدین باب بن ایشان سید ابراهیم باب بن سید عبدالجبار باب بن سید عبد الکریم باب بن عبد المجید باب بن عبد الودود باب بن عبد العزیز باب بن ارسلان باب پیام بن الیاس باب بن محمود باب بن افتخار باب بن عثمان باب بن عمر باب بن اسماعیل باب بن اسحاق باب بن

عبد الکریم باب بن عبد الجلیل باب بن عبد الرحیم باب بن عبد الرحمن باب بن
عبد الجبار باب بن عبد الفتاح باب بن امام محمد حنفیه بن علی کرم الله وجهه علیهم
الرضوان والغفران أما بو شجره مبارکه فی سمرقند ولایتیده حضرت عبید الله
خان عصرلاریدا تاریخ توقوز یوز قرق بشده علیحدہ تجدید قلیب اول زمانه
علماء عظام لار مہرلاری برله مختم ایلاب و خان مذکور نینک التون مہر و توقیع لاری
بیلان موشخ قلیب کمال الدین باب شیخ غہ التون نشان برکان ایکانلار حالا
حاضر موجوددورلار بو التون نشاننی ہم تبرکاً بوورقچہ غہ کم و زیادہ قیلمای
بعینہ کوتاریلدی یرلیغ ابو الغازی عبید الله خان بہادر سوزیمز عزیز کامکار
قربنداشلار بیله جوان نخت برخور دار فرزندلار و عالی مقدار بیکلار بیله
دیانت آثار صدرلار و با اعتبار وزیرلار بیله امانت شعار و کیل لار علی الخصوص
سیرام ولایتی نینک حاکم و سجاده نشین لاری و مشایخ قضاة مدرسہ دانشمندلاری
ویوز بیکى اون بیکى ارباب کلانتر خواجه شریک رعیت ایماق ایماق و کنت
کنت نینک اولوغ کچیک ترک و تاجیک کد خدا ساکن و متوطن لاریغہ معلوم بولسونکیم
همکی همت شریعت آیین و تمامی نهمت سعادت قرینمیزدین اسلام رواج
ورونقی غہ حضرت سید الانام علیہ افضل الصلاة و اکمل السلام ملت
شریعتی نینک تقویت و تمیشتی غہ متوجه و مصروف بولغان اوچون سیرام تومانی نینک
سجاده نشین لبق منصبین عالیجناب و متعالی نساب کمالات اکتساب تعبیر اکابر
العظام نهمه المشایخ الکرام کمال الدین سیدیمنی شیخ لبق غہ مسلم توتوب
سیورغادوک ایمدی بو نشاننی کورکاج عالیجناب مشار الیه فی شیخ الاسلام
و مقدم و اولوغ بیلیب بو عالی منصب غہ تعلق ایش کورکاج عالیجناب غہ رجوع
قلیب اعزاز و اکرامنی لازیم بیلیب هیچ کمارسه فی بو منصب دا الارغہ شریک
بیلماسونلار و هیچ آفریده الارنینک مهماتیغہ دخل قیلماسونلار و شریعت مآبی
قاضی فریدون بیله اوزکا قاضی لار عالی جناب مشار الیه فی مقدم بیلسونلار

حطوط شرعيه نى الارنينك توقيع ومهرلاريغه يتكورسونلار بارليغ دين خلاف
 اينماسونلار وحفاظ وامام مؤذن وخير بقعه لاري نينك مجاور متصدى لارى
 عاليجناب مشار اليه نينك سوز مصلحتى كيم شرع شريف غه موافق ومملت زهراغه
 مطابق بولموسيدور چيتماسونلار وممد ومعاون بولوب تعظيم وتكريمنى بجا
 كتموروب تمرد وتخلف قيلماسونلار بل سالو يانكى نشان الماسونلار وپيروانچه
 نيلاماسونلار واول جناب نينك شك وشكابتى نى تا بغايت مؤثر بيلاسونلار اوسال
 وتفسير بولماسونلار ديب ايت بيلى صفر آبنده تاريخ توقوز يوز قريف
 بشده سمرقند بلده سيده مهر توقا نشان قيلندى والسلام لكن بوقديم اوتروب
 كنكان آدم لار نام لار ينى وبرليغ كهنه فرسوده نى بو ورق لارا پچره مندرج ايتمه اكده
 سبب وباعث بو اوتكانلار شرافتى وبرليغ خانلار اشارتى برله بو صفحه جريده
 بر نيمه شرافت كسب ايتيب قنارغه كريب قالورمكى وبنه برى بو كيم
 اوقوغان وايشتكانلار اوتكان ما تقدم عزيزلار وعالى تبار خانلار حق لاريدا
 دعا وفاتحه قيلماق لاريغه سبب وباعث بولورمكى ديكان مدعا دين باشقه فرض
 ومطلب بو كمينه دلى دا يوق ايدى اما تاريخ كتاب لاريدا ذكر قيليب دورلار كيم
 خان وفاآن وپادشاه ذوى الاقتدار بولماسا قلىق غه هم نسب نى حد دين زياده
 رعابه لار قيليب هر آن وهر زمان ده آبا واجد ادلارى نسب واصالتي نى ملاحظه لاز
 قيليب اولولاريغه اولوغ وپادشاه كونتاريب اطاعتى غه بويون سونوب فرمان
 بردار بولوب كليب دورلار اول مالك الملك واحكم الحاكمين جل سلطانه نينك
 فضل عميمى برله بو دوات وعزت غه يتيب دور بوقسمى پادشاه ظاهر ومجازى
 اولوغ لارغه فقرا ورعا يالار يدين بو كمترين فقرا لارى بر خدمت شايسته
 قيليب نظر منظور لار يدين برر مرتبه اوتمك ليك برله التفات شاهانه لار عطا
 ايلاب ماهيانه وساليانه وظيفه وكولن متعين ومقرر قيليب پشت به پشت بطنا
 بعد بطن ميراث وجلد وليق منصبى ودولتى غه مشرف ايلاب يرليغ ونشان لار

تافشورور ايكان وكين بولغان پادشاه و خانلار مذکور خدمت قىلغان ادملار
 اولاد واحفادلاريني ايستاب وسوراغلاب تىقايىب آبا واجدادلارى منصب
 ووظيفه لاريني انعام واحسان ايلاب ممنون وسرافراز قىلىپ نچه يىلده برنوبت
 درگاه بارگاه لارىغه اليب بارىب ملاقات شرافتىنى حاصل قىلدورتوب همه دين
 ممتاز وحاجت دين بى نياز قىلور ايكانلار اى پادشاهلار پادشاهى و اى كريم لار
 كريمى و اى حكيم لار حكيمى پادشاه حقيقى ليق سنكا مسلم دور جل جلاله كيم اوز
 علم قديمينك برله مخلوق لارينكدين بعضه لارنى ايلغاب اوز التفائينك برله
 دولت عظمى وموهبت كبرى عطا ايلاب سرافراز ممتاز قىلىپ مقرب درگاه
 قىلسانك انداغ بنده لارنيناك طفيلى دين اولاد واحفادلارىغه قرنا بعد قرن بطناً
 بعد بطن پشت و پشت تا انقراض عالم غجه اوز كمال قدرتينك برله بو دنيا
 داراه راست فه ساليب توفيق هدايت عطا ايلاب وعقبى دا كناه كبرى
 وصغيره لاريني عفو ايتىپ جمال جهان باكمالينك دولتى و شرافتى غه مشرف
 ايلانك وبو مؤلف نيمو مذكورلار زمره وقتارىدا داخل قىلىپ ما تقدم وما
 تاخر جرم لارىغه عفو قلمين سوروب كرم ومغفرت قلم تراش برله جرم لارى
 نقطه سنى تراش ايتىپ جرم غه مبدل ايلاب لايق درگاه وسزاوار بارگاه معلا
 قىلسانك درگاه عظمتنك دا هيچ غريب وعجيب ايمان دورلار يا احكم الحاكمين
 ويا اكرم الاكرمين ويا انت خير الناصيرين انه مجيب الداعين محرمة سيد
 المرسلين وخاتم النبيين آمين .

خاقان چين منصب دارلارى بو يته شهر زمينى غه بلكه
 مغولستان قلمروى غه ايكنچى مرتبه استعلا تابقانى وملك
 موروثقه ثانياً مالك بولغانى وواقعه لار بيانى

ياران عزيز برادران باتمبزلار ذهن مهلا وطبع مجلا لارىغه واضع ولايع اولغا بكم

اند اغ نئل قیلادورلار کیم خاقان چین اقلمی نینک خانى دوانک خان زمانه و دورى لاریدا
 خاقان اقلمی و نوابعاتی نهایتی اوبدان لیق اطراف و جوانب لاردین نهایتی نتیج لیق
 و امنیت لیک ایکانلار اوتوز ایکی ییل حکمران بولوب بو عالم دین اوتوبدور
 اندین شنفونک خان خانلیق تختی دا بر قرار بولوبدور جن موزا دیکان طایفه
 خانلیقنی تلاشیب جدال و قتال لار تولا واقع بولوب دور اون ایکی ییل خانلیق
 قیلیب دور اندین تونکجی خان تخت مسند دا بر قرار بولوبدور بو خان نینک
 زمانه لاریدا تونکانی طایفه لاری مو باش کوتاریب اطاعت دین چیقیب دور خانلیق
 دور بدین یتنه ییل اوتکان دین کین بو مغواستان یورتیدا کوجا شهریدا کی
 تونکانی لار اطاعت دین چیقیب خاقان منصب دار و چریک لارینی اولتوروب
 باشقه بولدی واقعه سی ایلمکری اوقی اما تونکجی خان زمانه لاریدا خاقان چین
 و اطراف لاردا کی یورت لاری نهایتی تفرقه بولدی قرعه انداز منجم لاری قرعه
 تاشلاب خان نینک طالع لارینی کوروب ایتیلار کیم تاکه بو اولوغ خان خانلیقنی
 بریب بر نینک آستیغه ککیرما کونچه اولوغ خان نینک یورتیدین نحس لیک
 و شوم لوق اصلا کوتاریلماس ایکان فلک اوضاعی دین اوشبو طریقه معلوم
 بولادور دیب معلوم قیلدی خان مذکور قرعه مضمونبچه اوز پای تختی دین ابا
 واجد ادلاری کوروستانلقی بر فوطی مقداری بار ایکانلار پای تخت دین مذکور
 کوروستان لیق ایچیکا بر نینک آستیدین نخمه کورلاتیب یول فیدایا قیلیب
 خانلیقنی اوغلیغه یا که خان زاده لاردین برلاریغه کیم اسمی لاری کوانکشوی
 ایکانلار خانلیقنی تافشوروب بریب اوزلاری باشلارینی توشورتوب برهن
 طریقه دا بولوب ایمدی نینک یر یوزید ایورما کیم حرام بولدی دیکان عقیداتی
 برله پای تختی دین بر آستیغه کریم مذکور کوروستانلیق دین چیقستی
 کشیغه کورونمایدورغان بولدی دیدورلار اما مذکور خان زاده کچیک اوج
 یاشدا ایکانلار چونکتانک ذوندولاری اوز رسم عقیدات نالایقه لاری برله

اسماندىن بىر ياشنى تىلاب اليب خانغە بىرىپ دور تورت ياشلىق بولوب دور
 انالارى بىر ياشنى بىرىپ دور بىش ياشلىق بولوب دور زىر زەين دىن بىر ياشنى
 تىلاب اليب بىرىپ دور التە ياشلىق بولوب دور وچونكتانك زوندو باشلىق
 منصب دارلارى بىر ياشنى تىرىق پيشەكش لار قىلىپ دور يتە ياشدا بولوب دور
 خانمىز يتە ياشلار يدا خانلىق تىختى دا اولتوردى دىب عقىدە واعتبار قىلىپ دورلار
 ليكن انالارى قوجاق لارىغە اليب اولتوروب خانلىق حكملار ينى جارى واجرا
 قىلور ايكانلار بوآن ومعدلات انتظام دا قرە انداز منجم لارى قرە ناشلاب
 كوروب ايتىپ دور كىم اولوغ خان نىنك يولوزى عروج وارتنفاع درجه سىدا
 طالعى بلند وارچمند مقامىدا ايكانلار ودوشمن لارى يولوزلارى حضيض
 ومنكوب درجه سىدە يورت لارى تىج لىق فلک اوضاعى دىن آبا واجرادلارى
 يورت لارى ايكىچى مرتبه قوللارى تصرفىغە كرىپ توروب دور هر طرفىكا
 لشكر مانكدورسەلار مظفر ومنصور بولادور دىب عرض غە يتكوردى بو حالده
 چونكتانكلى چونكجاذك باشلىغ چونكتانك لارىعنى وزير صدر اعظم لار اولوغ
 خانغە عرىضە معلوم قىلدىلار كم مغرب طرفىدا كى لتجوسنك باشلىغ تولا
 يورت لارغە تونكانى غالب لىق قىلىپ يورت فقرالارنى خراب وويران قىلىپ دور
 وايبلەخونى اورسىيە تصرف قىلىپ توروب دورنن لوباجنك دا كى جنتولارغە مغرب
 طرفىدىن بىر آدم كلىپ پادشاه بولوب حكومت سوروب توروب دور اولوغ نىنك
 دولت لارىدا بو طرف لاردا كى دشمن لار يوق بولدى قدىم الايام دا اولوغ
 خان نىنك حكى تصرفىدا كى ومغرب طرفىدا كى يورت لارغە لشكر اىبارىپ
 تافىب الساق دىب عرض قىلغانىدا اولوغ خان يىلدىم انداغ بولسە چرىك
 بارىپ مذكور شهرلارنى تافىب آلسون اوروشقە چىقسالار اوروشوب اولتورسون
 مبادا اوروشماي ايل بولغانلارنى يورت قىلسون اما بىيام دىن قالغان برفونك ملك
 ميرات زميننى بىر مېنك چرىكم يوق ونابود بولغوجە سوقوشوب تافىب اليب

آیلاتقاسون من اولوغ خان اوشاق قترایم نینک کناه لاریغه هوقلمین سوروب
مرفوع قیلدیم دیب یارلیغ قیلدی فرق مینک چریک برله چنک جانکچونک ننی
ایله سرحدی غه یارلیغ قیلدی ولوشی دارین نی یکرمه بش مینک چریک برله
نن لو باجین غه یارلیغ قیلدی بومذکور منصب دارلار لئجوسنک غه کاکانلاریده
لئجوسنک زوندوسی ذونکتونک دارین نی یکرمه مینک چریک برله لوشی
دارین غه قوچتی القصد اما اشتماک کراک کیم تونکانی لار اطاعت دین چیقیب
اوز ایچیدین ماخولونک دیکان تونکانی نی خان کوتاردی دیب ایلکری مقدمه دا
واقعسی اوتوب ایدی مذکور تونکانی لار خان یوق بولغاندین کین کنه
بهادرلاریدین داخو شوخو دیب ایکی نام دار بهادرلار خطای اهل برله اوروشوب
کاها غالب کلیب کاها قساقیب لئجوسنک اطراف لاریدا وشهر کنت لاردا
سکیز ییل بلکه اون ییل مقداری عمر اوتکار بید ایدی بو آن دا اولوغ خان یارلیغی
برله نورغون چریک کلیب لئجوسنک غه کریب اولتورغانلار پنی انکلاب ییلیب
تورالماي قبول غه چیقتی وقمولک هم قرق اللیک کون توروب قورقونج وحشت
قیایب تورالماي بلکه قبول اهلنی هم قورقاتیب اوزلاریغه همراه قیلیب طرفانغه
توشتیلار واقعه لاری ایلکری ذکرى تافتی اما او اوغ خان نینک چریک لاری
قبول غه کیلدی جانلجونک لشکری بیلان شیخودا برقرار اولدیلار لودارین
قبول غه وطن توتتی ذونکتونک دارین کوجونکنا مقام توتتی طرفان طرفیکا
اطلانا دورغان بولغانی ده خبر بولدیکم بو پادشاه اوتوز مینک عسکرو توف خانه لاری
برله طرفانغه کلیب توشتی دیکان خبرنی انکلاب اندیشه لار قیلیب لئجوسنک
ذوندوسیغه عریضه بریدیلار کیم بو پادشاه اوزلاری اوتوز مینک چریک بیلان
طرفان غه کلیب توشوب دور کوج تونی زیاده ویراغ اسلحه لاری نولا آدم لاری
بهادر معلوم بولادور ینه بر مونچه چریک کومک ایباریب دیب عریضه التماس
قیلغان لاریده

قىلغانلار بىدە كۈنك زونكېومەن اوزوم التمش مېنىك چرىك بىرلە سېزلارغە حامى
 اوچون اطلاندىم وسېلار مقصد ومطالب يولىغە اندېشە قىلماي قىدىم قولىغى سېزلار
 بو بىروق خطى كاماك لىك بىرلە بو منصب دارلارغە قوت وجرات لار فېدا بولوب
 قىلدا اون آى مقدارى توروب لوشى دارىن جونك بول بىرلە طرفانغە داخل
 بولدى و ذونكتونك دارىن اورومجە مناس دابانچى بىرلە طرفانغە داخل بولدى
 و طرفاندا اون آى مقدارى توردى بولغى اندىن اطلاندىم كورلاغە كېلدى
 و كورلادىن مانىغانلار بېچە داخوشوخولارنى قوغلاپ بىلكە تونكانى لار مسلمان
 فقرا لارنى بولاب تلاب خراب قىلادور و بىر بىردا توختاب فقرا لار مال اموال لار بىغە
 قول اوزانالماسون دېكان بېخشى نىت لارى بىرلە كورلادىن اقسوغە اون كوندا
 يتىپ كېلىدىلار اما داخوشوخوالار هېچ بىردا ارام و قرام آلاماى شەرلارغە هم
 كېرالمادى داخوشو طرفان يولى بىرلە قاشقال ايچى بىرلە كاشقرغە كتى وشوخو جونك
 يول بىرلە كاشقرغە باردى حاصل الكلام ذونكتونك دارىن اقسوغە داخل بولدى
 تاريخ بىر مېنىك ايكى بوز توقسان تورىن آت يېلى شوال نېنىك اون يتەسى
 چار شنبە كۈنى قوس فصلى اولى ايردى آقسودا اللېك كۈن مقدارى توروب اندىن
 كېن ذونكتونك دارىن جونك يول بىرلە كاشقرغە اطلاندى بولونىك اوچو اوش طرفان
 دىن قاشقال يولى بىرلە كاشقرغە جونادى و دونك دارىن اوز چرىك لارى بىرلە ياركندغە
 عزم ايتى اما لويىنىك اوچو بىرلە ذونكتونك دارىن كاشقرغە بىرلە كېرىدىلار بو قراچرىك
 كاشقرغە كرماك لىكى بىرلە بىك بېچە مېرزا احمد قوشبېكى لار فرغانە ولايتىغە
 اوزلارنى آلدىلار و دونك دارىن بارىب ياركندىنى تصرف قىلدى وختن هم
 تابع بولدى بو يتە شەر اهللى بىلكە مغولستان يورتى خاقان چىن منصب دارلارى
 تحت تصرف لار بىغە كردى اسلام شريف نورى اشعە سېنى بو ظلمات بلوتى تېرە
 و خېرە قىلدى (الاسلام بد^۱ ضربا سيعود كما بد^۲) حديث معجز بيان لارى
 بهاھر وهو بىدا بولدى اما داخوشوخو باشلىغ تونكانى لارى بىرلە كاشقرغە بارىب

خودالویه بیلان نجه کون اورشتیلار بالاخر چریکلار یتیب بارغانیدا چقماق
 قراولی برله ادروسییه ایچیکا قراب قاچتی لار شوخو بر مو نجه تونکانی لاری برله
 خاقان چریکلاری قوللاریغه توشوب یوق بولدی لار اما داخو قرق مینکغه
 یقین تونکانی وبله چقه لاری برله اوروسییه حمایت لاریغه داخل بولدی و آق پادشاه
 اوز حمایتیغه الیب فقرالاری قناری وزمره سیده قیلیب یرسوزمین لار انعام
 قیلدی همه لاری بای ولی النعمه و فارغ البال بولوب قالدیلار اما اولوغ خان چریکلاری
 طرفانین چیقیب بویتته شهرنی تصرف قیلغوجه هیچ ذیجان اوق چقاریب یولنی
 توسمادیلار بلکه شهر شهر اعیان اشرف لاری استقبال لاریغه چیقیب عزت
 اکرام لارینی بجا کلتوروب قولیدین کیلادورغان خدمت کار چیلیقنی قیلدی لار
 لیکن بو منصب دارلار مو شهر شهرغه کریب یمان آدم لار بولسه بیزلارغه چیقاریب
 برینکلار دیب بارلیغ قیلدی یورت اولوغلاری یمان آدم لار اوز وهمی لاری دین
 قورقوب تورالمای قاچیب کنیلار اوبدان تنج آدم لار اوز جایه کان لاری دین
 قوزغالما دی دیب معلوم قیلسه لار معقول توتتی مبادا یمان آدم لارنی اولتوروب
 بیرماسانکیز بولایدوردیسه لارا اولتوروب بردیلار اوزلاری بجه بررته آدم نی انداغ مونداغ
 دیمادیلار خواه مسافر و خواه مجاور خواه سپا و خواه رعیه هیچ ذیجانغه دخل
 تعرض قیلما دیلار تنج بولوب فقر اچیلیق قیلینکلار و اوبدان بولونکلار و کونکلونکلارنی
 یمان قیلما نکلار اولوغ خان سیزلارنینک کناه ماتقدم لارینکنی عفو قیلغان دیب
 کونشی لار فتیب شهر شهر صحرا و کفت لارغه یافوشتوردیلار همه کته کچیک
 اوقوب کوروب خاطر جمع بولدی لار اما کاشفرغه کوچالیق احمد و انک بیک نینک
 اوغلی حامد تاجی بیکنی حاکیم قیلدی اقسوغه قاسم قضی بیکنی حاکیم
 قیلدی کوچاغه یوسف بیکنی حاکیم قیلدی بای سیرامغه محمد توخته بیکنی
 حاکیم قیلدی اوشطرفانغه علاء الدین بیکنی حاکیم قیلدی ختنغه احمد
 بیکنی حاکیم قیلدی یارکندغه توخته نیاز بیکنی حاکیم قیلدی باعثی بوکیم

بىك بچە ختننى تصرف قىلىپ يانغانلاردا خاقان چرىكى بىلان اوروشقالى
 بارا من مرالباشىغە نورغون كرنچ اوند مانكدورونك دىب ياركند حاكىمى شفاول
 دادخواهغە بو يروق قىلغان ايكانلار بولوجه دىن نورغون كرونچ اوند بوغوز
 مانكدروب توخته نياز بىك مذكور يوز باشنى متصدى قىلىپ مانكدورغان
 ايكانلار مذكور اشلىقنى مرالباشىغە اليب كلىب ساقلاب تورغان ايكانلار
 بواواندا ذونكتونك دارىن لار مرالباشىغە يتىپ بارغانىدا توخته نياز يوز باش
 مذكور اشلىق لارنى اولوغ خانلار چرىك لارىكا تارتىق وپيشه كىش قىلىپ
 معلوم قىلىپ دورلاركىم اولوغ خان نىنك نورغون چرىك لارى اوزون برلاردىن
 بىز قديمقى اوشاق فقرا لارىنى تافىب آلماق اوچون اقسوغە كلىپ دور دىب
 انكلاپ اوز دهقانچىلىق آشلىقىمىدىن اوز اولوغىم برله اولوغ خان نىنك چرىك لارىغە
 اليب كلىب ساقلاب توروب ايدىم دىكانىدا نهايتى خوش بولوب كونكلونك اوبدان
 آدم ايكاسىن دىب ياركند حاكىم لىغىنى مرهمت قىلدىلار شهر شهرلارداكى
 پادشاهلىق سانكداكى اشلىق لارنى خط لب خنىبه كا آلدىلار يورت فقرا لارىدىن
 خواه اشلىق وخواه اوتون بىده سمان قنارلىق انسان كروهى غە لازم بولادورغان
 نرسه لارنى روى خط قىلىپ يورت لار اولوغ و اشراق سودا كرلارىغە چىقاردىلاركىم
 اوشبو قسى نرسه لارغە نرخ روز بها توختاتىب برسون بىزلار توختالغان بهاغە
 قراب اوشاق فقرا لارنىنك كىموش لارىنى برامىز فل برماى بر نرسه لازىم قىلمايمىز
 و آلمايىمىز بىزلارغە يوز قراب نرخ لارىنى كموز يادە قىلىپ فقرا لارغە وبال بولادورغان
 ايشنى قىلما نكلار دىب تا كىد و مبالغه لار برله تافشوردىلار بىك واعيان اشراق لار
 اشلىق دىن تارتىب تا كه چىغ و توزغاق غچە نرخ توختاتىب مسوده قىلىپ معلوم
 قىلدىلار منصب دارلار كوروب بىلىپ اوشبو نرخدا بىز كىموش برساك وبال
 بولمايدور دىلار بىك لار وبال بولمايدور دىب معلوم قىلدىلار انداغ بولسه
 وبال بولمايدور دىب ضمان كوتارىب مى خط يعنى هجت خط برىنكلار دىكانىدا

بيك‌لار اوشبو نر خدا فل كموش بر يلسه وبال بولماي دور مبادا وبال بولسه
 بزلا هر ايكي دنيا دا ضامن دورميز ديب عده و ضمان كوتار بيب خط حجت
 بر كاندين سونك و قراور عيه لاردين نورغون آق قرا اشليق اوتون بیده سمان
 قنارليق لار آلدی اما كموش لارينى قول لاريدا توختانماي بي كم كاس برديلار
 اوشبو حال و منوال ده عدل و اعتدال مقامى دا بيش بيل اوتنى القصد امامذكور
 دونك دارين اوز دين لاريدا مستحکم و مسلمان لارغه عداوت لارى محکم غيرت
 و بهادرلوق دا همه منصب دارلاردين زياده جرأت و غضب دا همه سردارلاردين
 بي اندازه ايكانلار سريق قول حاكمى الب بيك كا بر سهل جريمه نى بهانه
 قيليپ اوروب اولتوروب تاشلاب اتيلار وينه دا پادشاه نينك اولوكينش منكا
 كورساتيب برسون ديب كاشغر اهلينى قيستادى ناچار كورساتيب بردى
 چريك لارينى الب كليب اتاليق غازى گورلارينى آچنوروب نورغون
 اوتونلار توده لار قيليپ اوت ياقيب كويدوروب اتيلار و علاج قيبلا الماديلار
 اما دين لارى سست بيد ذات و بد اصل منافقلار خرم و خوشحال بولديلار
 اما مسلمان باديانت و منصف امت خيريت انديشه و عاقبت پيشه لار دل لارى
 غمكين و كوزلارى نمكين اولوب دعا و مغفرت و آمرزش لار يغه درگاه بي نياز
 تقدسدين طلب و التجاغه مشغول اولديلار بو واقعه نى علما عظام لار مرده
 حقلاريدا درجه و مرتبه اما تريك لار حقلاريدا مذلت و عارغه لايق بولغوسيدور
 ديديلار بو واقعه عجب كيم بو اتاليق غازى حقلاريدا صادر و متبادر اولدى
 و ايلكركى پادشاه لار حقيدا هم واقع بولغان ايكانلار نارينغ روضه الصفا دا آخوند
 خاوند شاه عليه الرحمه و الرضوان ذكر قيليپ دورلار كيم خليفه عباسيه لار اولى
 عبد الله بن على بن عباس رضی الله عنهم كه خلافت تختى دا اولتورديلار حكم
 قیلدیلار كيم بنى اميه يعنى معاويه كورينى و اولاد لارى كورلارينى آچقاييلار

مگر عبدالعزیز نینک کورلاریغە دخل وتعرض قیلماغایلار دیب معاویہ نینک کورلارینی اچتیلار قبرلاریدا توفە و خاک دین بولک هیچ نرسە تفالامادیلار ویزید بن معاویہ کوری دا جز کولدین بولک نرسە یوق ایکانلار عبدالملک بن مروان نینک باشلاری وهشام بن عبدالملک نینک جسدلاری واعضالاری آیریلماغان ایکانلار الیب چیقیب تولاقامچی لار اوردی اندین کین جسدینی اوستون آستی و اوت قویوب کویدوردی کولینی شمالعه ساوروب آنیلار و سلیمان بن علی بن عبداللہ بن عباس بصرہ دا ما کیم ایدی بویروغ قیلدی لار کیم بنی امیہ اولوغلاری نینک کردن لاریغە تیغ برلہ اورونکلار دیب ہمەلارینی اولتوردیلار کوچا ویول لارغە مردەلارینی ناشلادیلار اول شہرنینک ایت و درندەلارنی بنی امیہ اولوغلاری کوشت و پوست لاریدین نچە کونلارغچە بھرە وفایدە آلدیلار بنی امیہ خلفالاری اولادلاریدین محمد بن عبدالملک و عمر بن یزید و عبدالواحد بن سلیمان لار نہایتی غنی و متمول و املاک اسبابلاری حد دین زیادە ایدیلار ہمەلارنی ہلاکت غە یتکوردیلار اشبالاریغە علی بن عبداللہ بن عباس مالک بولدی لار بنی امیہ طائفەلاریدین اجل یتما کانلاری فقر و فاقہ لیق کوچەلاریغە کریب عالم نینک کنارەلاریغە اوزلارینی الیب مخفی و انزوا بولدی لار دیب نقل قیلیب دور ای یاران عزیزلار بیلنکلار و آگاہ ، و اونکلار کیم اولوقت دا تاریخ بر یوز اوتوز ایکی ایردی پیغمبر ما صلی اللہ علیہ وآلہ وسلم زمانەلاریغە یقین و قریب ایدی تبع تابعین زمانەلاریدا ، و صورتدا واقعەء ھایلہلار وقوع غە کلکان بولسەلار بو کافر بی دین پادشاہ اسلام لار حقیدا و مسلمان لار ذلتی دە نیمە ایشلار قیاماغایلار اما خطایلار جناب عالی جسدلارینی کویدوردی بو طایفەلار اعتقادی بو طریقہ بیلانکیم بر آدم اولسە بخش ایغی زیادە ویمان لیغی آز بولسەلار انینک جانی بر مظلوم نینک قورساقیغە فیدا قیایب فات یقین دا تور الیب زمین یوزیکا کیلادور مبادا ایمانلیقی زیادە و کشی نینک حتی کردن لاریدا

بولسهلار آت وبا ايشاك بولوب زمين يوزيكا توراليپ كليپ خدمت قيليپ
 اول آدم نينك حقي نى ادا قيليپ آندين كين اولوب آدم اولوب ينه زمين
 يوزيكا توراليپ كيلادور اكر آزاراق حقي بولسهلار توخى بولوب توراليپ
 كليپ توخوم توغوب بربىب حقي نى ادا قيلادور كشى نينك حقي نى برماي
 علاجى يوق اما فل ايكاس نينك حقي هم بيكارغه كتمايدور ديكان عقيدده فاسدهدا
 محكم ايميشلار وينه بر عقيدده فاسدهلارى نقل روحغه قايىل معلوم بولادور
 والله اعلم بحقيقة الحال حاصل كلام بوكيم خاقان منصب دارلارى بيش بيل غچه
 مذكور بولغان طريقهدا معامله قيلدىلار واندين كين همه يورت دارلىق
 مؤنتلار ينى زمينغه قويماقچى بولوب هراجدى نينك خواه آرزو خواه تولا
 زمينلار ينى جيزالاب وفونك لاب آرزغه آرزغه وتولاغه تولاچه اشلىق قويسوب
 دفتر قيلدىلار وشهر نينك چيقيم وحاصللار ينى حسابلاب توختاتيب اولوغ
 خانغه معلوم قيلدى خان دين بيلديم ديكان يارلىغ كيلدى هر شهر نينك منصب
 وعملدارلارى معين ومقرر بولغان غله واشلىق لارنى خنيه كا آلدىلار وكم زياده
 قيلمادىلار اما منصب دارلار اون بيل واون ايكى بيل اوشبو طريقهدا آلدىلار
 وبارغانلار بچه بيلدين بيلغه زياده واضافه قيليپ آغالى توردى الان تاريخ نبوى
 بر مينك اوچ يوز يكرمه برغه يتى خاقان چين منصب دارلارى بوينه شهرلارنى تصرف
 قيليپ آغالى يكرمه يته بيل بولدى حالابول درجهغه يتى لاركيم آباواجدلار يدين
 قالغان ملك ميراث زمينلار ينى اكثر آدم لار يورت دارلىق معونتلار يدين عاجز
 كليپ باشقه آدم لارغه بيكارغه برسه لار هم آلماييدور وبلكه تاشلاب قاچتىلار اما خاقان
 چين منصب دارلارى دل ضميرلار يداكى مدعا و غرضلارى چنتو فقرالار اوز
 خدايى نينك رحم شفقت لار يغه سيفينيب اوز خدايى دين باشقه مخلوفلار دين بخشى ليق
 وفا اميد ينى توتماسون و بيزلارنى آرزو و هوس قيليپ بيهوده رنج لار چيكيپ عمرلار ينى
 ضايع قيلماسون ايكنچى مرتبه بيزلارنى خدايى دين تيلاماسون آسمان وزمىن
 خدايى هر كيمنى خواهلاب اولوغ قيليپ برسه لار اطاعت وفرمان ينى توتوب

صبر تحمل قیایب شکر قیاسون وناشکر چیلیک قیلیب کفرانہ نعمت غه لایبق
 وسزاوار اولماسون دیکان مدعا و مطلب دین بولغای لار ای پیر مؤلف نادان
 عاصی بیمقدار وای ناکس عصا کش بی مدار پادشاه ذوی الاقتدار و صاحب
 عنان و اختیار لار یورت دارلیق کار و بار لاریغہ سنینک نیمہ مناسبتینک بارکیم
 زبان درازیق قیلغای سین و نه لایقت چیلیکیکنک بارکیم اعتراض ایتکای سین ای بمعنی
 بو الفضول بیهوده بولماغین و نسناس صفت بیهوده سوز قیلماغین و سوزلارینک نی
 ادا ایلاب اتمام و اختتام لاری غه قدم قویغین اما ظاهر پادشاه حاکم لاریکم قوت
 و شجاعت لاریمیز برله شهرلارنی مسخر و تابع قیلدوق دیب اوزلاریغہ اعتمادوسند
 قیلا دورلار (فی الحقیقه فاعل حقیقی الله جل سلطانه و مالک الملک وحی قدیم)
 اوزلاری دورلار موند اغ بولغان دین کین خواه پادشاه اسلام دیندار و خواه بی دین و فجار
 بولسون اوز وقت لاریدا کی پادشاه لار حق لاریغہ و انصاف توفیق لاریغہ دعا قیلماق
 کراک دور اگر پادشاه مسلمان بولسه لار حق لاریغہ دعا قیلماق اظہر من
 الشمس دورلار اما بی دین بولسه لار هم توفیق و انصاف لاریغہ دعا قیلماق لازم
 و لابد دور چرا که بول قسم پادشاه لار هم نعمت الہی دورلار

نظم

همه حال غه شکر قیلماق لازم ایروور که مبادا مونیکنک دین اولغای یمان
 تتمه موعظہ یاران ذوی الاحترام و صاحبان عاقبت انجام لار ذهن و الامقام لاریغہ
 خلص کلام بو کیم اول زمانیکیم کافر بی انجام و ظالم نافر جام لار و ستمی و دست
 نعتی لارینی فقراور عیب لار کوتار المای اول من قیوم لاینام درکاهی غه از تحت دل
 بیغلا دیلار اجابت درجه سیغہ و اصل اولدی و بو ظالم لار اوستیکا کوچالیق
 خواجم لارنی مسلط قیلدی همه رعبه فقرا لار کویا دوزخ جهنم عذاب الیم لاریدین
 قوتلوب بهشت عنبر سرشت ایچره جنات النعیم غه داخل اولغان دیک شاد

خندان بولوب مبارک بادلیق نی فلک خضرادین اوتکاردی مذکور خواجم لار هم
 عنقریب ظلم ستم ایشکین آچتی وایلکرکن حالانی نی فراموش ایتتی فقراورعیه لار
 ینه درگاه بیچون غه یوز کلتوروب ناله وزاری غه توردی اول قادر مختار جل سلطانہ
 اوز فضل کرمی برله تیری دعالارینی اجابت هد فیکا بتکوردی بولارنینک
 اوستیکا یعقوب بیک غازینی مسلط قیلدی خلایق لار کوجالیق خواجم لار دست
 تصرفیدین قنولغانی غه نماز شکرانه درگاه بیکانه غه بجا کلتوروب بربرلارینی مبارک
 و تهنیت لار قیلدی لار برنجه بیل عدل عدالت بساطینی یای دی بالآخر یعقوب
 بیک غازی نینک فعل اطواری یوتکالدی و نالایقه ایشلار ظهورغه کلکالی توردی
 وینه رعیه و فقرالار طاقت لاری طاق بولدی اول خالق خلایق درگاه یغہ یوز
 کلتوروب خاقان چین نی طلب والتجالار قیلیب ناله وزاری تضرع و ابتهالی نی
 حد دین زیاده اوتکاردی آخر الامر اجابت لیک درجه سیغہ مشرف اولدی اول
 معبود سبحانی لطف عنایتی برله بویتہ شهرغہ خاقان منصب دارلاری قدمی یتتی
 و بر شهرلارنی تصرف لاریغہ کیرکوز دیلار و ملک موروثی بلکه آبا و اجداد لاری
 تخت مسندی میراثی دا اولتوردی همه فقراورعیالار کویا خیال و همک و طغا
 بلکه آنا و اجداد لاری تریلیب کلکاندیک خرسند و فرحمنند بولاشیب کمالی
 سیونکانیدین وجود لاریغہ جانلاری سیغمادی و بولارنینک قصه و داستاننی اوز
 موردلارید اشمہ ذکر قیلانیب اوتتی بو مقصد دین مقصد و غرض بو دور کیم اول خلایق
 بیچون و قادر کن فیکون درگاه تقدسیده فقراورعیه لار بلکه کل مخلوقات لاریغہ
 وزاری طلب و ادعالارینی اصلا ضایع و بیکار کتماس ایکانلار کریمہ
 (ادعونی استجب لکم) مضمونی شریف لاریچہ هر آن و هر زمان دا خلایق لار
 چین کونکل برله دعا و التجا قیلسه لار خداوند قاضی الحاجات جل و علا اجابت قیلما غلیقی
 البته برحق دور لار کیم نینک دعاسی اجابت مقبول درگاه و کیم نینک دعاسی مردود راندہ
 درگاه دور انسان کروهی و بشر خیل غه نامعلوم و نامفهوم دور موند اغ بولغاندین سونک

البتہ فقراورعیہ بلکہ کل مخلوقات لارنہنک نالہ وآہ ویبغی سحرگاہ لاریدین البتہ
 بصد البتہ پرہیز واحتیاط قیلغابیلار حالا بوتار یخندہ خاقان منصب دارلاری
 انصاف متاع کمیاب لارینی نسیان طاقجہ سیغہ الیب قوبدیلار وعملدار ظلم
 پیشہ لار ظلم ستم لارینی رعایا و فقرا بلکہ کافہء برابا اوستیکا کوندین کونکا
 زیادہ قیلغالی تور دیلار بیوہ بیچارہ کوز باشلاری توکولکالی باشلادی الہی حاکم
 ولایت لارکا انصاف عدالت و فقراورعیہ لارغہ توفیق طاعت عطا ایلاب امنیت لیک
 حاصل ابلاکای سین آمین بعدہ زمانہ نینک عاقل ودانالاریغہ کرککم (والقدر
 خیرہ و شرہ من اللہ تعالیٰ) مضمونی شریفیغہ عامل بولوب یخشی ویمان لبق
 خداوند کریم تقدیر وارادہ سیدین تاشقاری ایماس دیسب بیلیم اعتقادینی
 محکم ایلاب راست نیت و درست عقیدت برلہ ایمان لارینی صحیح و درست
 قیلیب مخلوق لار لطف عنایتی و رحم شفقتیغہ فروا والتفات قیلماغابیلار مبادا
 ہر احد یکم براتقان خالق حقیقی جل شأنہ نینک التفات و مرحمت لارینی فراموش
 ایتمیب مخلوق لاریدین وفا و مرحمت التفات و شفقتنی امید قیلسہ لار البتہ
 انداغ آدم لار مذکور مخلوق دشمن اولوب وفانینک اورنیغہ جفانی والتفات نینک
 عوض غہ فضب نی یتکورماک لیک ہی ہمہ انسان کروہیغہ اظہر من الشمس دور
 نہ خوش مبارک اول آدم عاقبت مسعودفہ کیم ہر وجہ و ہر امرودہ اول خالق
 کل شیء جل سلطانہ طرفیکا رجوع ایلاب رحم شفقت لاریدین امید وار بولوب
 بر قول لاریغہ کتاب اللہ آفتاب ہدایتی نی و بر قول لاریغہ سنت رسول اللہ
 شمع نورانیتنی نی محکم و مستحکم توتوب بو ایکن نوری فتور و بلاقصور
 اوترا سندنہ سیر سلوک کورکوزسہ لار انداغ آدم لارنی پادشاہ لار غضبی و ظالم لار
 ظلم جبر لاریدین بلکہ کل بلیات دنیوی و اخروی لاریدین خداوند کریم اوز
 محافظنی فانوسی ایچرہ محافظت ایلاب اخص خاص لار جملہ سیدین قیلیب
 دیدار بیچون لاری برلہ بر خوردار ایتمیب اعلائی علیین دا مقام و منزل عطا

قیلور ایکان بمنه و کرمه و فضلہ ای عاقل لار مثلاً باغبان لار نینک باغی نینک
 قوروق اوستیکا قویغان چیت نیکانلاری و پاداچن نینک قویچی ایت لاری ہم
 نعمت لار جمله سیدین دورلار اکر قویچی نینک ایت لاری بولماسه قوی لاری نی
 بوری لاردین محافظت قیلماق لاری متعذر بولور ایدی واکر باغچی نینک قوروق
 اوستیدا کی نیکانلاری بولماسه ایردی باغ نینک میوه لارینی ساقلاماق لاری
 متعسر بولور ایدی مونداغ بولغاندین سونک همه رعیه و فقرا و کافه بر بالارغه
 لازم و کرکیم اوز وقت لاریدا کی هر نوع انسان خیلی و آدم اوروغیدین خداوند
 کریم لایق و سزاوار کوروب قدرت کامله سی برله بیز مخلوق لار اوستیکا استعلا
 قیلیب برکانلار یکا شکر ثنا بجا کلتور ما کیمز البته اهم ضروریات جمله سیدین دور
 مبادا پادشاه و حاکم لاردین ویا که فقرا و رعیه لاردین برنا شکر چیلیک و کفرانه
 نعمت وقوع غه کیلسه لار و العیاذ بالله بیوه بیچاره رسیده و نارسیده لار آط لار ایاغیدا
 قالب هلاکت کا پنما کی ویوق بولماقی همه انسان کروهن غه روشن و هویدا دور
 پادشاه و حاکم لارغه البته کرکیم داد عدل و رحم شفقت نی اوز لاریغه لازم بلکه
 فرض بیلکایلار و فقرا و رعیه لارغه هم پادشاه وقت حق لاریدا عدل انصاف و توفیق
 عطا قیلغای سین دیب دعا قیلماقی فرض بیلکایلار الهی پادشاه لارغه عدل
 عدالت و فقرا لارغه انصاف توفیق نی اوز کمال و قدر نینک برله بخشش و عطا
 قیلغای سین (الحمد لله الذی جعل التوفیق رفیقنا و الصراط المستقیم طریقنا
 اوصلنا الی مقاصدنا و تب عیلتنا انک انت التواب الرحیم اللهم اجعل عواقب
 امورنا بالخیر و اختم لنا بالخیر آمین انه مجیب الداعین .

تتمه موعظه خاتمه بو یته شهر اوضاعی و آدم لاری فعل
 اطواری و مزار مشایخ لاری ذکر و مغولستان
 حدودی و احوالاتی بیانی

معتبر تاریخ کتابلاریدا خصوصاً میرزا حیدر کوراکان انار الله برهانه کیم

تارىخ رشيدى كىتابلاردا مغولايە يورتى حدودىنى پادشاھ ماتقدم لار بىرلىغى و فرامىن لارى
 اوستىدىن كىتاپلارغا درج ايتىپ دوركىم بىئىنى بوكىم
 مغولستان نىنىڭ مشرقى ھى بالە كۆل و قومول شىمال ھى كىتەنكىز مغرب ھى
 تاشكەند مضافاتى چاقسىمان و اندىجان مضافاتى سامغرىلەل كانى بدخشى جانوب
 ھى تىبەت و قرانگىو تاغ و اوبغورى و لايتى دور بوحد و اىچىنى فرامىن دا مغولستان
 دىب اتاب دورلار اورومچى چونك و ايلەلار ھىم بوھىد و اىچىدا داخل دور
 اما مغولستان يورت لارى اىچىندا بوھىرلارنى بىتە شىر دىب اتاب دورلار بىتە
 شىر دىكانلارى كاشغىر باركند ختن اقسو او شىرفان كوچا و كەنە شىرفان دور
 لىكن خاقان اھلى بوھىرلارنى نىن لو باچنىڭ دىدورلار جانوب شىرفاندا كى سىز
 شىر دىكان بولور اىمىش بوھىرلاردا سىزىچى سى كورلا بولغايلار اما بوھىتە
 شىرنىنىڭ پاى تىختى قدىم مىسلمان خانلار زمانەلاردا شىرفان بىلە باركند اىكانلار بو
 بىتە شىر زىمىن لاردا مزار و مشايخ لار تولا دورلار اما اكثرلارى نىنىڭ اسم لار و نام
 تىزكىرەلارى معلوم اىماس اكر چىن دىكە اسم تىزكىرەلارى بولسا لار مو اكثرلارى نىنىڭ
 تىزكىرەلارى تارىخ ماتقدم كىتاب لارغا موافق اىماس ھىر زمانە آدم لار بىدىن
 بىرلارى تارىخ كىتابلارغا قىراماى اوز مەدەئالار بىدىك تىزكىرە قىتوب قوبىغان
 بولغايلار شونكا اكتى قىلىپ شول اسم و نام بىرلە مشهور و معروف بولوب
 قالغان بولغايلار بىغى بىز كورلار اسم شىرفىلار بىنى قوشقار انا و سقال انا
 و بولغون انا و تاش مزار و كىموش كوزلوك انا دىدورلار اسم لار بىنى بىلما كاج
 بو اسم لار بىرلە مشهور بولوب دور تىزكىرەلار بىنى ھى مونكا موافق قىلغان بولغاى
 اما اسم شىرفىلارى البىتە بولك بولغايلار حاصل الكلام بوكىم حكما مهندس
 ماتقدم و ماتاخىرلار زىمىن مساحتى و جزىرە بىابان معورىنى بىئىنى و درجە دىقىقە ذىجات
 احوالاتى دا سى بلىغىلار كور كوزوب دور و كواكب ھىت ستارە سىبارەسى بىرلە
 ربع مسكونىنى مشرق ھى نىنىڭ ابدى اسىدىن مغرب ھى انتھاسىغىچە زىمىن يوزىنى

یتنه تقسیم قیلیب هر تقسیم نی بر اقلیم دیب اتاب دور وهر اقلیم غه یتنه یولدوزنینه
 برینی منسوب قیلیب دور اندا اقلیم اول غه زحل نی اقلیم دوم غه مشتری نی
 اقلیم سیوم غه مریخ نی بو قیاس برله یتنه یولدوزنی یتنه اقلیم غه نسبت بریب هر اقلیم غه
 تعلق آدم لارنینه رنگ روی و مزاجینی و تعلق شهر دریا جزیره تاغلارینی بر
 بر بیان قیلیب تاریخ جمع قیلغان مؤلف دانا ماتقدم لار کتاب لاری انمام
 واختتام لاریغه تفصیلا مندرج انیب زب و آرایش بریب دورلار اما بو کمینه
 نادان و ناتوان پر سراپا تقصیر اول امر عظیم تحریر و تقریری غه ناقص و قاصر
 اوچون یتنه اقلیم مثابه سیده بویتنه شهرلار آدم لاری بعضه احوالی و اوضاعی غه
 جرأت قیلیب بوور قچه غه مندرج انیم والله الموفق والمعين مذکور یتنه
 یتنه شهرنینه برنجی و اعلاسی کاشغر دور کاشغر قدیم شهر دور آدم لاری
 اوضاعی علما و صالحلار غه انیس و جلیس غربت و سفر غه راغب و حربص
 محبت و الفت ایک ده ظریف و دانالیکن بی عاقبت حریف نا آشنا علماء و طالب
 العلم لار غه رواجی و فضلا و صاحب دعالمار غه رونقی و تجار اشرف و دهقانلار
 عشر و ذکواتی و اهل کسب و هنر بندلار سعی و کوششی باشقه شهر آدم لاریغه
 قراغاندا تفوق و زیاده دور خصوصاً علمالار رواجی و سودا کرلار تجارتی باییدا
 کویا ثانی بخارا دیب اعتبار ایتسه لار مبالغه بولمايدور اما آدم لاریغه نظر
 قیلغاندا زمینی آز بیل یمیش لاری سیراب غله سی اوز شهریکا کفایه قیلمايدور
 بر هفته یارکند مضافاتی دین یکی مینک ایشاک اشلیق کاشغر غه داخل بولادور
 یابلاق لاری آز چهار پای لاری کمچین اما کاشغر زمینی داکی مزار مشایخ لار دین
 حضرت خواجه آفاق اسم شریف لاری خواجه هدایت الله بن خواجه یوسف بن
 مخدوم اعظم دورلار تعریف و توصیف دین مستغنی دورلار وینه سلطان ستوق
 بغرا خان غازی کیم افراسیاب اولادیدین دور تاریخ اوج یوز اوتوزدا ابونصر
 سامانی سعی و دلالتی برله اسلام شریف دولتی غه مشرف بولدیلار و بویتنه شهر

ھم اول ذات بابرکات قدم تشریف لاری برلہ مسلمان بولدیلار اما تاریخ اوجیوز
 یتیمیش داختن اھلی اسلام دولتی غہ داخل بولدی (اؤل من اسلم من النرک الستوق)
 دیکان حدیث شریف معجز بیان لاری بو ذات شریف شانی لاریکا دور زیارتکاهی
 آرتوش موضعید امعروف و مشهور دور وینہ سید جلال الدین بغدادی و قطب اللہ
 خواجم و حسن فیض اللہ خواجم و اورد ابادشاهم یعنی سلطان قزیل ارسلان خان
 دیب انایدورلار تذکیرہ لاری کورولمادی و موندین باشقہ ہم مزار شریف لاری
 و قدم جا زیارتکاہ لاز تولادورلار اما یارکنک اھلی آدم لاری اوضاعی بیچارہ
 وار ادز ایشلاریغہ فشیق و بختہ ایشان و حضرت لاری خلیفہ و صایب لاریغہ رواجی
 و رونق لیقی زیادہ اما ککشمیر و ہند و اوغان و بدخشان قنار لیقی ہر طایفہ
 مسافر لاری تولو و اوزلاری مسافرت لیک کا کم چیتادور و دھقان اشرف دور زمین لاری
 کنکرو و زیادہ و غلہ حاصلی زیادہ و یایلاق قیشلاق لاری بی اندازہ چہار پای
 قوطاس لاری تولو و بیغایہ بیل بے پیشلاری فراوان و غلہ سی کنکرو و وارزان و مضافات لاری
 بی پایان اما مزارات مشہور و معروف لاری خواجہ محمد شریف پیر بزرگوار
 مزار فایض الانوار دورلار وینہ ہفت محمدان مزار شریف دور ہفت محمدان
 دیکانلاری ینہ محمد اتلیق مشایخ لاری یانتقان بولغا ییلار و التون مزار دیکانلاری
 قدیم مسلمان خانلاری بیکیم سلطان سعید خان دین ابتدا قبلیب اسماعیل خان
 و محمد امین خانلار زمانہ لاریغچہ ایک یوز بیل مدتی بوینہ شہرنی سوراب
 یارکنندی پای تخت قیلغان ایکانلار خانلار جسدی باریرنی مغوللار اعزاز
 و اولوغلاب آلتون دیب آثار ایکانلار بوسیب برلہ التون مزار دیب مشہور
 بولغان بولغا ییلار وینہ مخدوم اعظم اولادلاری بدین خواجہ شادی خواجم و خواجہ
 دانیال خواجم لاری باشلیغ نچہ خواجہ اسحاق علی اللہ نبیرہ لاری مخدوم اعظمی سیدلاری
 مزار تبرک لاری باردورلار اما ختن نہایتی کھنہ قدیم شہر دور آدم لاری

اوضاعی برسوز و بر قول دا اتفاق فشیق ایقدا بی نظیر و امساك لیکنده بی عدیل
 و متقی پرهیزکارلاری تولا و ایمانلاری آندین تولا همه آدم لاری کاسب و هنر
 بند و طبع ادراکی تازه و ذهن چالاکی بی اندازه هر هنرنی اوز کمالیغه بتکوروب
 خریدارغه اوبدان کورساتیب قولیدین اونکارما کلیك کا ماهر مهشوت ایفك لار
 تولا چیقادور و آلتون کافی بار و سوتاشی معدنی هم بار اطراف جوانب لاردین
 سودا کر اشرف لار هر قانچه نقدینه لار ایب باریب خرید قیاسه لار نقدینه لاری
 ادا بولادور خریدلاری اشیب فالادور ختن دین باشقه شهرکا مال اجناس لار
 چیقادور نقدینه لاری اصلا چیقمایدور آدم لاریغه نظر قیلغاندا زمین لاری آز
 و قوم عاجبز غله همیشه حاصلی که چین میوه همیشه لاری سیراب دورلار و ختن زمینی دا
 معروف مشهور امام جعفر صادق رضی الله عنه دورلار همه لارنینک عقیده
 و اخلاص لاری امام جعفر صادق رضی الله عنه ختن مضافاتی دا دیب عقیده
 قیلادورلار اما تاریخ کتاب لاریدا خصوصا روضه الصفا دا ذکر قیلیب دورلار کیم
 امام جعفر صادق بن امام محمد باقر بن علی لقب لاری زین العابدین بن امام
 حسین رضی الله عنهم خلیفه عباسی جعفر دوانقی زمانه لاریده تاریخ بر یوز قرق
 سکزدا وفات تافتی کوروستان بقیع دا دادالاری محمد باقر و بابالاری
 زین العابدین بانلاریدا دفن قیلندی دیب ذکر قیلیب دورلار موندین معلوم
 بولادور کیم جعفر نام مشایخ و الامقام کمالی تبعیت سنت سنیه قیلغاچ امام و پیشوالیق
 مرتبه و درجه لارینی تافغان بولغایلار و اول زماندا کی مرید و مخلص لاری بو امام
 کویا امام جعفر ثانی ایکان دیکان بولغایلار ثانی لفظ اغلاط عامه بیلان صادق انالیب
 قالغان بولغای چرا که ثانی لفظی صادق لفظی برله هم وزن دورر ریاضت و تابع سنتنی
 کمالیغه یتکور کاچ امام جعفر ثانی غه امام جعفر صادق فضل کمالات لارینی
 خداوند کریم عطا قیلسه لار هیچ مضایقه یوقتور (ذلك فضل الله يؤتیه من یشاء

والله ذوالفضل العظیم) اوشو طریقه دا ختن قلمروی دا امام ذبیح الله و امام قاسم

وامام هاشم ديب تولا مزارات عالی لار و زیارتگاه عالیجاه لار تولا دورلار و بوجه دین شهیدان ختن ديب اتلا دور لیکن مذکور امام لار نینک کرامت و خارق عادت لاری ظاهر و آشکارا معلوم بولوب تورادر اما هر احدی افراد انسان دین بر پیر مرشد خدمت لارینی قلیب پی روی سنت نی کما کان بجا کلتور سه لار خداوند کریم فضل عنایتی بر له درجه علیا و مرتبه عظمی دولتی و شرافتی غه مشرف اولما اقلید اهیچ شك یوقتورلار بینه بری بو کیم اولیاء عظام عالی مقام لار غه اول من لاینام درجه و مرتبه لار ایچیدین بر درجه علیانی عطا قیلور ایکان کیم بر وقت و بر آن ده شام شریف دا ینه شول آوان ده مکء معظمه دا یا که باشقه ولایت لار ده کوردوک ديب ایاتور ایکانلار اما اول ذات اوز جای و مکان لاریدین بولک برکابارغانی و بر کون یریم کون غایب بولغانلارینی کشی لار بیلماس ایکانلار بوقسمی ایشلار خدای قادر درگاه لاریدا آسان دورلار یا که بو امام لار اول طایفه علیالاردین بولغانلار معتبر کتابلاردا ذکر قلیب دورلار کیم زمانه اول دا تاریخ آلتنه یوز اون تورت ایکانیدا نایمان قوم لاری اولوضی تایانک خان دیکان چینکز خان برله اوروشوب برابرلیک قیلا المای بلکه بول اراده تایانک خان یوق بولغان ایکانلار اوغلی کوشلوك خان یورت وایل اولوسی ایچندا تورالمای بر مونجه آدمی برله کاشغر غه کلب کاشغرنی اطاعتی کا کیرکوزوب ظلم پیداد قیلغان یکانلار کیم زراعت لارینی چهار پایلاری آباغلاریدا یوق قلیب و اوت قویوب کویدر و ب دور بو کافر بی دین ظالم چریک لاری هر اشرف و ارازل لار اوی لاریکا کیریب خاتون بلالاری آلدیدا فارغ البال اولتور و ب دور صاحب خانه لارنی کوزلاریکا الماب دور اما بو کوشلوك اوزی آتش پرست و خاتونی نصاری ایکانلار همه خلقنی اوز دین لاریغه زور برله تکلیف قلیب دور هر آدم کوشلوك نینک دین ملت لارینی اختیار قیلسه لار امان لیک بریب دور مبادا ابا و امتناع قیلسه لار عذاب الیم و شکنجه مقیم عه مبتلا ایلاب یوق قلیب دورلار و آندین کین ختن غه

باریب ختن اهلی نی اوز دین ملت لاریغه تکلیف و ترغیب قیلیب دیدیلار کیم هر کیمکه اهل علم و صلاح و صاحب عمامه دورلار حاضر بو اغالار دیب ند او جار سالدی کنکرو و سبع جای غه چیقنی اوج مینکدین زیاده اهل علم و عمامه حاضر بولدیلار و کوشلوك دیدیکم کیم دور سبزلاردین حق سوزنی یافمای و قورقمای راست لبق دین ملت دین مباحثه و مناظره قیلادورغان دیب حکم قیلغانلار یسدا ختن لیک مولانا علاء الدین محمد نام بر ملا علماء مبتخر نور الله مضجعه راست لبق کورینی بللاریکا محکم بایلاب کوشلوك نینک آلدیغه کلیب دین محمدی نی ترجیح قیلیب حجت و برهانلار کلتوردی اول کافر بی باک و جودینی محض عدم چاغلادی حق باطلغه و عالم جاهلغه غالب کلدی کوشلوك نینک سوزی ادا بولوب ملزم بولدی و خجیل لیک یوز کلتوردی حیرت و خجالت دا غضبلاری برله محمد مصطفی صلی الله علیه وسلم شأنلاریدا بیهوده سوزلارنی زبانیغه کلتوروب بی ادبلیک کا جرأت قیلدی بو آنده اول نیکونهاد و پساک اعتقاد کمال غیرت و حمیت لاری زیاده لیک دین کوتارالمای ای کوشلوك لعین عدود دین و قرانوفراق اغزینکغه تولسون دیب دشنام بردی بو سوزنی ایشتیب اول امام دیندارنی توتوروب حبس قیلدی تا که دین اسلام دین یانیب دین آتش پرشت لیکنی اختیار قیلغای دیب بالاخر بیلدیلار کیم دین محمدی دین یانماس ایکانلار عاقبت اول امام حق کوی نی اوزلاری بنا قیلغان مدرسه لاریکا چهارمبغ قیلیب یعنی تورت مبغ برله امامنی مدرسه کا مبغلاب قویدی نچه کیچه و کونروز عذابلار قیلدی اول امام پسندیده کردار کلمهء شهادتنی تیل لاریغه جاری قیلیب خلایق لارغه نصیحت قیلیب ایتیلار کیم بو دنیانینک عذاب و عقوبتلاریدین قورقوب دین احمدینی قولدین برمانکلار بوفانی دنیانی دیب آخرت دا کی درجات عالی لار

بیکار کتماسون (وما الحیوة الدنیا الا اهو و لعب و الدار الاخرة للذین اتقوا
 افلا تعقلون) اول امام محقق علاء الدین محمد ختنی نی شهادت کا یتکوردی

وتولا اهل عمامه لارنى يسوق ايتى و بىو ولايت لارده اذان اقامت و تكبير صلوة
 نماز جمعه و جماعت بالكليه كوتارىلدى ظلم بيداد و فتنه فسادلار ايشيك لارى
 آچىلدى عاجز و پرهيزكارلار دعا و طلب كا قول لارىنى كوتاردى دعالارى اجابت
 نشانه سىكا تىكىدى اما چىنكىز خان خطاى شهر لارىنى فتح قىلىپ اوز نخته گاه لارىغه
 يانىب كلىپ فارغ البال بولغان وقت لارى ايدى سمع لارىغه يتكوردىلار كىم
 كو شلوك كاشغر و ختن دا ظلم بيداد لار قىلىپ نچه مېنىك آدم لار جانى و خانه لارىنى
 نابود ويران قىلىپ دور دىب عنقرىب چىنكىز خان امرالارى دىن جته نوياننى
 نچه تومان آدم برله كو شلوك خان نىنىك اوستىكا يىباردى جته نويان كىلما كلىكى
 برله كو شلوك مقاومت لىك قىلالماي بدخشان طرفىكا قاچتى اول بىردا هلاكت كا
 يتى و باشىنى الىب كلىپ چىنكىز خان غه يىباردى بو يته شهر كا تورت يىلدى بىن
 زيادەراك حكومت قىلدى اما جته نويان جارسالدى بىكم بر آدم آبا واجد ادلارى
 رسم و آيينى و اوز دىن ملت و خواهشى بىلان بواسون دىب بو بىرودى كويا
 بو زمانه نى اىلكركى زمانه غه قراغاندا اسلام بولدى دىب خلائق لار مباركبادلىق
 قىلاشتى لار چرا كه جته نويان هم قىلماق بى دىن ايدىلار حاصل الكلام بو كىم
 بو يته شهر اهلى غه اىلكركى زمانه لاردا بو قسىمى حوادث لار روبركان اىكانلار
 بو حكايه نى بو صفحه غه ثبت ايتما كده مدعا قديم الايام دا آبا واجد ادلارىمىز
 باش لارىغه بو قسىمى حوادث لار يوز كلتوركان اىكانلار شول قسىمى جبرلارنى
 كوتارىپ خدا ورسول خدا اطاعت و فرمانى دىن يانما بىدور و دىن محمد دىن
 قايتما ب دور دىب بىلكايلار و بىر زمانه لار كاروبار لارىغه تولا دىن تولا شكر ثنا
 بجا كلتوركايلار و بىنه بر مدعا بو كىم اول علماء محقق علاء الدىن محمد ختنى
 نور الله مرقدە باشلىغ مسلمان متدىن بى باك برله مناظره و مباحثه لار قىلىپ
 دىن محمدىنى قول لارىدىن برماي جان بىرىب شهادت لىك درجه لارىنى
 تافغانلارى ختن اهلى غه بلكه بو يته شهر مسلمان لارىغه فخر مباهات و علاؤ

درجات دورلار بوهگایه بویتنه شهر تعریفیغه کفایه دور اقسو اهلی تسوغری
 وساده اتفاق لیغی یوق تفرقه وپرا کنده وغم اندیشه کا مبتلا و غله ساقلامایدورلار
 توکلی زیاده شهر ادم لاری اکثری کونلوك نانلارینی یوما فیوما بازار دین
 آلا دور زخیره قبلماایدور آشفز و نانوای لاری رواج ورونسقلیق زیاده هنر
 بندلار آزدهقانلاری تولا میوه بهیش لاری و غله حاصلی اوز شهر یغه کفایه
 قیلادور بلکه کرونج لارینی شهر شهر غه الیب کنادور بیلاق لاری کنکرو چهار
 پای لاری تولا اما اقسوز مینی دا مولانا جلال الدین کنکی بزرگوار عالی زیارتگاهی
 ایکول موضعی دور خواجه ابو حفص کبیر بخاری نبیره لاری دین دورلار ذکر لاری
 داستان اولدا اوتتی وینه امام بطلال غازی نام بزرگوار عالی مقام زیارتگاهی
 عالی دور اسم شریف لارینی امام عبد الرحمن علوی یعنی حضرت علی کرم الله
 وجهه نینک اوغلانلاری امام محمد حنفیه رضی الله عنه تورتنچی نبیره لاری دیب
 ذکر قیلیب دورلار وینه سلطان محمود غزنوی دیب بر ذات عالی مزارات باردور
 معروف و مشهور سلطان محمود غزنوی مدفن لاری غزن شهرید دورلار بو ذات
 شریف هم نام بولغایلار یا که اسم لاری محمود غازی بولغای اغلاط عامه برله
 سلطان محمود غزینی غزنوی دیب کنکان بولغایلار وینه شیخ جنید بغدادی
 و سری سقطی دیب ایکی مزار زیارتگاه باردور معروف مشهور سر حلقه اولیاء
 و مشایخ کبرا جنید بغدادی و شیخ سری سقطی قدس سرهما مزارات لارینی نقحات
 الانس دا بغداد شریف دا مسجد شونیزه دامد فون بولدی دیب ذکر قیلیب دور وینه
 بو کیم مردم لار سر سقطی دیکانلاری غالباً اسم لاری ساقی اتا بولغایلار اغلاط عامه برله ساقی
 اتانی سری سقطی دیب کنکان بولغایلار علی ای التقدی برین مزار فیض اتا روزیارتگاه
 مراد بخش دور واقسونینک شمال طرفید آله تاش مقداری تاغ دامنه سید بر مزارات
 عالی باردور کیم اسم شریف لارنی سلطان قرمیش سید المسلمین دیب اتایدور
 و تذکره لاری هم بار اما تذکره لاریده ایتمیب دورلار کیم تاریخ هجری اوتوز

اوچونچى يىلى پيغمبەر آخىر الزمان قىرىش سىدى المرسليننى اوتوز اوچ مېنىك
 صحابهء كبار بىرلە شەر بىر بىرغە قەقە جادو وزمىرە اتىش پىرىستلار اوستىكا اىباردىلار
 كافرلار غالب كلىپ بلكە اوتوز اوچ مېنىك صحابهء عظاملارنى اوشطرفان مضافاتى
 واقسو كنىت لارى بىعضه لارىدا شهادت كائىتى مبارك جىسدلارنىنى اوشبو زمىن دا
 مدفون بولدى دىب دور اما معتبر كىتاب لارده مذكور صحابهء عظاملار يانتان
 جاي مكانلارنى كورستان بقىع دا باشام شىرىف بغداد وكوفه قنارلىق زمىن لارده
 دفن بولدى دىب ذكرى قىلىپ دور تارىخ اوتوز اوچ-ونچى يىلى دا يار سىوم
 عثمان بن عفان رضى الله عنه خلافت تىختى دا ايدىلار اول وقت دا فيغمبەر
 اخىر الزمان بو عالم بى پاياندىن عالم باقى غە ارتحال وانتقال قىلغان وقت لارى
 ايدى وىنە برى بو كىم بنى امىيە خلفالارىدىن وليد بن عبد الملك زمانه لارىدا
 سپە سالار قىتیبە بن مسلم دلالتى بىرلە بخارا سمرقند وفرغانه وتركىستان وكابل لارنى
 فتح قىلىپ اسلام دولتى غە مشرف قىلغان اىكانلار اول وقت دا تارىخ توقسان
 بر اىكانلار قىرىش سىدى المسلمىن كلكان زمانه لارىدا بو مذكور شەرلار اسلام غە
 مشرف بولغان بولاسه لار بو نورغون صحابهء كبارلار نه بىر بىرلە وقىسى بول بىرلە
 كلكان دور البتە عاقل لار ملاحظه قىلغايىلار وىنە برى بو كىم معتبر كىتاب لارده
 درىاي آمونىنىك بولطرفىكا صحابهء كبار اوتكان اىماس دىب دورلار انىنىك
 اوچونكىم درىاي آمونىنىك بولطرفى اسلام دولتى غە اولوقت دا مشرف بولماغان
 ايدىلار بو اعتبار بىرلە مذكور تذكره نى اعتبار غە النماسه كرك اما مزارات
 على وزيارتكاه والجاهى دور خوارق عادات وكرامات لارى ظاهر و روشن كور و نوب
 و بىلانىب تورادور هر امورده كافرلار بىرلە غزات قىلغان وشهادت لىك درجه سىن
 تافغان غازى وشهدا بولغايىلار واسم لارى باشقە وبولك عصر و زمانه لارده بولغايىلار
 اما بو كىمىنە غە اوخشە تارىخ توارىخ وسىر كىتاب لارىدىن بوى آلمغان بر آدم
 نادان سوزىنىك اصلى ومبدأى دىس خىر تافماغان اوز طور اختراصى بىرلە

بیهوده رنج لاری چکیب تذکیره دیب اناغان بولغایلار مذکور تذکره نئی ملاحظه قیلیب
 معتبر کتاب لارغه موازنه قیلغاندا معلوم و روشن بولادور وینه مزارات لار تولا دور
 اما اسم و نسب و صفت لاری و قیسی زماندا اوتکانلاری معلوم ایماس اوچون
 جرأت قیلنمادی وینه بری بوکیم ولایت طرفیدن ابوالحسن حضرت م بویتنه شهرغه
 کلیب اقسودا برنجه زمان استقامت قیلیب مسلمانلار مرده دل لاری نئی توجه
 ونفی اثبات لار برله زنده ایلاب ضلالت و کمراه چاه مهلکه لاری بدین نجات
 و راه راست کناره سیغه الیب چیقیب فیض فتوح در کرانمایه لاری نئی مرید مخلص لاری
 دل آینه لاریغه برکتیب مقام و مرتبه لاری نئی پایه پایه بلند و عروج ایلاب سفر
 اختیار قیلیب کنکان ایکانلار اول انا لایق غازی ابتداً قدم تشریف کلتور کانلاریدا
 بو ذات شریف هم قدم و میمنت ازوم لاری نئی اقسوزمینى اوستیکا قویوب مقام و مسکن
 قیلدیلار علماء عظام لاریکم ایشان و حضرت لارغه دل کونکلاری برله مایل و موافق
 کیلماک و سیدور همه علماء لار جان دلی برله مرید و مخلص ایق زمره لاریغه
 اوزلاری نئی الیب انابت و اطاعت قیلیب خاص مریدلاری جمله سیدین بولدیلار
 نقشبندیه سلوک لاریدا و خفییه طریقه دا ایدیلار کرامت و خوارق عادات لار
 ظهورغه کیلدی خوارق لاری جمله سیدین برلاری بوکیم مرید مخلص لاری نئی
 برلاری کتاب شهنامه و امیر زمره قناریق جنک نامه کتابلاری سوزلاریغه شیفته
 ایکانلار جناب حضرت نینک نظرلاری توشوب قالب منع قیلیب دور بر کون
 حضرت اوتوب بارسه لارینه جنک نامه او قوغان بردا اولتورغان لاریغه نظرلاری
 توشوب دور اما مذکور مرید کونکلی دا ایثار ایکانکیم افراسیاب و کیکاوس
 دیکانلار قیداق پادشاه بولغای عجب جنک جدل قیلغان ایکان دیب او بیفرغه
 باریب دور کچه سی توشیده ایکی زور هیبت لیک پادشاه بر برلاری آرقه لاری نئی
 قویلاب کتیب بارغانیدا خـ لایق اینتیب دورکیم انا افراسیاب و کیکاوس دیب
 خلایق لار ازدهام لاری نئی قورقوب بیدار بولوب دور ابرته بیلان حلقه ذکرغه

باريب اولتورغاندىن كىن وقت توجەدا جناب حضرت التقات قىليب ايتىب دوركىم
 افراسياب وكىكاوسنى كوردونكەو بولك نىمە ايماس ايكى كافر دىب دور
 مذكور مریدلارى يىنكى باشدىن توبە قىليب ايكىنچى جنك نامە اووقوغان
 یركا بارمابدور وینه ملاعبدا الكرىم نام برنوجوان مریدلارى نىنك بر ايشك لارى
 بار ايكان ايرتە بیلان صحردا ايشك لارى بىكار بولوب قاجىب كىب دور
 ایزدا كالى بلەلارینى بووروب اوزلارى حاقلەغە حاضر بولوب دور لىكن
 دل لارىدا ايشك نە یركا كتكاندور قچان تافىاور دىب كونكل لارى مشوش
 بولوب تورغان كىن دا توجە قتارى كلىب دور جناب حضرت توجە برىب
 توروب باشلارینى كوتارىب سرزنش برلە ايتىب دوركم اى كوچوك ايشك
 يوق بولغانغە مونچە فریشان بولاسىن موخاطر يىنكى جمع قىل ايشك هم تفارسىن آط هم
 تفارسىن دىب مرحمت قىليب دور الان بوتار بىخك مذكور ملاعبدا الكرىم آخون
 قاضى رفیس مال دنيا دىن واط ايشك دىن مالا مال وىي نياز دورلار بو ذات نىنك
 القاب و منقبت لارینى بر بر بیان غە كلتور واسە علیحدە بر مجلد تىز كىرە بولغوسىدور
 تاریخ بر مینك ايكى يوز سكسن بش دە ماه صفر اون سكرىدە اقسودا وفات
 تافتى وصیت لارى بوینچە اوز حولى لارىندە دفن قىلندى تصوف كتابلاردا
 پرکاملار صحبت لارینى كبرىت احمر غە تشبیه و مثال قىليب دورلار بو ذات
 شریف نىنك صحبت لارى البتە كبرىت احمر ایدى و پرکامل هم بو ذات ایدى
 اما موندىن زیاده تعریف قىلماق غە قلم خوشخرام جرأت قىلمادى بو كىنە مؤلف
 ملا موسى ابن ملا عیسی سراجى اول زماندە عامل ذكوة یعنی ذكوة چى لار
 خدمتى دا ملازم ایدىم باش وغرور وقتىم ایدى نچە مرتبه صحبت لارینى تافتم
 ارادت دىبوس لوق مىسر بولمادى حالا اوتوزالتە بیل كامل بولوب دور عمرور
 آخر بغه بىنك انچه اول شریف صحبتى و محبتى ذل ضمیریم دا جوش و خوروش دادور

نظم

وصل یار بولدی میسر قدرینی اه بیلمادیم
وصل بولمای جاودان فرقت کبلورنی بیلمادیم

اما اوشطرفان اوشطرفان کهنه شهر دور ایلکرکی اتی اوش ایکانلار
بر زمانه دا پادشاه لاریدین یوز اویر وکانلاریدا ادم لارنی یورت یورت لارغه
تارقاتب کهنه طرفاندین آدم کوچوروب الیب کلیب اولتورغوزغان ایکانلار
بولوجه دین کنت ایماق لاری اسمی کهنه طرفان ایماق لاری اسمی برله هسمی دور
خاقان چین ایلکرکی زمانه دا بویتنه شهرنی تصرف قیلیب اون یته بیل دین
کین خاقان اطاعت لاریدین چقان ایکانلار ایکنچی مرتبه الیب آدم لارینی قتل
عام قیلیب الله شهر دین آدم کوچوروب الیب کلیب اباد قیلغان ایکانلار
الآن اطلاری کوچمن دور واقعه سی داستان اولده ذکر تافتی آدم لاری نجه
فرقه پراکنده و تفرقه هنر بند و کاسب لاری کم ادم لاری دهقان زمین لاری
اوبدان حاصلی کنکرو وارزان دور امام لاریم دیب بر مزار فایض الانوار
باردور اسم لارینی امام محمد غزالی دیب ایتادور وینه قازغاندا بر مزارات
باردور اسم لارینی امام احمد غزالی دیب ایتادور اما نفحات الانس دا امام
غزالی نی قزوین دا دفن قیلندی دیب ذکر قیلیب دور قازغان و قزوین لفظی
هم بر لاری کایتین دور والله اعلم بحقیقه الحال وینه ساوتقی مزار شریف باردور ساوتقی
دیبا آناما قدا سبب مونی ایتیب دور کیم تاریخ هجری ارتوزنچی بیلی حضرت علی کرم
الله وجهه ایکی شهرزاده کرامنی وینه بر نجه باش صحابه زاده لارنی الیب سوداگر صورتیدا
بولوب کلیب بولاق باشیغه توشوب دلدل لارینی ساوتوب قویغان ایکانلار دلدل
ساوتغان سوکت دیب ایتادور لار برتوف سوکت کوکلاب اورا توروب یقیلیب
ینه اورا بولوب الان برنقار اشلیق اوروغ بارادورغان زمین دین کنکرو وراک
زمیننی کوکاریب توروب دور هیچ احدی خواه قوروق و حواه هول بررنال شاخلارینی
کیسماس ایکانلار نهایتی احتیاط و پرهیز قیلورایکان و بر چشمه کیم عین الثعبان اتایدور
سلیمان علیه السلام امر فرمانی بزله بیلان لار بو بولاق غه جمع بولغان ایکانلار
علی کرم الله وجهه قدم شریف لاری یتکاندا ای ثعبان لار بولاق اوستیدین

اوزونكلارنى بىقەغە ئالينكلار پىغمبەر آخىر الزمان باركاه معلالارىنى بولاق اوستىكا
 تىكەمىز دىب امر قىلغانلاردا بىلانلار كوچو بدور اما بولاق سويى بىلانلار
 زهر اثرانيدىن آچىغ اىكانلار مبارك آب دهن لارىنى مذكور بولاق غە
 تاشلاب دور على كرم الله وجهه كرامات لارى برله بىلانلار كوچو بدور و بولاق
 سويى شىرىن و تاتلىغ بولوب دور بولوجه دىن ساوتقى مزار دىب اتايدور على
 كرم الله وجهه نىنك قدم جايلارى دىب تذكره لارىدا ذكر قىلىپ دور حقيقتى غە
 خداوند عالميان عالم دور اما بى چىز جاى ايماس كرامت و خوارق عادت ظاهر
 واشكار معلوم بولارپ تور و بدور وىنه تولا مزار متبركاتلار باردور اكثر لارى
 اسم لارىنى صحابه كبار اسم لارىدا اتايدور ماهىتى معلوم ايماس اوچون ذكرى قىلنمادى
 هر وجهدا اوشطرفان موضعدا چىنك و غزاتلار تولا واقع اولغان جاى معلوم
 بولاندىب تورادور اما كوچا قديم اسمى كوسن اىكان كوچا اهلى اتفاق لىقدا
 زياده همه آدم لارى سپاه پيشه خوش خلق و ظريفانه مظلوم و ضعیف لار همتى
 و جراتى ابرانلاردىن زياده علم عمل كسب و هنردا هم كم لىكى يوق اما مسافر برله
 خوشى يوق آدم لارىغە نظر قلغاندا زمىن لارى كىنكرو و تازه غىله و حاصلاتى
 اوزلارىغە كفايه قىلادور خصوصاً هر نوع ميوه يىمىش و معيشت لارى باشقە شهرلارغە
 قراغاندا سىراب و تولا دور و چهار پايلارى كفايه قىلىپ ارتادور مولانا عرش الدين
 ولى الله مزار فيض الانوار قدس الله سره نىنك مدفنى دور بوذات شريف
 دلالتى برله توغلوغ تيمور خان اسلام دولتىغە مشرف بولدى و ايله توابعات لارىدا
 اسلام چراغى باروغان دورلار ذكرى لارى داستان اولدە شمه ذكرى تافتى
 وىنه شىخ نظام الدين دهلوى مزارات على دورلار بعضه لار دهلوى لفظنى دهبيدى
 دىب اتايدور بهر كيف پر هيبت و فيض بخش مزار دور وىنه بلخ اتا دىب بر
 مزار شريف باردور اسم و نسب لارى و قيسى زماندا اوتكانلاى معلوم ايماس
 وىنه نبیره خواجام دىب بر مزار عاليمقام باردور حضرت بها الدين نقشبند قدس
 سره العزىز نىنك نبیره لارى دورلار وىنه بابا قمبر ولى الله دىب بر مزار فابىض

الانوار بار بابا قمبر ولی الله کیم معروف و مشهور علی کرم الله وجهه مراخور لاری دور
 بولار برله همنام بولغایلار و او شطرفاندا هم بابا قمبر ولی الله دیب بر مزارات
 زیارتگاه باردور وینه بر مزارات زیارتگاه عالی بار کیم اسم لاری بنی ابراهیم ادهم
 قدس سره دیب اینادور مذکور و مشهور سر حلقه اولیا ابراهیم ادهم قدس
 سره مکّه معظمه دده دور بولار هم همنام بولغایلار و الله اعلم بحقیقه الحال
 کهنه طرفان آدم لاری اوضاعی ساده و پخته راست سوز و راست قول مکره بله غدر
 خیانت لاری کم عقیده اخلاص لاری تازه و زیاده هواسی اسبغ سویی کم اکثری
 کاربز برله زراعت قیلادور زمیننی اوبدان غله حاصلی اوز لاریغه کفایه قیلادور
 میوه همیشه و معیشت لاری هم کنکرو خصوصاً کشمش کونک اوزوم نهایتی سیراب
 همه شهرغه کفایه قیلادور و ترنجبین هم باردور اما اصحاب الکهف مقام لاری
 زیارتگاه عالیجاه دور امانت سیر لارده اصحاب الکهف نی روم داطرسوس دیکان شهر دادیب
 ذکر قیلیب دور لار خداوند کریم حکمت فامضه سی برله اصحاب الکهف نی
 خلائق لار اراسیدین مخفی قیلغان و اسم لاری تعدادی هم مخفی دور و زمین
 یوزیدا ینته یردادیب اعتبار ایتیب دور اورومچه دیکان لفظی نینک اصلنی داکی
 راست آنلاری رومچه بولغایلار رومچه لفظی نینک اولیغه حرف الفنی اغلاط
 عامه برلان زباده قیلغان بولغای بلکه اخریغه یا حرفی نی ملحق قیلیب اورومچی
 قیلیب الغان بولغای ترکی لفظی داچه دیکان عبارت کچیک دیکان بولادور
 و ترکانه لار چونک نیمر سه نی تصغیر قیلماقچی بولسه لار چه لفظی برله تصغیر قیلادر یعنی چه
 لفظی برله کچیک قیلادور اند اذکیم باغچه و حوالیچه و دیکچه اما باغ لاریکم چونک و رسمی
 بولسه لار باغ دبدور واکر کچیک بولسه لار باغچه دیب تصغیر قیلادور و حوالیچه و دیکچه هم
 اوشبو طریقه بیلان دور بو اعتبار برله رومچه دیکانلاری کچیک روم دیکان بولغایلار
 تفسیر داکی اصحاب الکهف روم مضافاتی طرسوس دیکان شهر دا دیکانلاری
 راست کلکای لار و طرسوس هم اغلاط عامه برله طرفان بولغای بلکه خطای و مغول
 قرغیز قپچاق و قلماق لار نینک تیل و زبان لاریغه اغیر و غلبت کلکان وجهی دین
 طرسوس دیب ایتالمای طرفان دیکان بولغای لار اصحاب الکهف زمانه لاری

حضرت عیسیٰ علیہ الصلوٰۃ والسلام زمانہ لاریدین ایلکاری ایکانلار بو اعتبار برلہ ایکی مینک ییل بولغان معلوم بولادور بو اوزون زماندین بریسیدہ بو شہرلارنی نچہ زمان تاتار اہلی ونچہ قرن مفرل قومی ونچہ وقت قلماق گروہی ونچہ اوآن مسلمان پادشاہی ونچہ دوران خطای طایفہ لاری حکومت قیلیب اوتوب دورلار هر برلاری اوز زبان لاریدا شہرلار اسم لارینی بر نام برلہ قچقرب دور انداگکہ اورومچی نی خطای لار خومیوزہ دیب اتابدور مونداغ بولغاندین کین رومچہ وطرسوس اسم لاری تغییر وتبديل نافسہ لار عاقل لار عقلی دین براق ایماسلار وینہ اصحاب الکھف شہو طرفاندا ایکانیکا آیتہ کریمہ کہ

(وتری الشمس اذا طلعت تزاور عن کھفہم ذات الیمین واذا غربت تقرضہم ذات الشمال) مضمونی مقتضاسیچہ شہو غار آغزیغہ موافق ومطابق ديسدور هر وجہ وهر اموردہ غالباً مفہوم بولادور کیم اصحاب الکھف شہو طرفاندا بولغانلار واللہ اعلم بالصواب وینہ الفتا ديب بر مزار عالی باردور اصل اسم ولقب لاری الب انا ایکانلار الب ديب بهادر نی ایتور ایکان وترکستان مشایخ وامام پیشوا ومقتد الارینی انا لفظی برلہ تسمیہ قیلادور اما بو الب انا بزرگوار شریفی امام محمد حنفیہ رضی اللہ عنہ نینک اون التنجی نبیرہ لاری فی سبیل اللہ کافرلار برلہ فزات قیلیب شہادت درجہ لاریغہ یتکان ديب ذکر قیلیب دور والعلم عند اللہ خالص کلام بو کیم شہر صحرا وآبادان وتاغ جزیرہ دشت بیابان لارده مزار فایض الانوار عالیہ مقام اولیاء عظام ومشایخ کرام لاری کیم مسکن ومدفن قیلیب یاتیب دورلار بو ذات لار عدد وحساب لارینی اول خدایی علیم الوہاب دین باشقہ هیچ احدی افراد انساندین کمرسہ عالیہ ایماس دورلار والسلام یاران عزیز ذوی الاقتدار وبرادران صاحب اعتبار واولوا الابصار لارغہ پوشیدہ ومخفی قالما غایبیم تاریخ نبوی بر مینک اوج یوز یکرمہ بر توخ بیلی ماه شوال مکرم اون بری ایدی بو تاریخچہ اتمام واختتام شہداء غازی عظام واولیاء مشایخ کرام عالیہ مقام لار ذکر ومذاکرلاری برلہ تمام قیلندی الحمد لله والمنة بو کیم

هر سوزنينك اولی و آخری قال الله وقال رسول الله برله ويا اوليا عظام
 ووشايخ كرام لار ذكرلاری برله انما بغه يتسه لار دركاه الهی باركاه معلادا مقبول
 وخلق الله نزديدا معقول بولوب دعا و فاتحه غه البته سبب و باعث بولغو سيدور
 ليكن قلم مشكين شامه اندك و آرزمانده بوقصه و داستان كلمه فراكنده
 و حرف پریشانى بجمع قبلدى سوزنينك اينكچكه و نازك لاريغه واقف بولغوچى
 و كونه ينكى داستان لارنى اوقوب و ايشتيب آگاه بولغوچى لاردين اميد و رجا
 بو دوركيم بوقصه داستان نينك كم و نقصان لاريغه مطلع بولغانلار ذات جبلی لاريدا كى
 مخفى كرم و عفو لاری برله البته عيبى و نقصانى لارينى بافيب بسونادان جاهل
 فقير بي بضاعت عديم الاستطاعت بي مرحمت قليب دعا لاريدا ياد قيلغايلار
 قوتى و مقدورى يتكانبچه سست لوق و تقصير لوقنى (لا يدرك كله لا يترك كله)
 مقتضاسبچه اوزيكالازم و روا كورماديلار اول كريم و اهب العطايا دركاه تقدس دين
 مطلوب و مدعا بوكيم اولوغ و صاحب دل لار نظر كيميا مؤثر لاريغه قبول لوق
 درجه سين حاصل ايتكاي الهى بوضعيغى پر بيچاره نينك دل سياه لارينى اوز كمال
 قدرتينك دين توحيد نوري و معرفت چراغى برله روشن و منور قليب بوبنده
 كنه كارنى از تحال و انتقال زمانه پر ملال وقت لاريدا اوز كرمينك برله التفات
 بيغايه و مرحمت بلانهايه لارينكدين محروم و نوميد قوبماغاي سين آمين (ربنا
 اتم لنا نورنا و اغفر لنا انك على كل شى قدير اللهم اجعل التوفيق رفيقنا و الصراط
 المستقيم طريقنا اللهم اوصلنا الى مقاصدنا و تب علينا انك انت التواب الرحيم
 و قاضى الحاجات اللهم اغفر لى و لوالدى و لاسنادى و لجميع المؤمنين و المؤمنات و المساميين
 و المسلمات الاحياء منهم و الاموات انك مجيب الدعوات و رافع الدرجات و منزل البركات
 اللهم اناساء لك العفو و العافية و المعافات فى الدين و الدنيا و الآخرة اللهم صل
 على سيدنا محمد و على آل سيدنا محمد و على ارواحه و ذرياته و اصحابه الكرام
 الذين هم اقتديتم و اهتديتم و على ملائكة المقربين و على اهل طاعتك اجمعين
 وسلم عليه و عليهم تسليما دائما مباركا كثيرا كثيرا ^{۳۲۱}لنه
 الخط باقى و العمر فانى العبد عاصى و الرب عافى

هر كه خواند دعا طمع دارم
 زينكه من بنده كنه كارم
 خفيف

ملا موسى بن ملا عيسى خواجه سیرامی نینک تالیفی قیلغان
تاریخ امنیه کتابی نینک راست غلطی نینک نوموری

صیغ	غلط	سطر	صفحه
تنویرلار یغه روشن وهوید اولغا ئیکم	تنویرلار یغه	۱۲	۳
وسونینک	وسونینک	۳	۸
قیلدوردیلار	قیلدیلار	۱۹	=
آنبیلار	آبتیلار	۱۶	۱۵
چونک	چونکه	۱۴	۱۱
بو کیم	بو کیچ	۲۵	=
شهر قزان دور شهر قزاننی	شهر قزاننی	۱۵	۱۳
آزر بایجان	اوز بایجان	۱۵	=
اسلام شریف پادشاه	اسلام پادشاه	۴	۱۵
میرزانینک	میرزا انینک	۱۳	۱۶
جراس	حرایس	۱۳	۱۷
هیدا	پیدا	۱۷	=
ابا بکر نینک احوالاتی	ابا بکر احوالاتی	۵	۱۸
هونینکدین	منونکدین	۱۴	=
میمون بیلی داخل بولوب ایدوک دیب	کلیب دور دیب	۳	۱۹
بی نظیر	بی نظر	۱۱	=
معنی نورغون تولا وکوب زیماده	بوزغون	۱۶	۲۱
وبسیار دیکان معنی دا کلا دور			
تیغنی بی دریغ	تیغنی بی پاک	۱۸	۲۲

صحيح	غلط	سطر	صفحه
اوروغى	اولوسى	۲	۲۳
تعلق قىليب برسام	تعلق برسام	۷	=
يردا	بردا	۱۶	۲۵
نمام	نام	۲۲	=
يورت	يورت يورت	۶	۲۶
لاربي سراسامان	لارى سروسامان	۸	=
بزلار	ببزلار	۴	۲۷
يتادور	ينادور	۱۵	=
حقيقى سين دورسين	حقيقى دورسين	۱۷	=
مخلوق لارينك	مخلوق لارينك	۱۸	=
قلمين	قلمين	۲۰	=
نورغون	بوزغون	۳	۲۸
قولاب	قولاب	۹	۳۱
نورغون	بوزغون	۱۲	۳۲
كريب يب دور	كريب دور	۱۹	۳۸
جاج	جاج	۲۰	=
خطاي نينك	خطاي غه	۲۲	=
تونكانى	قونكانى	۲۳	=
فسلاتيب	تسلاتيب	۲۴	=
ما خالونك	ما فالونك	۶	۳۹
باشقه	بريقه	۱۲	=

صحيح	غلط	سطر	صفحة
طرف	طرفت	۱۷	=
لار نعل اطوار	لار اطوار	۷	۴۵
منصب	منصت	۴	۴۱
ايبار المايمين	ايبار الماغين	=	=
لار تاغ	لارنى تاغ	۱۸	=
كوشه	كوسه	۹	۴۲
دورغاننى خاطر	دورغان خاطر	۱۲	=
بيخ بنياد	تېخ بنياد	۱۵	۴۴
بى نام وبى نشان	بى نام نشان	۲	۴۴
وحاكم ولايت و داد خواه	وحاكم داد خواه	۱۵	=
خلص كلام بو كيم قلم خوشخرام خانان والامقام و پادشاهان ذوى الاحترام لار ذكر و حكايه نسب و هرتبه لار يكم در يابى بى پايان ايدى بر نجه غوطه لار اوروب دراد در شاهوارينى مقصد كفى غه كلتوروب تحرير رشته سيغه تيزدى و مقدمه نى اتمام و اختتامى غه يتكوروب قصه و داستان لار يكم مقصد اصلى ايردى قلم خوش عنان جلاوينى مطلب و مدعا طرفيكا تارتيب سبدان وسيع و جولانكاھى رفيع اوستنيك آطالار	اهين بجره سبد المرسلين	۱۳	=

صحيح	غلط	صفحہ سطر
<p>جا فغالی او غرادی روزگار خلائق لاری خاطر لاری دین معو و فراموش بولغان و ابتداء زمانه لاردل آینه لاری دین چیتیب وحشی و طیران اولغان قصه لاری کم جهانسوز و حکایه لاری کم جگر سوز ایردیلار جمع لاب و جو غلاب بو اوراق صفحہ سی و حصار قلعه سی ایجره محکم و استوار ایلاب نمونه و یاد کار انما کلیلک کا قصه ایتیب شروعیغه قدم قویوب قلم سوردوم بمنه و فضله و کرده و علیه المستعان .</p>		
<p>اولقی داستان اول کریم کار ساز و رحیم بنده نواز اوز فضل کرمی برله اسلام آفتابی شعاعینی کوجا شهری اوزره طلوع ایتکانی وراش الدین خواجه خان لیق تخت و مسندیدا اولتور غانی و مغرب مشرق</p>		

صحيح	غلط	سطر	صفحه
حدى كالىشكر مانكدورغانى وبو آرادە بولغان واقعهلار بيانى قصه غريب و عجيب و حكايه دلفريب كيم بوفلك بوقلمون و جرخ وارثكون هر زمانده بر تفرج و آلتين اوستون وهر آواندا بر تعجب هنكامه واويونلارنى باشلاب پادشاه عظيم الشانلارنىنىك دولت و حشمتلارنى فراكنده فقرا ورعيه لارنىنىك امنيت وجمعييت ليكنى تفرقه قيلماقلارى بو دهرنا فرجامنىنىك قديم الايامدين قيليب كلكان عادة قديمهسى دورلار ايشتماك كرككم اول خالق هژده هزار عالم و حكيم غفار الخ ايديلار بولغانلارىدين راش الدين خواجم شيخ بولوب بلند اواز اوچون بيزلار غزات انا ولا غير			
	ايديلار	۱۴	۴۶
	بولغانلاردىن	۲۱	۴۷
	راش الدين شيخ	۱۵	۴۸
	بولوب آواز	۵۶	۵۵
	اوچون غزات	۲۲	=
	انا ولا غير	۸	۵۱

صفاحه	سطر	غلط	صفاحه
=	۱۹	شورغان	شپورغان
۵۷	۱۲	تارماقغه	بارماقغه
=	۲۵	سیا	سپاه
۵۸	۸	خطای	خطای
۵۹	۱۵	وقسم	بو قسم
۶۵	۲	قویوب - ۲ مرتبه	قویوب
=	۶	زیب بنجوسنک	زیب لنجوسنک
۶۱	۳	کوچکن	کوچمن
=	۱۲	عرضه	عرضه
=	۱۳	باشقه	باشقه
=	۱۴	زیاده	زیاده ایدی
۶۲	۴	کلکم راع	کلکم راع و دستمؤل تن رعیتنه
=	۵	بر قویبچی	هر قویبچی
۶۳	۱۶	کرامینی	کرا دیز
۶۷	۲۵	حضرت لاریدین	حضرت لاریدین
۶۹	۱۱	شجاعت لاری	شجاعت لاری
=	۲۱	اولنورغوزدی	اولنورغوزدی
۷۵	۲۵	کداز	کداز
۷۱	۱۱	چزم	چزم
=	۲۵	نغمه جلا دوسه کا	نغمه جلا ووسه کا
=	۲۱	غبرا فلک	غبرادین فلک

صحيح	غلط	سطر	صفحه
جلاد	جلاو	۱۷	۷۳
توتى الملك	توتى الملك	۱۱	۷۴
بئرا لايه فقد وقع	بئرا فقد وقع	۱۳	=
فرقه لار سلوكى	فرقه لا سلوكى	۴	۷۶
ينھلم	يھلم	۹	=
يولخظ	بولخظ	۱۸	۷۷
قرى	قارى	۲	۷۹
فيها	فبھا	۷	=
سوزنى	سوز	۲۵	=
يغلاب	يالاب	۱۴	۸۱
فايض الانوارغه	فايض الانوررغه	۱۳	۸۲
باياغى	باغى	۱۶	=
حضور	خضور	۲۱	۸۳
تيكانين كوكارتى	تيكانين ساچتى وكوركاتى	۲	۸۵
كاربارى	كابارى	۳	=
ولى	والى	۱۴	=
برادمغه فرمان بردار	برادمنى فرمان بردار	۱۱	۸۷
فيها	فبھا	۱	۸۸
روشن وهويدا	روشى هويدا	۷	=
بيكلار	بيكلار	۱۵	=
اتفاق	اتفاق	۱۱	۸۹

صفحہ	سطر	غلط	صحیح
=	۱۶	سرعت	سرت
۹۵	۱۲	اوزلارینی	اوزلاری
۹۲	۱۱	بھاری	بھادری
۹۳	۱۱	اروچی	ارومچی
۹۴	۲۳	اچیلدی	آچیلدی
۹۶	۶	ایروچی	یولچی
=	۱۲	لاریداکی شانک	لاریداکی وی شانک
=	۲۵	مھادر	بھادر
۹۷	۱۴	می می چی خوجہ	می می جی خویجا
۹۸	۸	تافغانی	تافغانی
=	=	قولانی	قولاقی
۱۰۰	۶	ایلادیلار	ایلاسه عجب ایماس
=	۱۶	شھرکا کافر مشرک	شھر کافر مشرک
۱۰۲	۲۳	باشر	مباشر
۱۰۳	۱	ایدیتکیز	ایدینکیز
۱۰۴	۱۶	علی خلفہ	علی خلفہ غہ
۱۰۶	۹	عہد ضمان	عہدہ فیمان
۱۰۷	۱۳	اقتاب	اقتاب
۱۰۸	۴	وقیشلاریدا	وقشلاق لاریدا
=	۱۵	سفور بیک غہ	سفورکی بیک غہ
=	۱۸	چیدوق	جیدوق

صحيح	غلط	سطر	صفحه
لو كجين ليك نينك	لو كجين نى	۲۱	۱۰۹
قاسم جنكى غازى	چنكى غازى	۲۱	۱۱۰
ييلدا بر نوبت	ييلدا نوبت	۱۶	۱۱۳
ويرانه ده صدا بركان	ويرانه ده بركان	۸	۱۱۵
ظفر قرين غه	ظفرين غه	۱۱	۱۱۶
بو اون ايكى	بورون ايكى	۷	۱۱۷
ايديلار	آلديلار	۲۲	=
همراه	مچراه	۲	۱۱۸
شبخون	شبخون	۱۳	=
اوزهكان	بوزمکان	۷	۱۲۰
ثنا	بنا	۸	=
يار كند	تار كنده	۱۰	=
قىلغانلارنى	قىلغان لارى	۱۴	=
بارادورغانغه حد ياراسى	بارغانغه يار خدای	۹	۱۲۲
ادم لارىنى مو	ادم لارىنى	۲۲	=
براسيده	هراسيده	۱	۱۲۳
بر جيدا	بر بر جيدا	۴	=
اوزيمزنى سوراييميز	اوزومزنى سوراييميز	۱۷	=
مولانا عرش الدين	مولا عرش الدين	۵	۱۲۴
سيفيب	سغيب	۷	=
بر جفت نان	بر جفت برنان	۱۵	=

صفحه	سطر	غلط	صحیح
۱۲	۱۸	واوزلارینی	واوزلاری
۱۲	۱۵	زاده غه	زاده عزه غه
۱۲	۱۵	قندلات	قندلات
=	۱۱	وخیال بولمادی	وخیال بولمای
۱۲	۱۸	حام الدین خواجه داخل بولدی توره	حام الدین خوجم توره
۱۳۵	۲	قبان	قبان
=	۳	اندجانلیق اولتوروب	اندجانلیق لارنی اولتوروب
۱۳۱	۱۱	بهادرلیق	بهادرلیق
۱۳۳	۷	پیشه قیلماق	پیشه کش قیلماق
=	۲۳	فخواسیغه	فخواسیچه
=	=	لار اوزلاریکا	لار قیلیب اوزلاریکا
۱۳۵	۱۴	شعله نی اورغالی	شعله اورغالی
۱۳۶	۳	اما بخاری	اما امیر بخاری
۱۳۷	۱۴	درلیک	ورلیک
=	۱۵	بی فردا	بی فروا
=	۲۲	دایکیر	دلکیر
۱۳۸	۲۳	عریضه قوشبکی	عریضه قیلیب قوشبکی
۱۴۲	۲۳	قوشبکی کا بوناسیکا	قوشبکی یوناسیکا
۱۴۸	۲۵	قوشونلارغه اولاشتی	قوشونلار قوشبکی غه اولاشتی
۱۴۹	۷	قیلدینکلا دیب	قیلدینک دیب

صحيح	غلط	سطر	صفحه
باشليغ كنه	باشليغنى كنه	۸	=
قورچى	قورحى	۱۱	=
مور ملخ	موملخ	۹	۱۵۳
قوشون نصرت نمون لار بلند	قوشون نصرت نمون قرين لاركا بلند	۱۴	=
بخت بيدار ياركند	بخت ياركند	۱۴	۱۵۵
ايلاديلار	يلاديلار	۲۲	=
ياشى	باشى	۱۶	۱۵۶
شعبده	شعبده	۲۱	=
لاريكا قوبوب قول	لاريكا قول	۳	۱۵۹
قوفوب	قوقوب	۶	۱۶۰
اما بر زداندا	اما زداندا	۲	۱۶۸
بولغاي لار	بواغان لار	۳	۱۷۱
علماء معبر	علماء معتبر	۸	۱۷۲
عذاب اليم	قضاى اليم	۶	۱۷۴
دهول	وهول	۷	۱۷۵
كنهسى	كنهسى	۱۲	۱۷۶
جانىنى جايلاب هر طرفيكا	خانىنى هر طرفيكا	۲۰	=
قلمين	قيلماين	۸	۱۷۷
كېمخواب	كېمخواب	۲۱	=
قوشنامى	قوشنامى	۸	۱۷۸
اليب باريب حضرت	اليب حضرت	۱۱	=

صحيح	غلط	سطر	فچه
اوزلاريغه	ازلاريغه	۱۳	=
قويديلار	قويديلا	۲۰	=
شوقوم	مشوقوم	۶	۱۸
حقارت	جيقاريب	۱۲	=
خانهغه	خواهغه	۱۷	=
صدقه	صقه	۶	۱۸
كچهدا	كچه كچهدا	۱۲	=
ايباريب	باريب	۱۷	۱۸۱
ايلاب	البب	۲۲	=
اجلال	احلال	=	=
لازيمي	لازيچي	۱۱	۱۸۲
تبرداني	تبرداني	۱۳	=
زورلوق	زوريوق	۲۰	=
انابت و انقياد لارينى تازه ايلاديلار ﴿		۶	۱۸۵
پادشاه لارغه كر ككم ملازم خذ منكار لار			
تعدى و كناه لارينى سهل جاغلاب			
سياسست دا اولتور غوزماسه لار			
باشقه لاريكم كته و امر عظيم ايشلارغه			
متصدى و موكل دور هضمون البب			
حكوهت شيرازه سى سست لوقغه			
ويورت دارليق اندازه سى بوشلوقغه			

صفا	سطر	غلط	صحيح
			يوز ككتوروب رعايا احواليدىن ضبط
			وانتظام قوزغاليب كىتسە لاركىن اوز
			جاى ومركزىغە اليب كىماك لىك
			تدبىرى دا البه عاجز وقاصر كلكو-
			سىدور خلىص كلام بو كىم بو ايام
			دولت انتظام الخ
۱۸۶	۶	لاىچە	لارىچە
=	۱۱	ترىب	ترىتىب
=	۱۵	خافان	خاقان
=	۱۹	وتەين	يەقىن
=	۲۱	الته تنكه	الته مىنك تنكه
۱۸۷	۳	شريفنا	تشرىفا
=	۱۵	من بو	من هم بو
۱۸۸	۱۳	ارولانى	اردلانى
=	۱۸	تونوب	تونوب
۱۸۹	۱۹	قوشتىلار	توشتىلار
=	۲۱	بهادرغه	بهادرلارغه
۱۹۱	۱	توان	تون
=	۳	مايوز	يانور
=	۴	وقالغان بارحا كىم	وقالغان حاكم
۱۹۶	۱	اقسولوق نورم	اقسو اولوغى نورم

صفحہ	سطر	غلط	صحیح
۱۹۷	۴	سرفا	سروپا
=	۱۷	توفوقاق	توفاق
=	۱۸	ناشتالیق	ناشتالیق
=	۲۵	بر منزلغہ	هر منزلغہ
۱۹۹	۱۵	چار	چادر
۲۰۰	۲۱	شہردین چیقیب	شہر یغہ
۲۰۱	۶	نمونلارغہ	نمونلارغہ
=	۱۷	تمان	یمان
۲۰۲	۸	وید	ویدو
=	۸	کنہ کار	کنہ کار
۲۰۳	۲۱	نن سن دہ یاتقان	نن سن کا یانغان اسم موضع
۲۰۷	۱۳	ویانجی	دابانجی اسم شہر
=	=	ہمہ قوشوب	ہمہنی قوشوب
۲۰۹	۲	یاعزلیق	یاغلیق
=	۲۵	لارنی یولغہ	لارنی الیب یولغہ
۲۱۱	۱۵	ونخت	ونخت
=	۱۵	قالقی دیکان	قالقی مان دیکان
۲۱۲	۱۲	اوتکاندین	اولکاندین
۲۱۳	۳-۲	یوز اش	یوز باشی
=	۴	نصرت	نصرت
۲۱۴	۱۷	قیروز	فیروز

صحيح	غلط	سطر	صفحه
قەلب	قاليب	۲۵	=
خاتون	خانون	۹	۲۱۶
بارغانلار يىدا	بارغانلار يىن	۱۵	=
باش	باش	۲۱	=
تونكانى	تونكانى	۳	۲۱۷
عامل	عايل	۸	=
لار روح	لار وواح	۹	۲۱۸
امر	امير	۱	۲۱۹
آچسانك	احسانينك	۱۷	=
نهنك يلى	نينك يلى	۱۲	۲۲۰
اليب كليب	اليب كلسا	۱۳	۲۲۱
قالما ديلار	قبالماديلار	۱۸	=
يوركان ايدى	يوركان ايكان ايدى	۳	۲۲۲
يوفيدا	بوفيدا	۵	=
كنه يوكنى	كنه يونى	۸	=
بيور	بيور	۲۱	=
والله بيك	دامله بيك	۹	۲۲۴
داكو جونكزا	داكى جونك	۱۴	=
ضايغ	ضايغ	۱۷	=
باقيش	ماقيش	۲۲	۲۲۵
تقدير غه	تقدير يغه	۹	۲۲۶

صحیح	غلط	سطر	صفحه
ساقلاغای	ساقلاغانی	۱۳	=
وتورم	وتوزم	۱۹	=
لاریغه الیب کوتاریب	لاریغه کوتاریب	۱۱	۲۲۸
بر طرف	یر طرف	۳	۲۲۹
آتش	ایش	۵	=
طریقہ	طریقہ	۹	=
هر زماندا	بر زماندا	۳	۲۳۰
شست	نشست	۵	۲۳۱
نوش	توش	۶	=
باعث	باش	۱۰	=
بلکه	بلکه	۲۰	=
شکسته	سکینه	۳	۲۳۲
کاروات	کان	۱۵	=
کم قوشون بیلان	کیم قوشون بیلان	۲۰	=
متشرع	منشرع	۱۴	۲۳۴
ینہدم	یہدم	۲۰	=
کانای	کانانی	۹	۲۳۶
باقی لسان صدق	باقی انکه لسان	۱۳	۲۳۷
نمودہ انکہ	نمودہ	۱۴	=
ملاطفہ	ملا حلفہ	۱۵	=
نام بعز عرض	نام بعرض	۱	۲۳۸

صحيح	غلط	سطر	صفحه
بعز	بغير	۲	=
يد در احسن	بداد در حسن	۴	=
مشرق تافيب باعث	شرف باعث	۲۳	=
ايز ديب	اثير ديب	۱۵	۲۳۹
بساطه	بسا	۱۱	=
موندین	موندین	۱۶	=
قبلانيب	قيليب	=	=
عسل هری	عسل زهری	۲۱	=
بولغاندين کين ذميه	بولغاندين ذميه	۱	۲۴۵
وغوراب	دغوراب	۲	=
بر لذتی	لذتی	۳	=
کنه	کنه	۲	۲۴۱
ایلکریکی	ایلکریکی	۶	=
جزانه کا	جفرانه کا	۱۴	=
بش یوز	تابش یوز	۳	۲۴۲
ساتیب	يساتیب	۱۲	=
نینک	يك	۱	۲۴۳
تنکه	تنکه	۳	=
سلکیده	مسلكیدا	۸	=
فعل خوبیلاری	فعل خوبیلارنی	۹	=
کارنای	نای	۲۵	۲۴۴

صحيح	غلط	سطر	صفحه
كجرفتار	كجرفتا	۲۰	۲۴۵
كورلانى	كورلارنى	۴	۲۴۷
كچيك	لچيك	۱۵	=
اونكو دىكان	براونكو دىكان	۲۰	=
روبرو بو-	وبرو بو	=	=
قمبر	قجر	۲۳	=
تورمى الب	تورم الب	۱۰	۲۴۸
وعلى بيك	اوغلى بيك	۱۶	۲۴۹
بولاب كنىلار	بولار كنىلار	۷	۲۵۰
آيكولدين	ايكويدين	۱۳	=
چقارمن	چقارمن	۱۷	=
مجتىنى محو	مجتىنى محو	۲	۲۵۱
تونكانى لار الدى وتونكانى لاردىن خطايلارغه اوتتى ❁ خالص كلام بو كىم بو دنيا بر كىپير زالى دور اما اوزلارنى بر جوان بر ناوخوش نما ظاهر كورساتىب هر كونى بر كيونىنك كردنلاريفه قول اوزاتىب قوجاقيفه الادور وبر هر يفى دور كم هر كىچه دا برا برىنك مهر مجتىنى غه دلبنى برادور وسلطنت سعادت شادپانه لارنى		۱۴	۲۵۳

صحيح	غلط	سطر	صفحه
هر زمان بر بولك بردا اورادور			
وسلطنت خطبه سینی هر جمعه برادم			
اسم ونام لاریغه اوتویدورلار القسه			
اما نیاز حاکم بیک اقسودین الخ			
کریه ونی به ایکی شهرننک اسمی	کریه وینه	۵	۲۵۴
کریه ونی به			
زباده مظفر زبا اسم شهر دور	زیاد مظفر	۷	=
وینه زباداکی	وینه زیادکی	۱۰	=
برنچند	درنچند	۱۷	=
بولوب	تولوب	۱۳	۲۵۵
کلکاندین کین سعید	کلکاندین سعید	۱۵	=
یولغه کردی وپا	یولغه وپا	۹	۲۵۶
نشانه لار	نشالار	۴	۲۵۸
الصحة	الصحة	۸	۲۵۹
بارماغایمن	بارغایمن	۱۹	=
یکرمه	سکز	۷	۲۶۰
ییل غچه	ییل غه	=	=
وزنی یوز	وزنی یوز یوز	۱۶	=
بردا	بردا	۱۰	۲۶۱
توفه	توفه	۱۵	=
تیکن غچه	تیکن وتکن غچه	۲۱	=

صفحہ	سطر	غلط	صحيح
۲۶۲	۱۴	عذر	عذر
۲۶۳	۳	عنايت کلماك	عنايت نامہ کلماك
۲۶۴	۱۲	چريکي برادور	چريکي کا برادور
۲۶۵	۳	وبيراق	وبيراق
=	۱۲	بو قسمت	بو قسم
۲۶۶	۲۱	بثرا فقد وقع	بثراً لاخيه فقد
۲۶۷	۳	بر	بر
=	۸	کويابيك	کويابويک
=	۱۵	ايتقان لار	ايتقان ايکانلار
=	۲۵	کفرانه	کفرانه
۲۶۹	۲۲	جاني ليق	جانی ليق غه
۲۷۵	۱۶		وشمة حالاتی بیانی ﴿﴾ دانای زمان وافاضل دوران سخن سنجان وموزون طبعان لار ضمير ازهان لاریغه مخفی وکتمان قالماغایکم بویته شهرادات قلمر ویدامز عالی درجات لار الخ
۲۷۱	۷	تن اوتاد	تن فی اوتاد
=	۱۹	ینکورادور	ینکورادور
۲۷۲	۲۲	شافه	شافه
=	۲۳	غوثیه	غوثیه
۲۷۳	۲۳	بلا	ملا


صحيح	غلط	سطر	صفحة
يته	يته	۷	۲۷۴
وايشخانه	وايشخانه	۱۳	۲۷۷
سونك	مونك	۲۳	=
عاقبت	عاقبت	=	=
تيج	تيج	۱۸	۲۷۸
يوز سر	يوز سكر	۱۳	۲۷۹
لارى برله	لار برله	۲۵	=
باشلاريني	باشلاريني	۱۹	۲۸۵
قبسى قراول وقبسى دايبان	قتى قراول وقتى	۲۱	=
تفرج	تفرج	۲	۲۸۱
برنى	برنى	۱۶	=
كوماديدا	كوباديدا	۷	۲۸۳
نانوان	نانوان	۲	۲۸۶
اباء	اباء	۱۴	=
نچند	نچند	۱۷	=
بو	بو	۶	۲۸۷
خطاى	ختا	۱۵	۲۸۸
شيخ الاسلام ليق	شيخ ليق	۱۸	۲۸۹
مطابق	مطابق	۴	۲۹۵
مهرلوق	مهر توقا	۸	=
بر كمتريين	بو كمتريين	۲۵	=

صفحہ	سطر	غلط	صحیح
=	۲۲	متعین	دعین
۲۹۱	۴	بارب	باریب
=	۱۵	جرمغہ	حرمغہ
=	۱۷	مجرمتہ	بجرمتہ
۲۹۲	۱۶	دیر	دین
۲۹۳	۲	زیر زمین دین	زمین دین
=	۱۳	جونکنانک	جونکنانک
=	۱۷	اولوغی نینک	اولوغ خان نینک
=	۲۲	اما پیام	انا پیام
۲۹۴	۱۷	قمولغہ وطن	قمولدا وطن
=	۲۵	بو پادشاہ	لو پادشاہ
=	۲۱	توتی	قوتی
۲۹۵	۲	سبزلار	سبزلار دیب
=	۱۱	قاشقال	قاشقال
=	۱۵	لوینک اوچو	لوینک چو
=	۱۶	قاشقال	قاشقال
=	۱۷	چربک	چریک
=	۲۳	بہاہر	ظاہر
۲۹۶	۹	بی	فی
=	۱۶	تعرض	تعرض
۲۹۷	۲۲	وبال بولمایدور دیدیلار	وبال بولماہدور دیدیلار

صحيح	فلم	سطر	صفحة
اوشبو	اوشبو	۵	۲۹۸
اندازه	اندازه	۸	=
عباس	عباس	۲۱	=
تابعين	تابعين	۱۸	۲۹۹
بو	بو	=	=
ادم بولوب	ادم اولوب	۲	۳۰۰
طريقه دا	طريقه دا	۱۴	=
بيكارغه برسە	بيكارغه برسە	۱۹	=
مخلوق	مخلوق	۲۱	=
چين	چين	۱۰	۳۰۲
نور بي فتور	نور بي فتور	۱۹	۳۰۳
برايالارغه	برايالارغه	۶	۳۰۴
قرض	قرض	۱۵	=
كمال قدرتينك	كمال وقدرتينك	۱۶	=
كتابلاريدا	كتابلاريدا	۱	۳۰۵
بو كيم	بو كيم	۲	=
چوچك	جونك	۶	=
بوخلود	بوخلود	=	=
هر هفته	بر هفته	۱۸	۳۰۶
ذات	ذات	۳	۳۰۷
بن	بن	۱۳	۳۰۸

صفحہ	سطر	غلط	صحیح
۳۰۹	۱	وبولوجه	وبولوجه
=	۷	يكانلار	ايكانلار
=	۱۸	بي دين	بي دين
=	۲۳	مقيم عه	سقيم عه
۳۱۰	۲۲	وما الحيوة	وما هذه الحيوة
۳۱۱	۱۱	بر ادم	هر آدم
=	۲۱	متدين بي باك	متدين كافر ظالم بي باك
۳۱۲	۱۱	رضى الله عنه	رضى الله عنه نينك نبيره
۳۱۳	۱	قريش سيد المرسلين	قريش سيد المسلمين
=	۱۴	بولغان	بولمغان
۳۱۴	۱۶	وامير ضميره	وامير همزه
=	۲۵	اويقوغه	اويقوتمه
۳۱۵	۱۹	عيسى سراجى	عيسى خواجه سبرامى
=	۲۲	اول شريف صحبتى	اول ذات شريف صحبتى
۳۱۶	۲۲	بر نغار	بر تغار
=	۲۳	زمين نى كوكاريب	زمين دا كوكاريب
=	۲۵	بزله	برله
۳۱۷	۸	بولرب	بولوب
=	۹	ابماس	ايماس
=	۱۸	توغلوف	توغلوق
۳۱۸	۲۱	بيلان	بيلان
۳۱۹	۲۲	توخى	توشقان
۳۲۰	۵	حرف پر يشان	حروف پر يشان
=	۱۵	از تحال	ارتحال
=	۱۷	والصرط	والصراط
=	۲۳	ملائكه	ملائكتك
=	۲۷	زينكه	زانكه

تمت تمام



۲۳۱۳

Дозволено цензурою. С.-Петербургъ, 13 октября 1904 г.



ТААРИХ-И ЭМЭНІЕ.

ИСТОРИЯ ВЛАДѢТЕЛЕЙ КАШГАРІИ.

СОЧИНЕНІЕ

МУЛЛЫ МУСЫ, БЕНЪ МУЛЛА АЙСА, САЙРАМЦА.

ИЗДАННАЯ

Н. П. Пантусовымъ.



КАЗАНЬ.

**Типографія Императорскаго Университета.
1905.**



14499.2.24

ТААРИХ-И ЭМЭНІЕ.

ИСТОРИЯ ВЛАДѢТЕЛЕЙ КАШГАРИИ,

СОЧИНЕНІЕ

МУЛЛЫ МУСЫ, БЕНЪ МУЛЛА АЙСА, САЙРАМЦА,

ИЗДАННАЯ

Н. П. Пантусовымъ.



КАЗАНЬ.

**Типографія Императорскаго Университета.
1905.**

14499 n 24

